

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ

ՀԱՅՈՑ ՊԱՏՄՈՒԹՅԱՆ
ՀԱՐՑԵՐ
7



ԵՐԵՎԱՆ 2006

997.925

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ**

**NATIONAL ACADEMY OF SCIENCES
OF THE REPUBLIC OF ARMENIA
INSTITUTE OF HISTORY**

**НАЦИОНАЛЬНАЯ АКАДЕМИЯ НАУК
РЕСПУБЛИКИ АРМЕНИЯ
ИНСТИТУТ ИСТОРИИ**

**ՀԱՅՈՑ ՊԱՏՄՈՒԹՅԱՆ ՀԱՐՑԵՐ
THE PROBLEMS OF THE HISTORY OF ARMENIA
ВОПРОСЫ ИСТОРИИ АРМЕНИИ**

**ԳԻՏԱԿԱՆ ՀՈԴՎԱԾՆԵՐԻ ԺՈՂՈՎԱԾՈՒ
A COLLECTION OF SCIENTIFIC ARTICLES
СБОРНИК НАУЧНЫХ СТАТЕЙ**

7

Ա. 91458

ԱՆՍՐՈՂ ԱՐՔ. ԱՇԵՅԱՆ
ՄԱՏԵՆԱՇԱՐ



ARCH. MESROB ASHJIAN
BOOK SERIES

15

Spiny

15

ԵՐԵՎԱՆ 2006



ՀՏԴ 941 (479.25)

ԳՄԴ 63.3 (23)

Հ 282

Ժողովածուն հրատարակության է հանձնարարել ՀՀ ԳԱԱ Պատմության
ինստիտուտի գիտական խորհուրդը:

Խմբագրական կոլեգիա՝

պ.գ.դ. Ա. Ա. Մելքոնյան (նախագահ)

պ.գ.դ. Է. Լ. Դանիելյան

պ.գ.թ. Կ. Դ. Խաչատրյան

պ.գ.թ. Ա. Ռ. Խոսրոնա

ՀԱՅՈՑ ՊԱՏՄՈՒԹՅԱՆ ՀԱՐՑԵՐ / Գիտական հոդվածների ժողովածու /.- Եր.:
Պատմ. ինստ., 2006,- 278 էջ:

ՀՀ ԳԱԱ պատմության ինստիտուտի «Հայոց պատմության հարցեր»
խորագրով գիտական հոդվածների յոթերորդ ժողովածուում զետեղված են
աշխատություններ, որոնք աղբյուրագիտական լայն հենքի վրա լույս են
սփռում Հայոց հին, միջնադարյան, նոր և նորագույն պատմության մի շարք
հիմնահարցերի վրա:

Ժողովածուն նախատեսված է պատմաբանների և հայագետների համար:

ԳՄԴ 63.3 (23)

ISBN 99941-991-3-7

ՀՀ ԳԱԱ Պատմ. ինստ., 2006թ.

ՀՀ ԳԱԱ Պատմության ինստիտուտն իր երախտագիտությունն է հայտնում Հայ-Ամերիկյան ընկերակցության կենտրոնի նախագահ, բարերար Օննիկ Սեիրաբյանին և ընկերակցության գործադիր տնօրեն Արսեն արք. Բերբերյանին ժողովածուի տպագրությունը հովանավորելու համար:

Institute of History of NAS RA expresses deep gratitude to the Chairman of the Center of the Armenian-American society Omik Mehrabyan and the executive Director Arsen Arch. Berberyan for sponsoring the publication of the Collection of the articles.

Институт истории НАН РА выражает благодарность председателю Центра Армяно-американского общества Оннику Меграбяну и исполнительному директору Арсену арх. Берберяну за осуществление издания сборника.

ՀԱՅՈՑ ՀԻՆ ՊԵՏԱԿԱՆՈՒԹԵԱՆ
ԿԱՌՈՒՑՎԱԾՔԻ ՀԱՐՑԸ

Ինչպես վկայում են շումերական, աքքադական և խեթական գրավոր աղբյուրները, մ.թ.ա. III-II հազարամյակներում Հայկական լեռնաշխարհում և Միջագետքում կազմավորվել են քաղաք-պետություններ: Այդպես էին Միջագետքում պատմական ասպարեզ մտել Շումերի և ապա Աքքադի թագավորությունները:

Նույն ձևով մ.թ.ա. II հազարամյակի երկրորդ քառորդում խեթական թագավորությունն է ձևավորվել կենտրոնական Փոքր Ասիայում:

Կարծում ենք այդ գործընթացն արագացել է որոշ երկրներում նաև հարևան ցեղերի հարձակումների հետևանքով: Դա պատճառ է դարձել որպեսզի քաղաք-պետություններն ինքնապաշտպանությունն անպատակով կամովին միավորվեն ու ստեղծեն պետություն:

Խեթական սեպագիր աղբյուրն են առաջին անգամ մ.թ.ա. XV դ. վերջին վկայում են Ճորոխի ավազանում պատմական ասպարեզ մտած Հայասա պետական կազմավորման մասին, որո աստիճանաբար իր կազմի մեջ է ընդգրկում վերին Եփրատի և Արածանիի ավազանների գավառներն ու նահանգները: Դա, կարծում ենք, տեղի է ունեցել կամովին, քանի որ խիստ կարիք է զգացվել երկիրը պաշտպանել արտաքին թշնամիներից:

Խեթական թագավոր Արնուվանդաս III-ը (մ.թ.ա. XIII դ. վերջին քառորդ) մի դաշնագիր է կնքել Դուկամա քաղաքի (Ազի երկիր՝ Ճորոխի ավազան) առաջնորդ Ախիայի հետ:

Այդ վավերագրում պատմվում է, որ Արնուվանդասը նվաճել է Իսուվա (Արածանիի ստորին ավազան), Պախուվա (Դերսիմից մինչև Բյուրակնի լեռների արևելյան լանջերը ներառյալ), Մուխամ (նույն լեռների արևելյան և հարավային շրջաններ) և Կուամխա (Եփրատի ոլորանից մինչև ակունքներ) երկրները:

Նա պայման է առաջարկում Ախիային, որ եթե այդ երկրներն ապստամբեն Խտտի պետության դեմ, ապա վերջինս

պարտավոր է ճնշել նրանց ռադմական ընդվզումները: Խատիի թաղավորն ավելացնում է, «[Եթե] ձեր բերանը բացվում] և [ձեր] տոհմակիցին, ցեղակիցին [չեք սաստում, ապա կդառնաք թշնամի Խատիի թագավորի համար]»:

Բերված տեքստը վկայում է, որ թվարկված երկրների բնակչուկթյունը Ադի երկրի առաջնորդի ցեղակիցներն են: Ուրեմն Ազին (ձորոտի ավազան) և դրանք միևնույն էթնոսն են ներկայացրել: Սակայն միևնույն ժամանակ ըստ վավերագրի վկայուկթյան Իսուռա, Պախուվա, Կումախա և Մուխմա երկրների Առաջնորդներն Ադիի տիրակալի տոհմակիցներն են:

Կարծում ենք, որ այդ երկրների ղեկավարները սերված են եղել Ադիի արքայատոհմից: Այսինքն նրանք Հայասա թագավորուկթյան արքայազներ են, որոնց նախնիները նշանակվել են ղեկավարներ նշված երկրներում:

Այդպես է եղել նաև Խեթական Հին թագավորուկթյան ժամանակաշրջանում /մ.թ.ա. XVI դ./: Դրա վերջին տիրակալ Տելեպինուսը իր մի վարերագրում պատմում է Խեթական Հին թագավորուկթյան ժամանակաշրջանում տիրած յոթ թագավորների և նրանց կատարած գործերի մասին սկսած Լաբարնասից մինչև իր ժամանակը:²

Խեթական պետուկթյունը ստեղծվել է Լաբարնասի կողմից, որի անունը դարձել է տիտղոս նրան հաջորդող բոլոր տիրակալների համար: Լաբարնասի մասին նշված փաստաթղթում դրված է, որ նրա որդիները, եղբայրները, տոհմը, ցեղը և բանակը միասնական էին: Դրա պատժառուվ էլ նա հաջող նվաճումներ է կատարել և Խատիի համար ծովերն է դարձրել սահման (նկատի ունի Սև և Միջերկրական ծովերը): Լաբարնասի որդիներն էին ղեկավարում Խատիի Խուպիսնա, Տուվանուվա, Նենասա, Լանդա, Մալարա, Պարսուխանդա, Լուսնա և այլ երկրներում:³

Պարզ է դառնում, որ Լաբարնասն իր որդիներին է հանձնել նշված նահանգները:

Այս բոլորը հուշում է, որ Հայասայի առաջին տիրակալ Մարիան նույնպես, որի անունը դարձել է տիտղոս նրան հա-

¹ Keilschrifturkunden aus Boghazköi (=KUB), Berlin, 1920-1986, 1-XXX, XXIII, 1, 11, 36-41.

² Keilschrifttexte aus Bogazköi (=KBO), Leipzig, 1921-1980, 1-XX, III, 1, 1, 142 + 11, 1-41.

³ KBO III, 1, 1, 1-10.

Գորգող բոլոր թագավորների համար⁴, իր որդիներին նշանակել է նախարար Իսուվա, Պախուվա, Մուխմա, Կումախա /բարձր/ նահանգներում, որպեսզի իր թագավորութունը միասնական և ուժեղ դարձնի:

Բնական է, որ այդ նախարարների ժառանգները հաջորդականությամբ պետք է իշխելիս լինեին նշված վարչական միավորներում: Ժամանակի ընթացքում նրանցից ամեն մեկն իր որդիներին պետք է դարձնեի գավառապետեր: Դրա մասին վկայում են մ.թ.ա. XIII դարի ասուրական արձանագրութունները:

Հայասա թագավորութունը ևստի տիրակալ Թուղխալիյաս IV-ի ժամանակ /մ.թ.ա. 1234-1211թթ./ ընդգրկում էր Հայկական Տավրոս լեռների, Եփրատ գետի և Սև ծովի միջև ընկած տարածքները:

Նրան ժամանակակից Ասորեստանի արքա Թուքուլթի-Նինուրտա I-ը մ.թ.ա. 1233 թ. ձեռնարկում է արշավանք դեպի Հայկական լեռնաշխարհ: Այդ առիթով նա իր վավերագրերում նշում է, որ Նաիրի 43 թագավորներ իրենց միասնական զորքով դուրս են եկել իր դեմ⁵: Վերջինիս հիշատակած Նաիրի երկրները ըստ նրա սեպագիր արձանագրութունների ընձեռած տվյալները նույնպես գտնվել են Հայկական Տավրոսի, Եփրատ գետի և Սև ծովի միջև: Դա հաստատում է, որ խեթա-կան սեպագիր աղբյուրներում հիշատակված Հայասա երկիրը Թուքուլթի-Նինուրտա I-ը վկայում է Նաիրի անունով: Վերջինս ասուրերեն բառ է և նշանակում է «լեռնային երկիր»: Կարծում ենք, որ նշված տարածաշրջանի Իսուվա, Պախուվա, Կումախա, Մուխմա և Ազի երկրների առաջնորդները իրենց որդիներին դարձրել են գավառապետեր: Եվ դրանց բոլորին, որոնք սերված էին Հայասայի արքայատոհմից, Ասորեստանի տիրակալը համարում է թագավորներ:

Որոշ մասնագետներ, նկատի ունենալով, որ Նաիրին աշխարհագրական անուն է, կարծում են, թե այն չի կարող փոխարինել Հայասային: Այդ դեպքում ինչպես է լինում, որ աս-

⁴ Хачатрян В.Н., Мария-титул хайасских царей, Древний восток, N 5, Е., 1988, с. 57-62.

⁵ Дьяконов И.М., Ассиро-вавилонские источники по истории Урарту (АВИИУ), Вестник древней истории, Москва, 1951, N 2,3,4, текст N 6.

⁶ Хачатрян В. Н., Хайаса и Наири, ЛՅԳ., Ե., 1973, N11, էջ 37-47:

սուրական թաղավորները հետագայում այգ Նաիրի տերմինով կոչելու են նաև Ուրարտուն, վերին Տիգրիսի արևմտյան ավազանի Իյիթ-Չամանի (Դիյարբեքիլի շրջան), Խուբուշկիա (Վանա լճի հարավ-արևմտյան ավազան) երկրները: Դիչ չեն փաստերը, երբ աշխարհագրական անունը փոխարինում է էթնիկ տերմինին և հակառակը:

Ինչ վերաբերում է Նաիրիի տվյալ դեպքում հոգնակի թվով կիրառությանը, ապա այն հիշեցնում է խեթական տեքստերում հաճախակի հանդիպող Խատի թագավորության անունը, որը շատ դեպքերում հանդես է գալիս հոգնակի ձևով: Դա ցույց է տալիս, թե նրա կազմի մեջ մտել են մի շարք նահանգներ ու գավառներ:

Վերը նշված մեր տեսակետն այն մասին, թե Թուբուլ-թի-Նինուրտա 1-ի հիշատակած Նաիրի երկրների 43 թագավորները ներկայացնում են Հայաստի տիրակալին և նրա տոհմից սերված նահանգապետերին ու գավառապետերին, հաստատվում է նաև Մովսես Խորենացուն հասած տվյալներով: Վերջինիս հաղորդումների համաձայն Հայոց առաջնորդ Հայկ նահապետի ախոյանը Ասորեստանի տիրակալ Ներբովթն էր Բելլը: Նա առաջինն էր իր նախորդների մեջ, որը մուտք է գործել արշավանքով հայկական լեռնաշխարհի խորքերը: Աստուրական արձանագրությունների տեղեկությունների համաձայն Թուբուլթի-Նինուրտա 1-ն է եղել առաջին մուտք գործողը Արածանի դետի ավազան: Նրա անունը աստուր. նշանակում է «հզոր Նինուրտա», որը և հայ պատմիչի աշխատության մեջ ներկայացված է Ներբովթ ձևով:

Մովսես Խորենացին Ներբովթի դեմ կովի մասին գրում է, որ Հայկը հավաքում է իր որդիներին, թոռներին, քաջ աղեղնավորների և դիմավորում Ներբովթի բանակին երկրից դուրս գալու ճանապարհին՝ Վանա լճի արևմտյան ափին: Դա իր հերթին հաստատում է մեր տեսակետը, որի համաձայն Նաիրի 43 թագավորները Հայկազունյաց տոհմից սերված այդ ժամանակի նահանգապետեր և գավառապետեր են եղել:

Հայոց արքայազններին նահանգներ ու գավառներ բաժանելու գործընթացը շարունակվել է նաև հետագա դարերի ընթացքում:

Մովսես Խորենացու հաղորդումների համաձայն Արմենակը իր եղբայր Մանավազին հանձնում է Հարթգավառը

⁷ Մովսես Խորենացի, Հայոց պատմություն, I, ԺԱ:

(Արածանի դետի միջին ավազան), իսկ որդի Բագին տալիս է Բզնունիքը (Վանա լճի հյուսիսարևմտյան ափին առնթեր): Խոռին բաժին է ընկնում նույն լճից հյուսիս ընկած Խորխոռունիքը:

Արմենակը նախարարներ չի կարգում ոչ Մովքում, ոչ Բարձր Հայքում, ոչ Տայքում և ոչ էլ մնացած գավառներում, որտեղ արդեն վաղուց տիրում էին հայոց արքայազններ: Նա լրացման կարգով է իր եղբորը և որդիներին հանձնում նշված գավառները ավարտելով Հայաստանի արևմտյան շրջաններում վաղուց սկսված այդ գործընթացը:

Ինչպես գրում է Մովսես Խորենացին, Արմենակն այնուհետև իր տոհմով տեղափոխվում է Հայաստանի արևելյան տարածաշրջանը, բնակություն հաստատում Արադածոտն գավառում: Դա մեր թվագրմամբ տեղի է ունեցել մ.թ.ա. 1085 թ.: Նրա որդի Արամայիսը կառուցում է Արմավիրը և դարձնում մայրաքաղաք: Վերջինս իր որդի Շարային հանձնում է Շիրակը: Արամայիսիսց հետո Արմավիրում իշխում է Ամասիան, որն իր որդիներ Յուլակին և Փառոխին հանձնում է Մասիսի հյուսիս-արևելյան փեշերի Փառախոտ և Յուլակերտ բնակավայրերը: Նրա հաջորդը Գեղամը, իր որդի Հարմային թողնելով Արմավիրում, գնում է Սևանա լճի ավազան, դառնում այնտեղ նախարար և գավառը կոչում է Դեղարքունիք⁹:

Եթե նշված գավառների բնակչությունը հայ չլիներ, խաղաղ ճանապարհով հնարավոր է էր լինի, որ հայ թագավորներն այդ տեղերում նախարարներ նշանակեին: Դա հաստատվում է նաև նրանով, որ Մովսես Խորենացու այդ առիթով հիշատակած Հայաստանի արևելյան հատվածի տեղանունները պարունակում են հայերենի արմատներ ու ածանցներ¹⁰:

Հայ պատմիչը դրում է, որ նշված գավառներն ու նահանգները կոչվել են այդ տեղերում նշանակված արքայազնների անուններով¹¹:

Սակայն մեկ այլ առիթով նա նշում է, թե հայոց Վաղարշակ թագավորը, գտնելով Հայկի զարմից մարդիկ, նրանց

⁸ Նույն տեղում, ԺԲ:

⁹ Նույն տեղում:

¹⁰ Խաչատրյան Վ., Հայաստանը մ.թ.ա. XV-VII դարերում, Ե., 1998, Էջ 102-105:

¹¹ Մովսես Խորենացի, Աշխ. 1, ԺԲ:

Համար ստեղծում է նախարարություններ, որոնց կոչում է այդ զավատների անուններով¹²:

Մովսես խորենացու վկայությամբ Գեղամը իր որդի Ահուակին Հանձնում է Սիսական նահանգը մինչև Երասխ գետը: Գեղամի թոռ Գառնիկը ժառանգում է Գառնին, որի սերունդներից մեկը՝ Վարուժը, ստանում է Վարաժնունիքը: Վազարչակի օրոք Շարայի սերունդներից Գուշարը նախարար է դառնում Գուգարքում, իսկ Սիսակից սերված Առանը՝ Արցախում:

Այս վկայությունները ցույց են տալիս, որ նախարարական տների ստեղծման գործընթացը երկար է տևել: Կարծում ենք, որ բոլոր արքայազններն են դարձել նախարարներ: Գատեղի է ունեցել Հնարավորության սահմաններում լավագույնների ընտրությունը:

Այժմ անդրադառնանք մեկ այլ կարևոր հարցի քննությանը: Հին Հայաստանի նահանգներն ու գավառները նախքան Հայոց պետականության Հանդես գալն անշուշտ ունեցել են իրենց տեղական իշխանները, որոնցով դրանք կառավարվել և պաշտպանվել են:

Կարելի է կարծել, որ այդ վարչական միավորներն արտաքին թշնամուց ավելի հուսալի կերպով պաշտպանվելու նպատակով կամովին են ընդունել Հայոց արքայատոհմի ներկայացուցիչներին որպես իրենց նախարարներ:

Սակայն ինչպես են դա հանդուրժել տեղի իշխանները: Չէ որ դա բերում էր նրանց իրավունքների որոշակի սահմանափակումների:

Այդ հարցի պատասխանը մեզ տալիս են V դ. ավանդված Հայոց «Գահնամակ» և «Զորանամակ» փաստաթղթերը¹³:

Գրանցից առաջինը՝ «Գահնամակը», իրենից ներկայացնում է Հայոց նախարարներ և նրանց նահանգների ու գավառների անունները: Օրինակ՝ Սյունյաց տեր, Արծրունյաց տեր, Ծոփաց տեր, Ռշտունյաց տեր, Կասպից տեր և այլն: Նկատի ունենալով, որ Գահնամակ անունը (դրանք պարսկական արքունիքից սերված փաստաթղթեր են) նշանակում է «գահերի ցուցակ», պետք է եզրակացնել, թե դրանց տերերը՝ նախարար-

¹² Նույն տեղում, II, Ը:

¹³ Աղոնց Ն., Հայաստանը Հուստինիանոսի դարաշրջանում, Ե., 1987, էջ 280-283:

ները, սերված են հայոց արքայական տոհմից: Այդ պատճառով էլ նրանց պաշտոնը թագավորական է համարվել:

Նման մի ցուցակ մենք հանգիպում ենք խեթական սեպագիր աղբյուրներում, որի հեղինակը Տելիպինոս թագավորն է: Այդ վավերագրում թվարկված են Նատուսաս մայրաքաղաքի խեթական Հին թագավորութայն ժամանակ տիրած յոթ թագավորների և քսանվեց արքայազնների անուններ: Վերջին տեքստն ավարտվում է «ընդամենը 44 թագավոր» արտահայտությամբ: Տելիպինոսը, ինչպես երևում է տեքստից, նրանց բոլորի հիշատակին զոհեր է մատուցել:

Ստացվում է, որ խեթերը Նատի պետութայն բոլոր նահանգներում ու գավառներում իշխող արքայազններին թագավոր են կոչել:

Ջորանամակում նույնպես թվարկված են Հայաստանի նույն նահանգներն ու գավառները, սակայն տեղ բառը այնտեղ փոխարինված է իշխան տերմինով: Օրինակ՝ Սյունյաց իշխան, Մոփաց իշխան, Ռշտունյաց իշխան, Վանանդացի իշխան, Գնունյաց իշխան և այլն:

Նշված է նաև ամեն մի իշխանի կողմից դուրս բերվելիք զինվորների քանակը: Նկատի ունենալով այն հանգամանքը, որ «Գահնամակում» և «Ջորանամակում» քիչ շեղումներով թվարկված են Հայաստանի նահանգներն ու գավառները, կարելի է եզրակացնել, թե հայոց թագավորները նախարարներ նշանակելիս տեղերում թողել են իշխանական տներին նրանց հատկացնելով միայն ռազմական գործը: Բնական է, որ վերջիններս պետք է ազատվեին հարկ ու տուրքից, ունենային իրենց կալվածքները, որոնց եկամուտներով պետք է կարողանային զորախմբեր պահել ու վարժեցնել հարկ եղած դեպքում արքունի բանակին միանալու համար: Իսկ նախարարները պետք է ստանձնեին ներքին գործերը, սահմաններ կարգ ու կանոն, զբաղվեին հարկ ու տուրքի գործերով և այլն:

Այսպիսով, Հին Հայաստանում պետականություն ստեղծվելուց սկսված ավելի քան երկու հազար տարի շարունակ հայոց արքայատոհմը լեռնաշխարհի հայաբնակ նահանգներն ու գավառները բաժանել է արքայազններին որպես նախարարություններ: Դա կատարվել է պետութայն միասնակա-նությունը ապահովելու նպատակով:

¹⁴ КИВ, XI, 4,7,8,9,10,11.

THE PROBLEM OF THE STRUCTURE OF THE ANCIENT ARMENIAN STATEHOOD

Summary

The 3rd and 2nd millennia of the history of the countries of Western Asia were marked by the formation and development of the state systems in the Armenian Highland and Mesopotamia. This process was accelerated by the necessity of protection from the attacks of the neighbouring tribes. Therefore, it resulted in centralization of the political and economic power around the cities and towns which activated the emergence of the statehood.

The process of formation of the Armenian statehood is attested by the archeological data, the Hittite and Assyrian and other cuneiform inscriptions and early medieval Armenian sources, particularly, "The History of Armenia" by Movses Khorenatsi.

According to the Hittite sources, the Armenian state formation, the Kingdom of *Haiasa* (the end of the 15th -13th centuries BC) included the territory of the basin of the Tchorokh River (reaching the shores of the Black Sea), the Upper Euphrates and the valley of Aratsani (the Eastern Euphrates). Later the Assyrian sources mention the country-name of *Haiasa* in the form of the country-name of *Nairi*.

The Armenian royal dynasty during centuries distributed the regions of the Armenian Highland among the progenies of the royal family forming princely houses. Movses Khorenatsi preserved the Armenian toponymics which testify that Armenians had been the natives of different regions of the Highland and they had their Armenian local princes. Therefore, in the course of time they accepted peacefully the rule of the representatives of the royal family, which resulted in the formation of the *nakharar* (princely)

system. The names of the Haikid generations mentioned by Movses Khorcnatsi are identified with the names of the nakharar families.

According to the opinion of the article's author, all royal princes became nakharar-princes. It occurred through the election of the best ones and it is attested by the cuneiform sources of the period of the Kingdom of Haiasa. Its royal princes were appointed in different regions of the Kingdom where their ancestors ruled since ancient times. Thus the whole structure of the ancient Armenian statehood system was based on the aboriginal kinship. This fact is reflected in "The History of Armenia" by Movses Khorenatsi.

The author of the article supposes that the administrative units which had been ruled by the local Armenian rulers accepted voluntarily the rule of the representatives of the Armenian royal family in order to protect more safely their land. This policy was aimed at the guaranteeing of the Armenian state's unity.

ՀԱՅՈՑ ԿԱԹՈՂԻԿՈՍՈՒԹՅԱՆ ԴԱՎԱՆԱԲԱՆԱԿԱՆ
ԿԱԶՄԱԿԵՐՊՄԱՆ ԽՆԴԻՐՆԵՐԸ ԺԴ ԴԱՐԻ
ԱՌԱՋԻՆ ԿԵՍԻՆ

ԺԴ դարի առաջին կեսին Հայոց կաթողիկոսութեան Հետ ազերսվող կարևորագույն հիմնախնդիրներից մեկը դավանաբանական կազմակերպման հարցն էր: Բանն այն էր, որ Կիլիկիայի Հայաստանի պետական համակարգի մեջ ներառված կաթողիկոսութունը ի վիճակի էր պահպանել նախորդ շրջանում յուրացրած իրավունքները, ուստի ստիպված էր հարմարվել պատմականորեն ձևավորված նոր ժամանակին ու միջավայրին: Հիմնախնդրի բարդությունը ամբողջություն մեջ պատկերացնելու նկատառումով ավելացնենք նաև, որ նախորդ շրջանում ևս Հայոց կաթողիկոսութունը չկարողացավ վերջնականորեն ճշգրտել հոգևոր իշխանության կազմակերպման կանոնական-դավանաբանական սահմանները: Պատմական նոր ժամանակաշրջանում և միջավայրում ձևավորված Կիլիկիայի Հայաստանի աշխարհիկ իշխանության և Հայոց կաթողիկոսության փոխհարաբերությունների հիմքում չգրվեց միայն ձևավորված եկեղեցաքաղաքական ավանդույթը, այլև յուրացվեցին նոր հատկանիշներ, որոնք փոխեցին դրանց բնույթը և բովանդակությունը:

Եկեղեցու ներսում ձևավորված թեմական կառույցի վերափոխումներից անկախ, Սսի կաթողիկոսութունը շարունակում էր ներկայանալ որպես համահայկական եկեղեցական կենտրոն, ուստի աշխատում էր պահպանել նրան բնորոշ հատկանիշները:

Կաթողիկոսության դավանաբանական կազմակերպումը բավական բարդ ու բազմաշերտ կառույց էր, քանզի հանգրվանում էր տարաբնույթ հատկանիշների վրա: Սովորաբար տեղագրական-դավանաբանական կազմակերպումը միշտ ներկայանում էր միասնության մեջ, այլ խոսքով կաթողիկոսության կանոնական գերակայությունը դրսևորվում էր տարածքային կառույցների միջոցով: Խնդրո առարկա ժամանակաշրջանում այս սկզբունքը միշտ էլ որ միասնության մեջ գտնում էր իր համապատասխանության ձևերը, քանզի եկեղեցական առանձին կենտրոններ աշխատում էին դառնալ անկախ և ձևավորել

սեփական տեղադրական կառույցները: Սրանց հիմնական խնդիրն էր ձևավորել հարաբերականորեն անկախ գաղափարախոսություն, այսինքն այնպիսի համակարգ, որ գործուն ազդեցություն ունենար տվյալ կենտրոնի հոգևոր-քաղաքական կյանքի վրա: Փաստորեն ստեղծվել էր այնպիսի իրավիճակ, երբ պայքար էր գնում համահայկական եկեղեցական նոր կենտրոն ձևավորելու համար, որի խնդիրը պետք է լիներ կենտրոնի և մյուս թեմերի միջև բաժանել նույնատիպ դավանաբանական-մշակու-թյային կողմնորոշում, որպեսզի բոլորը հավասարազոր փոխներգործեին կենտրոնի վրա: Ձևավորվող կենտրոնի մյուս կարևոր խնդիրն էր ապահովել դավանաբանական փոխկախվածությունը տարահարթ քաղաքական միջավայրում գտնվող եկեղեցական համակարգերի միջև:

Հասկանալի է, որ նվիրապետական կառույցը պետք է ունենար կենտրոն, որը պարտադիր չէ, որ աշխարհադրական դրսևորում ունենար, այլ արժեքների, խորհրդանիշների ու պատկերացումների հետ առնչվող երևույթ էր, և համակարգում էր հոգևոր միջավայրը ներկայացնող խնդիրները:

Սույն հոգվածի շրջանակներում կփորձենք պարզաբանել Հայոց կաթողիկոսության դավանաբանական կազմակերպման մի շարք հատկանիշներ, մասնավորապես ավանդույթի, ժողովների և թուղթ-նամակների նշանակությունը:

Հայոց եկեղեցական ավանդույթը իր արմատներով գնում էր պատմության խորքերը, և ընդգրկում էր այն ամենը ինչը ձևավորել էր նրա հիմնական հատկանիշները: Եկեղեցական ավանդույթի մի մասը դարձել էր հասարակական-քաղաքական գիտակցության անբաժան մասը, ուստի հոգևոր գործունեության ընթացքում անընդհատ ենթարկվում էր փոփոխությունների, սակայն միշտ հանդես էր գալիս որպես համախմբող համակարգ ու ձևավորում սեփական միջավայրը: Եթե ավանդույթը աշխատում էր յուրացնել նոր միջավայր, սակայն այնտեղ չէր կարողանում հանգրվան գտնել, ապա կորցնում էր որոշ հատկանիշներ և փորձում էր յուրացնել նորերը:

Կաթողիկոսության դավանաբանական կազմակերպման հիմքում նախ և առաջ դրված էր առաքելական ժառանգության ավանդույթ-սկզբունքը, որը նրա իշխանությանը տալիս էր կանոնական-դավանաբանական գերագահություն և առանձնակի հեղինակություն: Եթե առաքյալները եկեղեցին հանձնել էին եպիսկոպոսներին, ապա վերջիններս յուրացրել էին նաև նրա կանոնական կազմակերպման իրավունքները:

նման իրավասություններ յուրացրել էր նաև Հայոց կաթողիկոսությունը, որի ղրսեւորման ձևերից մեկը եկեղեցական ժողովն էր, որն ուներ բավական հին ավանդույթ, և հանգրվանում էր տիեզերական և Հայոց եկեղեցու շրջանակներում մշակած կանոնների վրա:

Հայոց եկեղեցին յուրացրել էր ժողովներին յուրահատուկ երկու կարեւորագույն հատկանիշներ. ա) նրանց հրավիրումը, սովորաբար, նախաձեռնում էր աշխարհիկ իշխանությունը, բ) որի ներկայացուցիչները ևս ակտիվ մասնակցում էին այդ ժողովներին¹⁵: Փաստորեն դավանաբանական բնույթի ժողովը բաղկացած էր երկու փոխկապակցված միջավայրերից՝ հոգևոր և աշխարհիկ: Սա նախ և առաջ բխում էր այն հանգամանքից, որ եկեղեցին պետական համակարգի անբաժան մասն էր, ուստի աշխարհականները ևս ակտիվ մասնակցում էին նրա կառավարմանը: Ոչ պակաս նշանակալից գեր էր խաղում նաև այն, որ դավանաբանական բնույթի ժողովների որոշումները վերաբերում էին Հավատացյալների ողջ հանրությանը, ուստի աշխարհիկ իշխանությունը իր վրա էր վերցնում հասարակական ներկայացուցչության ապահովումը: Այս դեպքում կաթողիկոսության դավանաբանական կազմակերպումը հանգրվանում էր այն սկզբունքի վրա, որ հոգևոր իշխանության ենթակայության շրջանակներում էր մնում գավանաբանական խնդիրների մշակման իրավունքը: Մյուս կարևոր հանգամանքը, անկախ նրանից, որ որոշումները իրավական էին համարվում այն դեպքում, երբ ժողովին մասնակցել էին և՛ հոգևորականներ, և՛ աշխարհականներ այն էր, որ քվեարկության իրավունքը հիմնականում վերապահվում էր հոգևորականությանը:

Քրիստոնեության շրջանակներում մշակվել էր այն սկզբունքը, որ Աստված հասարակությանը պարգևել է քահանայություն և թագավորություն, որոնցից առաջինը պետք է տնօրիններ հոգևոր, իսկ երկրորդը՝ նյութական կյանքը: Այստեղ էականն այն է, որ երկուսն էլ հանգրվանում էին միևնույն սկզբունքի վրա, ուստի աշխարհիկ իշխանությունը պարտավոր

¹⁵ Փալանոս Կո., Միաբանութիւն հայոց սուրբ եկեղեցւոյն ընդ մեծի սուրբ եկեղեցւոյն Դռովմայ, հ. I, Դռոմ, 1650, էջ 459:

¹⁶ Սմբատ Սպարապետ, Դատաստանագիրք, Գավաքական տեքստը, ռուսերեն թարգմանությունը, առաջաբանը և ծանոթագրությունները Ա.Փալստյանի, Ե., 1958, էջ 30:

էր հոգ տանել հոգևորականութեան բարօրութեան, հավատքի մաքրութեան և անխախտութեան մասին, փոխարենը հոգևորականութիւնը նրանց հոգիներէ փրկութեան համար պետք է Աստուծոյն աղօթքը: Այս հիմքի վրա էլ մշակվել էր կրկու իշխանութիւններէ համաձայնութեան և համամտութեան զաղափարախոսութիւնը: Եթէ հաշվի առնենք այն հանգամանքը, որ աշխարհիկ իշխանութիւնը ինքն էր պարտավորվում հանուն սեփական և հպատակ ժողովրդի փրկութեան հետեւել ընդունված հավատքին, ապա հասկանալի է նրա հետաքրքրութիւնը դավանաբանական խնդիրներէ նկատմամբ: Սակայն կաթողիկոսութեան դավանաբանական կազմակերպման տրոհումը միշտ չէ որ անհրաժեշտ արձագանք էր գտնում հայ իրակայնութեան մեջ: Սսի 1307 թ. ժողովի ընդունած Սահմանադրութեան կապակցութեամբ գրված թղթերից մեկում արձանագրված է. «Իսկ աստ ասէ Գրիգորիւ և Կոստանդիւ. Հեթմիւ և Ալիւնախիւ իշխանօք և ռամիկ ժողովրդօք զորոց գործ աստուած գիտէ որ ծածկագէտն է. իշխանօք և թագաւորօք կարգք և կանոնք եկեղեցոյ երբէք ոչ եղեալ և չէ պարտ լինել, զի յառաջին թագաւորքն վասն ճշտութեան միայն ժողով հրամայէին սուրբ հարց լինել, իսկ զընտրութիւն ի ձեռն նոցին թողուին...»¹⁷: Այս հարցադրումը առավելապես ընդգիմական բնույթ ունի, քանզի «վասն ճշտութեան» դավանաբանական հասկացութիւնը միշտ ճշգրտվում էր աշխարհիկ և հոգևոր իշխանութիւններէ համաձայնութեան ու հավատացյալներէ գիտակցութեան շրջանակներում: «Հավատքի ճշտութիւն» հասկացութիւնը ուներ սուբյեկտիվ և օբյեկտիվ դրսևորում: Առաջին դեպքում այն ճշմարիտ էր, եթէ արտահայտում էր հասարակութեան որոշ շրջանակներէ հետաքրքրութիւնները, իսկ երկրորդ դեպքում՝ եթէ ուներ սահմանային բովանդակութիւն: Այս դեպքում ճշտութեան ամենակարևոր չափանիշը հայոց եկեղեցու շրջանակներում մշակված ավանդույթն էր, ուստի ավանդականութիւնը դիտվում էր որպէս գերակա գաղափարախոսութիւն և մշտապէս փորձեր էին արվում կաթողիկոսութեան դավանաբանական իրավասութիւնները պարփակել նրա շրջանակներում: Ինչ վերաբերում է նորամուծութիւններէ խնդրին, ապա ընտրութիւնը թողնվել էր ժողովի հոգևոր միջավայրին այնքանով, որքանով միայն նրանց


¹⁷ Մատենադարան, ձեռագիր N 8075, էջ 252^ա:

ստորադրու թյուններով էր վավերացվել Սահմանադրությունը: Այլ էր խնդիրը, որ ժողովին չէին մասնակցել Հայաստանի բարձրաստիճան հողևորականները, չհաշված մի քանի եպիսկոպոսների, որոնց մասնակցությունը չփոխեց նրա միջա-յայրը: Առաջմ դժվար է պարզել այն հարցը, թե Մեծ Հայքի նշանավոր թեմերի առաջնորդները հրավիրվել էին մասնակցե-լու ժողովին, թե ոչ: Մի բան պարզ է, որ Գրիգոր Անավարզեցի կաթողիկոսը (1293-1307) դավանաբանական նորաձևություն-ների մասին տեղյակ էր պահել Հայաստանի չորս թեմա-կալների (Այրարատ, Արտազ, Սյունիք, Աղթամար), որը հայոց եկեղեցական միջավայրում հավասարակշռություն պահպա-նելու նպատակ էր հետապնդում, և պետք է ստեղծեր այնպիսի պատկերացում, որ թեկուզ և խորհրդանշական նրանք ևս մաս-նակցում էին կենտրոնի գործերին:

Խնդրո առարկա ժամանակաշրջանում հայոց եկեղեցա-կան կյանքում նկատելի էր դարձել այն հանգամանքը, որ Մեծ Հայքում դժգոհությունը կաթողիկոսության դավանաբանա-կան գործունեությունից վերածվել էր որոշակի քաղաքակա-նության. «Եւ հաստատեցաք ասէ յեկեղեցիս հայոց. ի գրոց յառաջին Հայք և երկրորդ և երրորդ և չորրորդ անուանին և Կիլիկէ յայսցանէ ոչ է և ի սոցանէ ի ժողովդ ձեր ոչ ոք էր յոր եկեղեցիս հայոց ասէք հաստատել...»¹⁸: Հարցադրումը իր մեջ պարունակում է հայոց կաթողիկոսության դավանաբանական-տեղագրական կազմակերպման սահմանների ճշգրտման խնդի-րը: Եթե «Կաթողիկոս հայոց» հասկացությունը ուներ տեղա-դրական հատկանիշ, ապա հասկանալի է, որ Ասում հաստատ-ված կաթողիկոսությունը պետք է ներառեր նաև Հայաստանի և գաղթօջախների եկեղեցական միջավայրերը, հակառակ դեպ-քում անհասկանալի կմնար «հայոց» հասկացության տե-ղագրական-գավանաբանական բովանդակությունը: Այս տե-սակետից որոշակի հետաքրքրություն է ներկայացնում 1327 թ. գրանցված հիշատակարանի հետևյալ տողերը. «...ի հայրա-պետութիւն Կիլիկեցւոց տեառն Յակովբայ, և ի մերոյ հայրա-պետութեան Աղթամարեցոյ տեառն Զաքարիա, և ի թագաւո-րութեան Կիլիկեցւոց նահանգին քրիստոսապսակ և բարեպաշտ Լևոնի...»¹⁹: «...ի հայրապետութիւն Կիլիկեցւոց», «...ի թագա-

¹⁸ Նույն տեղում, էջ 251^ա - 251^բ:

¹⁹ ԺԴ դարի հայերեն ձեռագրերի հիշատակարաններ, կազմեց՝ Լ. Խա-հիկյան, Ե., 1950, էջ 202:



85716
11

ւորութեան Կիլիկեցւոց» այլ ոչ թե «Հայոց» Հասկացությունների օգտագործումը տվյալ ենթատեքստում բուսանդակագուրկ է, այլ արձանագրում է ձևավորված իրավիճակը: Այս տեսակետից պատահական է նաև Հայոց եկեղեցուն ներկայացված «117 մոլորությունների» ցանկում տեղ գտած 37-րդ կետը. «Թէ Հայերը երեք տարրեր կաթողիկոսներ ունին, որոնք տարրեր Հաւատք եւ տարրեր մկրտութիւն ունին...»²⁰: Շրջանավոր Հարցադրումներում կարևորագույնը Հայոց կաթողիկոսութեան կանոնական-դավանարանական կազմակերպման խնդիրն է, քանզի տարահարթ քաղաքական միջավայրերում գտնվող եկեղեցական կառույցը ստացել էր հորիզոնական ձև, որը խախտել էր ձևավորված ավանդույթը և կաթողիկոսութեան կազմակերպման հիմնական սկզբունքները:

Եթե փորձենք համակարգել կաթողիկոսութեան դավանաբանական կազմակերպման հատկանիշները կապված 1307 թ. Սսի ժողովի հետ, ապա կունենանք հետևյալ պատկերը.

ա) Գրիգոր Անավարզեցի կաթողիկոսի կտակը հասցեագրված Հեթում Բ թագավորին, որտեղ արծարծված հիմնախնդիրներից կարևորագույնը երկուսն են. դավանաբանական նորաձևությունների ցանկը և եկեղեցական ժողով հրավիրելու անհրաժեշտությունը:

բ) Կաթողիկոսի դավանաբանական նամակները ուղղված եկեղեցական նշանավոր թեմերի, մասնավորապես Մեծ Հայքի չորս արքեպիսկոպոսներին:

գ) Կաթողիկոսի նամակը հասցեագրված Լևոն Դ թագավորին:

Աշխարհիկ իշխանութեան դավանաբանական կազմակերպումը ներառում էր.

ա) Կանոնական-դավանաբանական խնդիրներ քննարկող Ասի ժողովը հրավիրվում է աշխարհիկ իշխանութեան նախաձեռնությամբ, բ) որը ակտիվ մասնակցում է նրա աշխատանքներին:

Աշխարհիկ և հոգևոր իշխանությունների դավանաբանական կազմակերպման որոշ սկզբունքների համադրումը ստեղծում էր բարդ իրավիճակ: Պատկերն ամբողջութեան մեջ ներկայացնելու համար բերենք Սմբատ Սպարապետի «Դատաստանագրքում» առկա երկու հոդված. ա) «...եւ Պաւղոս սսէ՝ կարգեաց Աստուած եւ եզ յեկեղեցւոջ նախ զառաքեալս

²⁰ Օրմանեան Մ., Ազգապատում, Բ հ., մասն Ա, Պէյրուք, 1960, էջ 1881:

և. երկրորդ գմարդարէս եւ երրորդ զվարդապետս, որ լնուն զեկեղեցիս մյաբանութեամբ եւ սիրով ի փրկութիւն հոգւոյ եւ մարմնոյ»²¹: Սրանք այն անձերն են, որոնք պետք է զբաղվելին հավատքի խնդիրներով: Ինչպես տեսնում ենք աշխարհիկ իշխանութեան մասին հիշատակութիւնն չկա: Միաժամանակ. բ) «Եւ գործ է նոցա աւծել զդասս թագաւորացն, որ են նման Քրիստոսի ի վերայ երկրի: Վասն որոյ պարտական են ամենայն կերպով Քրիստոսի նմանութեամբն վարիլ սրբութեամբ եւ արդարութեամբ եւ ճշմարտութեամբ...»²²: Թագավորին հատկացվում է սրբազան իշխանութեան որոշ հատկանիշներ (*Rex et sacerdos*), որոնք հագնվում են օծման խորհրդի վրա:

Խնդիրն այն է, որ Աստված թագավորին հատկացրել էր սրբազան իշխանութիւնն ոչ միայն նրա համար, որ նմանվի իրեն, այլև հովվի իր հոտը²³:

Մյուս կարևորագույն հիմնախնդիրը կապված է կաթողիկոսութեան դավանաբանական կազմակերպման տեղագրական հատկանիշի հետ: Կաթողիկոսութեան դավանաբանական դերագահութիւնը հանգրվանում էր նաև հայոց եկեղեցում ձևավորված տեղագրական աստիճանակարգութեան վրա, որը խնդրո առարկա ժամանակաշրջանում հղովվում էր երկու սկզբունքի շրջանակներում: Մի դեպքում տեղագրական-դավանաբանական կազմակերպման աստիճանակարգութիւնը փորձում էին ներառել տիեզերական եկեղեցու կազմակերպման շրջանակներում²⁴, իսկ մյուսը հանգրվանում էր այն սկզբունքի վրա, որ հայոց եկեղեցին ինքնամփոփ նվիրապետութիւնն էր: Պատմական հանգամանքների բերումով հայոց եկեղեցական միջավայրում ձևավորվել էր այնպիսի իրավիճակ, որը խախտել էր կաթողիկոսութեան դավանաբանական կազմակերպման որոշ սկզբունքներ. «...և ի գլխոյ այլ ատելութիւն է պատճառ բաժանման և ոչ մեք կամ գործք մեր ապա թէ ոչ ընդէ՞ր ազգս հայոց երիս մասունս բաժանեալ է. Ո՞ր բաժանեաց ՂԱխթամարի Աղուանից և կամ զՍուրբ Լուսաւորչէն աթոռոյ զնոսա և զայն ոչ կարէք ասել, թէ վասն կրօնից բաժանեցան, որպէս և յայժմ կարկատեն. զի մի հաւատ և օրէնք ունէին. ապա ոչ վասն հաւատոյ և ոչ վասն օրինացն թողին զմիմիանս.

²¹ Սմբատ Սպարապետ, նշվ. աշխ., էջ 40:

²² Նույն տեղում, էջ 67-68:

²³ Նույն տեղում, էջ 7:

²⁴ Նույն տեղում, էջ 83:

այլ վասն ազահուլթեան և Հպարտութեան, ցի օրէնքն աստուծոյ զամենեսեան միաւորէ ընդ Քրիստոսի»²⁵: Հասկանալի է, որ խնդիրն այստեղ «ազահուլթեան և Հպարտութեան» մեջ էէ, ինչպէս փորձում է ներկայացնել հեղինակը: Հավատքին վերապահված էր իրագործելու մի շարք ֆունկցիաներ, որոնցից յուրաքանչյուրը ներառնում էր որևէ բնագավառ: Վերոբերյալ Հատվածում խոսքը գնում է հավատքի քաղաքական դերի մասին: Զեւավորված նմանատիպ վիճակի իրավական արձագանք կարելի է համարել Սմբատ Սպարապետի «Դատաստանագրքի» հետևյալ հատվածը. «Եւ յայլ իշխանութիւններ, թէ լինի առաքելական աթոռ եւ թէ չլինի, նա կայ հրամանք որ կարեն կաթողիկոսք լինիլ»²⁶: Սյստեղ «յայլ իշխանութիւններ» տեղադրական հասկացութիւնը առաջին հերթին ունի քաղաքական-դավանարանական բովանդակութիւն, քանզի հոգևոր իշխանութեան որոշ հատկանիշներ ձևավորվում էին քաղաքական միջավայրում: Այս դեպքում կաթողիկոսութեան կանոնական գերագահութիւնը տրոհվում է մի շարք եկեղեցական կենտրոնների միջև: Հասկանալի է, որ որոշ դեպքերում կաթողիկոսութեան և նշանավոր թեմերի փոխհարաբերութիւնները հանգրվանում էին նաև քաղաքական հատկանիշների վրա:

Կաթողիկոսութեան դավանաբանական կազմակերպման տեսանկյունից կանոնական փոխհարաբերութիւնները կարգավորվում էին եկեղեցու շրջանակներում ձևավորված ավանդույթի հիման վրա, ուստի շատ դեպքերում աստիճանակարգութիւնը խախտվում էր, երբ փորձեր էին անում վերափոխել այդ համակարգի որևէ հատկանիշ: Պարզ է, որ ԺԴ դարի սկզբին Հայոց եկեղեցու ներսում ձևավորված իրավիճակի պայմաններում Սսում կայանալիք եկեղեցական ժողովին պետք է ներկայանային այն թեմակալ առաջնորդները, որոնք ընդունում էին կաթողիկոսութեան կանոնական գերագահութիւնը: Սսի ժողովում հոգևորականութեան դասաշարը գլխավորում էր Կեսարիայի «Մեծ» հորջորջված արքեպիսկոպոսը (ապագա կաթողիկոս Կոստանդին Կեսարացին (1307-1322)) այն դեպքում, երբ աշխարհականների ցանկի վերին հատվածը ներկայանում է այսպես. «Իսկ իշխանք, որ կային ընդ արքային Լևոնի և թագաւորահօրն Հեթմոյ էին այսօրիկ...»²⁷: Մենք

²⁵ Մատենադարան, ձեռագիր N 3522, էջ 172^Բ:

²⁶ Սմբատ Սպարապետ, Եջվ. աշխ., էջ 57:

²⁷ Գալանոս Կղ., նույն աշխ., էջ 460:

միայն այն կարծիքին չենք, որ աշխարհականների մասնակցությունը միջոց էր բարձրացնելու դավանաբանական նորաձևությունների հեղինակությունը և ապահովել նրանց կենսադործումը: Այս դեպքում առկա էին նաև այլ պատճառներ: Աշխարհիկ իշխանությունը աշխատում էր կանոնական իրավունքը ներառել ընդհանուր իրավական համակարգի մեջ, ըստ այդմ էլ թագավորական իշխանությունը հանդես կգար որպես համընդհանուր և բացարձակ օրենսդիր: Կարծում ենք պատահական չէ Նիկողայոս Դ Պապի (1288-1292) Հեթում Բ թագավորին հասցեագրված նամակի այս տողերը. «...զի ըստ ամենայնի պատրաստ լիջիս մտօք ընդունել և գործով կատարել զփրկչական վարդապետութիւն ասացեալ Պատրոյն և այլոց ընկերաց իւրոց. և ջանիւ հոգասջիս ածել ի սոյն զամենայն հայրապետս և ժողովուրդս Հայաստանեաց...»²⁸: Մինչդեռ Բոնիֆացիոս Ը Պապի (1294-1303) Գրիգոր է Անավարզեցի կաթողիկոսին հղած նամակում խնդիրը այլ ձևով էր դրված. «...զի ջանասջիս ուսուցանել եկեղեցոյդ և ժողովրդեանդ հայոց զուղղափառ հաւատս, զոր քարոզէ, ուսուցանէ, և դաւանէ ամենասուրբ եկեղեցիս Հռովմայ...»²⁹: Ինչպես պարզ երևում է «հոգասջիս ածել», «ջանասջիս ուսուցանել» հասկացությունները համահունչ են այնքանով, որքանով շոշափում են նույն խնդիրը, սակայն զատորոշում են աշխարհիկ և հոգևոր իշխանությունների դավանաբանական կազմակերպումը:

Եթե հանրագումարի բերենք կաթողիկոսության և առավել աչքի ընկնող քաղաքական կենտրոնները ներկայացնող եկեղեցական վիճակների փոխհարաբերությունները, ապա կարելի է առանձնացնել երկու կողմնորոշում՝ տարածքային և մայրաքաղաքային: Առաջին դեպքում աշխատում էին ձևավորել կենտրոնից հարաբերականորեն անկախ թեմեր, որոնք պետք է զբաղվեին տվյալ տարածքի հոգևոր-գավանաբանական խնդիրներով: Նման փոխհարաբերությունների շրջանակներում էլ ձևավորվում էր «մեծ ավանդույթը» և «փոքր ավանդույթը», որոնք դրվում էին կաթողիկոսության և առանձին թեմերի դավանաբանական կազմակերպման հիմքում: Ինչ վերաբերում է երկրորդ կողմնորոշմանը, ապա անկախ ձևավորված իրավիճակից նրա կրողները շարունակում էին ընդունել կաթողիկոսության կանոնական գերագահությունը:

²⁸ Նույն տեղում, էջ 405:

²⁹ Նույն տեղում, էջ 424:

Բավական բարդ ու խճճված է Սսի 1307 Թ. ժողովի ընդունած Սահմանադրութայն տակ ստորագրողների գասաշարը: Բանը ոչ միայն այն է, որ մասնակիցների և ստորագրողների ցանկերը տարբերվում են, այլ բոլորը ստորագրել են «եպիսկոպոս» տիտղոսով. «Կոստանդին եպիսկոպոս Կեսարոյ կամեցայ և գրեցի...» և այլք: Հիմնահարցի հետ աղերսվող խնդիրները կարելի է ստորաբաժանել երկու կանոնական և դավանաբանական խմբերի: Առաջինի առնչությամբ անհրաժեշտ ենք համարում կանդ առնել կաթողիկոսի խնդրի վրա: Անկախ այն հանգամանքից, որ աղբյուրներում նշվում է, որ Ասի ժողովը հրավիրել է Կոստանդին Կեսարացի կաթողիկոսը, մեր կարծիքով, նա ընտրվել է Սահմանադրութայն ընդունումից հետո: Բանն այն է, որ փորձ էր արվում ժողովը ներկայացնել նրա կաթողիկոսութայն ժամանակահատվածի շրջանակներում, քանզի Գր. Անավարզեցի կաթողիկոսը գահընկեց էր արվել: Այս դեպքում անհասկանալի է մնում Կոստանդին Կեսարացու ներկայութունը «արքեպիսկոպոս» և ստորագրութունը «եպիսկոպոս» տիտղոսներով: Հարցի պարզաբանման մեջ որոշակի պարզութուն կարող է մտցնել աղբյուրներում պահպանված հետևյալ վկայութունը. «Եւ սկսեալ այժմ ասէ ի ձեռն եպիսկոպոսապետին Գրիգորի և Կոստանդեայ...»: Միայն «եպիսկոպոս» տիտղոսով ստորագրութունը, հավանաբար, նպատակ էր հետապնդում ցույց տալ, որ Սահմանադրութայն ընդունման ժամանակ տեղի էր ունեցել կանոնական գերագահութայն իրավունքի տրոհում, քանի որ «Հայոց կաթողիկոս» տիտղոսի կանոնական կազմակերպման շրջանակներում տեղի էր ունեցել նկատելի փոփոխություններ: Այս դեպքում Ասի Հայոց կաթողիկոսութունը պետք է համատեղեր երկու սկզբունք. համահայկական և կիլիկյան: Այս առումով հետաքրքիր է Ազանայի ժողովի Սահմանադրութայն մեջ պահպանված երկու վկայություն, որոնցից առաջինը վերաբերում է Սսի, իսկ երկրորդը՝ Ազանայի ժողովին. «Բարէպաշտ Թագաւորն Լևոն, և քրիստոսասէր պարոն Հեթում որպէս զի ունայնասցի սիրոյ և միաբանութեան գործն. հրովարտակ արձակեցին ընդ ամենայն տեղիս տէրութեան իւրեանց որպէս զի եպիսկոպոսք, և վարդապետք, և հարք, ուր և իցեն. ժողովեսցին ի մի...»³¹: «...և նոյն ժամայն հրաման ժողովոյ Հանեալ ընդ ամենայն տեղիս տէրու-

³⁰ Մատենադարան, ձեռագիր N 8075, էջ 252^ա:

³¹ Գալանոս Կղ., նշվ. աշխ., էջ 500:

տէրութեան իւրեանց որպէս դի եպիսկոպոսք, և վարդապետք, և հարք, ուր և իցեն. ժողովեսցին ի մի...»³¹: «...և նոյն ժամայն հրաման ժողովոյ հանեալ ընդ ամենայն տեղիս տէրութեան իւրոց. զի ուր իցէն եպիսկոպոսք, և վարդապետք, և հարք ի մի վայր եկեալ հոգասցեն յաղագս ճշմարտութեանն...»³²: Փաստորեն «տէրութեան իւրոց» միջավայրը կրում էր ոչ միայն քաղաքական, այլև եկեղեցական բովանդակութիւն, քանզի այն, ինչպես պարզ երևում է ներառում է նաև եկեղեցական կառույցը, ուստի անհամապատասխանութիւն է առաջանում «հայոց կաթողիկոս» և «հայոց թագավոր» տիտղոսների դավանաբանական կազմակերպման միջև: Դավանաբանական բնույթի ժողովներ հրավիրելու աշխարհիկ իշխանութեան իրավունքը զուգորդվում էր վարչաքաղաքական իշխանութեան հետ, ուստի հասկանալի է «...ընդ ամենայն տեղիս տէրութեան իւրոց» հատվածը: Պատահական չէ, որ ժամանակակիցները 1307 թ. Սսի ժողովը դիտում էին որպես կիրիկյան երևույթ. «...եւ ժողովեալ զեպիսկոպոսունս երկրին Կիրիկիոյ աւագ պարոնն, որ Հեթում կոչի, ի Սիս, եւ հրամանաւ նորա սահմանեցին...»³³: Այլ էր հայոց կաթողիկոսութեան ձգտումները, քանզի աշխատում էր պահպանել տիտղոսի դավանաբանական կազմակերպման համընդհանրականութիւնը և փորձում էր ժողովներին մասնակից դարձնել Հայաստանի թեմակալ առաջնորդներին: Այս քաղաքականութիւնը հանգրվան էր փնտրում էթնո-մշակութային միջավայրի միասնութեան շրջանակներում: Փաստորեն խնդիրը միասնութեան ընկալման տարաբնույթ սկզբունքների մեջ էր, քանզի այն ակունքները, որոնց վրա հանգրվանում էր միասնութեան գաղափարը որոշակի վերափոխումներ էին կրել: Եթէ այն արդեն չէր ընկալվում միայն ակունքների շրջանակներում, քանզի դուրս էր եկել ձևավորված միջավայրից, ապա աշխատում էին գտնել այլ ճանապարհներ: Ազանայի ժողովի երկու ստորագրութիւն. «կոստանդին կաթողիկոս ամենայն հայոց», «Օշին բարէպաշտ թագաւորն հայոց» պարզորոշ վկայում են աշխարհիկ և հոգևոր իշխանութիւնների դավանաբանական կազմակերպման ձգտումների մասին: Կաթողիկոսութեան կազ-

³¹ Գալանոս Կղ., ԳՂՎ. աշխ., էջ 500:

³² Նույն տեղում, էջ 503:

³³ Մայր ցուցակ ձեռագրաց սրբոց Յակոբեանց, կազմեց՝ Ն. Եպիսկոպոս Պողարեան, հ. IV, Երուսաղեմ, 1969, էջ 536:

մակերպման երեք սկզբունքի (կանոնական, դավանաբանական, տեղագրական) օրգանական միասնությունը դրսևորվում էր «Հայոց կաթողիկոս» տիտղոսի միջոցով և պետք է ներառեր Կիլիկյան Հայաստանի, Մեծ Հայքի և գաղթօջախների հայկական եկեղեցական միջավայրերը:

Աշխարհիկ իշխանություն կազմակերպման երեք սկզբունքի (վարչաքաղաքական, սրբազան, տեղադրական) օրգանական միասնությունը հանգրվանում էր միայն Կիլիկյան Հայաստանի վարչաթեմական համակարգի շրջանակներում, քանզի նրանից դուրս գտնվող միջավայրը «Հայոց թագավոր» տիտղոսի մաս չէր կազմում: Երկու տիտղոսի փոխհարաբերություններում զգալի դեր էին խաղում մի կողմից քաղաքական սահմանները, իսկ մյուս կողմից դավանաբանական: «Կաթողիկոս ամենայն Հայոց» տիտղոսը բովանդակային առումով առավել ընդգծում էր Ասի կաթողիկոսության կանոնական-դավանաբանական գերագահության ձգտումները: «Ամենայն» տիտղոսը որպես խորհրդանիշ ներկայանում էր խնդրի տեսքով, որի լուծման ժամանակ գլխավոր դերը խաղալու էր միասնության գաղափարը, որը կարող էր իրեն գանել երեք տիեզերական, Կիլիկյան Հայաստանի և Մեծ Հայքի եկեղեցական միջավայրերում: Հասկանալի է, որ ամբողջականությունը որպես նպատակ անիրագործելի խնդիր է, քանզի այն միշտ կատարելության կարիք է զգուցում: Այս պատկերացումների համաձայն նույն ակունքներից սկիզբ առած եկեղեցական համակարգերը, որոնք միշտ ձգտում էին ինքնամփոփության այժմ պետք է միավորվեին. «Եւ ընգունիմք զամենայն քրիստոնեայք Հռոմայ եկեղեցոյն. զի այնք մերձ են առ աստուծոյ, որպէս և առաջին աթոռոյն...»³⁴:

Մարդու սահմանային հետաքրքրությունները միշտ հանգրվանում են ձևավորված խորհրդանիշներում, քանզի սրանք, սովորաբար, մատնացույց են անում այն ինչ գտնվում է իրականությունից դուրս և ի հայտ են բերում նրանց իրագործելիության աստիճանը: Այս դեպքում մտածողությունը ոչ թե պատճառահետևանքային, այլ միստիկական կապեր է փնտրում խորհրդանիշների միջև, ուստի պատկերացումները նրանց միջև եղած տարբերությունների վերաբերյալ գիտակցաբար շրջանցվում են, իսկ նմանությունները կամ նրանց պատկանելությունը նույն ակունքների անընդհատ

³⁴ Գալաճոս Կղ., Եզվ. աշխ., էջ 450:

ընդդժվում են: Հայոց կաթողիկոսութեան կազմակերպման կանոնական-անդադրական ռազմակենտրոնութիւնը այնքան նկատելի էր դարձել, որ Ժ՛Դ դարի 30-40-ական թթ. դարձել էր նրան ներկայացվող դիւխավոր մեղադրանքներից մեկը. «Ժ՛Դ. Հնազանդին երկուց պարտիարդաց. որոց իւրաքանչիւր ստորադէ զինքն գոլ պատրիարգ ամենայն Հայոց...»³⁵, «...Թէ Հայերը երեք տարրեր կաթողիկոսներ ունին...»³⁶: Առաջին հատվածում խոսքը վերաբերում է Ասի և Աղվանքի կաթողիկոսութիւններին, իսկ երկրորդ հատվածում ավելանում է Աղթամարին: Խոսքը այստեղ միայն թվերի հարաբերակցութեան մեջ չէ, այլ Հայոց եկեղեցու կազմակերպման սկզբունքների:

Յուրաքանչյուր սոցիալ-քաղաքական համակարգ, սովորաբար, աշխատում է ձևավորել արժեքների, խորհրդանիշների և կողմնորոշման իր կենտրոնը, ապա փորձում է նրան համընդհանրականութիւն հաղորդել, իսկ արդյունքում առաջանում են տարբեր աստիճանակարգութիւններ և կաթողիկոսութեան կազմակերպման շրջանակներում ձևավորվում է «կարգավիճակային անհամապատասխանութիւն»: Նման իրավիճակում Ասի Հայոց կաթողիկոսութիւնը փորձում էր ներկայանալ որպես համընդհանուր կենտրոն, քանզի տարաբնույթ քաղաքական կառույցներում գտնվող Հայոց եկեղեցիին կարող էր կորցնել սեփական միջավայրերը:

Այժմ քննարկենք Հայոց կաթողիկոսութեան դավանաբանական կազմակերպման հետ կապված ևս մի հիմնախնդիր: 1341 թ. Լեոն Ե թագավորը գահընկեց է անում Հակոբ Սսեցի կաթողիկոսին. «Տէր Յակոբ ի Արսոյ, կացեալ ամս Ժէ, եւ վասն թագաւորին Լեւոնի յանդիմանելոյ ի նմանէ ընկեց յաթոռուն...»³⁷: Եթե «յանդիմանելոյ ի նմանէ» հասկացութիւնը քննարկենք ձևավորված եկեղեցական հարաբերութիւններին համատեքստում, ապա կաթողիկոսի գահընկեցութեան հանգամանքների մեջ որոշակի դեր են խաղացել նրա ձգտումները յուրացնել Հայոց եկեղեցու կանոնական-գավանաբանական կազմակերպման ողջ իրավունքները և այն ազատել Կիլիկյան Հայաստանի քաղաքական միջավայրի ազդեցութիւնից: Հարցադրման պարզաբանմանը օգնում է Հայոց եկեղեցուն ներկայացվող «մոլորութիւնների» ցանկում Հակոբ Սսեցուն վերա-

³⁵ Լույս տեղում, էջ 516:

³⁶ Օրմանեան Ա., Աշխ., էջ 1881:

³⁷ Մայր ցուցակ ձեռագրաց սրբոց Յակոբեանց, էջ 228:

բերող երեք կետերը. «Դարձեալ գրեալ էին և ամբաստանութիւնս վասն Յակոբայ կաթողիկոսի Սսեցւոյ՝ զոր ընկէց Լևոն արքայ յաթոռոյ, և էր տակաւին կենդանի, իբր թէ նա հալածեալ իցէ զուղղափառս և թէ՛ արգելեալ իցէ զլատինս չառնել քարոզութիւն ի Հայս. և մի ասել զպապն գոլ զԴուխն՝ եկեղեցւոյ. այլ թէ ինքն կաթողիկոսն իցէ պապ յարևելս...»³⁸: Ինչ վերաբերում է «...այլ թէ ինքն կաթողիկոսն իցէ պապ յարևելս...» հատվածին, ապա այն բազմիմաստ նշանակութիւն ունի: Նախ և առաջ անհրաժեշտ է նկատի առնել այն հանգամանքը, որ խոսքն այստեղ ոչ թե «պապ» անվան յուրացման մեջ է այլ հայոց կաթողիկոսութեան եկեղեցաքաղաքական գործունեութեան շրջանակներում ձևավորված այն միտումների, որոնք հանգրվանում էին համընդհանրականութեան գաղափարի շրջանակներում: Նման ձգտումների հիմքերը ճիշտ հասկանալու համար անհրաժեշտ է հաշվի առնել Մերձաճիշտ հասկանալու համար անհրաժեշտ է հաշվի առնել Մերձավոր Արևելքի եկեղեցական միջավայրում ձևավորված իրավիճակը: ԺԱ դարի վերջերից Բյուզանդիան սկսեց կորցնել Փոքր Ասիան, ուստի Կոստանդնուպոլսի պատրիարքութեան ազդեցությունը երկրամասում անկում էր ապրում, որին զուգահեռ ուժեղանում էր հայոց եկեղցու դիրքերը:

Խաչակրաց տիրույթների անկումից հետո Արևելքում թուլանում էր նաև պապականության դիրքերը: Տեղագրական կազմակերպման առումով Սսի հայոց կաթողիկոսությունը ներառում էր այնպիսի միավորներ, որոնք Կիլիկյան Հայաստանից դուրս էին գտնվում: Փաստորեն հայոց կաթողիկոսություն կազմակերպման ձևը նմանվում էր պապականությանը, որը և իրավունք էր տվել Հակոբ Սսեցի կաթողիկոսին փորձելու յուրացնել «պապ» տիտղոսը:

Հայոց կաթողիկոսության համընդհանրականության գաղափարը արտացոլվել է նաև «Դաշանց թղթում»։ «Եւ զի պատրիարգարանքն երեքին Երուսաղեմայ, Անտիոքայ և Աղէքսանդրոյ յորժամ զպատրիարք ձեռնադրիցեն համահաճութեամբ և ընտրութեամբ հայոց հայրապետին արասցեն. և որոք նստցի յաթոռ հայրապետութեան զղաւանութիւն հաւատոյց զոր պարտէր ինձ Սեղբեստրոսիս և յաջորդաց իմոց ծանուցանել զնոյնն հայոց հայրապետին ծանուցէ զի նա կարգեցի ինձ փոխանորդ և հրամանահան ի վերայ ամենից

³⁸ Չամչյանց Մ., Հայոց պատմութիւն, հ. Գ, Ե., 1984, էջ 344:

արևելականացն գաւառաց»³⁹: Այստեղից կարելի է մի շարք եզրակացումներ անել:

ա) Շրջանառութեան մեջ դնելով «Ամենայն» տիտղոսը Սսի հայոց կաթողիկոսութիւնը փորձում էր ամբողջացնել նրա իրավական կազմակերպման բովանդակութիւնը, ըստ այդմ էլ ըրողը թեմերը պետք է ճանաչեին նրա դերագահութիւնը:

բ) Սյս դեպքում հայոց եկեղեցական միջավայրը կունենար կանոնական-դավանարանական ուղղահայաց ձև, ուստի պատահական չէ, որ այդ ձգտումները ներկայացվում էին որպես «պապ» տիտղոս յուրացնելու քաղաքականութիւն:

գ) Տարահարթ քաղաքական միջավայրերում հայոց եկեղեցական թեմերի առկայութիւնը և նրանց հետ Սսի կաթողիկոսութեան տարաբնույթ փոխհարաբերութիւնները կամա թե ակամա ճանապարհ էին հարթում, որպեսզի հայոց կաթողիկոսութիւնը յուրացնեն քաղաքական միջավայրին յուրահատուկ որոշ հատկանիշներ, և հակառակը աշխարհիկ իշխանութիւնը աշխատում էր ընդլայնել դավանաբանական կազմակերպման սահմանները:

Ժ՛հ դարի առաջին կեսին Սսի հայոց կաթողիկոսութեան կանոնական-դավանաբանական կազմակերպման շուրջ ձևավորվել էին տարաբնույթ տրամադրութիւններ, սակայն բոլորի համար նույնը թերևս միասնութեան ձգտումն էր: Կիլիկյան Հայաստանի եկեղեցաքաղաքական շրջանակների մի մասը և նրանց կողմնակիցները Մեծ Հայքում և Հայկական եկեղեցական մյուս միջավայրերում աշխատում էին հայոց կաթողիկոսութիւնը ներառել տիեզերական եկեղեցու համակարգի մեջ: Հակոբ Սսեցի կաթողիկոսի գործունեութիւնից պարզորոշ երևում է հայոց եկեղեցում խմորվող մեկ այլ ծրագրի մասին, որի նպատակն էր Սսի կաթողիկոսութեան գերագահութիւնը հաստատել Մերձավոր Արևելքում և յուրացնել «պապ» տիտղոսը: Վերջապես ավանդականութեան կողմնակիցները փորձում էին անխախտ պահել հայոց կաթողիկոսութեան տեղադրական-դավանաբանական կառուցը:

³⁹ Թուղթ սիրոյ և միաբանութեան, Վենետիկ, 1695, Էջ 24:

GAGIK HARUTYUNYAN
EREVAN STATE UNIVERSITY

**THE PROBLEMS OF THE CONFSSIONAL
ORGANIZATION OF THE ARMENIAN CATHOLICATE IN THE
FIRST HALF OF THE 14th CENTURY**

Summary

In the first half of the 14th century the question of the confessional organization was one of the fundamental problems of the Armenian Catholicate. In that period the Armenian Catholicate was within the state system of the Armenian Kingdom of Cilician and it was very difficult to retain its former rights, thus it had to adapt itself to the historically formed new conditions.

The Sis Catholicate continued to present itself as the See of the All-Armenian Church thus trying to preserve its specific features. During the first half of the 14th century different approaches emerged concerning the canonical-confessional organization of the Armenian Catholicate in Sis. Anyhow the aspiration of unity was main concern of the Armenian clergy. Part of the clergy of Cilician Armenia and their supporters in Great Armenia and other localities (within the canonical jurisdiction of the Armenian Church) tried to involve it in the system of the General Church.

The author of the article tries to clarify certain aspects of the confessional organization of the Armenian Catholicate, particularly in relation to the Armenian Church tradition, councils and epistles.

Since the end of the 11th century the Byzantine Empire had begun to lose territories in Asia Minor. consequently, the influence of the Constantinople Patriarchate declined in the region and parallel to it the position of the Armenian Church was strengthened. Meanwhile, the positions of the papacy weakened with the fall of the rule of the Crusaders in some regions of Near East

In the 30-40s of the 14th century canonical-territorial polycentral character of the organization of the Armenian Catholicate became exceptionally vivid, because, from point of view of the territorial organization, the Armenian Catholicate of Sis included such units which were out of Cilician Armenia. The Armenian Catholicate of Sis was presenting itself as the All-Armenian centre, otherwise the Armenian Apostolic Church (which appeared to be in different political structures) would lose its own territories. In fact, the organizational form of the Armenian Catholicate acquired the likeness of papacy and Catholicos Hakob of Sis even tried to assume the title of "pope." It also shows that there was a program of the establishment of supremacy of the Armenian Catholicate of Sis in the countries of Near East.

The followers of the Armenian Church tradition tried to preserve the indestructibility of the territorial-confessional structure of the Armenian Catholicate.

ՎԱՐԱՆ ԴԱՅԻ ՄԵԼԻՔ-ՄԻՐՉԱՐԵԿԻ
ՄԱՀԱՊԱՏԺԻ ՊԱՏՃԱՌԸ

Արցախի մելիքները, ներքին կառավարման հարցերում ունենալով գործելու լիակատար ինքնուրույնություն, պատասխանատու էին պետական հարկերի գանձման և ժամանակին շահական գանձարանը մուծելու համար: Ընդ որում, «եթե տարեկան հարկը մելիքը չէր վճարում շահական գանձարանին, նշանակում էր նա ապստամբել է»⁴⁰:

Այնուհանդերձ, Արցախի մելիքությունների պատմության մեջ հայտնի է մի դեպք, երբ Վարանդայի 1730-1736 թթ. տիրակալ Մելիք-Հուսեփինը, օգտվելով թուրք-պարսկական պատերազմի ժամանակ ստեղծված խառը իրավիճակից, հարկ չի վճարել: Ժամանակակիցները այնքան են կարևորել այս փաստը, որ այդ մասին արձանագրել են մելիքի շիրմաքարին.

«Սա ոչ ետ հարկ թագաւորի,
Ամուր պարիսպ էր աշխարհի,
Թագ, պարծանք հայոց ազգի,
Պատերազմեաց հետ օսմանցի,
Յոյժ կոտորեաց ազգէն տաճկի»⁴¹:

Սույն հոդվածը նվիրված է նմանատիպ մեկ այլ դեպքի պարզաբանմանը, որի վերաբերյալ մի տեղեկություն հանդիպեցինք Մատենադարանում 7429 թվահամարի տակ պահպանվող XIX դ. կեսերի հեղինակ Միքայել-բեկ Մելիք-Շահնազարյանի «Վասն ծագման Մելիք-Շահնազարյան տոհմին» ձեռագիրը

⁴⁰ Պողոսյան Ֆ., Խամսայի մելիքների իրավունքներն ու պարտականությունները, «Բանբեր Հայաստանի արխիվների», 1966, թիվ 1, էջ 204:

⁴¹ Բաֆֆի, Երկերի ժողովածու, հ. 9, Ե., 1987, էջ 441; Բարխուտարեանց Մ., Պատմութիւն Աղուանից, հ. 2, Թիֆլիս, 1907, էջ 45; Դիվան հայ վիճագրության, V, Արցախ, Ե., 1982, էջ 149:

ուսումնասիրելիս: Նկատենք, որ թեև Բ. Ուլուբաբյանը սուլյն երկը իրավացիորեն համարել է «հիշյալ տոհմի զարմիկների երևակայության մարզին վերաբերող ետնաստեղծ պատմություն»⁴², սակայն ձեռագրի մանրակրկիտ ուսումնասիրությունը մեզ բերել է այն համոզման, որ այն, գրված լինելով հիմնականում ավանդազրույցների հիման վրա և ունենալով Մելիք-Շահնազարին արդարացնելու անթաքույց միտում, այնուհանդերձ պարունակում է նաև մի քանի ուշագրավ դրվագներ, որոնք կարող են որպես բանալի ծառայել Արցախի մելիքությունների պատմության որոշ չբացահայտված հարցերի լուսաբանման համար: Այդ հարցերից մեկն էլ վերաբերվում է Վարանդայի Մելիք-Միրզաբեկի մահապատժի հանգամանքների պարզաբանմանը: Ձեռագրում այդ մասին կարդում ենք. «Մելիք-Միրզաբեկն ապստամբվում է Նատիրից և հարկ չի տալիս. կարծում է թէ շահ Հուսէյին[ն] է ու ինքն Մելիք-Հուսէյինն»⁴³:

Հարկ է ճշտել, որ Վարանդայում Մելիք-Հուսեյինի իշխանության ժամանակ իրանի շահը ոչ թե Սուլթան Հուսեյինն (1694-1722) էր, ինչպես գրված է ձեռագրում, այլ նրա որդի Թահմասպ Բ-ը, որը «Սպահանի պաշարման ընթացքում կարողանում է աֆղանական զորքերի օղակը ճեղքելով հեռանալ Ղազվին, որտեղ 1722 թ. նոյեմբերի 10-ին իրեն շահ է հռչակում, նաև իր անունով խուլթա է հնչեցնում, դրամներ հատում և հրամանագրեր հրապարակում: Թեև նրա իշխանությունը ավելի շատ ձևական էր, այն տևում է շուրջ 10 տարի»⁴⁴: Ժամանակակիցները նրան բնութագրել են որպես «անբաղդ և անարի և գինեմոլ» անձնավորության⁴⁵: Եվ հենց այս զուտ

⁴² Ուլուբաբյան Բ., Խաչենի իշխանությունը X-XVI դարերում, Ե., 1975, էջ 404:

⁴³ Միքայել-բեկ Մելիք-Շահնազարեան, Վասն ժազման Մելիք-Շահնազարեան տոհմին, Մատենադարան, ձեռ. 7429, էջ 43 ա:

⁴⁴ Մատենադարանի պարսկերեն հրովարտակները, պրակ III, կազմեց Ք. Կոստիկյանը, Ե., 2005, էջ 23, նույնի՝ Թահմասպ II-ի հայերին ուղղված հրովարտակները և 1730-1731 թթ. նրա արշավանքը դեպի Երևան, «Մերձավոր և Միջին Արևելքի երկրներ և ժողովուրդներ», 2004, XXIII, էջ 356:

⁴⁵ Տեր-Ավետիսյան Ա., Նադիր շահի արշավանքները (ըստ Հակոբ Շամախեցու), Ե., 1940, էջ 36, նույնի՝ Походы Тамац-Кулу-хана (На-

ձեւական իյսանությունն ունեցող շահին է, որ հարկ չէր վճարում նրա իսկ 1142Հ. թ. զի հեջջե ամսի (1730 թ. հունիսի 17 – հուլիսի 17) հրովարտակով Վարանդա գավառի տիրակալ նշանակված Մելիք-Հուսեինը⁴⁶:

Սակայն, Թահմասպ Բ-ի պարտությունները թուրքական բանակից առիթ են ընձեռում շահի զորավար Թահմազ-Ղուլի խանին (ապագա Նադիր շահին) նրան գահընկեց անելու համար, որից հետո «ի տեղի նորա կարգեաց թագաւոր զփոքրագոյն մանուկ որդի նորա և անուանեաց զնա Շահ Արաս: Յայսմ ամի թուական մեր էր ՌՃՁԱ (1732) յօգոստոսի ԻԲ (22)»⁴⁷: Նադիրը մանկահասակ շահին առնում է իր խնամակալության տակ, սակայն չբավարարվելով այդքանով, 1736 թ. փետրվարին Մուզանի անապատում իրեն շահ է հռչակում, իսկ հետագայում հրամայում մահապատժի ենթարկել Թահմասպ Բ-ին և նրա փոքրահասակ որդուն⁴⁸:

Իսկ Վարանդայում 1736 թ. վախճանված Մելիք-Հուսեինին հաջորդում է նրա եղբայր Մելիք-Բաղու որդի Մելիք-Միրզաբեկ Բ-ը:

Նադիր շահը Հնդկաստան արշավելուց և 1739-ին Դելին գրավելուց հետո⁴⁹, տիրանալով այդ երկրի անբավ հարստություններին, 1151Հ. թ. զի հեջջե ամսի (1739 թ. մարտի 12-ապրիլի 10) հրովարտակով Իրանի բնակիչներին երեք տարով ազատել է հարկերի զգալի մասից⁵⁰: Այս հրովարտակը չէր տա-

дир-шаха) и избране его шахом в описании Акона Шамахеци, Тифлис, 1932, с. 9.

⁴⁶ Մատենադարան, Կաթողիկոսական դիվան, քրթ. 2ր, վավ. 173, Մատենադարանի պարսկերեն հրովարտակները, պրակ III, էջ 184:

⁴⁷ Տեր-Ավետիսյան Ս., Նադիր շահի արշավանքները, էջ 37:

⁴⁸ Նրանց մահապատժի մասին տես Քյուչուք Արուֆին, Պատմություն Թահմազ Ղուլու, «Մատենադարանի գիտ. նյութերի ժողովածու», 1941, քիվ 1, էջ 127:

⁴⁹ Այդ արշավանքի մասին տես Мухаммад-Казим, Поход Надир-шаха в Индию, М., 1961; Кушмишев С., Походы Надир-шаха в Герат, Кандагар, Индию и события в Персии после его смерти, Тифлис, 1889, с. 179-211.

⁵⁰ Հրովարտակի բնագիրն ու ռուսերեն ֆարգամությունը տես Арунова М., Фирман Надир-шаха, Советское востоковедение, 1958, N 2, с.

րածվում այաֆե և ուլուֆե ու սուրսաթ կոչված հարկերի վրա⁵¹: Բնականաբար, հրովարտակը չի շրջանցել նաև Մելիք-Միրզարեկի հսկատակներին:

Պետական հարկապահանջությունը նոր թափով վերսկսվեց «1742 թ., երբ Նադիրը նվաճել էր նաև Միջին Ասիան և պատժիչ արշավանքի դուրս եկել դեպի Դաղստան... Աղբյուրները վկայում են, որ հարկերի գանձումը կատարվում էր րադմապատկված չափերով»⁵²: Հատկապես հարկերի կտրուկ բարձրացում է նկատվում Նադիր շահի կառավարման վերջին տարիներին⁵³: Այսպես, ըստ 1745 թ. գրված մի հիշատակարանի՝ «յոթ նուազեաց ազգս Հայոց վասն հարկապահանջութեան սորա (Նադիրի-Ա.Մ.), և բնաւք ոչ մնաց գիւղ, գաւառք, և ոչ ապրանք, և զամենեսեան ցրուցան եղեալ, նաև ոչ մնաց վանք և յանապատ վասն ևս հարկապահանջութեան»⁵⁴: Հավանաբար այդ ժամանակ է, որ Մելիք-Միրզաբեկը տեսնելով իր հպատակների թշվառությունը, խուսափել է հարկային պարտավո-

116-119; Арунова М., Ашрафян К., Государство Надир-шаха Афшара, М., 1958, с. 87-93:

⁵¹ Ալաֆե և ուլուֆե գյուղերում իջևանող պետական պաշտոնյաների գրաստներին տրվող կերը: Այս տուրքը մեծ մասամբ հատուցվում էր մթերքով (խոտ, դարման, գարի և այլն): Շատ դեպքերում, սակայն, այն փոխարինվում էր դրամական տուրքով (տե՛ս Հայ ժողովրդի պատմություն, հ. IV, Ե., 1972, էջ 272):

⁵² Աուրսաթները ռազմական արշավանքների ժամանակ հարկատու բնակչության վրա դրվող այն պարտավորություններն էին, որոնք հատուցվում էին մեծ քանակությամբ հացահատիկով և այլ մթերքներով: Ուայթները ոչ միայն պարտավոր էին կարճ ժամկետում տալ պահանջված քանակությամբ մթերքները, այլև սեփական գրաստներով տանել այն և բանակատեղիում հանձնել զորամասի հրամանատարությանը (նույն տեղում, էջ 271):

⁵³ Арунова М., Фирман Надир-шаха, с. 119.

⁵⁴ Փափազյան Հ., Հայ-իրանական զինակցությունը 1726-1736թթ. և Արևելյան Հայաստանի քաղաքական իրավիճակը Նադիր շահի օրոք, «Բանբեր Երևանի համալսարանի», 1972, թիվ 2, էջ 83, Հայ ժողովրդի պատմություն, հ. IV, էջ 188:

⁵³ Тер-Мкртчян А., Положение армянского народа под игом Надир-шаха, «Տեղեկագիր հաս. գիտ.», 1956, թիվ 10, էջ 95:

⁵⁴ «Արարատ», 1888, թիւ Ա, էջ 32-33:

ըությունները կատարելուց, մի հանցանք, որի համար ենթարկվել են դատան պատիժները: Այս խորապատկերում հավաստի է թվում նաև ձեռագրի հաղորդումը Մելիք-Միրզաբեկի՝ հարկային պարտավորութիւնները չկատարելու համար մահապատժի ենթարկվելու մասին:

Այդ ըմբոստութիւնը, ըստ նույն ձեռագրի՝ ավարտվում է նրանով, որ Նադիր շահը Մելիք-Միրզաբեկին ներում խոստանալով կանչում է արքունիք, որտեղից, ինչպես դիպուկ նկատել է հայ մեծ պատմաբան Մ. Չամչյանցը, «գրեթէ երբէք անվնաս ոչ թողոյր զոք գնալ»⁵⁵: Մելիք-Միրզաբեկը ես չի խուսափել Նադիրի դատաստանից: Շարունակելով պատմութիւնը, ձեռագրի հեղինակը իրեն բնորոշ գեղջկական ոճով ներկայացնում է նաև նրա դատաստանը. «մին կիչեր հանկարծ վերան են հասնում 10 հօդօվ, քանդիր քցում շիլինքն՝ խեղդում»⁵⁶:

Վերջին տեղեկութեան իսկութիւնը հաստատվում է նաև XIX դ. պատմագիր Միրզա Յուսուֆ Ներսեսովի (Հովսեփ Ներսիսյանց) տվյալներով. «Նադիր շահը նրանցից (Մելիք-Շահնազարյաններից - Ա.Մ.) ոմն Միրզաբեկի, հանցանք վերագրելով, պարանով խեղդամահ է անում և ասում. «Սա Շիրույենների ցեղից է»⁵⁷: Ի դեպ, Րաֆֆու գրչի տակ պարանը վերածվել է գահճի սրի»⁵⁸: Այս դեպքը, ինչպես վկայում է Մելիք-Միրզաբեկի տապանագիրը⁵⁹, տեղի է ունեցել 1744 թ. նոյեմբերի 10-ին, այսինքն՝ այն ժամանակաշրջանում, երբ բռնակալներին հատուկ հիվանդագին կասկածամտութիւնը Նադիրին մղում էր անյուր գազանութիւնների նույնիսկ իր հարազատների, այդ թվում և որդու՝ Ռզակուլի Միրզայի նկատմամբ⁶⁰:

⁵⁵ Չամչյանց Մ., Հայոց պատմություն, հ. 9, Ե., 1984, էջ 815:

⁵⁶ Մատենադարան, ձեռ. 7429, էջ 43ա:

⁵⁷ Միրզա Յուսուֆ Ներսեսով, Ճշմարտացի պատմություն, Ե., 2000, էջ 42:

⁵⁸ Րաֆֆի, Աշխ., էջ 451; Մուսայելեան Հ., Ղարաբաղի նուաճման հարիւրամեակը, «Արարատ», 1914, թիւ 9, էջ 240:

⁵⁹ Դիվան, V, Արցախ, էջ 149:

⁶⁰ Հայ ժողովրդի պատմություն, հ. IV, էջ 189:

Ասվածից հետո նոր իմաստ և բովանդակություն է ստանում Մելիք-Միրզաբեկին մահապատժի ենթարկելուց առաջ նադիր շահի ասած. «Սա Շիրուլյենների ցեղից է» արտահայտությունը: Շերոյեն կամ Կավաղ Բ-ը Սասանյան շահերից է կղել, որը գահ է բարձրացել 628 թ. փետրվարի 28-ին, իր հայր Խոսրով Փարվեզին գահընկեց անելով: «Կավաղ Շերոյեի համաձայնությամբ՝ Խոսրով Բ-ի ամենամոտիկ «մերձավորները» 628 թ. փետրվարի 29-ին սպանեցին նրան: Առհասարակ գոյություն ունի այն կարծիքը, որ Արևելքի պատմության մեջ Կավաղը ամենաարյունախում տիրակալներից մեկն է եղել: Գահի համար պայքարի ընթացքում նա կյանքից զրկեց նաև իր տասնյոթ եղբայրներին»⁶¹: Բնականաբար Դոփյանների տոհմից սերված Մելիք-Շահնազարյանների տան անդամ Մելիք-Միրզաբեկը ոչ մի կապ չունեի Շիրուլյենների ցեղի հետ: Այսինքն՝ վերոհիշյալ արտահայտությամբ նադիր շահը Մելիք-Միրզաբեկին մեղադրել է անհավատարմության և անհնազանդության մեջ:

Ամփոփելով՝ նշենք, որ փաստորեն Մելիք-Միրզաբեկը, հետևելով իրեն նախորդած Մելիք-Հուսեինի օրինակին, հարկ չի մուծել շահական գանձարանը, ինչի համար էլ Իրանի գահակալ նադիր շահի կողմից ենթարկվել է մահապատժի:

ARTAK MAGHALYAN

Institute of History, NAS RA

THE CAUSE OF THE EXECUTION OF MELIK-MIRZABEK OF VARANDA

Summary

The princes (meliks) of Artsakh were completely independent in their internal governance. At the same time they were responsible for the collection of the state taxes and their

⁶¹ Բայբուրդյան Վ., Իրանի պատմություն, Ե., 2005, էջ 149:

payment to the Shah treasury. According to a special decision of the Persian court, any melik who escaped the annual tax payment to the Shah treasury would be considered as a rebel. Anyhow, there was a case of not paying taxes in the history of the Artsakh meliks. In 1730-1736 the sovereign of the region of Varanda in Artsakh Melik-Huseyn refused to pay taxes taking advantage of troubled times caused by the Turkic-Persian wars. As follows from the epitaph of his gravestone, he was considered a heroic person by his contemporaries.

The article is devoted to the research of such a case described in the manuscript N7429 of the Matenadaran. It helps to understand the circumstances of the cause of the execution of Melik-Mirzabek, the prince of Varanda in Artsakh. It is written in the manuscript: "Melik-Mirzabek has rebelled against Nadir and is not paying taxes."

The state taxation became heavier after 1742 when Nadir Shah conquered the Middle East and marched against Dagestan. According to historic sources taxes and tributes enormously increased. Especially it became unbearable during the last years of the rule of Nadir Shah. Perhaps, just at that time Melik-Mirzabek refused to fulfill his duties of paying taxes, because he learnt about miserable state of his subjects. His disobedience was considered as a rebellion by the Persian court.

Thus, on the background of such an event, the manuscript's information about the execution of Melik-Mirzabek becomes understandable. Nadir Shah had invited Melik-Mirzabek to the Persian court under the pardoning pretext, but the Armenian prince couldn't escape the execution. According to the manuscript, ten executioners attacked and killed him by strangling with a rope (1744).

Before execution Nadir Shah said: "He is from the clan of the Shiroyens." Sheroye or Kavad II led the plot against his father - Khosrov Parvez whom the conspirators forcibly dethroned and killed (February 29, 628). Kavad Sheroye, for his bloody cruelty, had been known as a notorious ruler in the history of the eastern countries. Naturally, Melik-Mirzabek, who was of the Armenian Dopyan family origin, had no relation to the clan of the Shiroyens. Nadir Shah used that expression in order to accuse Melik-Mirzabek in infidelity and disobedience.

տով Մոնմորի մի փողոցում օրը ցերեկով սպանվում է ինչ-որ անծանոթի կողմից⁶¹ :

Ֆերիեր-Սովբեֆի ճանապարհորդության նպատակը քաղաքական-դեսպանազնացական էր: Նա ֆրանսիական կառավարության Հանձնարարությամբ ղեկնանադիտական գործունեություն է ուղարկվում Կ. Պոլիս, ապա նաև Սպահան:

1788 թ. սեպտեմբերի 18-ին Ֆերիեր-Սովբեֆը մեկնում է Կ. Պոլսից դեպի Ֆրանսիա և հոկտեմբերի 15-ին ափ իջնում Տուլոնում: Վերադառնալով Փարիզ՝ նա Արևելքի մասին ճանապարհորդական իր հիշողությունները հրատարակում է 1790 թ. Մասստրիխտում (2 հատոր), ապա նաև Փարիզում (1790 թ., 2 հատոր):

Ֆերիեր-Սովբեֆի ուղեգրությունը երրորդ անգամ հրատարակվում է Փարիզում 1807 թ. "Voyages faits en Turquie, en Perse et en Arabie" վերնագրով, 2 հատորով:

Ուղեգրության XXI-XXIV գլուխները նվիրված են Հայաստանի, Վրաստանի, Դաղստանի, Շիրվանի, Ադրբեջանի (Ատրպատական) նկարագրությանը: Հեղինակը տեղեկություններ է հաղորդում տարբեր բնակավայրերի, այցելած երկրների քաղաքական, տնտեսական դրություն, բնական հարստություններ, արտադրողական ուժերի, բնակչության էթնիկական կազմի, սովորույթների ու հավատալիքների, պատմական ու ռազմական անցուղարձերի մասին: Ֆերիեր-Սովբեֆի ուղեգրությունը հետաքրքիր և արժեքավոր է, որովհետև գրված է նկարագրվող դեպքերին մասնակից և ականատես, երբեմն նաև ականջալուր հեղինակի կողմից, այնուամենայնիվ նրա հաղորդած տեղեկություններին պետք է մոտենալ զգուշորեն և քննադատաբար:

Ի թիվս այլ քաղաքների՝ Ֆերիեր-Սովբեֆը տեղեկություններ է հաղորդում նաև Տրապիզոնի մասին: Վերջինիս մասին Ֆերիեր-Սովբեֆը գրում է հետևյալը. «Տրապիզոնը Հայտնի է եղել հունական կայսրության (Բյուզանդիայի -Ա.Մ.) անկման ժամանակ. օսմանները՝ Փոքր Ասիայի տերերը, գրավել էին Կ. Պոլսի գահը. Տրապիզոնում մի փոքրիկ կայսրություն է ձևավորվում, որն, ի վերջո, կարճ ժամանակ անց փլուզվում է՝

⁶¹ La Grande Encyclopedie inventaire, p. 327, Biographie Universelle, p. 263.

ամբողջ Հունաստանը (Բյուզանդիան -Ա.Մ.) նվաճած Թուրքերի հզորության տակ: Այս քաղաքը, Թեպետ, ղրկված իր նախկին պետական քից, դեռևս մնում է Անատոլիայի ամենանշանակալից [քաղաքներից] մեկը. տեղադրված է ծովեզերքին, վատ խնամված նավահանգիստ [ունի], կարող է ընդունել միայն փոքրիկ նավեր, բայց նրա առևտուրը բավական ընդլայնված է այն ժամանակից, ինչ ուսները նավարկում են Սև ծովում. Մեզրելիայի, Վրաստանի և Պարսկաստանի քարավանները հաջորդաբար այնտեղ են դալիս և շատ մեծ ակտիվություն են հաղորդում Տրապիզոնի առևտրին: Նրա բնակիչները մեծ մասամբ զբաղված են պղնձադործություններ, որի արտադրանքը մեծ սպառում ունի. վաշան, որը կառավարում է քաղաքը, իր հրամանատարություն տակ ունի մեծ թվով ենիչերիներ, որոնք համարվում են կայսրության ամենաանհնազանդները. շարունակաբար տրվելով վիճաբանությունների և բռնարարքների երկու կողմ կազմող խոռվարար խմբերի պատճառով, շաբաթ, չկա, որ այս կատաղի զինվորները կռիվներ չանեն, որոնք միշտ ավարտվում են նրանցից շատերի մահով և համասարակա տաղանապ են տարածում բոլոր թաղամասերում»⁵⁵.

Ըստ Ֆերրիեր-Սովբեֆի վկայության՝ XVIII դ. վերջին քառորդին Տրապիզոնը, Թեպետ զրկված իր նախկին պետական քից, դեռևս մնում էր Անատոլիայի ամենանշանակալից քաղաքներից մեկը, և հետագայում նրա դերն էլ ավելի մեծացավ: Այսպես, 1808-1809 թթ. Թուրքիայով անցած անգլիացի Ջեյմս Մորիերը գրում է, որ «Սև ծովի նավահանգիստն է Տրապիզոն, որտեղից տարվում է Կ. Պոլսի առևտուրը»⁵⁶: Իսկ ավելի ուշ Ֆ. Էնգելսը գրում է, որ «Կ. Պոլսը և հատկապես ասիական Թուրքիայում գտնվող Տրապիզոնը հանդիսանում են ներքին Ասիայի, Տիգրիսի և Եփրատի հովիտների, Պարսկաստանի և Թուրքեստանի քարավանային առևտրի գլխավոր շուկաները: Եվ այդ առևտուրն արագորեն աճում է... իր դիրքի շնորհիվ Տրապիզոնն ավելի է համակերպված այդ առևտրին, քան որևէ այլ

⁵⁵ Ferrieres-Sauvebœuf, Mémoires historiques, politiques et géographiques des voyages du comte de Ferrieres-Sauvebœuf, fait en Turquie, en Perse et en Arabie, depuis 1782 jusqu'en 1789, t. I. Maestricht. 1790, p. 207-208.

⁵⁶ Հակոբյան Դ., Ուղեգրություններ, հ. 2., Ե., 1934, էջ 285:

կետ»⁶⁷: Ինչպես դիպուկ նկատել է Ֆերիեր-Սովբեֆը, Տրապիզոնի դերի և նշանակութիւնի բարձրացումը սերտորեն կապված էր Աւ ծովում ուսական ծովային առևտրի սկզբնավորման և զարգացման հետ: Կարևոր գործոն էր նաև Տրապիզոնի աշխարհագրական բարենպաստ դիրքը: Ըստ Ս. Մոցիկյանի «Այս նաևհանդիստ քաղաքն ունեցած է մեծ վաճառականութիւն, հին ժամանակներէն սկսած մինչև վերջին ատեններս: Քիւրտիստանի, Լազիստանի, Թուրքիոյ ու Հայաստանի ներքին գաւառներու, եւ Պարսկաստանի ու Կովկասի առևտրական ճամբաները կ'անցնին Տրապիզոնէ: Այս քաղաքը կուգան եւ ասկէ կը մեկնին ճամբորդներու մեծ խմբեր եւ խոշոր կարաւաններ, ապրանքներ բեռցուցած ուղտերու ու ջորիներու վրայ»⁶⁸: Բացի տեղական բերքից (եգիպտացորեն, ծխախոտ, կիտրոն, լորի, ձիթապտուղ, կաղին, ընկուղ, շագանակ, խոզակաղին, ծվաղ և այլն) Տրապիզոնից արտահանում էին նաև կտավ, կապար, երկաթ, «այլև պղինձ Արզնոյ զոր քաջ գտեալ առաքեն ի Կոստանդնուպօլիս և Յիսլիմեա. նաև կերպասեայ գործածք Հալպայ, Շամայ, Տիարպէքիրոյ, զորս տանին ի Մոսկովս: Յարուեստաւորս սորա երևելի են պղնձագործք, դորոց զգործ տանին ի Մոսկովս, ի Կոստանդնուպօլիս, և անտի աստ և անդ մինչև յեգիպտոս. նաև հրահանագործք այս է՝ չախմախճիք, և մորթեգործք դորոց զվաճառ տանին մինչև յէրզիռում»⁶⁹: Մովային առևտրում բարգավաճում ցուցաբերելով հանդերձ՝ Տրապիզոնը, ըստ Ֆերիեր-Սովբեֆի, ուներ վատ խնամված նավահանգիստ: Ինճիճյանը ևս նշում է, որ «Նաևհանդիստ իրապզունոյ ծանծաղ է և անպատասպար ի հիւսիսային հողմոց, ուստի նաւք ձմերեն ի Փլաղանա»⁷⁰:

1847 թ. Տրապիզոնում եղած Ֆերուխանը ևս նշում է, որ Տրապիզոնի նավակայքերը հյուսիս-արևմտյան սաստիկ քամի-

⁶⁷ Маркс К. и Энгельс Ф., Сочинения, т. IX, с. 384, հմտ. Ղազարյան Դ., Արևմտահայերի սոցիալ-տնտեսական և քաղաքական կացութիւնը 1800-1870 թթ., Ե., 1967, էջ 212:

⁶⁸ Շոցիկեան Ա., Արևմտահայ աշխարհ, Նիւ Եորք, 1947, էջ 771-772:

⁶⁹ Ինճիճեան Դ., Աշխարհագրութիւն, Մասն առաջին, հ. Ա., էջ 383:

⁷⁰ Նույն տեղում, էջ 390:

ներից անպաշտպան լինելու պատճառով նավերը գնում էին ձմեռելու Սյուրմենե կամ Պլատանա⁷¹:

Ավելի ուշ Ֆրանսիացի նշանավոր աշխարհագրագետ է. Ռեկյունը Տրապիղոնի մասին դրում է հետևյալը. «Այս քաղաքն է եղել մշտապէս Իրան գնացող վաճառականների և նրանց վաճառքի իջման նաւահանգիստը, ուր բերուել են նաև Պարսկաստանից Արևմուտք ուղարկուած ապրանքները կարաւաններով: Քաղաքի նաւակայքը շատ վատն է, և անյահաջող եղանակին նաւերը ստիպուած են գնալ աւելի արևմուտք մրգաստաններով շրջապատուած շնորհագեղ Պլատանայի առջև կանգնելու»⁷²: Նույն վիճակն է նշում նաև Ս. Ծոցիկյանը, գրելով, որ «Տրապիղոնի նաւահանգիստն այցելող մարդատար եւ ապրանքատար շոգենաւերը, ասկէ առաջ, խարխախ կը ձգէին ծովուն բացերը, եզերքէն բաւական հեռու, ջրերուն մշտապէս ալէկոծ ու յորձանուտ վիճակին եւ կանոնաւոր քարափի չգոյութեան պատճառաւ»⁷³:

Ճերիեր-Սովրեֆը, ցավոք, Տրապիղոնի բնակչութեան թվի և ազգային կազմի մասին տվյալներ չի հաղորդում:

1813-1814 թթ. Փոքր Ասիայում եղած ուղեգիր Ջոն Մակդոնալդ Քիննեյըը հետևյալ ուշագրավ տեղեկութիւնն է հաղորդում. «Բնակչութիւնը (Տրապիղոնի -Ա.Ս.) հասնում է, ասում են, 15 հազար շնչի թուրքերի, հույների, հրեաների, հայերի, վրացիների, մեգրելների, չերքեզների և թաթարների համասեռ խառնուրդի»⁷⁴: Սակայն, ի տարբերութիւն Քիննեյրի հաղորդածի, Ղ. Ինճիճյանը գրում է, որ «Թիւ համօրէն բնակչաց է 8000 տուն. յորոց իբրև 500 տունք հայոց, 1500 յունաց, և 6000 տաճկաց. թաղք նորա 36, յորոց զութ թաղս

⁷¹ Բարունակ Պէյի Ֆերուհխան, Ճանապարհորդութիւն ի Բաբելոն ընդ Յայաստան, յամի տեառն 1847, տպ. ի վանս Չ.Ս. Աստուածածնի յԱրմաշ, 1876, էջ 232:

⁷² Ռեկյուի էլիզէ, Լազիստան, Յայաստան եւ Քուրդիստան, Կիլիկիա, Փոքր Ասիա, Միջագետք, Ասորիք եւ Պաղեստին, թարգմանեց՝ Միաբան, Վաղարշապատ, 1893, էջ 47:

⁷³ Ծոցիկեան Ս., նշվ. աշխ., էջ 772:

⁷⁴ John Macdonald Kinneir, Voyage dans l'Asie-Mineure, l'Armenie et le Kourdistan, dans les annees 1813 et 1814, traduit de l'Anglais, par N. Perrin, tome deuxieme, Paris, 1818, p.86.

տան Հայոց, իսկ մնացեալսն առճկաց»⁷⁵: 1836 թ. ճանապարհորդած Սենեքերիմ Տեր-Մինասյանը հաղորդում է, որ Տրապիզոնի «բնակիչներն են Հայ, Յոյն ու Տաճիկ: Հայերը հիմայ 3 եկեղեցի ու մէկ դպրատուն մը ունին. իրենք քաղաքին մէջը 500 տունի չափ կան, բայց գեղերուն մէջը 1000 տունի չափ, 200 տունի չափ ալ կաթոլիկ ըսված Հայերը ունին»⁷⁶: Իսկ Մինաս վրդ. Բժշկյանը նշում է. «Հին ատենը շատ երեւելի և բազմամարդ քաղաք էր Տրապիզոն, փառաւոր մարդիկ և փառաւոր շէնքեր ալ շատ կային. Սուլ. Ահմէտին ժամանակը տասներու թ հազար տուն կար, առաջ շատ աւելի էր. բայց հիմա հազիւ կէսը կելլէ: Քաղաքացիք երկու հարիւր տուն հազիւ կելլեն, առաջ շատ էին. իսկ գեղացիք հինգ հարիւրէն աւելի են»⁷⁷:

Իսկ 1829-1830 թթ. Փոքր Ասիայում ճանապարհորդած Ժան-Շառլ Բեսը հետևյալ տեղեկությունն է հաղորդում. «Որոշ ճանապարհորդներ Տրապիզոնի բնակչությունը շատ սխալմամբ հաշվում են 250 հազար հոգի, այնինչ այն կազմում է մոտավորապես 45 հազար հոգի: Արվարձանները բավական ընդարձակ են և զբաղեցված են բացառապես հույներով և հայերով: Բուն քաղաքը բնակեցված է թուրքերով»⁷⁸: Ավելի ուշ շրջանի վերաբերող տվյալ է տալիս Արել վրդ. Մխիթարյանցը: Ըստ նրա՝ Տրապիզոնում «գիւղացւոց հեազհետէ գաղթելովը՝ հիմա չորս հարիւր տուն լուսաւորչակրօն հայք կան»⁷⁹:

Ըստ Ն. Ուշակովի՝ Տրապիզոնի բնակչության թիվը հասնում է մինչև 20 հազար հոգու. նրանց մեծ մասը թուրք են,

⁷⁵ Ինճիճեան Ղ., Աշխարհագրութիւն, Մասն առաջին, Կ. Ա., էջ 387:

⁷⁶ Օրագրութիւն ճանապարհորդութեան պարոն Ա. Սենեքերիմայ Տեր Մինասեան Կոստանդնուպօլսեցւոյ Յամի Տեառն 1836, Եղանակ (օրացոյց), 1839 ամին ի Զմիւռնիա, էջ 117:

⁷⁷ Գ. Մինաս վրդ. Բժշկեան, Պատմութիւն Պոնտոսի, որ է Սեաւ ծով, Վենետիկ, 1819, էջ 91, 82:

⁷⁸ Besse Jean-Charles, Voyage en Crimée, au Caucase, en Georgie, en Arménie, en Asie-Mineure et a Constantinople, en 1829 et 1830. Paris, 1838, p. 302:

⁷⁹ Արել վրդ. Մխիթարեանց, Վեպ գաղթականութեան Հայոց Տրապիզոնու, Կոստանդնուպօլիս, 1857, էջ 55:

600 առևն հայ և մոտ 1000 տուն հուլյն⁸⁰: Ուշակովին կրկնում է Ֆրանսիացի Ֆ. Ֆոնտոնը⁸¹: Իսկ 1839-1840 թթ. Արևմուտքում ճանապարհորդած ֆրանսիացի Շ. Տեքսիեն նշում է, որ Տրապիզոնի քրիստոնյա բնակչության թիվը հասել է մոտ 18 հազար հոգու, այնքան հայ կա, որքան հուլյն: Վերջիններս մեջ կան մի քանի ընտանիք Լազիստանի բնիկներին, որոնք հայտնի են մեցո անունով⁸²: Իսկ 1847 թ. ճանապարհորդած Ֆերուհիանը գրում է, որ «Տրապիզոնն ունի 33 հազար բնակիչ՝ տաճիկ, հայ ու յոյն. 5000-էն աւելի տուն. 3000 տաճիկ, 1000 յունաց, 588 հայ, 140 հուլյմէական և 9 բողոքական հայոց»⁸³:

Այսպիսով՝ համադրելով վերը բերված հեղինակների տեղեկությունները, կարելի է ասել, որ XVIII դ. վերջին քառորդին և XIX դ. առաջին կեսին Տրապիզոնի բնակչությունը կազմել է մոտ 30-40 հազար մարդ, և որ հայերն իրենց թվաքանակով գրավել են երրորդ տեղը, թուրքերից և հուլյներից հետո, ունեցել են մոտ 400-500 տուն, 2000-3000 հողի: Սակայն հայոց թիվը հաճախակի է շեշտակի փոփոխվել: Հայ ազգաբնակչության թվաքանակի այդ վայրիվերումները պայմանավորված էին Տրապիզոնում և շրջակայքում տիրող անկայուն իրավիճակով:

Իր իրավիճակը Տրապիզոնում և շրջակայքում անկայուն է եղել, վկայում է նաև Ֆերիեր-Սովբեֆը, գրելով, որ փաշայի հրամանատարությունը տակ գտնվող մեծ թվով ենիչերիները կայսրության մեջ ամենաանհնազանդներն են, շարունակ վիճում և բռնություններ են գործադրում, և այդ կռիվները միշտ ավարտվում են մահերով և տազնապ են տարածում քաղաքի թաղամասերում: 1805-1806 թթ. Հայաստան և Պարսկաստան

⁸⁰ Ушаков Н., История военных действий в Азиатской Турции в 1828 и 1829 годах, Санкт Петербург, ч. I, 1836, с. 132.

⁸¹ La Russie dans L'Asie-Mineure, ou campagnes du maréchal Paskévitch en 1828 et 1829; et tableau du Caucase, envisagé sous le point de vue géographique, historique et politique; par Felix Fonton, Paris, 1840, p. 187.

⁸² Texier Charles, Description de l'Arménie, la Perse et la Mesopotamie, Parise, 1852, t. I, p. 52.

⁸³ Բարունակ Պէյի Ֆերուհիան, Ճանապարհորդութիւն ի Բաբելոն ընդ Հայաստան, յամի տեառն 1847, ի վանս Չ.Ս. Աստուածածնի յԱրմաշ, 1876, էջ 224:

ճանապարհորդած ֆրանսիացի ուղեգիր Պ.-Ա. Ժոբերը հիշատակում է, որ «Տրապիզոնի աղան պատերազմի մեջ էր Հին Լագերի երկրի բնակիչների դեմ»⁸⁴: Իսկ Հ. Հովակիմյանը հաստատում է, որ «Ճանիկի գաւառին մէջ, մինչեւ ԺԹ. գարու կէսերը կ'իշխէին տէրէպէյիները, որոնք մինչեւ վերջը պատերազմի մէջ էին իրարու եւ կեդրոնական իշխանութեան հետ»⁸⁵: Իսկ Աբել վարդապետը գրում է, որ «... 1765-էն մինչեւ 1772 թուականները Տրապիզոնի քաղաքական խաղաղութիւնը կը խոռովի եւ ժողովուրդը տակնուվրայ կըլլայ Տէրէպէկներու պատերազմաց երեսէն, որոնք Տրապիզոնի մէջ քանի մը կարգ ըլլալով, այսինքն հարիւրք, որք են բուն քաղաքացիք, իննուսուն եւ հինգք եւ քսան եւ հինգք, այսինքն եկամուտք, այս կարգերը քաղաքին առանձին առանձին մասերուն իշխելով, մէկ մէկու դէմ կռիւ կը բանային մէկգմէկ յաղթահարելու... Անատուրիներքին քաղաքները եւ Տրապիզոնի գիւղերն անգամ, ուր որ ինքնագլուխ իշխաններ կը նստէին, աւելի հանգստութիւն կար քրիստոնեայ ժողովրդոց համար, քան թէ Տրապիզոն եւ անոր նման Սեւ ծովու հարաւային ափանց վրայ եղած ու որիչ քաղաքները»⁸⁶: Ահա այս ամենի հետեւանքով Տրապիզոնի քրիստոնյա բնակչութիւնը հեռացավ քաղաքից դեպի Ղրիմ, Կ. Պոլիս, Ջանիկ: Երկյուղն այնքան էր տիրել քաղաքին, որ քրիստոնյաները նույնիսկ եկեղեցի չէին կարողանում գնալ և թաղից թաղ անցնել: Եվ ըստ Աբել վարդապետի՝ «աս հալածանաց երեսէն Հայոց եկեղեցիներն ալ Ս. Օգոստոս, Չարխափան եւ Ս. Յովհաննէս ամայի մնացին: ... մնացորդ ազգին երկու մասն ալ այնքան քիչցան, որ Աստուածամայր եկեղեցին հազիւ կը հաւաքուէին»⁸⁷: Բարեբախտաբար, հետագայում դերերեյների իշխանութիւնը թուլացավ և վիճակը փոխվեց: Դրան նպաստեց նաև եվրոպական տերութիւնների հյուպատոսների և առևտրականների ներկայութիւնը քաղաքում: Քրիստոնյանե-

⁸⁴ P.- Am. Jaubert, Voyage en Armenie et en Perse, Fait dans les annees 1805 et 1806, Paris (s.d.), p. 7.

⁸⁵ Պատմութիւն Հայկական Պոնտոսի, պատմագրոց Յովակիմ Յովակիմեան (Արշակունի), Պէյրուք, 1967, էջ 710-711:

⁸⁶ Աբել վրդ. Մխիթարեանց, Աշխ. աշխ., էջ 45-46, 53:

⁸⁷ Նույն տեղում, էջ 46,76:

րը տակալ առ տակալ գլուխ բարձրացրին, քաղաքից հեռացածները մի մասը վերադարձավ, ամայի մնացած եկեղեցիները սկսեցին գործել:

Տրապիզոնում հայերն ունեին չորս եկեղեցի⁶⁵, որոնց պատերին, ինչպես նաև տապանաքարերին եղած արձանագրությունները վերաբերում են XIV-XV դդ.: Այդ չորս եկեղեցիներն էին Աստվածամայր, Չարխափան (կամ Ս. Ստեփանոս), Սբ. Հովհաննես, Սբ. Օգոսենտ:

ARMAN MALOYAN

Armenian State Pedagogic University

THE FACTS ABOUT TREBIZOND BY L.F. FERRIERES-SAUVEBOEF (THE LAST QUARTER OF THE 18th CENTURY)

Summary

Among the European sources the voyage memoirs of the French political figure and diplomat L.F. Ferrières-Sauvebœuf (1750-1814) contain information about the history of the Orient of the last quarter of the 18th century. He was sent on a diplomatic mission to Constantinople and Spahan by an assignment of the French government.

L.F. Ferrières-Sauvebœuf returned home in 1788. He published twice his memoirs in Maastricht and Paris (1790). For the third time his memoirs were published in Paris (1807) in two volumes: "Voyages faits en Turquie, en Perse et en Arabie."

⁶⁵ Ինճիճեան Ղ., Աշխարհագրութիւն, Մասն առաջին, Կ. Ա., էջ 387, նաև Մինաս վրդ. Բժշկեան, նշվ. աշխ., էջ 79, Աբէլ վրդ. Մխիթարեանց, նշվ. աշխ., էջ 29-31, Յովակիմեան Յ., նշվ. աշխ., էջ 83, Համազասպ Ոսկեան Հ., Աեբաստիայի, Խարբերդի, Տիարպէթիրի եւ Տրապիզոնի նահանգներու վանքերը, Վիեննա, 1962, էջ 234:

The Chapters XXI-XXIV are devoted to the description of Armenia, Georgia, Dagestan and Iranian Aderbaigan (Atropatene). The author gives information about different inhabited areas, political and economic state of the countries which he had visited, natural resources, productive forces, the ethnic structure of the population, customs and traditions, religious aspects, historic and military situation.

This work is interesting and valuable, because it had been written by a participant and a witness of the described events. Anyhow, it is necessary to be cautious and critical in regard to its information.

Along with other cities L.F. Ferrières-Sauvebœuf informs also about Trebizond, especially concerning its history. Unfortunately his work doesn't contain information about the number of the population and its ethnic structure. Other authors (who visited Trebizond) gave such information, particularly, about the Armenian population.

In the last quarter of the 18th century and the first half of the 19th century approximately 30-40 thousand people lived in Trebizond. Armenians (400-500 families, 2000-3000 people) were the third in the total number of the population of the city after Turks and Greeks. But the number of Armenians changed very often owing to the unstable state in Trebizond and neighbouring territories. It is testified also by L.F. Ferrières-Sauvebœuf who mentions that many yenichers who were under command of the pasha were committing criminal actions which resulted in deaths and that troubled peaceful population and alarmed different quarters of Trebizond.

There were four Armenian churches in Trebizond. Inscriptions on the walls of the churches and the epitaphs on gravestones were made in the 14th-15th centuries.

ՌՌԻՍԱԿԱՆ ԿԱՅՍՐՈՒԹՅԱՆ ՔԱՂԱՔԱԿԱՆՈՒԹՅՈՒՆԸ
ԼՈՌԻՌԻՄ XIX դ. ԱՌԱՋԻՆ ԵՐԵՍՆԱՄՅԱԿԻՆ

Հայտնի է, որ ցարական կառավարությունը Անդրկովկասը միշտ էլ դիտել է իր նվաճողական-դաղուլթային քաղաքականության նպատակների կտրվածքով, իր շահերին ծառայացրել աղղային-ազատագրական շարժումները, վարչական բաժանումներ կատարելիս անտեսել ազգային էթնիկական սկզբունքը:

XIX դ. առաջին 30-ամյակի ռուս-սլարսկական պատերազմների ընթացքում ռուսական կառավարությունը շարունակ միջոցներ էր որոնում Անդրկովկասում իր նվաճած ժողովուրդներին իրեն ձեռնտու վարչական-տնտեսական պայմաններում դնելու: Նոր իրադրություն էր ստեղծվում, մանավանդ մի բնագավառում, որ չավազանց մեծ պատմական-մշակութային նշանակություն ուներ: Երկու պատերազմներին հաջորդած երկու զաղթերը արմատականորեն փոխում էին Հայ ազգաբնակչության կազմը: Մի կողմից դրանք ուժեղացնում էին Ռուսաստանին անցած Հայկական տարածքների Հայ ազգաբնակչության կազմը, մյուս կողմից ավելի էին խորացնում ու անջրպետում Հայ ժողովրդի Հատվածականությունը:

Ժողովրդական-վիճակագրական այդ փոփոխություններն ընդգրկեցին նաև Լոռվա տարածքը: Լոռիում Արևմտյան Հայաստանի, Ջավախքի, Ղարաբաղի Հաշվին վերաբնակեցում կատարելը ցարիզմի քաղաքականության մի մասն էր կազմում, և այդ գործին անմիջական մասնակցություն էին ունենում ռուսական բանակի ռազմական գործիչները /Ցիցիանով, Տորմասով, Գուդովիչ, Պասկևիչ, Երմոլով և այլք:/:

Դեռևս դարասկզբին Արևելյան Վրաստանում Հաստատվելը Հնարավորություն տվեց ռուսական դիվանագիտությանը նախապատրաստել իր սահմանների ընդլայնման ծրագիրը: 1800 թ. Հունվարի 23-ին Վրաստանում ռուսական զորքերի գլխավոր հրամանատար Կ. Ֆ. Կնորինգին տված հրա-

հանդուս Պավել Առաջին կայսրը պահանջում էր երկրամասին տիրելու գործում նախապատվութիւնը տալ այդ երկրամասի ժողովուրդներին Ռուսաստանի կողմը կամավոր թեքելու գործելակերպին⁸⁹:

Ակնհայտ է, որ Ռուսաստանը, ռազմական միջոցներին զուգընթաց, կարևորում էր նաև ժողովրդագրական քաղաքականութիւնը, և տարածաշրջանը զբաղեցնող հայութեանը վերապահվում էր առանձնահատուկ տեղ: Այդ մասին ասվում էր Վրաստանում ռուսական զորքերի գլխավոր հրամանատար, գեներալ Պ. Դ. Յիցիանովին ուղղված կայսր Ալեքսանդր Առաջինի 1802 թ. սեպտեմբերի 26-ի հրամանագրում: Ընդգծվում էր, որ «...նորհուրդ եմ տալիս հայերի նկատմամբ վարել հատուկ քաղաքականութիւն նրանց մեր կողմն ուղղելու նպատակով»⁹⁰:

Արևելյան Վրաստանի Ռուսաստանին միացումով /1801 թ./ Քարթլի-Կախեթը դարձավ ռուսական կայսրութեան վարչա-տարածքային միավորներից մեկը⁹¹: Քարթլի-Կախեթի հետ միասին Ռուսական կայսրութեան տիրապետութեան տակ անցան նաև հյուսիսային Հայաստանի Լոռի-Փամբակ, Բորչալու և Շամշազին երկրամասերը⁹²: Փաստորեն, պատմական այդ ակտը ևս մի դրդիչ գործոն հանդիսացավ դեպի Ռուսաստանին անցած տարածքներ գաղթի նոր ալիք սկսվելու համար: Ցարական արքունիքը, բնականաբար, խրախուսում էր ներգաղթը, քանի որ նորանվաճ տարածքները պաշտպանելու համար ռուսական արքունիքին հարկավոր էր հուսալի բնակչութիւն, անհրաժեշտ էր ամրապնդել կայսրութեան նորահաստատ սահ-

⁸⁹ Մելքոնյան Ա., ժողովրդագրական տեղաշարժերը Չավախցում և Ախալցխայի գավառում XIX դ. առաջին քառորդին, Իրան-Նամե, թիւ 1-3, Ե., 1998, էջ 12:

⁹⁰ Акты кавказскоу археографическоу комиссиу /այսուհետև՝ АКАК/, т. 2, док. 5, Тифлис, 1868.

⁹¹ История Грузии, т. 1, Тифлис, 1962, с. 402-406. См. также АКАК, т. 6, с. 467.

⁹² Присоединение Восточноу Армении к России, сб. док. под ред. Ц. Агаяна, т. 1, Е., 1972, с. 7; Иоаннисян А. Р., Присоединение Закавказья к России и международные отношения в начале XIX столетия, Е., 1958, с. XXIV.

մանամերձ դոտին՝ Լոռի-Փամբակը և Ծալկան⁹³: Այսպես Լոռի եկան Ղարաբաղի մելիքները, որոնց մասին վրացական արքունիքում Ռուսաստանի ներկայացուցիչ Կովալենսկին դրում է իր կատավարութայնը. «Մելիքները հայոց թագավորութայն անկումից հետո, հին ժամանակներից պահպանել են իրենց կայվածքների անկախությունը մինչև նորագույն ժամանակները»⁹⁴: Իրենք մելիքները քանիցս դիմել էին ռուսական կառավարությանը, իսկ 1799 թ. Մելիք-Ջումշուղը և Մելիք-Շրեյդուկը անձամբ գնացել էին Պեաերբուրգ և ընդունվել Պավել Առաջին կայսեր կողմից: Կայսրին ներկայացրած խնդրագրի կետերից մեկը նշում էր, որ մելիքներին թույլատրվի բնակություն հաստատել Լոռու գավառում⁹⁵:

Վերարնակեցումները շարունակվեցին նաև հետագայում, իսկ Փամբակը շարունակում էր մնալ ռուս հրամանատարութայն ուշադրութայն կենտրոնում, քանի որ որ այն հարևան էր Ախալքալաքի մարզին, իսկ վերջինս և Ախալցխան նվաճելու միտքը հանգիստ չէր տալիս ռուսական իշխանություններին:

Ռադմական նախարարին գրած զեկուցագրում գեներալ Պաուլուչչին տեղեկացնում էր, որ Ախալքալաքի ու շրջակայքի նվաճումով մենք «կապահովագրենք Բորչալուլուի դինստանցիան և ամբողջ ամայացած Սոմխեթիան և կվերականգնենք նրանց նախկին ծաղկուն վիճակը, իսկ տեղի բնակչութայնը կպարգևենք կայուն խաղաղություն»⁹⁶: Պաուլուչչին Լոռին վերաբնակեցնելը շահավետ էր համարում մի քանի տեսանկյունից. ա/ Հողագործութայն և անասնապահութայնը զբաղվելու դեպքում մեծ օգուտ կբերեն պետութայնը և ք/ այդ տարածքում գաղթականներ բնակեցնելով՝ Փամբակի հետ հաղորդակցությունը կդառնար անվտանգ և վերջապես ցարական գանձարանը կունենար շոշափելի օգուտներ, քանի որ այդ գաղթականները մի քանի տարի հետո գանձարանին պետք է վճարեին ընդունված չափով հարկեր: Բացի այդ, գաղթած

⁹³ Մելքոնյան Ա., Ջավախքը 19-րդ դ. և 20-րդ դ. առաջին քառորդին, Ե., 2003, էջ 156:

⁹⁴ Լեո, Հայոց պատմություն, համալսարան հրատ., Յերևան, 1927, էջ 14:

⁹⁵ Աղայան Օ., Ռուսաստանի դերը հայ ժողովրդի պատմական ճակատագրում, Ե., 1981, էջ 143:

⁹⁶ AKAK, m. 5, 1873, cmp. 183;

ժողովուրդը կապահովեր Ալավերդու և Ախթա-լայի գործարանները բանվորական ուժով: Ցիցիանովը 1804 թ. հոկտեմբերի 13-ին Կովկասի լեռնային վարչության պետ, կոմս Մուսին-Պուշկինին գրում է. «Ինչ վերաբերում է փրկությունն փնտրող և Երևանից դուրս եկած ընտանիքներին, Թիֆլիսից ես ուղարկեցի հայ արքեպիսկոսս Իոաննեսին Փամբակ, այն բանի համար, որ նրանց հակի դալ մեր մոտ... պարտավորված լինելով նրանց բնակեցնել» Լոռիում, առաջին հերթին գործարաններին պատկանող հողերում⁹⁷:

Այս ծրագիրն իրականացնելու համար գործի են դրվում բոլոր հնարավոր միջոցները: 1811 թ. աշնանը գեներալ Պաուլուչչիի գաղտնի հրամանով գնդապետ Լիսանեիչը եռանդուն գործունեություն ծավալեց դեպի Լոռի նոր ներգաղթ խրախուսելու ուղղությամբ: Այդ ջանքերի արդյունքում 100 ընտանիք կարսեցիներ /15 ընտանիք հայեր/, իրենց համայնքի առաջնորդ Աբգուլլահ աղայի գլխավորությամբ անցան թուրք-ռուսական սահմանը և բնակություն հաստատեցին Լոռի-Բորջալուում:

Լոռու, Բորջալուի և Փամբակի վերաբնակեցման հարցը մասամբ լուծվեց 1804 թ. Երևանյան արշավանքից հետո, երբ Երևանի խանությունից այս շրջանները վերաբնակեցվեցին շուրջ 2 հազար հայ ընտանիքներ, սակայն դրանց մի մասը հետագայում տեղափոխվեց Ելիզավետապոլի օկրուգ⁹⁸: Իսկ ցարական կառավարությունը շարունակում էր նոր արտոնություններ խոստանալ գաղթողներին: Իհարկե, այս բարյացակամ վերաբերմունքը ցուցաբերվում էր լոկ այն բանի համար, որ պեսզի շահագրգռեն գաղթողներին:

Երբ 1807 թ. մարտի սկզբներին ռուսները մտան Կարսի նահանգ, Բաշ-Շորագյալի մոտ գերեցին շրջկայքի 500 բնակիչ քրիստոնյա հայերի և Գուդուվիչի հրամանով բնակեցրին Սխուրյանի ձախ ափին, ինչպես նաև Փամբակում⁹⁹: Փոքր-ինչ ավելի ուշ, Կարսի գյուղերից 500 ընտանիք ռուսական

⁹⁷ Присоединение Восточной Армении к России, т. 1, док. N 186.

⁹⁸ Դիլոյան Վ., Արևելյան Հայաստանը 19-րդ դ. առաջին 30-ամյակին և իայ-ռուսական հարաբերությունները, Ե., 1989, էջ 38-39:

⁹⁹ Մելքոնյան Ա., Ջավախքը 19-րդ դ. և 20-րդ դ. առաջին քառորդին, էջ 119:

դրսովորական մարմինների դրդամար տեղափոխվեց դարձյալ Փամբակ¹⁰⁰: Նույն ժամանակ ռուսների աջակցությամբ 700 ընտանիք կարսեցի հայեր գաղթում են Շորագյալ և Փամբակ¹⁰¹: Արտաղաղթին մեծապես նսլասաում է նաև նոյեմբերին վրա հասած սովը. «...Այս մահաբեր սաստկութենէ սովուն երկիրն Պարսայ և Կարնոյ ցիրուցան եղեն, ոմանք ի Ղաղախ, ոմանք ի Գանձակ, ոմանք ի Փայտակարան, և ի Վիրս, և ոմանք ի ճանապարհի ոչ կարեին գնալ ի վրա երկրի անկանէին առանց ապաշխարութեան ր բարց խորհրդույ մեռանեին և լինէին գաղանաց և թռչնոց կերակուև, և որք գնացին գնացին...»¹⁰²:

1810 թ. վերջերին և 1811 թ. ընթացքում գաղթած կարսեցիներն ու արևմտահայ մյուս վերաբնակիչները ևս տեղավորվեցին Բորչալուում և Փամբակում:

Արևմտյան Հայաստանի արևելյան որոշ գավառներից գաղթի նոր ալիք է սկսվում 1822-1823 թթ. թուրք-պարսկական պատերազմի արդյունքում: Նրանց մի մասը դարձյալ հաստատվում է Լոռիում¹⁰³: Նկարագրելով Լոռվա գավառը, Պոտտոն գրում է. «...Փարթամ Լոռու տափաստանն արդեն այն ժամանակ բավականին խիտ բնակեցված էր Թուրքիայից (իմա՝ կայսրության կողմից բռնադավթված հայկական տարածքներից) ու Երևանի խանությունից գաղթած հայերով»¹⁰⁴:

Նույնը, ինչպես դիտենք, կատարվեց նաև 1826-1828 թթ. ռուս-պարսկական և 1828-1829 թթ. ռուս-թուրքական պատերազմներից հետո: Թուրքմենչայի և Ադրիանապոլսի պայմանագրերի համաձայն, շուրջ 140 հազար հայեր Պարսկաստանի և Թուրքիայի տիրապետության հայկական շրջաններից

¹⁰⁰ АКАК, т. 3, стр. 603, 607-608.

¹⁰¹ Մատենադարան, Արխիվային քա АКАК, т. 3, стр. 603, 607-608; Ժին, ձեռագիր N 6517, ք. 2:

¹⁰² Նույն տեղում, ք. 4:

¹⁰³ Մելքոնյան Ա., Էրզրում, Ե., 1998, էջ 127:

¹⁰⁴ Потто В., Кавказская война в отдельных эпизодах, легендах и биографиях, т. 3, вып. 1, с. 56. Տես նաև Քյուրքյան Ա., 1826-28 թթ. ռուս-պարսկական պատերազմը, Ե., 2000, էջ 22:

գաղթեցին և վերաբնակվեցին Արևելյան Հայաստանում¹⁰⁵։
Իհարկե, այդ գաղթերը ձեռնտու էին և ռուսաց կառավարութանը, որը ցանկանում էր ստվարացնել ռուսական կայսրութայնն անցած տարածքների հայ աշխատավոր բնակչության թիվը։ Ներգաղթը կաղմակերպելու համար 1830 թ. հունվարի 28-ին թիֆլիսում հիմնվում է գաղթականական կոմիտե Ջավիյելսկու նախագահությամբ¹⁰⁶։

Գաղթականներին վերաբնակեցնելու հարցում ռուսական իշխանությունները խստորեն հետևում էին նախօրոք նախանշված վայրում բնակեցնելու խնդրին։ Այդ հարցում կարևոր էր ռուսական իշխանությունների շահագրգռությունը, որոնք ցանկանում էին գրավված հողերը բնակեցնել քրիստոնյա հայերով¹⁰⁷։

Այսպիսով, քննարկելով XIX դ. առաջին 30-ամյակին Լոռվա տարածաշրջանի ժողովրդագրական իրավիճակի հիմնախնդիրը՝ կարելի է հանգել եզրակացության, որ գաղթերի արդյունքում որոշակիորեն փոխվեց տարածաշրջանի որոշ բնակավայրերի ազգային կազմը։ Պայմանավորված Անդրկովկասի աստիճանական միացման գործընթացով, արևելահայ և արևմտահայ ստվար զանգվածներ՝ անձի ու գույքի ապահովություն ձեռք բերելու ակնկալությամբ, ինքնակամ արտագաղթում էին ռուսական հպատակություն ընդունած տարածքներ՝ այդ թվում՝ Լոռի-Փամբակ։ Ռուսական զինվորական իշխանությունները, առաջնորդվելով երկրամասը իբրև գաղութ, իսկ այնտեղ ապրող ժողովուրդներին որպես հպատակներ ընկալելու միտումներով և նպատակ ունենալով տնտեսապես վերականգնել և վերաբնակեցնել կայսրության նորանվաճ տարածքները, հատկապես նախորդ շրջանում մեծապես տուժած Լոռի-Քորչալուն, հնարավորինս նպաստում էին բնակչության արտագաղթին՝ հաճախ հաշվի չնստելով քրիստոնյա բնակչության կամքի հետ։

¹⁰⁵ Պարսամյան Վ. Ա., Ռուսաստանը և հայ ժողովրդի պատմական քախտը, Ե., 1978, էջ 96։

¹⁰⁶ АКАК, т. 7, док. 822;

¹⁰⁷ Մելքոնյան Ա., Ջավախքը 19-րդ դ. և 20-րդ դ. առաջին քառորդին, էջ 185։

Ակնհայտ է, որ ռուսական կառավարութիւնը իր ծրարիւրն իրականացնելու համար հենվում էր առաջին հերթին հայկական աարրի վրա՝ վրացիներին համարելով քաղաքակտեսապես անվստահելի ժողովուրդ, մի բան, որը սակայն, վրաց սլաւամբանների ու մամուլի կողմից մեկնաբանվում է որպէս ռուսական կառավարութեան ե. հայ ազգային ազատագրական գործիչների միջև փոխհամագործակցութիւն, իբրև թէ վերջիններս առաջնորդվում էին որոշակի ծրագրով՝ «մեկ ամբողջական տարածք ստեղծելու նպատակով գաղթավայրեր ընտրել ցրված հայերի համար»¹⁰⁸: Մինչդեռ հայ հասարակական-քաղաքական գործիչները հասկանում էին, որ Անդրկովկասում հայ ժողովրդի ազատագրման հարցի լուծումը շաղկապված էր Ռուսաստանի արտաքին քաղաքականութեան հետ, իսկ վերջինս կառուցվում էր միջազգային հարաբերութիւնների բոլոր հանգամանքների հաշվառումով և պայմանավորված էր առաջին հերթին Ռուսաստանի հեռամետ նպատակների իրականացմամբ: Ըստ այգամ էլ հայ գործիչները ստիպված էին որոշակիացնել իրենց պահանջները, միահշուտել դրանք Ռուսաստանի արտաքին քաղաքական նպատակների հետ: Հայտնի է նաև, որ հասաատվելով նոր տարածքներում, ցարական Ռուսաստանը իր կարգերն ու վարչատարածքային բաժանումն էր կատարում այստեղ:

HASMIK AMIRJANYAN
Armenian State Pedagogic University

THE POLICY OF THE RUSSIAN EMPIRE IN LORY IN THE FIRST THREE DECADES OF THE 19th CENTURY

Summary

The Russian imperial government always considered Transcaucasia from point of view of its colonial policy. On the one hand, the Tsarist politicians put national-liberation movements into

¹⁰⁸ Հայ-վրաց գրական, պատմամշակութային հարցերը վրաց մամուլում /1988-1990/, նյութերի ժողովածու, թարգմ. Հրայր Բայրամյանի, Ե., 2001, էջ 56:

service of their interests and, on the other hand, carried out administrative divisions without taking into consideration ethnic factor.

After the Russian-Persian wars the Russian government created administrative-economic conditions (serving its own interests) for the peoples of Transcaucasia. Meanwhile, in the course of time the demographic structure of the Armenian population underwent some changes. These changes involved also the territory of the Armenian Lori region.

The settlement in Lori by the Armenians arriving from Western Armenia, Javakhk and Artsakh constituted a part of the Tsarist government's policy. It is obvious that Russia along with military means realized also the demographic policy to reinforce its presence in the Transcaucasian regions. The Tsarist officials aiming at reconstruction and resettlement of the conquered territories greatly applied the immigration policy without taking into consideration the will of the Christian population. It resulted in undesirable demographic changes full of conflict aftereffects. The immigration policy of the Russian Empire concerning the Armenians has been misunderstood and misinterpreted in the Georgian historiography and media.

The Armenian socio-political figures understood that the solution of the liberation movement of the Armenian people was connected with the foreign policy of the Russian Empire which, in its turn, was interrelated with the latter's interests and their realization in every given geopolitical situation. Consequently the Armenian socio-political figures had to adapt their demands to the aims of the foreign policy of the Russian Empire.

It is well known that the Russian Empire established its governing and administrative divisions in the new conquered territories which enabled the Tsarist government to conduct a flexible policy from point of view of facilitating the colonial governance. One of the methods of such policy was firing of national conflicts which had disastrous consequences for the Armenian population.

1856 թ. «ՀԱԹԹԸ ՀՅՈՒՄԱՅՈՒՆԸ» ԵՎ
ԱՐԵՎՄՏԱՀԱՅԵՐԻ ԱԶԳԱՅԻՆ ՍԱՀՄԱՆԱԴՐՈՒԹՅՈՒՆԸ

Ռուս-և վրոպական հակամարտության հիմքում ընկած էր Մերձավոր Արևելքում մեծ տերությունների պայքարը գերիշխանության համար. «Մի կողմից այդ գերիշխանությանը հավակնում էր ցարական Ռուսաստանը, իսկ մյուս կողմից՝ Անգլիան և Ֆրանսիան... Երկու կողմերն էլ հետապնդում էին անարդար, զավթողական նպատակներ»¹⁰⁹: Ցարական Ռուսաստանը ձգտում էր հաստատել իր ազդեցությունը Թուրքիայում: Անգլիան և Ֆրանսիան նույնպես շտապում էին հաստատել իրենց քաղաքական ու տնտեսական գերիշխանությունը Թուրքիայում և Մերձավոր Արևելքում: Անգլիան և Ֆրանսիան մտավախություն ունեին, որ Ռուսաստանը կտիրանա Թուրքիային: Իսկ Նիկոլայ Առաջինը, Թուրքիային համարելով «հիվանդ մարդ», երկյուղում էր, որ Թուրքիայի «հոգեվարքը» այնքան էլ հեռու չէ, և թուրքական կայսրությունը կարող է իլլվել, և այդ պարագայում Մերձավոր Արևելքին կտիրանա Անգլիան. «Ցարը (Նիկոլայ Առաջինը - Գ.Հ.) Անգլիային առաջարկում էր թուրքական կայսրության մասերը բաժանել Ռուսաստանի և Անգլիայի միջև»¹¹⁰:

Քաղաքական այս «խաղերում» Ռուսաստանը աչքաթող էր արել Ֆրանսիային, որը ցարի կարծիքով, չէր ցանկանա պատերազմի մեջ մտնել, և Ավստրիային, որն իր կարծիքով, չի դիմագրի Ռուսաստանին: Անգլիան ցարին մերժեց Թուրքիայի վերաբերյալ որևէ համաձայնություն կնքել Ռուսաստանի հետ, մանավանդ որ նման համաձայնությունը կհարուցեր Ֆրանսիայի և Ավստրիայի կասկածները: Անգլիայի մերժումը ստանալով՝ Նիկոլայը որոշեց հարձակվել Թուրքիայի վրա:

1853 թ. նշանավորվեց ռուս-թուրքական պատերազմով, որի սկզբնական շրջանում ռուսական զորքն ու նավատորմը

¹⁰⁹ История дипломатии, т. 1, М., 1959, с. 642.

¹¹⁰ Նույն տեղում, էջ 643:

հաղթանակ էր տանում: Ռուսաստանի Հաջողությունները պատերազմի թատերաբեմում ստիպեցին Անգլիային և Ֆրանսիային որոշակի քայլերի դիմել՝ պայմանադիր կնքել Թուրքիայի հետ և պատերազմ սկսել Ռուսաստանի դեմ: Անգլիային և Ֆրանսիային միացան նաև Ավստրիան և Պրուսիան: Ռուսաստանը պարտվեց, և 1856 թ. կնքվեց Փարիզի դաշնագիրը, որով Սև ծովը Հայտարարվեց չեզոք, Ռուսաստանն էլ զրկվեց Սև ծովում նավատորմ ունենալու իրավունքից: Ըստ այս դաշնագրի երրորդ հոդվածի, Թուրքիային վերադարձվեցին ռուսական զորքերի գրաված տարածքները՝ Կարսը, Արդահանը: Օսմանյան պետութունում ապրող քրիստոնյաները անցնում էին եվրոպական տերությունների հովանավորության տակ: Սակայն եվրոպական տերությունները հովանավորում էին Թուրքիային և ամենեւին մտահոգված էին թուրքահպատակ քրիստոնյա ժողովուրդների ճակատագրով:

Ղրիմի պատերազմից հետո եվրոպական տերությունները բացահայտ ֆինանսական և տնտեսական ճնշում են գործադրում Թուրքիայի վրա, և վերջինս, ֆինանսա-տնտեսական կախման մեջ է ընկնում այդ պետություններից: 1850-ական թթ. Թուրքիայում սկսվում է բարեփոխումներ անցկացնելու շրջան: Փարիզի կոնֆերանսի նախօրյակին սուլթան Աբդուլ Մեջիդը իր դաշնակիցների հորդորով, կարելի է ասել նրանց ճնշման ներքո, 1856 թ. փետրվարի 18-ին հրապարակեց «Հաթ-թը Հյումայունը», որը նախատեսում էր բարեփոխումներ կատարել, արտոնություններ տրամադրելով Թուրքիայում ապրող ոչ մահմեդական ժողովուրդներին քրիստոնյաներին:

Թանգիմաթով ենթադրվում էր պահպանել թուրքահպատակների անձի, ունեցվածքի և պատվի անձեռնմխելիութունը: «Հաթթը Հյումայունով» Օսմանյան կայսրությունը ձգտում էր Փարիզի դաշնագրի կնքման նախօրյակին համալսարհային հասարակութայնը ցուցադրել, որ ինքը կարող է լուծել իր երկրի բարեփոխումների խնդիրը: Փարիզի դաշնագրով Օսմանյան Թուրքիան պաշտոնապես դասվում էր քաղաքակիրթ պետությունների շարքը, ինչի փոխարեն նրանից պահանջվում էր բարենորոգել իր երկիրը բոլոր հպատակներին անխտիր շնորհելով հավասարություն:

Օսմանահպատակ Հայերի և մյուս քրիստոնյաների համար այս հրովարտակը կարևոր նշանակութուն ուներ, քանի որ, հիմնվելով նրա վրա, եվրոպական պետությունները ճնշում են գործադրել Թուրքիայի վրա ի նպաստ նրա քրիստոնյա

րնակիչները ինքնավարութեան, և որը դադարախոսական ու իրավական հիմք էր դառնալու հայերի ու հույների ազգային ներքին կանոնադրութունների համար: Այն ունեւր հույժ կարեւոր ձեակերպում. «Նորին կայսերական Մեծութեան Սուլթանը, մշտապես մասհոգւած իր հպատակների բարօրութեամբ, շնորհակով հրովարտակ, որով բարելավում է նրանց վիճակը առանց դավանանքի կամ ցեղի խտրութեան, և հաստատվում են նրա վեհանձն մտադրութուններն իր կայսրութեան քրիստոնեական ազգաբնակչութեան նկատմամբ և կամենալով այդ մասին իր զգացմունքների նոր ապացույց տալ, որոշեց պայմանավորվող Տերութուններին հաղորդել վերոհիշյալ, սեփական մղմամբ հրապարակած հրովարտակը: Պայմանավորվող Տերութուններն ընդունում են սույն հաղորդման բարձր կարեւորութունը, ընդ այնմ հասկանալով, որ այդ հաղորդումը ոչ մի դեպքում հիշյալ պետութուններին իրավունք չի տալիս միջամտելու համախումբ թե առանձին, նորին Մեծութուն Սուլթանի հարաբերութուններին՝ նրա հպատակների նկատմամբ և նրա կայսրութեան ներքին կառավարման գործերին»¹¹¹: Վաղուց հայտնի է, որ այս հրովարտակի խմբագրման մեջ մեծ դեր խաղացին Անգլիայի, Ֆրանսիայի և Ավստրիայի ղեկավարները՝ Թուրքիային փաստորեն տրամադրելով ձեռքերի ազատութուն՝ իր ուղածին պես վարվելու սեփական խոստումների հետ: Նախապես կշռադատված ու մտածված այս քաղաքականութեան էութունը չհասկանալով եվրոպամետ ուսումնասիրողը տերութուններին նույնիսկ ուշացած ապաշխարողի հատկութուններ է վերագրում. «Այս սխալը նրանք շատ շուտ հասկացան, երբ տեսան, որ բարենորոգումները մնում էին միշտ թղթի վրա իրրե մեռած տառ»¹¹², - դրում է Ա. Սարուխանը: Նույն միամտութեամբ նա պնդում է, թե աններելի էր Գրդ հոգւածի վերջին պարբերութունը հավելելու փաստը, քանզի հիմնվելով այս պարբերութեան վրա թուրք կառավարութունը, իբր, մերժում էր «Եւրոպական գաւիճների միջամտութեան իրավունքը Թուրքիայի ներքին գործերում»¹¹³. Այդպիսով, թուրքահպատակ քրիստոնյա ժողովուրդների կացութեան բարելավման խնդիրները ճանաչվեցին որպես Օս-

¹¹¹ Պողոսյան Յ., Ձեթունի պատմութունը, Ե., 1969, էջ 154:

¹¹² Սարուխան Ա., Հայկական խնդիրը և Ազգային Սահմանադրութունը Թուրքիայում (1860-1910), Թիֆլիս, 1912, էջ 14:

¹¹³ Նույն տեղում:

մանյան կայսրութեան ներքին խնդիրներ: Պատճառն այն էր, որ եվրոպական պետութիւնները մտահոգված էին լոկ Թուրքիայի տնտեսութիւնը իրենցից կախման մեջ դնելու հարցով, ուստի չէին կարող ընդ տեղ չդնել այն հանգամանքը, որ դեռևս 1839 թ. հրապարակված «Հաթթը շերիֆ»-ի մեջ տեղ էր գտել «Հաթթը Հյումայունի» արժարժված հարցերի և խոստումների մի մասը, որոնք բնականաբար, չէին կենսագործվել: Չկենսագործվեց նաև «Հաթթը Հյումայունը»: 1859 թ. եվրոպական տերութիւնները դիմեցին Թուրքիային մի հուշագրով, որտեղ ասված էր, որ Թուրքիան չկատարեց իր խոստումները բարենորոգումների վերաբերյալ: Նման պահանջով եվրոպական մասի սլավոնական ժողովուրդների վերաբերյալ, Թուրքիային դիմեց նաև Ռուսաստանը: Ստեղծվեց մի հանձնաժողով, որը զբաղվեց Թուրքիայի եվրոպական մասի քրիստոնյաների բողոքների հարցով: Սակայն հանձնաժողովի ծավալած գործունեութիւնը ամենևին չթեթևացրեց այդ ժողովուրդների վիճակը:

Ղրիմի պատերազմից հետո Օսմանյան կայսրութիւնը ավելի մեծ ֆինանսական կախման մեջ է ընկնում եվրոպական տերութիւններից: Ֆինանսական ճգնաժամ ապրող Թուրքիայում ավելի է վատթարանում հպատակ ազգերի սոցիալ-քաղաքական կացութիւնը խթանելով նրանց ազգային ինքնորոշման տրամադրութիւնները:

XIX դ. առաջին կեսին եվրոպական Թուրքիայում ուժեղանում են սլավոնական ժողովուրդների ազատագրական շարժումները: Հունաստանի և Սերբիայի ազատագրումը օսմանյան տիրապետութիւնից որոշակի ազդեցութիւն ունեցավ արևմտահայութեան քաղաքական կյանքի վրա: 1862 թ. բռնկվեց Չեյթունի ապստամբութիւնը, որով հայ ազատագրական գաղափարախոսութիւնը իր գործնականութիւնն էր գտնում իրական հիմքերի վրա: Չեյթունի իրադարձութիւնները, ինչպես և ֆրանսիական քաղաքականութեան ակտիվացումը Օսմանյան Թուրքիայում շրջադարձային և վճռական նշանակութիւն ունեցան «Ազգային սահմանադրութիւնը» վերահաստատելու խնդրում (1863 թ.):

Երկյուղելով իր տիրապետութեան տակ գտնվող ժողովուրդների ըմբոստացումից, 1858-1859 թթ. Թուրքիան ձեռնամուխ եղավ բարեփոխումների անցկացմանը: 1859 թ. օսմանյան իշխանութիւնները առաջարկեցին Կ. Պոլսի հայոց պատ-

րիարբին կից ստեղծված քաղաքական և կրոնական ժողովներին մշակել Հայերի մեջ անցկացվելիք բարեփոխումների ծրագիր: Այդպիսի ծրագիր մշակվեց Հայ մտավորականության ներկայացուցիչների կողմից: 1856 թ. «Հաթիթը Հյուսայունի» մեջ Հայտարարված էին հետևյալ տրամադրությունները օսմանահոլապակ քրիստոնյաների վերաբերյալ. «Այն բոլոր առանձնաշնորհումներն և կրօնական արտօնությունները, որոնք մեր նախնիքներից ի վաղուց անտի շնորհուել են պետութեան մէջ բնակվող և իմ պաշտպանութիւնը վայելող բոլոր քրիստոնեայ և այլ ոչմահմեդական հասարակութիւններին վաւերացուած են մեզանից և պիտի պահպանուին: Իւրաքանչիւր քրիստոնեայ կամ ոչմահմեդական հասարակութիւն պարտաւորվում է մի որոշ ժամանակի ընթացքում իր միջից ընտրուած յանձնաժողովի միջոցով, Բ. Դոան հսկողութեան տակ և իմ բարձր բարէհաճութեամբ, քննել իւր ունեցած առանձնաշնորհումներն և արտօնութիւնները, սահմանել ժամանակի և քաղաքակրթութեան պահանջած բարէնորոգումներն և հաղորդել Բ. Դոան»¹¹⁴: Հայերը, ելնելով թանգիմաթի այսպիսի ուղղվածությունից, փորձեցին լուծել իրենց ներքին ազգային, հասարակական և կրոնական հարցերը սահմանադրական ճանապարհով, թեև սահմանադրություն բառը դեռ չէր գործածվում: Սուլթան Մեջիդի առաջին հրովարտակից հետո (1854 թ. օգոստոսի 26) Գերագույն ժողովը կազմեց «մի առանձին մարմին, և առաջին անգամ «Սահմանադրական հանձնաժողով» անունը տալով նրան, հանձնարարեց կազմել մի նոր ազգային կանոնադրություն»¹¹⁵: Նոր կազմված կանոնադրությունը հավանություն գտավ և հաստատվեց: Այն ընդունվեց 1860 թ. մայիսի 24-ին որպես «Ազգային սահմանադրություն», որի սկզբունքները մշակել էին առաջավոր մտավորականության ներկայացուցիչներ Ն. Ռուսինյանը, Ն. Պալյանը, Գ. Օտյանը, Սերվիչեները և ուրիշներ: «Սահմանադրութիւնը կազմված էր լայն, ժողովրդական ոգով և յառաջադիմական ձգտումներով, որ որոշ խմբի համար չափազանց անհաճոյ էր, և սա չուշացավ իր դժուհուութիւնները հայտնելու»¹¹⁶: Հաստատումից մի քանի ամիս անց պահպանողական ամիրաների և կղերականների մի խումբ հակադրվեց կանոնադրությանը, գտնելով նրա մեջ

¹¹⁴ Սարուխան Ա., ցշվ. աշխ., էջ 14:

¹¹⁵ Նույն տեղում, էջ 15:

¹¹⁶ Նույն տեղում:

«Կրօնի և ազգային ավանդույթների հակառակ կանոններ»¹¹⁷: Առաջ տանելով իրենց ընդդիմութիւնը, նրանք կարողացան թուրք կառավարութեան ձեռքով խափանել տալ նրա գործադրութիւնը: Սակայն արդեն հնարավոր էր կասեցնել սահմանադրական հոսանքը: Բժիշկ Սերվիլչենը ջանքեր զործարեց, որպեսզի 1859 թ. կազմվի նոր հանձնաժողով, որտեղ այս անգամ գերակշռում էր աշխարհիկ տարրը և որը ընդգրկեց Գ. Օտյանին, Ն. Ռուսինյանին, Կ. Ություճյանին: Վերջիններս ընդհանուր ժողովին ներկայացրեցին բարեփոխված նոր կանոնադրութիւն, սակայն այս անգամ էլ կանոնադրութեան «անողոք թշնամին» հանդիսացավ պարիարք Գևորգը, որը խոչընդոտում էր նրա վավերացմանը¹¹⁸: Սահմանադրական խումբը Սերվիլչենի գլխավորութեամբ կարողացավ դրական լուծում տալ այս հարցին: Եվ քանի որ սահմանադրական խումբը քաջ գիտակցում էր, որ ներկա պատրիարքի օրոք հնարավոր չէ հաջողութեամբ հասնել, ուստի անհրաժեշտ էր տապալել պատրիարք Գեորգին, որին 1860 թ. ապրիլին փոխարինեց Սարգիս եպիսկոպոս Գուլումճյանը, որը ընդհանուր ժողովի կողմից հաստատելուց հետո վավերացրեց այդ կարևորագույն փաստաթուղթը:

1860 թ. մայիսի 24-ին վավերացված կանոնադրութիւնն ստացավ «Ազգային սահմանադրութիւն» անվանումը, որ առաջարկել էր Ն. Ռուսինյանը: Ազգային սահմանադրութիւնը, գործադրութեան մեջ մտավ: Կանոնադրութիւնը «սահմանադրութիւն» անվանելով ոչ Ռուսինյանը, Սերվիլչենը կամ Աղաթոն եղբայրները և մյուսները, քաղաքական կամ ազգային սնապարծութեանը որևէ տուրք չէին տալիս, ինչպես հետագայում դնահատվել է այդպիսի անվանումը¹¹⁹:

Այս սահմանադրութեան արժանիքների և թերութիւնների մասին քննադատական աշխատութիւն ունի իրավագետ Ռոյեն-ժեկմենը՝ «Հայաստանը, հայերը և դաշնագրութիւններ» խորագրով: Ըստ նրա, ավելի ճիշտ էր այն անվանել ոչ

¹¹⁷ Նույն տեղում:

¹¹⁸ Նույն տեղում, էջ 16:

¹¹⁹ Խառատյան Ա., Արևմտահայերի ազգային «Սահմանադրութիւնը» (1860-1863), Պատմա-բանասիրական հանդես, 1992, N 2-3 (135-136), էջ 61: Յետևելով հայ պատմագրութեան մեջ ընդունված եզրույթին, մենք ևս նշված կանոնադրութիւնը կանվանենք «սահմանադրութիւն»՝ զուտ պայմանական իմաստով:

թն սահմանադրութիւն, այլ հայ համայնքի կանոնադրութիւն, որի նպատակն էր կաղամակերպել «կիսով չափ աշխարհական, կիսով չափ կրօնական մի հասարակութիւն, որի իրավունքները վաղարուժ են այնտեղ, որտեղ սկսվում են մի իսկական պետութեան իրավունքներ»¹²⁰: Խոսքն ու գործը այստեղ հակասում էին միմյանց, և սահմանադրութեան 150 հոդվածները ներկայացնում էին «մի շենք, որ կառուցված է մեր ժամանակակից դեմոկրատական սահմանադրութիւնների ոճով»¹²¹: Այն ընդգրկում էր առաջաբան, կենտրոնի (Կ. Պոլիս) և դավասական ներկայացուցիչների տեղական ժողովներ ու աղագային խորհուրդներ, որոնք հսկողութիւն պիտի սահմանեին կրթութեան, ֆինանսների, արդարադատութեան ընագավառներում, սակայն, ինչպես դիպուկ նկատել է Ռոլեն-ժեկմենը «... այնտեղ կա ամեն ինչ, բացի մի հոդվածից, որի վրա հայր կարողանար հիմնվել արգելելու համար, որ քուրդը չիլի նրա ոչխարները, բայց չանպատկե նրա աղջկան և չավերե նրա կալվածքը, որ հարկահավաքը երկու կամ երեք անգամ չսահանջէ նրանից միևնույն հարկը, մի խոսքով ամեն ինչ կա, բացի մի այնպիսի կարգադրութիւնից, որ նրան, հային, իբրև երաշխավորութիւն ծառայեր ընդդէմ թուրք կառավարութեան կամայականութեան»¹²²: Պատահական չէր, որ Ալի փաշան այն անվանեց քառակուսի անիվ, որն անօգուտ էր, քանզի չէր կարող շարժվել տեղից¹²³: Ընդունելով սահմանադրութիւնը թուրքերը հավատարիմ են մնացել իրենց համակարգին «չքեղ պիտակներ դնել դատարկ տուփերի վրա», ամփոփում է իր միտքը Ռոլեն-ժեկմենը¹²⁴: Սակայն «այստեղ պիտակի հարց չկա: Խնդիրն այն է, որ արևմտահայերենում «կանոնադրութիւն» և «սահմանադրութիւն» բառերը ընդամենը հոմանիշներ են... երկու բառն էլ հավասարաչափ օգտագործվում էին և՛ կանոնադրութեան, և՛ կոնստիտուցիայի իմաստով... Ավելին, արևմտահայերի ազգային ու եկեղեցական գործերի կանոնադրութիւնը դեռևս XIX դ. սկզբին և դրանից էլ դեռ շատ

¹²⁰ Ролен-Жекмен, Армения. армяне и трактаты (Положение армян в Турции до империальства держан в 1895 г., М., 1896, с. 18).

¹²¹ Նույն տեղում:

¹²² Նույն տեղում, էջ 19:

¹²³ Ղազարյան Յ., Արևմտահայերի սոցիալ-տնտեսական և քաղաքական կացութիւնը 1800-1870 թթ., Ե., 1967, էջ 458:

¹²⁴ Ролен-Жекмен, նշվ. աշխ., էջ 18:

առաջ կոչվում էր հենց «սահմանադրութիւն»¹²⁵: Հետագայում այս անվանումը հնարավորութիւն ավեց մի շարք պատմաբանների (ինչպես Թուրք, այնպես էլ արևմտյան) «չահարկել» այն (անվանումը - Գ. Հ) հօգուտ Օսմանյան կայսրութեան համակարգում գոյութիւն չունեցող ժողովրդավարական սկզբունքների, թե «իբր բարեխնամ սուլթանը արևմտահայերին սահմանադրութիւն էր շնորհել դեռևս 1860 թ., բոլորովնական մի ազատութիւն, որից ինքը Թուրք ժողովուրդը զուրկ էր մինչև 1876 թ. (օսմանյան առաջին սահմանադրութիւնը)¹²⁶: Սահմանադրութիւնը, իրականում, որպես կանոնադրութիւն, զուրկ էր որևէ քաղաքական բովանդակութիւնից: Սահմանադրութիւնը չէր անդրադառնում կարևորագույն հարցին՝ անհատի անձնական իրավունքներին: Այս բոլոր թերութիւնների հետ մեկտեղ չափազանց կարևոր էր այն հանգամանքը, որ տաճկահայերի ազգային հասարակական, կրոնական, և նույնիսկ քաղաքական կյանքը կառուցվում էր այս կանոնադրութեան սկզբունքների վրա: Սահմանադրութեան գործադրութեան առաջին իսկ տարին ցույց տվեց, որ կային բազմաթիվ խոչընդոտներ 1860-ի սահմանադրութեամբ ղեկավարվելու գործում¹²⁷: Երկու տարի հետո, 1863 թ. մարտի 17-ին Օսմանյան կառավարութիւնը հաստատեց վերանայված սահմանադրութիւնը. 1860-ի Սահմանադրութիւնը իր վերաքննութիւնից հետո պահպանել էր իր նույն ոգին, այն տար-

¹²⁵ Խառատյան Ա., նշվ. աշխ., էջ 62:

¹²⁶ Նույն տեղում: Թուրքերը մինչ օրս էլ օգտվում են այս թուրիմացությունից պնդելով, թե երբ իրենք դեռ սահմանադրություն չունեին, «երախտամոռ» հայերին «չնորհել էին» սահմանադրություն ունենալու իրավունք:

¹²⁷ Երուսաղեմի Ս. Յակոբյանց վանքի պատճառով հակասություններ առաջացան Ազգային ժողովի և նրա նախագահ Սարգիս պատրիարքի միջև: Ազգային երեսփոխանների մեծամասնությունը Սերվիչեմի գլխավորությամբ, որը մեկնել էր Երուսաղեմ և ծանոթացել այնտեղ տիրող անկարգություններին, պահանջում էր, որ Երուսաղեմի պատրիարքը նույնպես ընտրվի համաձայն սահմանադրության ազգային երեսփոխաններից, այլ ոչ թե Երուսաղեմի վանքի միաբանությունից: Վեճը շատ խորացավ և Սարգիս պատրիարքը մերժեց Ազգային ժողովի որոշումները այս հարցի մասին: Սահմանադրականները հաղթեցին և գահընկեց արին պատրիարքին: Այս միջադեպի հետ են հաճախ կապում 1861 թ. սկզբին սահմանադրության դադարեցման պատճառները: Սակայն հարկ է նշել, որ Օսմանյան կայսրությունը այս զգվուտոց օգտագործեց որպես առիթ սահմանադրությունը դադարեցնելու խնդրում: Իրականում թուրք կառավարությունը առանց սանկցիայի չէր համակերպվում այն փաստի հետ, որ թուրքապատակ ազգերը փոխելին իրենց վարչական կարգավիճակը (Խառատյան Ա., նշվ. աշխ., էջ 63):

րևրությամը, որ նորը՝ 1863-ինը «ավելի ամփոփ և ավելի գործնական կարողադրություններ էր բովանդակում»¹²⁸: Սահմանադրության մեջ արվեց մի բնորոշ փոփոխություն՝ ազգային ժողովի անդամները երեսփոխանները պետք է ընտրվեին թաղային ժողովներում էսնաֆներից ընտրվելու փոխարեն: Ազգային ժողովը անմիջական կախման մեջ էր Օսմանյան կառավարությունից: Եվ այս ամենը անվանվում էր ազգային առաջադիմություն՝ արևմտահայության սովի և գաղթի, զանգվածային հարստահարությունների, լլկանքների և բռնաբարությունների լծի ներքո: Այնուամենայնիվ, առաջադեմ և ղրական էր այն հանգամանքը, որ արևմտահայերը «սահմանադրական կերպարանք» տվեցին իրենց վարչությանը դեռ այն շրջանում, երբ այդ քայլին չէին գիմել բալկանյան և այլ ժողովուրդները¹²⁹:

1856 թ. հաթթի առաջադրած բարենորոգումներից մեկն այն էր, որ պատրիարքների և ոչ մահմեդական հասարակությունների արտոնությունները և առանձնաշնորհները հատուկ հանձնաժողովների կողմից քննվելուց հետո պիտի սահմանվեին, որպես ժամանակի ողով և առաջադիմության սլահանջներին համապատասխան կանոններ: Հուլյն, հայ և հրեա ազգերի համար կազմվեցին հանձնաժողովներ և մշակվեցին կանոններ: Եթե ուսումնասիրենք այս երեք ազգերի համար մշակված և ընդունված կանոնները կամ օրենքները, կտեսնենք, որ նրանցից յուրաքանչյուրը կրում է իր ժողովրդի հոգեբանության դրոշմը: Հուլյն և հայ պատրիարքություններից, հրեա խախամապետությունից բացի այդ շրջանում կային արդեն հռոմեադավանների պատրիարքարան և բողոքականների աղդապետարան, սակայն դրանք չէին ընդգրկված 1856-ի հաթթի կանոնադրության մեջ, քանի որ իբրև նորագույն հիմնարկություններ, նրանք գերծ էին մնացել ժողովրդական խավերի հետ ունեցած վեճերից և իրավասության կազմակերպման հարցերից: Իսկ հայ և հուլյն պատրիարքների, եպիսկոպոսների կամ առաջնորդների ընտրության ու փոփոխության մասին բազմաթիվ վեճեր էին ծագում, որոնք նույնիսկ պահանջում էին պետական միջամտություն, ինչպես նաև վիճահարույց էին նրանց եկեղեցական կամ ազգային կալվածների շինութ-

¹²⁸ Սարուխան Ա., Գշվ, աշխ., էջ 25:

¹²⁹ Հայերից ավելի շուտ (1860 թ. փետրվարին) սահմանադրություն ընդունեցին օսմանահպատակ հույները:

յան, սեփականութեան ֆինանսավորման, տնտեսութեան, տուրքի մասին բազմաթիւ խնդիրներ, որոնք պատճառ էին դառնում պատրիարքարանների և Բ. Դռան միջև բանակցութիւնների, զանգատների և հրովարտակների համար¹³⁰։

«...Սահմանադրութիւն կոչված օրենքը կրօնական կամ եկեղեցական առանձնաշնորհում մը չէ, այլ զուտ ներքին ինքնավարութեան բնական իրավունք, թե՛ այդ իրավունքը ո՛չ 1860-ին և ո՛չ 1863-ին է հաստատված, այլ երեք գարերու ժողովրդական պայքարով ժառանգուածն է, որ օրենքի ձև է ստացել»¹³¹, - նշում է Ատոմը։

Հիմնական պայքարը ուղղված էր ամիրայութեան դեմ, քանի որ «պատրիարքութիւնը զիջած էր ամիրայութեան համազործակցելու, իսկ ամիրայութիւնը հավանած էր էսնաֆութիւն ընտրելու իրավունքն ընդունելու»¹³²։

«Ազգային Սահմանադրութիւնը» պատրիարքի որպէս ազգի գլխավորի, իշխանութիւնը տալիս է ազգային կառավարութեանը, որը կազմված պիտի լինի հայ ժողովրդի ներկայացուցիչներից պատգամավորներից։

Կառավարութիւնը, ավելի ճիշտ ներկայացուցիչները, ընթացիկ գործերի համար ընտրում են 2 «ազգային» խորհուրդ մեկը կրօնական, մյուսը՝ քաղաքացիական գործերի համար, ընտրում է Պոլսի և Երուսաղեմի պատրիարքին, մասնակցում է կաթողիկոսի ընտրութեանը, շտկում աշխարհիկ և հոգևոր ժողովների միջև եղած անհամաձայնութիւնները, նաև պատրիարքի և ժողովների միջև ծագած անհամաձայնութիւնները։

Սահմանադրութեան քաղաքական արձագանքը անսպասելի եղավ թուրք կառավարութեան համար, խորացրեց ազգային ինքնագիտակցութիւնը և հենարան դարձավ ազգային ինքնորոշման ձգտումների համար։

¹³⁰ Ատոմ, Ազգային սահմանադրութիւնը, Կ. Պոլիս, 1914, էջ 35։

¹³¹ Նույն տեղում, էջ Բ։

¹³² Նույն տեղում, էջ 29։

**“HATT-i-HUMAYUN” OF 1856 AND THE NATIONAL
CONSTITUTION OF WESTERN ARMENIANS**

Summary

The confrontation between the Russian Empire and Western European states was based on the struggle among of the Great Powers for the predominance in Western Asia. The Tsarist Russia aimed at the establishment of its influence in Turkey. Britain and France were also interested in the establishment of their political and economic dominance in Turkey and Near East. The Russian Empire was defeated in the Crimean War and after the conclusion of the Treaty of Paris (1856) it lost its right to keep the Russian navy in the Black Sea which had been declared neutral. Besides, according to the 3rd Article of the Treaty the Armenian territories of Kars and Ardahan conquered by Russian troops were returned to the Ottoman Empire.

The Christians living in the Ottoman Empire were taken under the protection of European states. Meanwhile, the European states protected Turkey thus they became disinterested in the fate of the Christian peoples which were the subjects of the Ottoman Empire. At the same time, after the Crimean War European states pressed Turkey financially and economically and the latter became a dependant country.

On February 18, 1856 the Sultan Abdul Mejid I issued the decree “Hatt-i- Humayun” under the pressure of Western European states. It supposed some reforms providing several privileges for non-Muslim, the Christian peoples living in the Ottoman Empire. According to the Imperial Rescript of Tanzimat had been supposed the protection of the persons, property and honour of the subjects of the Ottoman Empire.

In 1862 took place the Zeitun rebellion and thus the Armenian liberation ideology was put into action on the real basis.

On March 17, 1863 the Ottoman government approved the revised text of the National Constitution of Western Armenians. Some changes were made in it: the members (deputies) of the National Assembly had to be elected by the quarter councils instead of *esnaf* (guilds)

The National Assembly was subject to the Ottoman government. Consequently, there was no improvement in social and political life of Western Armenians who lived in conditions of famine and migration, violence and impoverishment. Anyhow, the National Constitution's political resonance had been unexpected for the Turkish government. The Constitution deepened the national self-consciousness of Western Armenians and became a support for aspirations of the national determination.

ՀԱՄԱՌՈՏ ԱԿՆԱՐԿ ՇԱՄԱԽՈՒ ԹԵՄԱԿԱՆ ԴՊՐՈՑԻ
ՊԱՏՄՈՒԹՅՈՒՆԻՑ (XIX դ. — XX դ. սկիզբ)

Արևելահայության կրթական գործի կազմակերպման համար բարերար նախադրյալներ ստեղծվեցին 1836 թ. կայսերահատատ «Պոլոժենիե»-ով, ըստ որի հայերին թույլատրվում էր ունենալ երկու տիպի դպրոց թեմական հոգևոր սեմինարիա ամեն մի թեմում, և տարրական դպրոցներ եկեղեցիներին ու վանքերին կից: Ծխական դպրոցների կանոնները հրապարակելուց հետո Գևորգ Դ Կոստանդնուպոլսեցին 1869 թ. փետրվարին հրապարակեց նաև թեմական դպրոցների կանոնադրությունը, համաձայն որի «Թեմական ասին այնոքիկ ի դպրոցաց, որք հաստատել են յառաջնորդանիստ տեղիս և ի գլխաւոր քաղաքս Ռուսաստանի վասն կրթելոյ յայլ և այլ հրահանդս ուսմանց զթերավարժ աշակերտաս աւարտեալս զընթացս զիտուլթեանց ի Ծխական դպրոցս»¹³³:

Ի տարբերություն այն թեմերի, որոնք նյութապես առավել բարվոք վիճակում էին և կարճ ժամանակամիջոցում ստեղծեցին թեմական հոգևոր դպրոցներ, Շամախիի թեմում այդ գործընթացը տևականորեն ձգձգվեց: Հիմնական պատճառն այն էր, որ թեմը, գտնվելով նյութական սուղ պայմաններում, չէր կարողանում միջոցներ հայթայթել թեմական դպրոցի բացման համար, ուստի սկզբնական շրջանում բացվեց միայն տարրական եկեղեցական դպրոց¹³⁴: Այս առումով հետաքրքրական է Ալ. Երիցյանի տված բնութագիրը Շամախու հայոց թեմի վերաբերյալ. «Այդ միջոցներում շատ խեղճ ու անբարեկարգ էր նաև Շամախու կամ Երվանի թեմը: Այնտեղ էլ կոնսիստորիան միայն անունով գոյութիւն ունէր: Ժողովուրդը մեծ մասամբ թրքախօս էր և ոչ մի ուսումնարան կար եկեղեցական հասոյթների սակաւութեան պատճառով»¹³⁵: Թեև 1838 թ. թեմական իշխանությունը դպրոցի համար արդեն վարձել

¹³³ «Արարատ», 1869 փետրվար, էջ 141:

¹³⁴ Ամբրոսյան Ս., Արևելահայ դպրոցը XIX դ. առաջին կեսին, Ե., 1964, էջ 283:

¹³⁵ Երիցեանց Ալ., Ամենայն Հայոց կաթողիկոսութիւնը եւ Կովկասի Հայք XIX դ., մասն Բ, Թիֆլիս, 1895, էջ 477:

էր շենք, սակայն, Համապատասխան ուսուցիչներ ղեկավարող թիւի պատճառով դպրոցի բացումը Հետաձգվեց մինչև 1840 թ., երբ արդեն գտել էին 2 ուսուցիչ, որոնցից մեկն անգամ Համաձայնվել էր աշխատել անվճար: Սակայն, միջոցների սղութիւն պատճառով դպրոցը գործեց մինչև 1842 թ.¹³⁶: Թեմական դպրոցի բացումը տեղի ունեցավ 1844 թ. մայիսի 28-ին (այլ աղբյուրների տվյալներով՝ 1843 թ.) թեմի առաջնորդ Մատթէոս եպս. Վեհապետյանի ջանքերով և եկեղեցական մարմինների ու բնակչութեան հայթայթած միջոցներով¹³⁷: Դպրոցում դասավանդել են հայերեն և ռուսերեն ընթերցանութիւն, վայելչագրութիւն, քերականութիւն, ճարտասանութիւն, երգեցողութիւն, թվաբանութիւն, պատմութիւն, աշխարհագրութիւն և սրբազան պատմութիւն: 1846 թ. տվյալներով դպրոցն ունեցել է ընդամենը 30 աշակերտ: Նշենք, որ դպրոցը գործել է ծանրագույն պայմաններում: Թեև թեմի առաջնորդ Մատթէոս եպիսկոպոսը դրամական անհրաժեշտ օգնութեան համար պարբերաբար դիմել է էջմիածնի Սինոդին, սակայն այդ փորձերն անցել են ապարդէուն: Ձախողվել են նաև աշակերտներից ուսման վարձ հավաքելու փորձերը, որի հետևանքով շատ աշակերտներ հեռացել են դպրոցից¹³⁸: Դպրոցը թեև գտնվում էր վատթար պայմաններում, այսուհանգերձ այն շարունակել է իր կենսագործունեութիւնը և փակվել 1851 թ.¹³⁹:

Դպրոցի գործունեութեան երկրորդ շրջանը սկսվում է 1858 թ., սակայն ոչ որպէս թեմական, այլ ծխական հոգևոր ուսումնարան¹⁴⁰: Դպրոցի գործունեութիւնը որոշակի կանոնակարգված հիմքի վրա է դրել թեմի առաջնորդ Դանիել արք. Շահանաղարյանցը, որի օրոք (1863-1868) առաջին անգամ կազմվել է դպրոցի կանոնադրութիւնը, ընտրվել են հոգաբարձուներ, հրավիրվել են ուսուցիչներ, սկսել են կանոնավորապես կիրարկել դպրոցի հաշվապահական գործառույթները և

¹³⁶ ՀԱԱ, ֆ. 56, ց. 7, գ. 516, ք. 647-648:

¹³⁷ Ղուկասեանց Յ., Բողոքականութիւն Կովկասու Հայոց մէջ (պատմական նիւթեր), Թիֆլիս, 1886, էջ 44:

¹³⁸ ՀԱԱ, ֆ. 56, ց. 15 գ. 221, ք. 362-363:

¹³⁹ Մատենադարան, Կաթ. դիվան, թղթ. 124, վավ. 359: Տես նաև Սանթրոսյան Մ., նշվ. աշխ., էջ 284:

¹⁴⁰ Описание Города Шемаха, составил С. П. Зелинский, Тифлис, 1896, с. 26.

այլն¹⁴¹: Դպրոցի 1866-1869 թթ. հաշվեցուցակից հետևում է, որ ունեցել է 5583ռ. 91կ. ելք և 3215ռ. ծախս¹⁴²: Դպրոցին այդ ընթացքում նվիրատվություններ ևն կատարել բարերարներ Մարգարա Կաճկաճյանցը, Գևորգ րեկ Ներսիսյանցը. թիֆլիսեցի մեծահարուստ Անտոն Ղորղանյանը և այլն¹⁴³: Դպրոցին 1866 թ. 251ռ. չավով օգնություն էր ցուցաբերել նաև Աստրախանի թեմի հայությունը¹⁴⁴:

Թեմի առաջնորդ Անգրեաս արք. Անգրեասյանը (1869-1874) 1870 թ. նպատակադրվում է ծխական դպրոցը վերածել թեմականի, այդ նպատակով դրամական հանգանակություն կատարելով Բաքու, Դերբենդ և Ղուբա քաղաքների հայերի շքանում¹⁴⁵: Անգրեաս արք. Անգրեասյանի Գևորգ Դ Կոստանդնուպոլսեցի կաթողիկոսին ներկայացված ցուցակից պարզվում է, որ 1873 թ. դպրոցն ունեցել է 73 աշակերտ, իսկ արդեն 1874 թ. ունեցել է 7 ուսուցիչ, 124 աշակերտ¹⁴⁶: 1877 թ. ուսուցիչների թիվը իջել է հասնելով 3-ի, իսկ աշակերտներինը՝ 79-ի¹⁴⁷: 1881 թ. դպրոցի այրվելու պատճառով դասերն անցկացվել են կոնսիստորիայի վերնահարկում: Դպրոցը գործել է ծանր ու սուղ պայմաններում, ուստիև չի կարողացել բարձրանալ ծխականի մակարդակից: 1885 թ. դպրոցը դարձյալ փակվել է և վերաբացվել է 1886 թ., որից հետո դպրոցը ամբողջովին է պաշտոնապես դասվել է ծխական դպրոցների շարքին և շարունակել է գոյատևել թեմի աղքատիկ եկամուտների հաշվին¹⁴⁸: 1888-1889 ուս. տարվա վիճակագրական տեղեկագրերում դպրոցը նշված է ոչ թե որպես թեմական, այլ տղայոց երկդասյան ծխական դպրոց՝ 147 աշակերտով: Այսպիսով, թեև Շամախու դպրոցը կրում էր թեմական անունը, սակայն աննպաստ պայմանների պատճառով այն այդպես էլ չհասավ թեմականի մակարդակին:

¹⁴¹ Ղուկասեանց Դ., նշվ. աշխ., էջ 103:

¹⁴² «Արարատ», 1870 նոյեմբեր, էջ 307-308:

¹⁴³ Նույն տեղում, էջ 307:

¹⁴⁴ Նույն տեղում:

¹⁴⁵ ՀԱԱ, ֆ. 57, ց. 2, գ. 1921, ք. 74:

¹⁴⁶ «Դպրոց», Վաղարշապատ, 1875-1876, թիվ 4, էջ 134:

¹⁴⁷ «Արարատ», 1878 նոյեմբեր-դեկտեմբեր, էջ 455:

¹⁴⁸ Երկամյան Վ., Պայքար հայկական նոր դպրոցի համար Անդրկովկասում, (1870-1905), Ե., 1970, էջ 54:

Թեմի առաջնորդ Մեսրոպ արք. Սմբատյանցի (1887 թ. հունվարի 23-1894 հունիս) նախաձեռնությամբ և ատենադպիր Աբրահամ Շահվերդյանցի օժանդակությամբ դպրոցի նախկին տեղում 1890 թ. կառուցվում է նոր շենքը¹⁴⁹: Այդ շրջանում դպրոցն ունեցել է գրադարան ու ընթերցարան, ուր պահվել են 6 ձեռագիր և 450 հայերեն ու ռուսերեն տպագիր գրքեր¹⁵⁰: Տարիների ընթացքում թեմական դպրոցին նվիրատվություններ են կատարել բարերարներ Կարապետ Լալայանցը, Կարապետ Բալանթարյանցը, Նիկոլայ Կաճկաճյանցը, Բաղդասար Նազարյանցը և Մարտիրոս Միրզաբեկյանցը¹⁵¹: Դպրոցին իր կտակով նյութական միջոցներ է տրամադրել (300ռ.) նաև Բաքվի Ար. Գրիգոր Լուսավորիչ եկեղեցու ավ. քհն. Թագևոս Բուզադյանցը¹⁵²: Մակար վրդ. Բարխուդարյանցի 1890 թ. Շամախում եղած ժամանակ դպրոցում սովորելիս են եղել 80 աշակերտ, որից 47-ը՝ վճարովի, 33-ը՝ ձրի հիմունքներով¹⁵³: Հետագա ժամանակներում, երբ դպրոցը նյութական անմխթար վիճակում էր, Մեսրոպ արք. Սմբատյանցը ծրագրում է թեմական դպրոցը Շամախուց տեղափոխել Բաքու և այդտեղ բացել թեմական նոր դպրոց, որի մասին 1863 թ. դեկտեմբերի 20-ին գրությամբ հայտնել էր կաթողիկոսին: Սակայն մտավախություն ունենալով, որ Շամախուց դժվար թե երեխաները ի վիճակի լինեն դալ Բաքու և ուսում ստանալ, խնդիրն այդպես էլ մնում է առկախ: 1895 թ. դպրոցում դասավանդել են 5 ուսուցիչ և սովորել են 127 աշակերտներ¹⁵⁴: Նույն թվականի վիճակով դպրոցի գրադարանն արդեն ուներ 772 անուն դիրք, 1323 հատորով, որից հայերեն 853, ռուսերեն 464 և այլլեզուներով 6 հատոր¹⁵⁵: 1896 թ. դպրոցը դարձյալ փակվել է¹⁵⁶:

¹⁴⁹ Սմբատեանց Ա., Նկարագիր Սուրբ Ստեփաննոսի վանաց Սաղիամի եւ միւս վանօրից եւ ուխտատեղաց եւս եւ քաղաքացն եւ գիւղօրից որք ի Շամախույ թեմի, Տիֆլիս, 1896, էջ 297:

¹⁵⁰ Նույն տեղում, էջ 296:

¹⁵¹ «Արարատ», 1871 մայիս, էջ 52:

¹⁵² «Արձագանք», Թիֆլիս, 1885 հուլիսի 21, թիվ 3, էջ 38:

¹⁵³ Բարխուտարեանց Ա., Աղուամից երկիր եւ դրացիք (Միջին Դաղստան), Թիֆլիս, 1893, էջ 162:

¹⁵⁴ Описание Города Шемаха, с. 26.

¹⁵⁵ Նույն տեղում:

¹⁵⁶ Խուճոյան Ա., Արևելահայ դպրոցները 1830-1920 թվականներին, (ժամանակագրությունը հավելյալ մանրամասներով), Ե., 1987, էջ 458:

Մտահոգված դպրոցի վերարացման խնդիրներով՝ Մկրտիչ Ա Վանեցի կաթողիկոսը 1896 թ. Հոկտեմբերի 27-ի կոնդակով դիմում է րաքվահայ մեծահարուստներին և ակնկալում վերջիններիս նյութական աջակցությունը¹⁵⁷: Կաթողիկոսը մտադրվել էր վերաբացվող թեմական դպրոցը Շամախուց տեղափոխել Բաքու: Դպրոցի վերաբացման կազմակերպչական աշխատանքները սկսելու նպատակով կաթողիկոսի հրահանգով Բաքու է մեկնում եկեղեցական-կրթական գործի եռանդուն գործիչ Խորեն եպս. Ստեփանեն: Նույն թվականին շամախահայերը 400-ից ավելի ստորագրություններ են հավաքելով դիմում են Մկրտիչ Ա Վանեցի կաթողիկոսին, խնդրելով նրանից դպրոցը վերաբացել ոչ թե Բաքվում, այլ Շամախիում: «Ամենիս սրտագին բաղձանքն է, - գրում էին շամախահայերը, - մեր ճգնաժամի օրերում զեթ բացված տեսնել Շամախում մեր միակ մխիթար լույս ու ապավեն թեմական դպրանոցը հենց տարվույս սեպտեմբերից սկսած»¹⁵⁸: Պետք է նկատել այն հանգամանքը, որ թեմական դպրոցը Շամախուց Բաքու տեղափոխելու խնդիրն այդ օրերին լայն քննարկման առարկա էր դարձել նաև մամուլում, և Հողվածագիրներից շատերը կարծում էին, որ դպրոցը պետք է վերաբացվի Բաքվում: Ավ. Արասխանյանը, «Մուրճ» ամսագրում հարցի առնչությամբ հանգես գալով մի առանձին Հողվածով, նպատակահարմար էր գտնում դպրոցը Շամախուց տեղափոխել Բաքու դա պայմանավորելով այն հանգամանքով, որ խիստ նվազել էր Շամախի և Գյոքչա գավառների հայ աշակերտների թիվը, այնինչ Բաքվում կարող էին սովորել նաև այդտեղ հաստատված շամախեցիների և դյուչքայցիների երեխաները: «Ինչ է Շամախու հասարակութիւնը, - գրում է Ա. Արասխանյանը, - եթէ ոչ մի յետամնաց ժողովուրդ, որի ամենակենդանի ոյժերի առաջին գործ է լինում թողնել այդ քաղաքը և հաստատուել Բաքուում: Ինչ ունի Շամախու հայ հասարակութիւնը, համեմատութեամբ Բաքւի: Շամախին թէ ընտանեկան և թէ հասարակական կողմերից ոչինչ

¹⁵⁷ Արասխանեանց Ա., Նոր թեմական դպրանոցների խնդիրը, «Մուրճ», 1896, թիվ 10-11, էջ 1386: Տես նաև «Մշակ», Թիֆլիս, 9 նոյեմբերի 1896, թիվ 128:

¹⁵⁸ ՀԱԱ, ֆ. 56, ց. 3, գ. 350, ք. 65-66: Տես նաև Արասխանեանց Ա., Նոր թեմական դպրանոցների խնդիրը, «Մուրճ», 1896, թիվ 10-11, էջ 1386:

չունի ներկայացնելու, բացի շատ լացասական կողմերից...»¹⁵⁹։
Թեմական դպրոցը Շամախուց Բաքու տեղափոխելը նպատակահարմար է համարել նաև Ալ. Շիրվանդադենի¹⁶⁰։

Խորեն եպս. Ստեփանեն Բաքվում կատարում էր նաև քարոզչի պաշտոն։ Բաքվահայերի՝ Խրիմյան Հայրիկին 1897 թ. հունվարի 1-ին գրած նամակից հայտնի է դառնում, որ Խորեն եպս. Ստեփանեն եռանդուն քարոզների շնորհիվ, ինչպես և քաղաքի հայ հասարակութայն կողմից ընտրված 8 ներկայացուցիչների օժանդակությամբ կարողացել է մեկ ամսում հանգանակել 275000ռ.¹⁶¹։ Թեմական նոր դպրոցի բացման հանդիսավոր արարողության առիթով Բաքու պետք է ժամաներ կաթողիկոսը։ Սակայն ռուսական իշխանություններն անմիջապես արգելեցին դպրոցի բացումը։ Կովկասի կառավարչապետի տեղակալ Տատիշչևը, խիստ անցանկալի համարելով թեմական դպրոցի հիմնումը հայաշատ Բաքվում, ուր այն կարող էր ձեռք բերել Թիֆլիսի Ներսիսյան դպրոցի նշանակությունը, նպատակահարմար է համարեցին դպրոցի բացումը։ 1896 թ. դեկտեմբերի 19-ին ներքին գործերի նախարար Գորեմիկինը կաթողիկոսին դրեց, որ ներկայումս աննպատակահարմար է թեմական դպրոցի բացումը և նրա մեկնումը Բաքու։ Միաժամանակ նույն դրույթով նախարարը պահանջում էր Բաքվից ետ կանչել Խորեն եպս. Ստեփանենին և նրան ուղարկել Ղրիմի Սբ. Խաչ վանքը, որի վանահայրն էր 1887 թ.¹⁶²։ Մկրտիչ Ա Վանեցին ստիպված եղավ կատարելու նախարարի պահանջը¹⁶³։

Դպրոցը վերաբացելու և այն թեմական աստիճանի բարձրացնելու ուղղությամբ քայլեր է ձեռնարկել նաև թեմի առաջնորդ Կարապետ եպս. Այվազյանը (1896 դեկտեմբերի 20 - 1898)։ Նրա կողմից 1898 թ. կազմվում էր դպրոցի ծրագիրը և ներկայացվում էր Վիսնոզի Սինոդին, որպեսզի վերջինս ներկա-

¹⁵⁹ Արասխանեանց Ա., Նոր թեմական դպրանոցների խնդիրը, «Մուրճ», 1896, թիվ 10-11, էջ 1386։

¹⁶⁰ «Տարազ», Թիֆլիս, 1896, թիվ 46, էջ 726-727։

¹⁶¹ ՀՀ ԳԱԱ Պատմության ինստիտուտի արխիվ, Լեոյի անձնական ֆոնդ, ց. 1, գ. 127, թ. 1 : Տես նաև «Մուրճ», 1897, թիվ 1, էջ 166։

¹⁶² Մխիթարյան Մ., Խորեն Աստեփանեի «Հայկական աշխարհ» ամսագիրը, Ե., 2002, էջ 25։

¹⁶³ «Մուրճ», 1897, թիվ 1, էջ 166։ Տես նաև Երկանյան Վ., Պայքար հայկական նոր դպրոցի համար Անդրկովկասում, էջ 214։

յայնի կառավարութեանը ի հաստատումն: Մկրտիչ Ա Վանեցի կաթողիկոսը 1899 թ. փետրվարի 24-ին թիվ 267 կոնդակով «առաջադրել է փութով առաջարկել Բարձրագոյն Հաստատութեան Շամախու թեմական դպրոցնոցի կանոնադրութիւնը», սակայն, քանի դեռ ծիսական դպրոցները մնում էին փակված վիճակում, թեմական դպրոցի բացումը մնում է անորոշութեան մեջ¹⁶⁴: Դպրոցը վերարացվեց միայն 1905 թ., և գործեց որպես հրկսեռ դպրոց: 1911-1912 ուսումնական տարում այն ունեցել է քառամյա դասընթաց և 123 աշակերտ: 1913 թ. դպրոցը համարվել է թեմական, միաժամանակ բացվել են երկու դասարաններ¹⁶⁵: Դպրոցն իր գործունեութունը կարողացավ շարունակել մինչև 1918 թ. և ընդհատվեց Բաքվի դեմ թուրքական արշավանքի հետևանքով:

Ամփոփելով նշենք, որ Շամախու թեմական դպրոցը Հայ Հողևոր-մշակութային կյանքում յուրովի և հաստատուն տեղ է ունեցել: Տասնամյակների գործունեութեամբ այն զգալի ավանդ ունեցավ Բաքվի նահանգի հայութեան կրթամշակութային կյանքում: Թեմական այդ դպրոցում են ուսանել և թեմում հետագայում Հողևոր ծառայութեան անցել մեծ թվով քահանաներ և եկեղեցական-ծխական դպրոցների ուսուցիչներ:

GEVORG STEPANYAN

FROM THE HISTORY OF THE EPARCHIAL SCHOOL OF
SHAMAKHI (the 19th c.– the beginning of the 20th century)

Summary

The “*Polozhenie*” of 1836 created favourable preconditions for the revival and organization of the educational system in Eastern Armenia. According to the “*Polozhenie*,” approved by the Russian Tsar, Armenians were allowed to have schools of two types: eparchial spiritual seminary in each diocese and elementary parish schools.

¹⁶⁴ ՀԱԱ, ֆ. 57, ց. 2, գ. 1921, ք. 75:

¹⁶⁵ Խուղոյաց Ա., նշվ. աշխ., էջ 458:

After publishing the rules of the parish schools the Catholicos of All Armenians George IV in February 1869 issued also the rules of the eparchial schools. Unlike other dioceses which, being better provided, organized eparchial spiritual schools, that process had been delayed in Shamakhi where, because of lack of material resources, first was opened an elementary parish school.

The school was opened in 1840 and worked only two years because of hard conditions. It reopened in 1843/44 and worked until 1851. The second stage of the school started in 1858, but it worked as a parish school. In 1885 it was closed again and reopened in 1886. From that time the school was ranked among parish schools. Thus, though the Shemakhi school was named eparchial school, anyhow, because of unfavourable conditions it did not reach the eparchial level. In 1896 the school was closed again.

The fate of the school worried the Catholicos of All Armenians Mkrtych I Vanetsi. On October 27, 1896 he appealed to the rich Armenians living in Baku, asking to help and support the school materially. The Catholicos had an intention to move the reopening eparchial school to Baku. Those days this problem was widely discussed in media and many authors of published articles considered such removal a worthy action.

The vice-governor of the Caucasus Tatischev considered extremely undesirable the foundation of the eparchial school in Baku where it could become as famous as the Nersessyan School in Tiflis. As a result, the imperial officials didn't find expedient the opening of the school there. It was reopened only in 1905 and acted as a school for boys and girls. The school continued its work until 1918 and was closed because of the Turkish intervention.

Thus the Shemakhi eparchial school had a specific and important place in the spiritual-cultural life of the region. During several decades it contributed considerably to the educational-cultural life of the Armenians living in the province of Baku. Many graduates of the eparchial school became priests and teachers of the parish schools.

ՌՈՒՍ-ՖՐԱՆՍԻԱԿԱՆ ԴԱՇԻՆՔԸ ԵՎ ՀԱՅՎԱԿԱՆ ՀԱՐՑԸ
XIX դ. 90-ԱԿԱՆ ԹՎԱԿԱՆՆԵՐԻՆ

1890-ականներին Ֆրանսիան, ինչպես Մերձավոր Արևելքով շահագրգիռ բոլոր պետությունները, Օսմանյան ժառանգություն, Արևելյան Հարցի առնչությամբ որդեգրել էր որոշակի քաղաքական գիծ, որն առաջնահերթ պայմանավորված էր ֆրանսիական ֆինանսական կապիտալի շահերով: Գաղտնիք էէ, որ դեռ Ղրիմի պատերազմի տարիներին, երբ Օսմանյան կայսրությունը դիմեց առաջին արտաքին փոխառություններին, առաջիններից այդ «ծառայությունը» նրան մատուցեց «վաշխառուական» Ֆրանսիան, որը, ինչպես ժամանակին նշել է Լ. Ջորջը, Թուրքիայում ուներ առավելագույն ֆինանսական շահեր, քան ցանկացած այլ պետություն¹⁶⁶: Ընդամին, դժվար է պատկերացնել, որ տնտեսական, ֆինանսական առումով Ֆրանսիայի կցորդ Հանդիսացող Օսմանյան Թուրքիայի Հանդեպ կիրառվեք քաղաքական որևէ այլ, մասնավորապես կայսրության ամբողջությանը սպառնացող ռազմավարություն: Չէ՛ որ «թուրքական արժեթղթեր ունեցողների համար status quo-ի պահպանումը նշանակում էր իրենց գումարները կուպոններով ետ բերելու երաշխիք»¹⁶⁷: Վերոհիշյալ ֆինանսատնտեսական շահերն ու դրանց համապատասխան ձևավորվող քաղաքական սկզբունքներն ակտիվորեն պաշտպանվեցին XIX դ. երկրորդ կեսին. 50-70-ականներին՝ բրիտանական, իսկ 90-ականներին՝ ռուսական դիվանագիտությունը համաքայլ:

¹⁶⁶ Джордж Л., Правда о мирных договорах, т. 2, М., 1957, с. 402. Մասնավորապես, Ֆրանսիան հիմնեց Թուրքիայի «Օտոմանյան բանկը» (1863), ամբողջությամբ իր ձեռքում կենտրոնացրեց «Օտոմանյան պարտքի վարչությունը»: Ֆրանսիական արտահանվող կապիտալի շուրջ 10%-ը կազմող 2,5 մլրդ ֆրանկը ներդրված էր միայն Օսմանյան Թուրքիայում, որից 166 մլն ֆրանկը արդյունաբերական և առևտրական ձեռնարկություններում, 366 մլն երկաթուղիներում /տես ՉԱԱ, ֆ. 402, ց. 1, գ. 8, ք. 3/:

¹⁶⁷ Людовик де Констан, Реформы в Азиатском Турецком, М., 1914, с. 3-4, Սեքրետումը ըստ Բայրամյան Լ.Ա. Արևմտյան Չայաստանը անգլիական հմպերիալիզմի պլաններում, Ե., 1982, էջ 266; Альберт Ванда, Армяне и турецкие реформы, пер. с франц. М. Я. Алавердяна, СПб, 1908, с. 11. Այս մոտեցումը ամենևին էլ չէր նշանակում, որ Ֆրանսիան ընդհանրապես հրաժարվում էր Սեր-ձավոր Արևելքում ակտիվ նվաճողական քաղաքականությունից /տես Կիրակոսյան Ջ. Բուրժուական դիվանագիտությունը և Չայկական հարցը, Ե., 1980, էջ 139/:

Անշուշտ, Ֆրանսիան Արևմտյան Հայաստանի խնդրում ևս առաջնորդվում էր իր անտեսական և քաղաքական շահերով՝ երկրամասը դիտելով որպես Ֆրանսիական մոնոպոլիաների արդյունաբերական արտադրանքի սպառման շահույթաբեր շուկա, գյուղատնտեսական հումքի էփան աղբյուր և, վերջապես, «Արևելքում Ֆրանսիայի ազդեցութեան տարածման յայն բացած դուռ»¹⁶⁸։ Նշված խնդիրների համատեքստում էլ Ֆրանսիական դիվանագիտութունը ժամանակ առ ժամանակ «արծարծում էր» Հայկական հարցը։

1890-ականներին ռուսաց արքունիքը և Ֆրանսիական կառավարութունը, որպես ռազմաքաղաքական դաշնակիցներ, համաձայնեցնում էին միմյանց հետ այս տարածաշրջանում գործադրվող քաղաքական սկզբունքները խուսափելով Արևելքում պատերազմի նոր օջախի ձևավորումից, պաշտպանելով Օսմանյան կայսրութեան անձեռնմխելիութունն ու անբաժանելիութունը, հանդես գալով որպես արևմտահայկական վիլայեթներում միայն Յ1-րդ հողավածով նախատեսված բարեփոխումների անցկացման կողմնակիցներ¹⁶⁹։ Երկու պետութունների թուրքիայի հանդեպ «պաշտպանական» և Հայկական հարցում «չեզոք» քաղաքական դիրքորոշումները, փաստորեն, համընկնում էին հաջողութեամբ հակադրվելով Մերձավոր Արևելքում Անգլիայի և Գերմանիայի ազդեցութեան տարածմանը¹⁷⁰։ Այդպիսով Ֆրանսիան ձգտում էր խոչընդոտել թուրքիայի ներքին գործերին Մեծ Բրիտանիայի միակողմանի միջամտութեանը, որպեսզի վերջինս Հայկական հարցի օգնութեամբ ի վնաս Ֆրանսիայի չամրապնդեր իր Ֆինանսատնտեսական և ռազմաքաղաքական դիրքերը թուրքիայում, ավելի չարեր արևելյան ձգնաժամը, ինչը կհանգեցներ Օսմանյան կայսրութեան մասնատմանը։ Հանրապետական կառավարութունը նաև հույսեր էր տածում ամրագրվել Նեղոսի հովտում, եգիպտական հարցի շահարկումով վերացնել եգիպտոսի անգլիական օկուպացիան, Սուեզի ջրանցքն ու եգիպտոսը հռչակել չեզոք, իսկ նպաստավոր պայմանների դեպքում Մշուշտ Այ-

¹⁶⁸ Саркисян Е. К., Политика Османского правительства в Западной Армении и державы в последнеи четверти 19 и начале 20 вв., Е., 1972, с. 190.

¹⁶⁹ Մատենադարան, Ալ. Երիցյանի արխիվ, քրթ.151, վ. 30:

¹⁷⁰ Манфред А. З., Внешняя политика Франции 1871-1891 гг., М., 1952, с. 521.

րիոնի հետ փոխդիջումնային տարբերակով բաժանել փարա-
փոննների աշխարհը ե. աֆրիկյան այլ տիրույթներ¹⁷¹։ Անդլո-
ֆրանսիական խոր հակասությունների պայմաններում ուս-
ֆրանսիական համագործակցությունը նաև անհրաժեշտ երաշ-
խիք էր մերձավորարևելյան խնդիրներում գերմանական միլի-
տարիզմից, նաև ֆինանսատնտեսական գերակայությունից
պաշտպանվելու համար¹⁷²։

Այսպես, Ֆրանսիան նախ և առաջ Անգլիային զսպելու
նկատառումով Ռուսաստանի հետ մեկտեղ մասնակցեց Սասու-
նի դեպքերի առնչությամբ ձևավորված քննիչ հանձնաժողովի
աշխատանքներին, հայկական ռեֆորմների մայիսյան նախա-
գծի մշակմանը, ստորագրեց սուլթանական կառավարութայանն
ուղղված տերությունների կոլեկտիվ նոտաները, ըմբռնմացավ
Օսմանյան կայսրութայան մասնատման, սուլթանի վրա ռազմա-
կան ճնշում գործադրելու և հայկական հարցի առնչությամբ
միջազգային խորհրդաժողով հրավիրելու բրիտանական առա-
ջարկներին։

Փաստորեն, հայոց ողբերգութայան տարիներին Ֆրանսիան
իր չեզոքությամբ հրահրեց կարմիր սուլթանի ոճրագործութ-
յունը «խուլ գտնվելով Հայաստանից լսված հառաչանքների
հանդեպ»¹⁷³։

Այդ «լուությունը» խախտվեց ու «զգուշավոր» քաղաքա-
կանությունը, թվում էր, թե կասեցվեց 1896-ին, երբ Կ. Պոլսի
հայութայան սարսափելի կոտորածների լուրը բորբոքեց Ֆրան-
սիայի հասարակական կարծիքը։ Հասարակական-քաղաքական
նշանավոր շատ գործիչներ հանդես եկան սուլթանի հասցեին
մեղադրական և արևմտահայերին աջակցող ճառերով, եվրո-
պական ու մասնավորապես ֆրանսիական քաղաքականութայան

¹⁷¹ "Московские ведомости", 19 марта 1895, N 77 и 31 марта 1895 N 89.

¹⁷² Силин А.С., Экспансия Германии на Ближнем Востоке в конце 19 в., М., 1971, с. 228.

¹⁷³ Կիրակոսյան Զ., Եզվ. աշխ., էջ 127։ Այս մոտեցմանն արձագանքեցին նաև ֆրանսիական շատ պարբերականներ՝ հայերին մեղադրելով անհնազան-
դության մեջ, հայոց ողբերգությունը զնահատելով բրիտանական ինտրիգների
արդյունք այդպեղայ հակադրվելով հայերի ազգային-ազատագրական շարժ-
մանը /տես Բայրամյան Լ.Ա. Եզվ.աշխ., էջ 267-268; Киракосян А.,
Великобритания и армянский вопрос, Е., 1990, с. 129:

քննադատութեամբ¹⁷⁴: Ավելին, 1896 թ. օգոստոսի 21-ին Հետեեց պաշտոնական Ֆրանսիայի արձագանքն ի դեմս արտաքին գործերի նախարար Հանոտոյի Փարիզում թուրքական ղեկավարին հղած խիստ հայտարարութեան, թե հանրապետութեան կառավարութիւնն սպառել է սուլթանի հանդեպ իր «բարեկամական համբերատարութիւնը և այլևս չհանդուրժելով թուրքական իշխանութիւնների երկակի խաղերը՝ հասունացող ճգնաժամի առջև պատրաստ է գործադրել ցանկացած վճռական միջոց, ընդհուպ Կ.Պոլսի ուժակոծում՝ պարտագրելով Բ.Դռանը ապահովել Հայաստանում կարգ ու կանոնի վերահաստատումը և խոստացած բարեփոխումների զործադրումը¹⁷⁵:

Պաշտոնական Ֆրանսիայի հանկարծակի դրսևորած «Հայասիրութիւնն», իրականում, պայմանավորված էր ռուս-ֆրանսիական հարաբերութիւններում առկա որոշ հակասութիւններով, դաշնակիցների մերձավորարևելյան քաղաքական ծրագրերի ու նպատակների բեկուցումով: Դաշնակիցները համաքայլ և համախոհ էին բալկանյան, կրեոտական, հայկական հարցերում, բայց ոչ սևծովյան նեղուցների կարգավիճակի խնդրում: Արևելյան ճգնաժամի ընթացքում կողմերին փոխզիջումների շնորհիվ հիմնականում հաջողվում էր համաձայնեցված գործունեութիւն ծավալել: Սակայն 1896-ին դարձյալ սրվեցին ռուս-ֆրանսիական տարաձայնութիւնները, որոնց կարգավորման նպատակով նիկոյայ II-ը արտաքին գործերի նախարար Շիչկինի ուղեկցութեամբ մեկնեց Փարիզ: Օգտվելով ցարի դիվանագիտական անփորձութիւնից՝ Հանոտոյին հաջողվեց համաձայնեցնել նրա հետ Ֆրանսիայի արտաքին քաղաքական այնպիսի սկզբունքներ, որոնք հակադրվում էին Ռուսաստանի «պատմական առաքելութեանը»: Դրանք էին ռուս-անգլիական համաձայնութիւնն եգիպտոսի հարցում, որով Ռուսաստանը պետք է ճանաչեր Մեծ Բրիտանիայի իրավունքները Աֆրիկայի Հյուսիսում, նաև Սուեզում՝ չստանալով փոխարենը որևէ հատուցում և գրկվելով անգլո-ֆրանսիական հակասութիւնների միջոցով Անգլիայի վրա ճնշում գործադրելու և Ֆրանսիայի հետ դաշինքը ամրապնդելու երաշխիքներ:

¹⁷⁴ «Սշակ», 1915, N 142, էջ 3: Киракосян А., Великобритания и армянский вопрос, с. 130-131, "Вестник Европы", 1896, т. 6, кн. 12, с. 806-807.

¹⁷⁵ Ламздорф В. Н., Дневник, 1894-1896 гг., М., 1991, с. 391-392, секретная телеграмма русского посла во Франции барона А. П. Моренгеума.

րից: Այդ հրահանդները վերանայում էին նաև Ռուսաստանի պիեթորոշումը օտոմանյան պարտքի վարչության հարցում: Այսպես, եթե 1881-ից ցարական կառավարությունը հրաժարվում էր ներկայացուցչություն ունենալ օտոմանյան պարտքի վարչության խորհուրդում, ապա այժմ պատրաստ էր ուղարկել այստեղ իր պատվիրակին, եթե նախկինում առարկում էր վարչության իրավասուլթյունների ընդլայնմանը, ապա այժմ էլ էր ընդդիմանում այդ հարցում¹⁷⁶: Նշված հրահանգի վրա լույս է սփռում Ռուսական արտաքին քաղաքականության արխիվում պահվող մի փաստաթուղթ, որը արևելյան հարցում ռուս-ֆրանսիական համատեղ խնդիրների համեմատական է անցկացնում 1891 և 1896 թթ., արձանագրելով այն փոփոխությունները, որ տեղի էին ունեցել այդ տարիների ընթացքում: Եթե ռուս-ֆրանսիական դաշինքի սաղմնավորման պահին, կողմերից յուրաքանչյուրը բացառում էր Մեծ Բրիտանիայի հետ համաձայնության որևէ տարբերակ՝ առաջնային դիտարկելով Թուրքիայի *status quo*-ն և մերժելով սուլթանի վրա ճնշում գործադրելու, մասնավորապես ռազմածովային դեմարշ կազմակերպելու հնարավորությունը, ապա հինգ տարի անց Ֆրանսիան, օգտագործելով անգլո-դերմանական սրված հակասությունների պահը, պատրաստ էր հաշտության եզրեր գտնել նախկին մրցակցի հետ, ընդ որում ոչ թե Մերձավոր Արևելքի, այլ Եգիպտոսի հարցում: Ռուսաստանին էլ խորհուրդ էր տրվում հաշվի առնել Անգլիայի քաղաքական վար-

¹⁷⁶ Ерусалимский А., Внешняя политика и дипломатия германского империа-лизма в конце 19 в., М., 1951, с. 235. Եթե Ֆրանսիան Աֆրիկայում տարածքային ձեռքբերումների ակնկալիքով պատրաստ էր դաշինք կնքել Անգլիայի հետ և զբաղվել թուրքական ֆինանսների «առողջացմամբ» ընդլայնելով օտոմանյան պարտքի վարչության իրավասությունները և ըստ այդմ երկրում ուժեղացնելով իր ազդեցությունը, ապա ցարիզմի համար նման տարբերակը անընդունելի էր, քանզի հեռավոր-արևելյան ակտիվացող քաղաքականության պայմաններում Եգիպտոսը և Աուեզը վերածվում էին Ռուսաստանի հետաքրքրության ոլորտ, ինչը անհրաժեշտ էր դարձնում այստեղ անգլիական օկուպացիայի վերացումն ու ջրանցքի ազատ նավարկելիությունը, իսկ թուրքական ֆինանսների միջազգային վերահսկողությունը հավասարազոր կլիներ Թուրքիայի ինտերնացիոնալացմանը, այն դեպքում, երբ ցարիզմը փորձում էր պաշտպանել քայքայվող պետությունը, բացառել արևելյան և հայկական հարցերի միջազգայնացումը:

քազիծը, «չահավետ աշխատել Լոնդոնի կաբինետի հետ, բանակցություններից քաղելով գործնական օգուտ, պայմանավորվել հետագա անելիքների շուրջ, որը կրավարարեր կողմերի շահերը»¹⁷⁷: Իհարկե, Ֆրանսիացի դիվանագետները հարկ չէին համարում բացատրել, որ նման համադործակցությունը արդյունավետ էր Անգլիայի և Ֆրանսիայի, բայց ոչ Ռուսաստանի համար, որի արտաքին քաղաքական ծրագրերում աֆրիկյան խնդիրները /Եգիպտոս, Սուդան, Սուեզ/, ի տարբերություն Ֆրանսիայի, ամենևին էլ առաջնային չէին, իսկ Անգլիայի հետ դաշինքը՝ մեղմ ասած, ոչ չահավետ: Այդպես Ֆրանսիան, փաստորեն, ապահովագրում էր իր միջազգային կարգավիճակն ընդդեմ Եռյակ միութեան ու մասնավորապես Գերմանիայի՝ նախադրյալներ ստեղծելով անգլո-ֆրանս-ռուսական ապագա դաշինքի՝ Անտանտի համար: Ինչե՛ք, բարձրաստիճան պատվիրակների «փարիզյան հաղթանակի»՝ ոգևորությունը շատ արագ փարատվեց տունդարձին՝ հանդիպելով ռուս դիվանագետների փաստացի դիմադրությունը: Արդյունքում, Նիկոլայ I-ը հարկադրված էր ընդունել իր «խոշոր վրիպումը» և հրաժարվել Հանոտոյի նախագծված մոտեցումներից և իր իսկ ստանձնած պարտավորություններից¹⁷⁸: Դաշնակիցների դիվանագիտական անհամաձայնությունն անմիջապես օգտագործեց Կ.Պոլսի ռուսական դեսպան Նելիդովը՝ ցարական կառավարության քննարկմանը ներկայացնելով հայկական ճգնաժամի երկարաձգման պարագայում սևծովյան նեղուցների գրավման նոր նախագիծ¹⁷⁹:

Հանոտոն իր հերթին, տեղեկանալով Նելիզովի ծրագրի մասին, մեկնարկ տվեց դիվանագիտական ուևանչիզմին: Ռուսական քաղաքականությունը զնահատելով որպես Թուրքիայում մենիշխելու «սեպարատ» փորձ՝ Ֆրանսիական կառավարությունը դիմեց սպառնալիքների և քաղաքական շանտաժի ռազմավարությանը: Առաջինների դեպքում հրապարակ հանվեց անգլո-ֆրանսիական դաշինքի գաղափարը, իսկ երկրորդն արտահայտվեց Մեծ Բրիտանիայի նախաձեռնությամբ հայկա-

¹⁷⁷ Архив внешней политики Российской империи, ф. Политархив, д. 3449, л. 1-9/թարգմանությունը ֆրանսերենից/:

¹⁷⁸ Хвостов В., Проблема захвата Босфора в 90-ых г. 19 в., Историк-марксист, т. 20, М., 1930, с. 124.

¹⁷⁹ 1892թ. ցարական արքունիքը մերժել էր Նելիզովի նմանատիպ նախագիծը կարևորելով ռուս-ֆրանսիական դաշինքը:

կան հարցի առնչութեամբ հրավիրված միջազգային խորհրդա-
ժողովին հղած «հրեք կեանքում», այն է՝ պահպանել Օսման-
յան կայսրութեան ամբողջականութիւնը, հրաժարվել Թուր-
քիայում անջատ ելույթներէից և սուլթանական կայսրութեան
հանդէպ վեց տերութիւններէ «կոնգոմիտիում» հաստատելու
փորձերից¹⁸⁰:

Յարական արքունիքն էլ, թեպետ վաղուց էր փայտայում
նեղուցներում հաստատվելու միտքը, հարկադրված էր հրա-
ժարվել այդ ծրագրից՝ ընկրկելով ռուս-ֆրանսիական դաշինքի
լուծարման, Ռուսաստանի քաղաքական մեկուսացման և ֆի-
նանսատնտեսական հուսալի աջակցութիւնն զրկվելու վտան-
գի առջև: Վերջինս չափազանց կարևոր նախապայման էր, եթե
հաշվի առնենք, որ մասնավորապես 1890-ականների տնտեսա-
կան ճգնաժամն էր Ռուսաստանին նետել ֆինանսապես հզոր
Յրանսիայի գիրկը, մեծացնելով առաջինիս կախումը երկրորդի
կապիտալ ներդրումներից¹⁸¹:

Այսպիսով, Ռուսաստանի դեպի Կ.Պոլիս տանող ճանա-
պարհին նախ և առաջ կանգնած էր դաշնակից Յրանսիան, որը
որպես Մերձավոր Արևելքում ցարիզմի քաղաքական ակտի-
վութիւնը զսպելու միջոց ժամանակ առ ժամանակ շահարկում
էր հայկական հարցը: 1891-1893 թթ. ձևավորված ռուս-ֆրան-
սիական դաշինքը ոչ այնքան ռազմաքաղաքական ընդհան-
րութիւնների, որքան հակասութիւնների միութիւն էր, որի
անդամները լիովին չվստահելով մեկ մեկու, սեփական շահերի
իրագործման ճանապարհին պատրաստ էին քաղաքական նոր-
րանոր գործարքների վերանայելով ժամանակին երկուստեք
համաձայնեցված դիվանագիտական մոտեցումները: Միաժա-
մանակ քննախոսելի են այն տեսակետները, թե «1789 թ.
ավանդույթների երկիրը» արևելյան ու մասնավորապես հայ-
կական խնդրում, 1890-ականներին կաշկանդված լինելով
ռուս-ֆրանսիական դաշինքով, որգեգրել էր անդեմ, ցարիզմին
կամակատար քաղաքան գիծ¹⁸²:

¹⁸⁰ Ротштейн Ф. А., Международные отношения в конце 19 в., М.-Л., 1960, с. 374-376.

¹⁸¹ Хальгартен Г., Империализм до 1914 г., М., 1961, с. 134-135.

¹⁸² ՀԱՍ ֆ. 4033, ց. 2, գ. 105: Амфитеатров А., Армянский вопрос, СПб, 1906, с. 15.

Ռուս-ֆրանսիական մերձեցումը, իրականում կողմերից յուրաքանչյուրի քաղաքական խնդիրներն ինքնուրույն լուծելու և միասին, համաձայնեցված անգլիական, գերմանական, ավստրո-հունդարական մրցակցությունը հակադրվելու երաշխիք էր: Այն գաղութային, իմպերիալիստական մրցապայքարի, տերությունների ագրեսիվ արտաքին քաղաքականության արգասիք էր՝ կոչված հաղթահարելու երկու պետությունների քաղաքական մեկուսացումը, ընդդիմանալու հակադիր տերությունների ծավալապաշտական ծրագրերին: Միջազգային բարդ իրավիճակում, երբ աշխարհը բևեռվում էր ռազմաքաղաքական նոր խմբավորումների շուրջ, ցարիզմին անհրաժեշտ էր որպես դաշնակից ունենալ ուժեղ ֆրանսիան իր շահերին ծառայեցնելու, և ոչ թե Ռուսաստանը երրորդ հանրապետությունը ենթարկեցնելու համար: Լինել բարեկամներ՝ «կարողանալով պահպանել չափը և չհարուցել այլոց դժոհությունը»¹⁸³»: ահավասիկ, քաղաքական մի բանաձև, որ բնութագրող էր երկու դաշնակիցներին էլ: Պատահական չէ, որ ժամանակին ռուս-ֆրանսիական բարեկամությունը համեմատվել է մկնդեղի հետ. «չափավոր քանակությունը այն առողջարար է, չնչին չարաշահման դեպքում՝ մահացու»¹⁸⁴:

GAYANE TONOYAN
Institute of History, NAS RA

THE RUSSIAN-FRENCH ALLIANCE AND THE ARMENIAN QUESTION IN THE 90s OF THE 19th CENTURY

Summary

In the 1890s France, like all other states interested in Near East, followed a certain political principle in relation to the Ottoman “heritage” and the Eastern question, conditioned by the interests of the French financial capital. They were in harmony with the Russian diplomacy. Undoubtedly, France’s attitude to the problem of Western Armenia had

¹⁸³ Ламздорф В.Н., Дневник, 1894-1896 гг., с. 254.

¹⁸⁴ Вопросы истории, 1977, № 6, Из дневника В.Н. Ламздорфа, публикация И. А. Дьяконової.

been conditioned by its economic and political interests. The French diplomacy periodically touched the Armenian question in the context of its interests.

The Russian court and the French government, acting as military-political partners, coordinated the realization of political principles in this region trying to escape the formation of a new centre of the tension and war in the East, protecting the Ottoman Empire and its indivisibility, acting as supporters of reforms provided by the 61st Article of the Berlin Congress. By the "defensive" attitude towards Turkey and "neutrality" in the Armenian question Russia and France were opposing the spread of the influence of England and Germany in Western Asia. Thus, France together with Russia (in order to restrain Britain) took part (a) in the work of the committee which investigated the events in Sasun; (b) in elaboration of the May project concerning Armenian reforms; (c) in the signing of the collective notes of the Great Powers addressed to the Sultan government; (d) in opposing the British proposals about the partition of the Ottoman Empire; (e) in the application of the military pressure against the Sultan; (f) in initiating of the international conference concerning the Armenian question.

Formed in 1891-1893 the Russian-French alliance was full of contradictions. They did not trust each other and were ready to commit political frauds for the realization of their own interests, thus revising mutually coordinated diplomatic approaches. There were certain contradictions in the Russian-French relations, particularly, concerning the problem of the Black Sea straits' status. Anyhow in the course of the Eastern crises the sides managed to regulate their actions.

The public opinion in France was agitated by the horrible news of the Armenian massacres in the Ottoman Empire. In 1896 many prominent French public and political figures accused the bloody Sultan Abdul-Hamid. They called progressive people to support Western Armenians, as well as criticized the European policy.

The Russian-French rapprochement, in reality, was a guarantee, on the one hand, to solve their own problems and, on the other hand, to oppose the rivalry of Britain, Germany, Austria and Hungary. Meanwhile the Russian Empire needed powerful France as an ally in a complicated international situation when the world polarized around new groupings.

ՊՈՂՈՍ ԼՈՒԲԱՐԻ ԵՎ ԱԶԳԱՅԻՆ ՊԱՏՐԻԱՐՔԱՐԱՆԻ
ՏԱՐԱԶԱՅԼՈՒԹՅՈՒՆՆԵՐԻ ԱՐԵՎՄՏՅԱՆ ՀԱՅԱՍՏԱՆԻ
ԲԱՐԵՆՈՐՈԳՈՒՄՆԵՐԻ ԾՐԱԳՐԻ ՇՈՒՐՁ (1913 թ.)

1912 թ. Բալկանյան պատերազմում Թուրքիայի պարտությունը նպաստավոր պայմաններ ստեղծեց Արևմտյան Հայաստանում բարենորոգումների իրագործման խնդրի վերաբացման համար: Արևմտահայ և արևելահայ ազգային շրջանները, ինչպես նաև Եվրոպայում կաթողիկոսի պատվիրակ Պողոս Նուբար ղեկավարած Ազգային Պատվիրակությունը սկսեցին ակտիվ ջանքեր գործադրել նպաստելու համար հայկական հարցի լուծմանը: Ստեղծված պայմաններում, երբ հայկական հարցը դառնալու էր տերությունների քննարկման առարկա, կարևորագույն խնդիրներից մեկը բարենորոգումների ծրագիր ունենալն էր, որտեղ ուրվագծված լինեին արևմտահայության պահանջները: Բարենորոգումների ծրագրի պատրաստման աշխատանքները Պ. Նուբարը սկսել էր դեռևս 1912 թ. դեկտեմբերի 18-ից հուլյս ունենալով այն ներկայացնել Լոնդոնի կոնֆերանսին, որը գումարավելու էր կարգավորելու համար բալկանյան խնդիրները: 1913 թ. սկզբներին պատրաստված այդ նախագիծը¹⁸⁵ ներկայացվում է Գևորգ Ե կաթողիկոսի հաստատմանը: Ծրագրի մեկ օրինակ էլ ուղարկվում է Կ.Պոլիս՝ արևմտահայ ղեկավար շրջաններին ծանոթացնելու նպատակով: Միևնույն ժամանակ կաթողիկոսի հաստատմանն էր ուղարկվել նաև բարենորոգումների մեկ այլ ծրագիր, որը կազմվել էր Կ.Պոլսում՝ Ազգային Պատրիարքարանի նախաձեռնությամբ¹⁸⁶: Ծրագրի կետերի վերաբերյալ ծանուցվում է նաև Ազգային Պատվիրակությանը: Պ. Նուբարի և Ազգային Պատրիարքարանի կողմից մշակված նախագիծը կաթողիկոսն իր հերթին ուղարկում է Թիֆլիսի Ազգային Բյուրոյին քննարկ-

¹⁸⁵ Ազգային Պատվիրակության կազմած օրագրի տեքստն ամբողջությամբ տես Բոյաջյան Յ., Պողոս Նուբար Փաշյան և բարենորոգումների խնդիրն Արևմտյան Հայաստանում 1912-1914 թթ., թեկնած. ատենախ., Ե., 2002, էջ 45-46:

¹⁸⁶ Օրագրի տեքստն ամբողջությամբ տես, ՀԱԱ, ֆ. 57, ց. 5, գ. 15, ք. 110-118:

ման և զրանց հիման վրա արևմտահայության բաղձանքների վերաբերյալ միասնական ծրագրի կաղման համար, որը կրելու էր «համեմատարար համազգային կնիք»¹⁸⁷ :

Ծանոթանալով միմյանց կաղմած ծրագրերին՝ Պ. Նուրարն ու Կ. Պոլսի պատրիարք Հ. Արշարունին հայտնաբերում են զրանցում առկա մի շարք սկզբունքային տարբերություններ, որոնցից ամենաէականը բարենորոգումների վերահսկողությունը և ղեկավարի վերաբերյալ էր: Այդ կապակցությամբ կողմերի միջև առաջանում են լուրջ տարաձայնություններ, քանզի յուրաքանչյուրը պնդում էր իր տեսակետի վրա և չէր պատրաստվում հոգուտ մյուսի հրաժարվել դրանից: Սրա հետ մեկտեղ երկուստեք ջանքեր են թափվում ամեն գնով խափանել միմյանց ծրագրերն ինչ-որ ձևով ընթացքի մեջ դրվելու հնարավորությունը: Այսպես, Գևորգ Ե-ին հղած 1913 թ. հունվարի 22-ի նամակում Պ. Նուբարը, նշելով, որ ինքնուրույնություն սկզբունքի վրա հիմնված Պատրիարքարանի ծրագրերն իրեն «բարեպատեհ և գործնական չի թվում», խնդրում էր ոչ մի կերպ չգործածել այն¹⁸⁸: Նման խնդրանքով կաթողիկոսին դիմում է նաև պատրիարք Հ. Արշարունին:

Ծրագրային տարբերությունների հետևանքով առաջացած հակասությունների հիմնական պատճառներից էր այն, որ կողմերը հայկական հարցի պաշտպանության և դրանից ելնելով նաև բարենորոգումների ծրագիր կազմելու ու այն տեղություններին ներկայացնելու խնդրում առաջնայնությունը վերադրում էին իրենց: «Թէ Պատրիարքարանը եւ թէ Պատրիարկութիւնը, - իր հուշերում դրում էր Վ. Փափագյանը,- հաւասարապէս կը կարծէին թէ ունին պէտք եղած հեղինակութիւնը եւ կարողութիւնը եւ մանաւանդ երկուքն ալ կը կարծէին ապահոված ըլլալ մէկ կողմէ Պոլսոյ եւ միւս կողմէ Փարիզի բարեկամ պետութիւններու ներկայացուցիչներու համաձայնութիւնը իրենց նախագիծերու այս կամ այն կետերու նկատմամբ»¹⁸⁹: Այդ իրողությունը պատահական չէր: Պ. Նուբարի նման դիրքորոշումը պայմանավորված էր առաջին հերթին նրա համոզվածությամբ, որ Ազգային Պատրիարքարանը, Բ. Դռան հետ իր հարաբերությունները պահպանելով, միաժամ

¹⁸⁷ ՀԱԱ, ֆ. 57, ց. 5, գ. 35, ք. 9:

¹⁸⁸ Նույն տեղում, ք. 21:

¹⁸⁹ Փափագյան Վ., Հայկական բարենորոգումները /1912-1914/, «ՎԷՄ», Փարիզ, 1933, N 2, էջ 89:

մանակ չէր կարող Հայկական Հարցի լուծման տեսանկյունից բանակցություններ վարել տերությունների հետ: Երկրորդ, նա գտնում էր, որ այդ ուղղությունը ջանքերի գործադրումը մտնում է միայն իր գլխավորած պատվերակուլության իրավասությունների մեջ: Այդ պատճառով էլ Պ. Նուբարն իր դժոհ-հուլիաններն էր հայտնում Կ.Պոլսում տերությունների դեսպանների հետ արևմտահայ ազգային շրջանների վարած առանձին բանակցությունների կապակցությամբ: «Երբ կաթողիկոսն ինձ նշանակեց, - դրում էր նա պատրիարքին, - կարծեցի Հասկանալ, թե ձեռք է առել եվրոպական բանակցությունների տնօրինությունը Պատրիարքարանի խնդրանքով իսկ, որ դրանք ուղղակի մշակվեն դեսպանխորհրդի կամ տերությունների հետ խուսափելու համար Կ.Պոլսի դեսպանների միջնորդությունից»¹⁹⁰: Այդ նկատառումներով էլ բարենորոգումների ծրագրի կազմության իրավասությունը Պ.Նուբարը ևս վերապահում էր իրեն: Այդ էր վկայում նաև այն փաստը, որ տեղեկանալով ծրագրի կազմության վերաբերյալ Պատրիարքարանում կատարվող աշխատանքներին՝ նա Վ. Մալեգյանին հղած 1912 թ. դեկտեմբերի 21-ի նամակում գրում էր. «Շատ օգտակար պիտի ըլլայ որ ժամ առաջ ունենամ այդ նախագիծը, բաղդատեմ մերինի հետ և ջանամ, անոնք միաձուլելով, յանգիլ գործնական եւ վերջնական բանաձեւի մը»¹⁹¹: Եվ վերջուպես երրորդ, Պ. Նուբարը, հաշվի առնելով այն հանգամանքը, որ Լոնդոնում Թուրքիայի հետ վարվում էին խաղաղության բանակցություններ, իսկ Փարիզում առաջիկայում պետք է քննարկվեին նրա ֆինանսական դրությունը վերաբերող հարցերը, կարծում էր, որ բարենորոգումների խնդրի շուրջ բանակցությունները ևս կկենտրոնանան Եվրոպայում և կգտնվեն Ազգային Պատվիրակության ուշադրության կենտրոնում:

Ինչ վերաբերում է Պատրիարքարանի վերոհիշյալ կեցվածքին, ապա դա պայմանավորված էր նրա Հայկական Հարցի լուծման առաջին շահագրգիռ կողմն ու արևմտահայության կացությունն ամենից քաջատեղյակը լինելու հանգամանքով: «Նախագծի պատրաստելու իրավունքը, - կաթողիկոսին հղած նամակում գրում էր պատրիարք Հ. Արշարունին, - բնականաբար մեզ վերապահված կկարծենք, քանի որ երկրի մեջ կապրենք և թուրքահայերի ցավերին և պահանջներին ավելի զի-

¹⁹⁰ ՀԱԱ, ֆ. 57, ց. 5, գ. 19, ք. 35:

¹⁹¹ Մալեգեան Վ., Ճամբուս վրայ /Յուշաքաղ/, Բարիզ, 1950, էջ 307:

տակ կհամարվենք»¹⁹²: Այդ հարցում Ազգային Պատրիարքարանն ամբողջովին վայելում էր Կ.Պոլսի ռուսական դեսպանատան աջակցությունը: Այսպես, դեսպանատան առաջին թարգման Ա. Մանդելշաման արևմտահայ ղեկավար շրջանների հետ հանդիպման ժամանակ նշել էր, որ «միայն Պատրիարքարանը, իբրև արևմտահայերի ներկայացուցիչ, կարող է պահանջներ հրապարակ ղնել կամ ներկայացնել եվրոպական մեծ տերություններին: Միայն նա պետք է գործը ղեկավարի, իսկ կաթողիկոսն ու սյուրպիրակությունը պետք է հետևեն նրա գծած ուղղությանը»¹⁹³: Բացի այդ արևմտահայ ղեկավար շրջանները համոզված էին, որ բարենորոգումների հարցի քննարկումները տեղի էին ունենալու Կ.Պոլսում: Այդ ուղղությամբ աշխատանք էր տանում նաև ռուսական կառավարությունը և հայկական հարցի շուրջ ծավալվող իրադարձություններին հետևելու խնդրում առաջնությունը տալիս էր Կ.Պոլսի ռուսական դեսպանատանը: Այդ էր վկայում թերևս այն փաստը, որ այստեղ շատ էին մտահոգված, որպեսզի Պ. Նուբարն իր կազմած ծրագիրը չհանձնի Ֆրանսիայում ռուսական դեսպան Իդվոյսկուն: Այդ կապակցությամբ Գևորգ Ե կաթողիկոսը նույնիսկ իր զարմանքն է հայտնում, թե ինչ տարբերություն կա Գիրսի /Թուրքիայում ռուսական դեսպան – Հ. Բ./ և Իդվոյսկու միջև, քանի որ միևնույնն է՝ երկուսն էլ այդ ծրագրերը հաստատման համար պետք է ուղարկեին Պետերբուրգ

Քննության առնելով Պ. Նուբարի կազմած բարենորոգումների ծրագիրը՝ Կ.Պոլսի Ապահովության Հանձնաժողովի անդամները գալիս են այն եզրակացության, որ դրա որոշ գրույթներն ու հատկապես բարենորոգումների վերահսկողության մնայուն մարմնի /մշտական Հանձնաժողովի/ ստեղծման առաջարկը չեն համապատասխանում արևմտահայության ձգտումներին: «Անմիջապես նկատելի էր, - գրում էր Վ. Փափազյանը, - որ այդ ծրագիրը խմբագրուած է հայ իրականությունից ու անոր պահանջներէն հեռու վայրի մը մէջ»¹⁹⁵: Պ.

¹⁹² ՀԱԱ, ֆ. 57, ց. 5, գ. 35, ք. 47:

¹⁹³ Միքայելյան Ն., Արիսիվային Ընդ Ընդեր Արևմտյան Հայաստանում հայ ժողովրդի վիճակի մասին /1912-1913թթ./, «Էջմիածին», 1965, N Ե-2-Է, էջ 184:

¹⁹⁴ ՀԱԱ, ֆ. 57, ց. 5, գ. 35, ք. 11:

¹⁹⁵ Փափազեան Վ., Իմ յուշերը, հ. Բ, Պէյրուս, 1952, էջ 221:

Նուբարի ծրագիրը ներկայացվում է նաև Մ. Գիրսին, որը նույնպես բացասաբար է գնահատում դրանում տեղ գտած բարենորոգումների վրա վերահսկողութայան սահմանման եղանակը: Այդ մասին Պատրիարքարանից հաղորդում են Պ. Նուբարին՝ հույս ունենալով, որ դա կստիպի նրան հրաժարվել այդ կետից: «Տարակարծութիւնը մեր միջեւ գաղտնի չէր կրնար պահելի ուսս դեսպանատունէն, քանի որ անոր խողովակով պիտի անցնէին մեր բաղձանքները», - դրում էր Վ. Փափազյանը¹⁹⁶:

Աղդային երկու կենտրոնների միջև առաջ եկած տարաձայնութիւնները, այն էլ այնպիսի կարևոր հարցում, ինչպիսին բարենորոգումների ծրագիրն էր, անշուշտ բացասաբար կանդրադառնաին հետապնդվող խնդրի լուծման վրա: «Այս անհամաձայնութիւնը, - կաթողիկոսին հղած 1913 թ. փետրվարի 10-ի նամակում դրում էր Պ. Նուբարը, - կվնասի հայկական դատին և ապարդիուն կձգի մեր բոլոր ջանքերը»¹⁹⁷: Դեպքերի նման զարգացումից խուսափելու համար երկուստեք կարևորվում է արևմտահայերի սլահանջների վերաբերյալ մեկ միասնական տեսակետի շուտավուլթ հանգելու անհրաժեշտութիւնը, որի ուղղութիւնը սկսվում են ձեռնարկվել գործնական քայլեր: «Երկու ղեկավար մարմիններու միջեւ տարբերութիւնները այնքան էական էին, - գրում էր Վ. Փափազյանը, - որ անկարելի էր թղթակցութեամբ իրար հասկնալ եւ համոզել»¹⁹⁸: Հենց այդ նկատառումներով էլ պատրիարքին հղած 1913 թ. փետրվարի 8-ի նամակում Պ. Նուբարն առաջարկում է պատվիրակ ուղարկել Փարիզ բանակցութիւններ վարելու և երկուստեք համաձայնութիւն հասնելու համար: «Տարակոյս չունիմ, - Վ. Մալեզյանին հղած նամակում գրում էր Ազգային Պատվիրակութիւնի անդամ Հ. Մոստիչյանը, - որ եթէ Պատրիարքարանը ձեռնհաս ներկայացուցիչ մը զրկէ Բարիզ, դիւրութեամբ կարելի է ծրագրին տալ իր վերջնական ձեւը»¹⁹⁹: Այդ առաքելութիւնը հանձնվում է Ազգային կենտրոնական վարչութիւնի և Ապահովութիւնի Հանձնաժողովի անդամ Վ. Փափազյանին, որը փետրվարի կեսերին ժամանում է Փարիզ:

¹⁹⁶ Փափազյան Վ., Հայկական բարենորոգումները /1912-1914/, «վեմ», Փարիզ, 1934, N1, էջ 70:

¹⁹⁷ ՀԱԱ, ֆ. 57, ց. 5, գ. 19, ք. 29:

¹⁹⁸ Փափազյան Վ., Հայկական բարենորոգումները /1912-1914/, էջ 65:

¹⁹⁹ Մալեզյան Վ., նշվ. աշխ., էջ 315:

Կ. Պոլսից ժամանած պատվիրակի Հետ բարենորոգումների ծրագրերի քննարկումները կազմակերպելու համար Պ. Նուբարը որոշում է հրավիրել պատգամավորական ժողով, որը տեղի է ունենում 1913 թ. փետրվարի 23-ին: Գրան, բացի Պ. Նուբարից, Հ. Մոստջյանից, Գ. Ութուղյանից և Մ. Չերազից, մասնակցում էր նաև Վ. Փափազյանը: Ժողովի ընթացքում, ինչպես կաթողիկոսին հղած 1913 թ. փետրվարի 26-ի նամակում գրում էր Գ. Ութուղյանը, կատարվեցին երկու ծրագրերի «մանրազննին և խղճմիտ ուսումնասիրություններ»²⁰⁰: Հավաքույթի հիմնական նպատակն էր հարթել երկուստեք գոյություն ունեցող տարածայնություններն ու հասնել Հայացքների համաձայնեցմանը, որը, սակայն, այդքան էլ դյուրին գործ էր: Ծրագրի վերաբերյալ բանակցությունները շարունակվեցին նաև Հետագայում գլխավորապես Պ. Նուբարի և Վ. Փափազյանի միջև:

Սկզբնական շրջանում երկու կողմերն էլ որոշակի հիմնավորումներով համառորեն պաշտպանում էին իրենց տեսակետներն ու հրաժարվում զիջումներ անելուց: Պ. Նուբարը վերահսկողության մնայուն մարմին ստեղծելու առաջարկը հիմնավորում էր նրանով, որ այն չափավոր է, չի դիպչում Թուրքիայի ինքնասիրությանը և կարժանանա տերությունների հավանությանը: «Պօղոս Նուպարի պահանջը, - գրում էր Ա. Թերզիպաշյանը, - մեծ ռիսք մը էր ենթադրեր եւ դիւրաւ ալ գործադրելի էր»²⁰¹: Սակայն պետք է նշել, որ վերահսկողության այդ եղանակը չէր կարող գործնական նշանակություն ունենալ և արդյունավետ լինել, քանի որ Թուրքական իշխանությունները, օգտվելով տերությունների միջև գոյություն ունեցող հակասություններից, հեշտությամբ կկարողանային խափանել այդ մարմնի աշխատանքները: Այդ նկատառումներով էլ Վ. Փափազյանն առաջարկում էր հրաժարվել այդ պահանջից: «Այլապես, - նշում էր նա, - Հայաստանը նորեն պիտի դառնայ թատր պետութիւններու փոխադարձ խաղերուն և մրցումներուն, որմէ պիտի օգտուի Բ. Գուլը»²⁰²: Սակայն Հենց այդ նույն հակասությունների պատճառով անիրականանալի էր նաև վերահսկողության վերաբերյալ Պատրիարքարանի

²⁰⁰ Մատենադարան, Գյուտ եպիսկոպոս Տեր-Ղազարյանի արխիվ, թղթ.

3, վավ. 99:

²⁰¹ Թերզիպաշեան Ա., Նուպար, Փարիզ, 1939, էջ 103:

²⁰² Փափազեան Վ., Իմ յուշերը, հ. Բ, էջ 226:

առաջարկած, թեպետ ե. ավելի նախընտրելի, ձևակերպումը, որով այդ իրավունքը վերապահվում էր տերություններից մեկին: Բանն այն էր, որ տերությունները ոչ մի դեպքում չէին թույլ տա, որ նրանցից որևէ մեկը, և հատկապես Ռուսաստանը, ստանար նման առավելություններ ու վերահսկեր հայկական բարենորոգումների գործադրությունը, դրանով իսկ ուժեղացնելով իր ազդեցությունն Օսմանյան կայսրության այդ հատվածում: Այդ իրողությունը հաշվի առնելով էլ Պ. Նուբարը դեմ էր Պատրիարքարանի ձևակերպմանը, չնայած որ ինքը ևս շատ էր փափագում միայն Ռուսաստանի վերահսկողությունը այն համարելով «բուն և անմիջական ներգործություն, իրական ճնշում թուրքիայի վրա»²⁰³: Պ. Նուբարը չէր ընդունում նաև հայկական նահանգի ընդհանուր քննիչի նշանակման կարգի /տերությունների ընտրությամբ և Բ. Դոան վավերացմամբ/ վերաբերյալ Պատրիարքարանի ձևակերպումը, այն իրավացիորեն համարելով անիրագործելի:

Չնայած այդ տարածայնություններին, Պ. Նուբարի և Վ. Փափագյանի միջև տարվող բանակցությունները, որոնք տևեցին մոտ 1,5 ամիս, անարդյունք չեն անցնում: Շուտով Պ. Նուբարը, գիտակցելով համաձայնության շուտափուլ չհասնելու անհրաժեշտությունը, գնում է որոշակի գիշումների և հրաժարվում է վերահսկողության մնայուն մարմին ստեղծելու պահանջից: «Փաշան, - իր հուշերում գրում է Վ. Փափագյանը, - աստիճանաբար կը լքեր իր դիրքերը»²⁰⁴: Պետք է նշել, որ Պ. Նուբարի այդ գիշողականությունը որոշակիորեն պայմանավորված էր նաև ռուսական կառավարության գիրքորոշմամբ: Կաթողիկոսին հղած նամակում Կովկասի փոխարքա Վորոնցով-Դաշկովը պահանջում էր ցուցումներ տալ Պ. Նուբարին՝ «համակերպվելու Պատրիարքարանի ծրագրին և գործունեությունը»²⁰⁵:

1913 թ. մարտի վերջերին ռուսական կառավարությունը ցանկություն է հայտնում ծանոթանալ արևմտահայության բաղձանքների հետ: Այդ նկատառումներով ապրիլի սկզբներին պատրիարք Հ. Արշարունին ռուսական դեսպան Մ. Գիրսին

²⁰³ Բաբգեն վարդապետ, Հայկական հարցը և Պողոս Նուբար Փաշան, Վաղարշապատ, 1914, էջ 20; Քոնթանտոն տը Լ., Հայկական հարցին վերջին փուլերը, Կ. Պոլիս, 1913, էջ 54:

²⁰⁴ Փափագեան Վ., Իմ յուշերը, հ. Բ, էջ 226:

²⁰⁵ Մատենադարան, Կաթողիկոսական դիվան, թղթ. 238, վավ. 168, թ. 2:

պաշտոնապես հանձնվում է Պատրիարքարանի կազմած բարենորոգումների ծրագիրը: Ծանոթանալով դրան՝ Մ. Գիրսը փոփոխություններ է կատարում որոշ կետերում, որոնք, ըստ նրա, «հակառակ էին սուլթանի իրավունքներին և ենթադրում էին անջատական ձգտումներ»²⁰⁶: Այսպես, նահանգապետը, որը կարող էր լինել ոչ միայն օտարերկրացի, այլ նաև թուրքահայատակ քրիստոնյա, պետք է նշանակվեր սուլթանի կողմից՝ տերութունների հավանությամբ, վերահսկողութունը բարենորոգումների գործադրության վրա պետք է իրականացվեր ոչ թև մեկ, այլ բոլոր տերութունների կողմից: Պետք է նշել, որ Մ. Գիրսի կատարած վերոհիշյալ փոփոխությունները դրականորեն ազդեցին և նպաստեցին Պ. Նուբարի և Ազգային Պատրիարքարանի միջև տարաձայնությունների հարթմանն ու համաձայնության հաստատմանը: Այդ նոր ձևակերպումները հավասարապես ընդունվեցին ինչպես արևմտահայ ղեկավար շրջանների, այնպես էլ Պ. Նուբարի կողմից, որի շնորհիվ հնարավոր դարձավ «երկուստեք կատարյալ համաձայնությամբ և համերաշխությամբ խմբագրել և ընդունել վերջնական ծրագիր»²⁰⁷: Նման պայմաններում միակ բանը, որ պահանջում էր Պ. Նուբարը, այն էր, որպեսզի արևմտահայության պահանջների համար որպես հիմք համարվի իր կազմած ծրագիրը և վերոհիշյալ սրբագրություններն ու փոփոխությունները կատարվեն դրա վրա: Նա դեռևս հույս ուներ, որ հայկական հարցի շուրջ տերութունների միջև բանակցությունները կայանալու են եվրոպայում և արևմտահայության բաղձանքները ներկայացվելու են Ազգային Պատվիրակության կողմից: Սակայն այդ պահանջը չի բավարարվում:

Այսպիսով, վերջնականապես հարթվում են Պ. Նուբարի և արևմտահայ ղեկավար շրջանների միջև բարենորոգումների ծրագրի մի շարք էական կետերի շուրջ ծագած հակասությունները: «Այժմ, - Ա. Չոպանյանին հղած 1913 թ. մայիսի 14-ի նամակում գրում էր Վ. Փափազյանը, - մեր մէջ ոչ մեկ անհամաձայնութիւն կայ»²⁰⁸: Դա շատ կարևոր իրողություն էր, քանի որ հակառակ դեպքում մեծապես կարող էր վտանգվել հայկական հարցի լուծումը: Դրա պատճառ կարող էր հանդիսանալ ոչ այնքան ծրագրային տարբերությունները, որքան որ

²⁰⁶ Միքայելյան Ն., նշվ. աշխ., «Եջմիածին», 1965, N Բ-Գ -Դ, էջ 164:

²⁰⁷ ՀԱԱ, ֆ. 57, ց. 5, գ. 31, ք. 94:

²⁰⁸ ՀՀ ԳԱԹ, Ա.Չոպանյանի ֆ., գ. 7456, ք. 2:

վերջիններին հետևանքով կողմերի միջև առաջացած ցանկութ-
յունը՝ խափանել միմյանց կատարած ձեռնարկները: Պատրիար-
քարանի կողմից, համենայն դեպս, նման փորձ եղել էր: Այդ էր
վկայում, թեև ևս, կաթողիկոսին հղած պատրիարքի 1913 թ.
հունիսի 14-ի նամակը, ուր նա դրում էր. «Այժմ մենք ոչ մի-
այն չենք աշխատում չեզոքացնել Պատվիրակության դերը,
այլ, խորապես գիտակցելով նրա նշանակությունը, ամեն կերպ
ջանում ենք ամրապնդել և արդյունավետ դարձնել նրա պաշ-
տոնը»²⁰⁹: Պետք է նշել, որ ազգային երկու կենտրոնների միջև
ծագած տարաձայնությունների փաստը հնարավորին չափ
գաղտնի պահվեց և թույլ չտրվեց, որպեսզի թափանցի մամու-
լի էջերը, որը նույնպես կվնասեր հետապնդած խնդրի լուծմա-
նը: Բանն այն էր, որ այդ իրողությունը կարող էր շահարկվել
ոչ միայն թուրքական իշխանությունների, այլ նաև տերուկ-
յունների կողմից և օգտագործվել արևմտահայության դեմ:
1914 թ. մարտին, երբ բարենորոգումների վերաբերյալ բանակ-
ցություններն արդեն ավարտվել էին և կնքվել էր համաձայ-
նագիր, լրագրողներից մեկի հարցին, թե Ազգային Պատրիար-
քարանի հետ նրա հարաբերություններն արդյոք միշտ գոհա-
ցուցիչ են եղել, Պ. Նուբարը, լռելով տարաձայնությունների
մասին, պատասխանել էր. «Այո, եւ ինքզինքս բարեբաղդ կը
համարիմ որ ամեն կերպով Պատրիարքարանին անձնուէր
աջակցութիւնը վայելցի ինձի վստահուած առաքելութեան
մէջ»²¹⁰:

HOVAKIM BOYAJYAN
Institute of History, NAS RA

DISAGREEMENTS OF POGHOS NUBAR AND THE NATIONAL PATRIARCHATE CONCERNING THE PROGRAM OF THE REFORMS OF WESTERN ARMENIA (1913)

Summary

The defeat of Turkey in the Balkan war (1912) created favourable conditions for the realization of reforms in Western Armenia. The Western and Eastern Armenian national circles, as well as the

²⁰⁹ ՀԱԱ, ֆ. 57, ց. 5, գ. 35, ք. 47:

²¹⁰ «Կոչմակ», Նիւ Եորք, 1914, N17; «Յուսաբեր», Կահիրե, 1914, N 210:

National Delegation headed by Nubar Pasha, the envoy of the Catholicos of All Armenians began to apply great efforts to help the solution of the Armenian question.

It was very important to have a program of reforms outlining the demands of Western Armenians. There were two projects of reforms: one presented by Nubar Pasha, another – by National Patriarchate in Constantinople.

Nubar Pasha and the Armenian Patriarch of Constantinople H.Arsharuni found principal differences in each project, especially concerning the method of control of the reforms.

Each side insisted on its point of view: Such development of the process was full of dangerous consequences. After long negotiations main contradictions were resolved. It was very important, otherwise the Armenian question's solution would be endangered.

At the end of March 1913 the Russian government got acquainted with the aspirations of Western Armenians. At the beginning of April Patriarch H.Arsharuni officially handed M.Girs the project of reforms compiled by the Patriarchate.

Girs offered changes in some articles of the project, especially concerning the question of the appointment of the governor who could be not only a foreigner, but also a Turkish subject appointed by the order of the Sultan and agreement of the Great Powers. The control over the realization of reforms had to be carried out by all involved states.

The offered formulations were accepted both by Nubar Pasha and the National patriarchate and it became possible to edit and except finally the project of reforms.

It is necessary to note that the fact of contradictions was kept in secret. If it had become known it would be speculated not only by the Turkish authorities but also by the Great Powers and used against Western Armenians.

In 1914, when the negotiations about the reforms were finished and the sides came to an agreement, one of the journalists asked Nubar Pasha whether his relations with the National Patriarchate were always satisfactory, he answered: "Yes", keeping in secret disagreements.

**ԱՍՈՐԻՆԵՐԻ ՑԵՂԱՍՊԱՆՈՒԹՅՈՒՆԸ ՕՍՄԱՆՅԱՆ
ԹՈՒՐԻՔԻԱՅՈՒՄ ԱՌԱՋԻՆ ՀԱՄԱՇԽԱՐՀԱՅԻՆ
ՊԱՏԵՐԱԶՄԻ ՏԱՐԻՆԵՐԻՆ**

Առաջին համաշխարհային պատերազմի տարիներին երիտթուրքական կառավարության ներշնչումով ու ղեկավարությամբ Հայերի հետ միասին անագորույն դատանությամբ կոտորածների ենթարկվեց նաև Մերձավոր Արևելքի հնագույն ժողովուրդներից մեկը՝ ասորի ազգը: Ժողովուրդ, որի նախնիները մեծագույն ներդրում են կատարել համաշխարհային քաղաքակրթության և մշակույթի զարգացման վաղնջական պատմության մեջ:

Ասորի և Հայ ժողովուրդների պատմությունները սերտ առնչություն ունեն միմյանց հետ: Միջին դարերում այս երկու քրիստոնյա ազգերը իրենց գոյատևման համար անցել են մաքառումների դժան ուղի և ապրել բազմաթիվ օրհասական պահեր: Դեռ XIX դ. վերջին տասնամյակում Հայ և ասորի ժողովուրդները ենթարկվեցին արդուհամիգյան վարչակարգի կողմից ձեռնարկված հալածանքներին և եղբայրաբար, կողք կողքի պայքարեցին օսմանյան բռնապետության դեմ: Իսկ այն ծանր փորձությունը, որ նրանք կրեցին Առաջին աշխարհամարտի տարիներին, երբ թուրքական ավանդական ջարդարական քաղաքականությունը հասել էր իր գագաթնակետին, չունեի իր նախադեպը մարդկության ողջ պատմության ընթացքում:

Այսօր, երբ Հայ պատմագիտության կարևորագույն հիմնահարցերից մեկը դարձել է միջազգային հասարակայնության կողմից հայոց ցեղասպանության ճանաչման խնդիրը, այդ համատեքստում կարևորություն է ստանում Օսմանյան թուրքիայում ցեղասպանության ենթարկված մյուս ժողովուրդների պատմության լուսաբանումը: Իրենց անցած ողբերգական ճակատագրով առանձնանում են նաև ասորիները, որոնք Հայ ժողովրդի նման դարձան թուրքական բիրտ ու վայրագ քաղաքականության զոհը: Ասորիների ցեղասպանության հարցի ուսումնասիրությունը և լուսաբանումը միայն ասորիների և ասորագիտության, ինչպես նաև Հայ-ասորական

կապերի առկայութիւնը փաստելու խնդիրը չէ: Այս հարցն ունի այլ հնչեղութիւն. այսօր ասպարեզ է նետուել մի նոր տեսութիւն: Գեղասպան պետութեան տեսութիւնը, և ձևալորովել է մի նոր ուղղութիւն ցեղասպանագիտութիւնը, որը երկար ժամանակ հիմնվում էր միայն հայերի ցեղասպանութեան և հրեաների հոլոքոստի վրա: Այս տեսանկյունից վերը նշված հարցի լուսաբանումը կարևորվում է նրանով, որ այն կարող է ծանրակշիռ ապացույց և կռիւն հանդիսանալ աշխարհի նորանոր երկրների, այդ թվում նաև Թուրքիայի կողմից 1915 թ. հայերի ցեղասպանութեան ճանաչման գործընթացում: Փաստորեն, այս հիմնահարցի ուսումնասիրութիւնն ունի ոչ միայն գիտական, այլև քաղաքական կարևոր նշանակութիւն, հատկապես, երբ դեռ ոչ այնքան վաղեմի իրենց նախնիների օրինակին հետևելով՝ ներկայիս Թուրքիայի պաշտոնատար այրերը, ինչպես նաև մեծ տերութիւնների քաղաքականութիւնն արդարացնող բազմաթիւ հեղինակներ, իրենց գործերում խեղաթյուրում են պատմական ճշմարտութիւնը և փորձում թաքցնել ցեղասպանութեան իրողութիւնը ծուռ հայելու մեջ ներկայացնելով իրական փաստերը:

XIX դ. վերջին և XX դ. սկզբին ասորիները հիմնականում տեղաբաշխված էին Արևմտյան Հայաստանի Վանի վիլայեթի Հաքյարիի սանջակում, ինչպես և էրզրումի, Դիարբեքիի, Բիթլիսի, Խարբերդի, Սեբաստիայի նահանգների, Իրանի Ուրմիայի, Իրաքի Մոսուլի և Սիրիայի հյուսիս-արևմտյան շրջաններում: Տեղեկութիւնների և վիճակագրական տվյալների քննութիւնը ցույց է տալիս, որ այս ժամանակահատվածում Օսմանյան կայսրութիւնում և նրան հարակից տարածքներում ապրում էին մեկ միլիոնից ավելի ասորիներ՝²¹¹ միասնական լեզվով, մշակութիւնով և ազգային սովորութիւններով, որոնք քաղաքական, ռազմական և կրոնական առումներով ենթարկվում էին հոգևոր առաջնորդ Մար-Շիմուն Բենիամինին: Ասորիների հանդեպ, որպես քրիստոնյա ժողովրդի մի մաս, թուրքական իշխանութիւնները վարել են նույն հալածական քաղաքականութիւնը, ինչը տարվել է հայերի և Օսմանյան Թուրքիայի մյուս հպատակ ժողովուրդների նկատմամբ: Ասորիներից շատերը կրթութիւն էին ստանում թուրքական կրթական հաստատութիւններում, սակայն ձեռք բերելով համապատասխան վկայական՝ չէին կարող զբաղեցնել պետական պաշ-

²¹¹ Սահակ Մեսրոպ, Հայուն Տարեցոյց, Կ.Պոլիս, 1913, էջ 67-68:

ատններ: Նրանք անգամ զուրկ էին իրենց շրջանները տնաս-
սապես զարգացնելու հնարավորությունից: Թուրքական իշ-
խանությունները տարալուծում էին ասորիներին մյուս ազ-
գերի մեջ՝ զրկելով նրանց համախմբվելու և միասնական ճա-
կատով հանդես գալու հնարավորությունից: Եվ վերջապես,
ինչպես ցույց տվեցին պատմական հետազա իրողությունները,
ասորի ժողովրդին նույնպես բաժին ընկավ Օսմանյան Թուրքի-
այում ապրող հայ և Հպատակ մյուս ժողովուրդների դաժան
ճակատագիրը:

1876 թ. դահ բարձրացած սուլթան Աբդուլ Համիդ II-ը
ձեռնամուկ եղավ քրիստոնյաների զանգվածային կոտորածնե-
րի ծրագրմանը: Հայտնի է, որ Աբդուլ Համիդի արտաքին և
ներքին քաղաքականության առանցքը պանիսլամիզմն էր, որի
նպատակն էր Թուրքիայի շուրջը համախմբել մահմեդականնե-
րով բնակեցված երկրներն ու տարածքները անշուշտ չբացա-
ռելով ոչ Թուրք ժողովուրդների հալածանքը և ազգային-ազա-
տագրական շարժումների ճնշումը: Քաղաքական հենց այդ-
պիսի հաշվարկով էլ կազմակերպվեցին զանգվածային ջարդեր,
ուր հարյուր հազարավոր հայերի հետ մեկտեղ զոհ գնացին
նաև տասնյակ հազարավոր ասորիներ: Ասորիների զանգվա-
ծային ջարդերը սկիզբ առան 1895 թ. հոկտեմբերի սկզբին Դի-
արբեքիրում, ապա տարածվեցին ամենուր: Ասորական կոտո-
րածներն աննախադեպ չափեր ընդունեցին. բազմաթիվ վայրե-
րում տեղի ունեցան սոսկալի իրադարձություններ, որոնց ժա-
մանակ սպանվեցին, բռնի կրոնափոխ եղան և արտագաղթեցին
բազմաթիվ մարդիկ: Մահմեդականացվեց 245 գյուղերի շուրջ
100 հազար ասորի բնակչություն: Հազարավոր ասորի կանայք
և աղջիկներ քշվեցին Թուրքական հարեմներ՝

1895 թ. հոկտեմբերի 20-ին Ամիդ /Դիարբեքիր/ քաղա-
քում Թուրք ու քուրդ խուժանի ձեռքով իրականացվեցին
քրիստոնյաների կոտորածները: Ասորական Աք. Աստվածամոր
եկեղեցին իր մեջ պատսպարեց բազմաթիվ քրիստոնյաների՝
ասորիների, հայերի ու հույների: Բարեբախտաբար, նշված
եկեղեցին գերծ մնաց հարձակումներից, ինչը չի կարելի ասել
ասորական այն գյուղերի մասին, որոնց մեծ մասն ավերվեց և
թալանվեց քրդերի կողմից: Այդ ծանր օրերին մի քանի ասո-
րիներ դիմում են իրենց հոգևոր առաջնորդին՝ առաջարկելով

²¹² Саргизов А. М., Дружба идущая из глубины веков /Ассири́цы в
Армении/, "Амра", N 4, СПб, 1992, с. 71.

Հայերին հանել Ար. Աստվածամոր եկեղեցուց թուրքերի դժգոհությունը չհարուցելու համար: Ի պատասխան այդ պահանջի, ասորի հողերը հովիվը հայտնում է իր ժողովրդին. «Այն մարդիկ, ովքեր խաչակնքում են, մինչև վերջ պեաք է մնան եկեղեցում: Եթե սպանվելու ենք, ապա միասին»²¹³: Դիարբեքիի տանջակի 119 դուռը հրդեհվեց և ավերվեց: 6 հազար քրիստոնյա ընտանիք շուրջ 30 հազար մարդ²¹⁴, այդ թվում նաև բազմաթիվ ասորիներ, սրի քաշվեցին:

1896 թ. սեպտեմբերի սկզբին Հաքյարիի հարավում գտնվող ասորաբնակ գավառներում տեղի ունեցած ջարդերի մասին էր վկայում հայ ազգային-ազատագրական շարժման և Արմենական կուսակցութայն հայտնի գործիչ Արմենակ Եկարյանը. «Կառավարությունը օգտվելով առիթից՝ ուղղում էր աղատվել նաև այդ անբաղձալի տարրից /ասորիներից - Ա. ԽՂ, դրա համար էլ այնտեղ ուղարկեց բազմաթիվ զինվորներ և բաշիրոզուկներ, որոնց ձեռքով հարյուրավոր ասորիներ ջարդվեցին»²¹⁵:

Չմանրամասնելով բազմաթիվ նմանօրինակ փաստեր, ամփոփենք, որ XIX դ. վերջին Օսմանյան կայսրությունում սուլթան Արդուկ Համիդի կողմից կազմակերպված ջարդերի հետևանքով 300 հազար հայերի հետ միասին թուրքական յաթագանին զոհ դնացին նաև 55 հազար ասորիներ²¹⁶: Հայկական ընդհանուր ջարդերի ընթացքում ասորիների նկատմամբ կատարված այս վայրագությունները նոր էջեր հավելեցին Օսմանյան կայսրութայն արյունոտ պատմութայնը: Փաստորեն, XIX դ. հատկապես իր վերջին տասնամյակում տեղի ունեցած սոսկալի իրադարձություններով, կործանարար հետևանքներ թողեց Օսմանյան կայսրութայն ասորիների վրա և հող նախապատրաստեց էլ ավելի մեծ աղետների համար:

Առաջին աշխարհամարտը սկսվելուց անմիջապես հետո երիտթուրքական կառավարությունն արդեն որոշել էր մտնել պատերազմի մեջ: Թուրքերը կարծում էին, որ «պատերազմին մասնակցելը խիստ կբարձրացնի Թուրքիայի հեղինակությունը, հազուրդ կտա նրանց ինքնասիրութայնը և արժանապատ-

²¹³ Մկուրդ Տ., Ամիտայի արձագանքները, Սիւ-Եորք, 1950 էջ 234:

²¹⁴ Геноцид армян в Османской империи, сб. документов и материалов под ред. проф. М. Г. Нерсисяна, Е., 1966, с. 120.

²¹⁵ Յուշեր Արմենակ Եկարեանի, Գահիրե, 1947, էջ 111.

²¹⁶ Naayem J., Shall this Nation Die, New-York, 1921, p. 274.

վությանը»²¹⁷: Իրականում, այս պատերազմը երիտթուրքերի համար բարենպաստ առիթ էր գործնականում ստուգելու համաթուրքական գաղափարների կենսունակութունը, իրականացնելու իրենց նվաճողական և ցնորական ծրագրերը, որոնք պաշտպանութուն էին գտնում ռադմա-ֆետդալական, բուրժուական, իթթիհատական-չովինիստական վերնախավի շրջանում: Թուրքիայի ներքին գործերի նախարար Թալեաթ փաշան գերմանական դեսպանատան աշխատող դոկտոր Մոթմանի հետ մի զրույցի ժամանակ հաղորդել էր, որ թուրքական կառավարութունը, օգտվելով պատերազմական իրավիճակից՝ վերջնականապես կձեռքագատվի ներքին թշնամիներից քրիստոնյաներից՝ չվախենալով անգամ օտար երկրների դիվանագիտական միջամտութունից²¹⁸: Հետագա իրադարձութունները ցույց տվեցին, որ թուրքերն իրոք չվախեցան մեծ տերութունների միջամտութունից, և իրականացրին օսմանյան տերության մի շարք ազգերի կոտորածներ: Զանգվածային ջարդերից ու բռնագաղթից գերծ չմնացին նաև ասորիները:

Երիտթուրքերի կուսակցության ծրագրում ասվում էր. «Ուշ թե շուտ բոլոր թուրքահպատակ ժողովուրդները պետք է թուրքացվեն: Պարզ է, որ դա չի կարող տեղի ունենալ իրենց կամքի համաձայն, և մենք ստիպված ենք զենք կիրառել»²¹⁹: Երիտթուրքական գաղափարախոս դոկտոր Նադըմը գաղտնի մի խորհրդակցության ժամանակ ասել է. «Ձարզն անհրաժեշտ է: Բոլոր ոչ թուրքական տարրերը, որ ազգին էլ նրանք պատկանելիս լինեն, պետք է ոչնչացվեն»²²⁰:

Ազգությամբ անգլիացի Ռ. Ստաֆֆորդը, որն Իրաքի արտաքին գործերի նախարարության նախկին վարչական տեսուչն էր, այստեղ ճշմարտացիորեն նկատում է. «Մեծ առաջընթաց կլիներ թուրքերի համար, եթե նրանք կարողանային ցույց տալ, որ անկախ այն հանգամանքից, թե ինչ տեղի ունեցավ հայերի հետ, թուրքիայի մեկ այլ քրիստոնեական հա-

²¹⁷ Nessibian A., *Britania and the Armenian Question 1915-1923*, London, 1984, p. 32.

²¹⁸ Lepsius J., *Deutschland und Armenien 1914-1918. Sammlung diplomatischer Aktenstücke*, Herausgegeben und eingeleitet, Potsdam, 1919, p. 26.

²¹⁹ Lepsius J., *Bericht über die Lage des Armenischer Volkes in Türkei*, Potsdam, 1916, s. 220.

²²⁰ Ռիֆատ Մեվլան Ջադե, Օսմանյան հեղափոխության մութ ժալբերդ և իթթիատի հայաջինջ ծրագիրները, Ե., 1990, էջ 98-99:

մայնք /նկատի են առնվում ասորիները - Ա. Խ/, լիովին գոհ է իր ճակատագրից»²²¹: Իսկ ինչպիսի՞ն էր նրանց ճակատագիրը:

Ջարդերի մարտավարությունը, նրանց կաղամկերպման ու իրականացման ձևերը աներկբայորեն վկայում էին, որ Ջարգարարները որոշել էին իսպառ բնաջնջել մի ժողովրդի, որի ազգային դիմահեղման ու համաձուլման, նրա ազգային անհատականության և քրիստոնեական դավանանքին հավատարիմ մնալու ճգնուժը դարեր շարունակ չէր հաջողվել խորտակել ու վերացնել: Լիովին բնաջնջման դատապարտված կամ «մերժված» այդ ժողովուրդն իր հույսը միայն կարող էր դնել իր հուսահատ դյուցազնության վրա: Ասորիներն իսկապես թույլ չտվեցին, որ այդ կեղտոտ ոճիրը կատարվի ազջամուզվի մեջ: Թեկուզ անզեն, նրանք կռվեցին մինչև վերջ, առանց հաղթանակի որևէ հույսի:

Դիարբեքիի քրիստոնյաների բնաջնջումը ղեկավարում էր վիլայեթի վալի Իեշիդ բեյը: Թուրքական Ջարդերից հատկապես տուժեցին Մարդինի, Միդյաթի և Զեզիրեի շրջանի ասորիները: Տեղի քաղաքացի ասորիների քահանա Ջոզեֆ Նայմը վկայում էր, որ 1915 թ. ապրիլի 8-ից սկսած ահավոր Ջարդեր են տեղի ունեցել. 16 տարեկանից բարձր տղամարդկանց հավաքում էին, ծեծում, խոշտանգում, սպանում, ապա փաթթոցներ հագցնում գլուխներին ու նկարում, որ հետո ապացուցեն աշխարհին, թե իբր քրիստոնյաները հայածել են մահմեդականներին²²²: 1916 թ. սեպտեմբերին «Martyred Armenia» ամերիկյան պարբերականը «Original Arabic»-ից թարգմանեց կոտորածների ականատես ազգությամբ արաբ Ֆաեզ էլ Ղոսեյնի հոդվածը, որտեղ հեղինակն անդրադարձել էր Դիարբեքիի ասորիների սպանություններին. «Միդյաթում և Սարդինում հրաման արձակվեց սպանել միայն հայերին, իսկ մյուս բոլոր համայնքների ներկայացուցիչներին ձեռք չտալ: Ասորիներն իմանալով իրենց եղբայրների /հայերի - Ա. Խ/ ղժբախտության մասին՝ անմիջապես ամրացան Միդյաթի մոտակա երեք գյուղերում և հակահարված հասցրեցին թուրքական զորքին՝ ցուցադրելով քաջության վառ օրինակներ: ...Ասորիները քաջ գիտակցում էին, որ իրենք գործ ունեն մի ստախոս պետության հետ, որը վաղը ետ կվերցնի իրենց ձեռք չտալու տրված խոս-

²²¹ Stafford R. S., The Tragedy of the Assyrians, London, 1935, p. 27.

²²² Alichoran J. Du génocide a la diaspora: les Assyro-chaldeens au XX siecle, Paris, 1994, p. 370.

տուժը և ավելի ուժգնորեն կհարվածի նրանց, ում երեկ ներում էր շնորհել»²²³։

Վանի նահանգապետ Զեդեթ Բեյը, որն իր ընդհանուր հատկանիշներով չարագործությունների, դավադրական ծրագրերի և միևնույն ժամանակ կեղծելու, խարելու արհեստի մեջ հմտացած մեծ վարպետ էր, ուներ 8 հազար մարդուց բաղկացած «մսագործների գունդ», որը կազմակերպում էր այնպիսի ջարդեր, որոնք իրենց նմանը դեռ չէին ունեցել։ Դրա վառ օրինակներից մեկն էլ 1915 թ. գարնանը Հաքյարիի շրջանում կազմակերպած հրեշավոր ջարդն էր, որտեղ թուրքերը կոտորեցին մոտ 60 հազար ասորիներին²²⁴։ Այնուհետև, հետագա տարիների ընթացքում, Հաքյարիում 70 հազար ասորի ոչնչացվեց. նրանց մի մասը կոտորվեց, մյուս մասը մահացավ քաղցից, իսկ մեկ այլ մասը գոհվեց մահամեղականների դեմ մզած կռիվներում²²⁵։

1915 թ. հունիսի սկզբին ասորիների զանգվածային կոտորածներ տեղի ունեցան նաև Վանի հյուսիսային մասում, Թիմարում և Թհումում։ Քոչանիս գյուղը, որը համարվում էր հոգևոր առաջնորդ Մար-Շիմունի նստավայրը, ամբողջովին ավերվեց։ Պատրիարքարանի շենքը հրդեհվեց։ Այս նույն ժամանակամիջոցում թուրքերն ու քրդերը հարձակվեցին Զելուի ասորական Մար-Ջայա գյուղի վրա, կողոպտեցին այն և սպանեցին տեղի բնակչութայնը։ Թշնամին մտավ նաև եկեղեցի և ամբողջովին թալանեց այն։ Այս ժամանակամիջոցում այստեղ շուրջ յոթ հազար ասորիներ կոտորվեցին²²⁶։

1915 թ. հունիսի 30-ին իսրայելի ամերիկյան հյուպատոս Լեսլի Դեկսը Կ. Պոլսում ԱՄՆ-ի դեսպան Հ. Մորդենթաուսին գրում էր. «Թուրքերը քրիստոնյաներին ոչնչացնելու մեկ այլ ձև էլ են գտել. դա տարագրությունն է։ Հունիսի 28-ին, հրապարակավ հայտարարվեց, որ բոլոր հայերն ու ասորիները հինգ օրվա ընթացքում պետք է լքեն իսրայելը»²²⁷։ Այսպես սկիզբ առան ասորիների զանգվածային կոտորածները իսրայելում։

²²³ Kloian R. D., The Armenian Genocide, News Accounts from the American Press /1915-1922/, California, 1985, p. 161.

²²⁴ Արզումանյան Ս., Հայաստան 1914-1917, Ե., 1969, էջ 488:

²²⁵ Naayem J., op. cit., p. 275.

²²⁶ Halo T., Not Even my Name, New-York, 2000, p. 284:

²²⁷ Девис А. А., Провинция бо́уну, Е., 2000, с. 204.

Ասորիների ջարդերը շարունակվեցին նաև Բիթլիսում ու Սևրաստիայում, և ստեղծված իրավիճակից փրկվելու միակ ելքը դաղթն էր, որը, ընկանաբար, ուղեկցվեց մարդկային ծանր կորուստներով:

Կոտորածներից համեմատաբար զերծ մնացին Իրանի ու համանին մոտ գտնվող Հաքյարիի լեռնային շրջանի ասորիները: XIX դ. վերջին և XX դ. սկզբին այստեղ կար 300 հազար բնակչություն, որից 100 հազարը ասորիներ էին²²⁶: Թուրքերը փորձում էին աշխարհին ցույց տալ, թե իբր հնազանդ ժողովրդին, չնայած նրանց քրիստոնեական պատկանելությանը, չեն վնասում: Սակայն իրականում լեռնցի այդ ասորիները բավականին ռազմաշունչ էին և երկյուղ էին ներշնչում թուրքերին: Թեպետ չնայած այդ ամենին, նրանց մի մասն էլ ի վերջո ենթարկվեց կոտորածների:

Յավոք, Առաջին աշխարհամարտի ժամանակ ասորիների ջարդեր իրականացվեցին նաև 1914 թ. նոյեմբերի 2-ին պատերազմում իրեն չեզոք երկիր հայտարարած Իրանի տարածքում: Բանն այն էր, որ գերմանական և թուրքական հրամանատարությունների մշակած ծրագրում ռազմական գործողություններ էին նախատեսվել նաև Իրանում, որի տարածքը Գեյմանիան և Թուրքիան ուզում էին օգտագործել որպես միջանցք դեպի Բաքվի նավթային շրջանները և այնուհետև Միջին Ասիան գրավելու համար: Ուստի Իրանը ևս վերածվեց հակամարտող երկու ճամբարների ռազմական գործողությունների թատերաբեմի, ուր տեղի ունեցան զանգվածային բռնություններ: Այստեղ հատկապես տուժեցին Ուրմիայի տարածաշրջանի ասորիները, ուր միայն 1914 թ. սեպտեմբերին հրդեհվեցին և քրդերի կողմից թալանվեցին ավելի քան 30 հայկական և ասորական գյուղեր²²⁵:

1914 թ. հոկտեմբերին Ուրմիայում Ռուսաստանի փոխհյուպատոս Վեգենսկին տեղի նահանգապետի հետ այցելում է քրդերի, թուրքերի և պարսկական խուժանի կողմից ավերված ասորական Անգար, Ալվաջ և այլ գյուղեր: «Ամենուրեք, - գրում էր նա, - առկա են ջիհադի արդյունքները»²³⁰:

²²⁸ Alichoran J., op. cit., p. 370.

²²⁹ Hubbard G.E., From the Gulf to Ararat, An Expedition through Mesopotamia and Kurdistan, London, 1916, pp. 257-258.

²³⁰ Сагизов Л. М., Ассирийцы стран Ближнего и Среднего Востока, Е., 1979, с. 25-26.

1915 թ. Հունվարին ոստիկանական մի ջոկատ Քաջալի խանի գլխավորութամբ շրջապատեց Ուրմիայի ամենամեծ ու ամենահարուստ ասորական Գուլփաշան գյուղը, որտեղ ապրում էին 300 ծուխ՝ շուրջ 2500 ասորի բնակչութուն, և քարուքանդ արեց այն: Իոյորը, բացի մի քանի հարյուրի հասնող ասորիներից, սպանվեցին²³¹: Գուլփաշանից բացի, կոտորածներ տեղի ունեցան նաև ասորական Գյոզթափե, Աղա, Խոսրովա, Հաֆթվան և այլ գյուղերում. ավերվեցին տեղի դպրոցներն ու եկեղեցիները: Խոսրովա գյուղում, օրինակ, քրդերը մի տեղ հավաքելով ասորի բնակչությանը, այդ թվում նաև այն գաղթականներին, որոնք այստեղ էին հասել շրջակա գյուղերից, մոտ 7 հազար մարդ, բոլորին կոտորեցին²³²: 750 մարդ զլխատվեց ասորական Հաֆթվան գյուղում, որից հետո 5 հազար ասորուհիներ հայտնվեցին քրդական հարեմներում²³³: Քանաչար ասորական գյուղում ողջակիզվեց 200 մարդ²³⁴:

1915 թ. Հունվարի վերջին Ուրմիայի շրջանից ռուսական բանակի անակնկալ ու չարդարացված նահանջը ողբերգական հետևանքներ ունեցավ Իրանում բնակվող ասորիների համար: Թուրքական զորքերը քրդական ջոկատների հետ համատեղ կազմակերպեցին ասորի բնակչության զանգվածային ջարդեր, և միայն 25 հազար մարդու²³⁵ հաջողվեց վրկվել հաստատ ու տանջալից մահվանից և ապաստան գտնել Անդրկովկասում:

1915 թ. ապրիլի 20-ին ռուսների կողմից Դիլմանի գրավումից գազազած թուրքերը մոտակա 20 ասորական գյուղերի բնակիչներին սրի քաշեցին²³⁶: Սկսվում է տանջալից փախուստ Ուրմիայից դեպի Միջադեռքի անապատները, որն ուղեկցվում է մարդկային ծանր կորուստներով: Այդ գաղթերի կապակցությամբ անգլիացի մի ականատես վկայում էր. «Իմ առաջ բացվեց մերժված մի ժողովրդի ողբերգական գաղթի ճակատ

²³¹ «Մշակ», 55, 14 մարտի 1915:

²³² Naayem J., op. cit., p. 271.

²³³ Johannan A., The Death of Nation. New-York – London, 1916, pp. 127-128, 134.

²³⁴ ՎԴԿԴԱ, ֆ. 13, ց. 27, գք. 2, գ. 3361, թ. 103:

²³⁵ Johannan A., op. cit., p. 120:

²³⁶ Խոսրոկա Ա., Ասորիների ցեղասպանությունն Օսմանյան Թուրքիայում և հարակից թյուրքաբնակ վայրերում /XIX դարի վերջ – XX դարի առաջին քառորդ/, Ե., 2004, էջ 82:

տաղրի պատկերը. ես խոսում եմ ասորիների մասին»²³⁷: Իսկ հրաշքով փրկված գաղթական Իսահակ Յոնանը, պատմելով իրենց կրած տառապանքների, ղոհների ե. անտանելի դրուժյան մասին, վկայում էր, որ վիճակն այնքան անտանելի էր, որ թվում էր, թե ողջերը նախանձում էին մեռածներին²³⁸: Անգամ Ռ. Ստաֆֆորդը, որն առիթը բաց չէր թողնում արդարացնելու անգլիացիների բոլոր գործողությունները, ստիպված էր ընդունել, որ «ասորիների այս խաչակրաց ճամփան զինվորական պատմության ամենաողբերգական էջերից է: Միայն այս ժամանակահատվածում նրանք կորցրին իրենց ազգի մեկ երրորդը: Ավելի քան 17 հազար ասորիներ մահացան այս գաղթի ճանապարհին»²³⁹:

Ինչպես տեսանք, ասորիները լինելով ազգային և կրոնական փոքրամասնություն, իրենց տիրապետող հասարակությունում հայտնվել էին հպատակի կարգավիճակում: Սա նշանակում է, որ օսմանյան տիրող վարչակարգի առկայության պայմաններում, այս ժողովուրդը պետք է ենթարկվեր իրավազրկության տարբեր դրսևորումների և հալածանքների: Սրան հատկապես գումարվում է այս ժողովրդի հանդեպ գոյություն ունեցող կրոնական թշնամանքը, որի պայմաններում հակաքրիստոնեական հետապնդումներն ավելի սուր բնույթ ստացան:

Այսպիսով, ինչպես տեսանք, Առաջին համաշխարհային պատերազմի ընթացքում Օսմանյան Թուրքիայում և նրան հարակից տարածքներում, ուր ապրում էր մեկ միլիոնից ավելի ասորի, միջազգային իրավունքի չափանիշներով կատարվեց իսկական ցեղասպանություն: Օսմանյան Թուրքիան և մեծ տերությունները հանցավոր են ինչպես հայերի, այնպես էլ ասորիների արյունալի սպանդի մեջ: Թուրքիան մեծ տերությունների հանցավոր թողտվության պայմաններում, օգտվելով պատերազմական իրադրության ընձեռած հնարավորությունից մարդկության դեմ կատարեց ծանրագույն հանցագործություն ցեղասպանություն: Սակայն ասորիների ողբերգությունը դրանով իր ավարտին չհասավ: Ինչպես աշխարհավեր պատերազմի տարիներին, այնպես էլ նրանից հետո ասորական

²³⁷ Мамвеев К. П., /Бар-Мамтаў/, Мар-Юханна И. И., Асцирўսкуі вoпpoc вo вpемя и пoслe пepвoй мupовoй вoйны, М., 1968, с. 49.

²³⁸ Kloian R.D., op. cit., p. 9.

²³⁹ Stafford R. S., op. cit., p. 33-34.

ժողովուրդն արյունաքամ էր լինում ինչպես եվրոպական մեծ սաղրանքների, այնպես էլ թուրք. քուրդ, իրանցի բռնավորների կազմակերպած կոտորածների ու հալածանքների հետևանքով:

1916 թ. նոյեմբերին ամերիկյան «Նյու-Յորք թայմս» պարբերականը տպագրեց բժիշկ Վ. Ռոքվելի «Հայերի և ասորիների ղոհերի թիվը» վերնագրով մի հոդված, որտեղ հեղինակը, պատմելով թուրքիայում տեղի ունեցած հայկական կոտորածների մասին, ավելացնում է. «Միայն հայերը չեն, որ անբախտ են. ասորիներին նույնպես ոչնչացրեցին և յուրաքանչյուր տասերորդին հնձեցին: ...Այդ ազգի ներկայացուցիչներից շատ շատերը կործանվեցին, սակայն ոչ ոք չգիտի, թե որքան...»²⁴⁰: Այս կապակցությամբ ամերիկյան մեկ այլ պարբերական՝ «Atlantic Monthly» թերթը հավելում էր. «Վեց ամսվա ընթացքում երիտթուրքերը արեցին այնքան բան, որքան չկարողացան անել հին թուրքերը վեց դարերի ընթացքում: ...Հազարավոր ասորիներ անհետացան աշխարհի երեսից»²⁴¹: Արդեն 1919 թ. նոյեմբերին «Ֆրանսիական Ասիա» պարբերականը գրում էր, որ «ասորիների կոտորածները հիշեցնում են հայկական ջարդերը: Եվ քանի որ 250 հազար նահատակներ ունեցած այս ժողովրդի մասին ավելի քիչ է խոսվել, ուստի պետք է այդ մասին հայտնել աշխարհին»²⁴²: Իսկ 1922 թ. կատարված հաշվումների համաձայն, ինչպես նշում է ասորիների Ազգային խորհրդի քարտուղար Ժ. Կորեք դ'Քերպորանին, իր ազգի ներկայացուցիչների կորուստը կազմում է ավելի քան 270 հազար²⁴³: Այսօր էլ ասորիների մոտ առկա է այն միտումը, որ այդ ժամանակահատվածում իրենք կորցրել են իրենց ազգի 2/3-ը:

Այսպիսով, արդարութայան վերականգնման, ժողովուրդների ինքնութայան ճանաչման և մշակութային զարգացման համար աշխարհով մեկ սփռված ասորի ժողովուրդը մարդու իրավունքների հարգման, ինքնավար պետութուն ունենալու կարիք է զգում և շարունակում է իր դարավոր ու արդար պայ-

²⁴⁰ Kloian R. D., op. cit., p. 183-189.

²⁴¹ Նույն տեղում, էջ 193.

²⁴² Alichoran J., op. cit., p. 370. Asuri-Suryani-Keldani halkinin 1915 soykirim /SEYFO/ dosyasi, s. 7. Տե՛ս նաև Naayem J., op. cit., p. 30.

²⁴³ Առն Վարդան, Ժամանակագրութիւն հայկական տասնհինգի 1915-1923, Պէյրուք, 1975, էջ 90:

քարը: Այս ժողովուրդը պահանջում է, որ Թուրքիան դատապարտվի միջազգային աստիճանների կողմից: Ասորիների խնդիրը, որն առ այսօր դուրս է մնացել համաշխարհային հասարակայնության ուշադրությանից, միջազգային լուծում է պահանջում մոռացության չմատնելով, որ ցեղասպանության մահացու վարակը ուղ մարդկության ասլազան է կանգնեցնում վտանգի առաջ:

Իրենց հոգեբանական և պատմական էությունը զանգվածային դիտակցության մեջ մշտապես խառնվում են սկզբունքային երկու տարբեր երևույթներ՝ «պատերազմը» և «ցեղասպանությունը»: Յուրաքանչյուր պատերազմում, որքան էլ ողբերգական լինի այն, «այլ ազգի կամ դավանանքի» մարդու սպանությունը կատարվում է քաղաքական, տնտեսական, կրոնական և տարածքային-գավթողական նպատակների հասնելու համար: Սակայն «ցեղասպանություն» իմաստն այլ բնույթ ունի: Գեղասպանության որոշակի կամ անորոշ նպատակն է՝ ոչնչացնել մարդուն էթնիկական և կրոնական հատկանիշների զրդապատճառով: Եթե այնպիսի խիստ ասենք՝ «ցեղասպանությունը» զանգվածային դիտակցության մեջ օրինականացված սպանության թուլյալությունն է՝ «այլ» մարդու ոչնչացումը: Սակայն ցեղասպանությունը չի լինում ինչ-որ մեկի, մի քանիսի կամ մի խումբ մարդկանց դեմ, այն միշտ էլ ուղղված է համայն մարդկության դեմ: Ուստի, տվյալ դեպքում, այն, ինչ կատարվեց ասորի ժողովրդի նկատմամբ, ծանր հանցագործություն էր՝ ուղղված ողջ մարդկության դեմ:

THE GENOCIDE OF THE ASSYRIANS IN THE OTTOMAN TURKEY DURING THE WORLD WAR I

Summary

During the World War I along with the Armenians, the Assyrians, one of the most ancient nations of the Middle East, whose ancestors contributed greatly to the world civilization and culture, also underwent the cruel massacres organized and directed by the Young Turks' government.

Nowadays the problem of the recognition of the Armenian Genocide by the world community has become one of the most crucial issues of the Armenian historical science. In this context it is becoming increasingly important to shed light on the history of other nations subjected to massacres in Ottoman Turkey. At the end of the 19th and the beginning of the 20th century Assyrians lived mainly in the *sanjak* of Hakiar of the Van *vilayet* as well as in Erzurum (Karin), Diarbekir (Amid), Bitlis (Baghesh), Kharberd, Sebastia in Western Armenia and in the regions of Urmia (in Iran), Mosul (in Iraq) and north-western Syria. The Turkish authorities carried out repressive and discriminating policy in relation to Assyrians as to Armenians. Like the Armenians, the Christian Assyrians who fell a victim to the Turkish brutal and severe policy are also notable for their tragic fate.

The research of the Assyrian Genocide or the question of proving the existence of the Armenian-Assyrian relationship are not only the problems of the Assyrians and Assyrian studies. This problem has quite a different meaning. Today another theory has been brought to light – the theory of the "slaughterer state", and a new branch has been formed – the Genocide Science, which was for a long time based only on the Armenian Genocide and the Jewish Holocaust.

In this respect the research of the problem mentioned above is very important. serving as a strong evidence and argument in the process of recognition of the Armenian Genocide of 1915 by more countries including Turkey. In fact the study of this problem is an issue not only of a scientific but also of a significant political importance, especially when contemporary Turkish officials, following the example of their not so remote ancestors, as well as a number of authors justifying the policy of the Great Powers, distort the historical truth and try to hide the tragedy of Genocide and present the historical facts in a false mirror.

ԱՐԵՎՄՏՅԱՆ ՀԱՅԱՍՏԱՆԻ ԻՆՔՆԱՎԱՐՈՒԹՅԱՆ
ՀԱՐՑԸ 1915 ԹՎԱԿԱՆԻՆ

«Հայկական կյանքի նորից գործի գցած մակույկը մեծ տերությունների միջազգային քաղաքականության կամակոր ալիքների արգելեցության ներքո մերթ՝ վեր էր խոյանում համաշխարհային հետաքրքրության գլխապտույտ մակարդակը, մերթ՝ շրջվում համընդհանուր անտարբերության անդունդը»:

ԵԻԿՈՂԱՅՈՍ ՄԱՌ²⁴¹

1914 թ. օգոստոսի 1-ին Առաջին համաշխարհային պատերազմի բռնկումով աշխարհի քաղաքական վերաբաժանման համար մեծ տերությունների պայքարը մտավ նոր զինված փուլ: Արևմտյան Հայաստանը, որտեղ դեռևս պատերազմի նախօրեին բախվում էին եվրոպական տերությունների տնտեսական ու քաղաքական շահերը, դարձավ ռուս-թուրքական ռազմական գործողությունների թատերաբեմ: Այդ հանգամանքն էական փոփոխություններ առաջացրեց ոչ միայն մեծ տերությունների մերձավորարևելյան քաղաքականության մեջ, այլև Հայկական հարցի վրա ազդող լուրջ գործոն դարձավ: Նախ, Թուրքիայի մասնակցությունը պատերազմին, որպես կայզերական Գերմանիայի դաշնակից, ցրեց Եռյակ համաձայնության տերությունների վերջին հույսերը թուրքական պետության չեզոքությունն ապահովելու մասին, հետևաբար, ի չիք դարձավ Օսմանյան կայսրության տարածքային ամբողջականությունը չխախտելու և նրա անձեռնմխելիությունը պահպանելու դիվանագիտական սկզբունքը: Ավելին, Ռուսաստանը, Անգլիան և Ֆրանսիան առաջ քաշեցին օսմանյան «ժառանգության», այսինքն՝ Թուրքիայի ասիական տիրույթների

²⁴¹ Գալոյան Գ., Հայոց զորավարը: Տե՛ս «Գրական թերթ», Ե., 1990, թիվ 11:

րաժանման խնդիրը, որի բաղկացուցիչ մասն էր կազմում Արևմտյան Հայաստանի ու Կիլիկիայի ապագայի հարցը:

Օդտփելով նպաստավոր ռազմաքաղաքական իրադրությունից ռուսական Կովկասյան բանակը գրավում էր Արևմտյան Հայաստանի տարածքը՝ նպատակ ունենալով բացի դեպի սեծովյան նեղուցներ ու Կոստանզնուպոլիս տանող ամենակարճ ցամաքային ճանապարհը:

Օսմանյան թուրքիայի դեմ պայքարում Ռուսաստանի արտաքին քաղաքական ծրագրերը համընկնում էին Հայերի ազգային ձգտումներին, քանի որ Կովկասյան ճակատում ռուսական բանակի վճռական, սրընթաց ու հաջող ռազմական գործողություններն արևմտահայերին թուրքական տիրապետությունից ազատագրվելու հույս էին ներշնչում: Արևմտյան Հայաստանում բարենորոգումներ իրագործելու և թուրքական պետության սահմաններում ինքնավարություն հասնելու ցանկությունը, որ տասնամյակներ շարունակ փայփայում էին հայերը, պատերազմի պայմաններում կարող էր իրականանալ բացառապես Ռուսաստանի և նրա դաշնակիցների հաղթանակի դեպքում:

Արևմտյան Հայաստանն ու Կիլիկիան Ռուսաստանի համար ոչ միայն բանալի էին դեպի Մերձավոր Արևելք, այլև դբահ կովկասյան սահմանների պաշտպանության տեսակետից: Չնայած խնդրի կարևորությունը՝ Ռուսաստանի արտգործնախարարությունը բացահայտորեն չէր արտահայտում Արևմտյան Հայաստանի, Կիլիկիայի, սեծովյան նեղուցների ու Կ.Պոլսի նկատմամբ ռուսական պետության հավակնությունները, որովհետև դեռ որոշակիորեն ծանոթ չէր ասիական թուրքիայում դաշնակից Անգլիայի ու Ֆրանսիայի հետաքրքրություններին: Այդ պատճառով էլ ռուսական կառավարող շրջանակներում անհանգստանում էին, որ նշված տարածքների գրավումը կարող էր առաջ բերել դաշնակից երկրների անհաղթահարելի դիմադրությունը: Ահա թե ինչու պատերազմի սկզբնական փուլում ռուսական դիվանագիտությունը բարձրացնում էր սեծովյան նեղուցներով ռուսական ռազմական նավատորմի ազատ ելումուտի ապահովման հարցը: Իսկ Կիլիկիայի ու Պարսից ծոցի շրջանում հարավային ծոփերը դուրս գալու ուղիներն իր ազդեցությունները

245 | Палеолог М., Царская Россия во время мировой войны, Москва, 1991, с.

պահելու, Արևմտյան Հայաստանի և Կիլիկիայի նկատմամբ դաշնակից պետությունների Հետաքրքրությունները վզուշորեն շոշափելու, միամամանակ, նշված տարածքները գրավելու Հնարավորությունը պարզելու նպատակով ուսական կառավարությունը մշակեց թուրքական պետության սահմաններում Ռուսաստանի, Մեծ Բրիտանիայի և Ֆրանսիայի Հովանավորությամբ Հայկական վեց վիլայեթների և Կիլիկիայի (միջերկրածովյան Մերսին նավահանգստով Հանդերձ, բացառությամբ Ալեքսանդրետի ծովածոցի՝ Յոմուրթալիքով) տարածքում ինքնավար Հայաստանի ստեղծման ծրագիրը: Այն հիմնված էր 1913 թ. Կ.Պոլսում Ռուսաստանի առաջարկած նախագծի վրա⁴⁶: Եթե ցարական կառավարության համար նախագծի իրագործումը միջոց էր Արևմտյան Հայաստանի ու Կիլիկիայի տարածքով ապահովելու Ռուսաստանի ելքը դեպի Միջերկրական ծով, ապա հայ ժողովրդի համար այդ ծրագիրն ազգային նպատակների իրականացման հիմք կարող էր դառնալ: Հետևաբար՝ հայ գործիչները ջերմորեն կարող էին այն պաշտպանել: Հաշվի առնելով այդ հանգամանքը՝ Ռուսաստանի արագործնախարարությունը, Պետրոգրադում հայ ներկայացուցիչների հետ գաղտնի բանակցություններից հետո, Արևմտյան Հայաստանի ու Կիլիկիայի ինքնավարության ծրագիրը և, հատկապես, Հայկական վեց վիլայեթներին Կիլիկիայի միացման գաղափարը Ֆրանսիայի ու Անգլիայի կառավարությունների առջև պաշտպանելու գործը դրեց հայերի վրա: Նախատեսվեց հայ պատգամավորներ ուղարկել Անգլիա ու Ֆրանսիա: Նախարարությունն իր օգնությունը խոստացավ հայ պատվիրակներին Լոնդոնում և Փարիզում իր դեսպանների միջոցով: Բայց քանի որ վերջիններիս «բացահայտ աջակցությունը կարող էր հրահրել Անգլիայի և Ֆրանսիայի կասկածամտությունն այդ պատգամավորների դերի նկատմամբ, հատկապես Կիլիկիայի հարցում», ուստի արագործնախարարությունում նպատակահարմար համարեցին, որ հայ պատգամավորները գործեն որքան

⁴⁶ «Հայաստանի ավտոնոմիան» և Անտանտան: Վավերագրեր իմպերիալիստական պատերազմի շրջանից, Աշոտ Յովհաննիսյանի առաջաբանով, Ե., 1926, փաստ. N 14, էջ 10: Տես նաև Boghos Nubar's Papers and the Armenian Question, 1915-1918. Documents. Edited and translated by Vatche Ghazarian, Waltham. 1996, փաստ. N 8, էջ 19-20:

Հնարավոր է առանց ռուսական դեսպանների տեսանելի միջամտության: «Վերջիններիս միջամտությունը կարող է տեղի ունենալ լուր ղեկավարության դեպքում, ինչպես նաև այն ժամանակ, երբ իրենք դեսպանները, դա հարկավոր համարեն»²⁴⁷, - 1915 թ. մայիսին Հայկական Ազգային պատվիրակության նախագահ Պ. Նուբարին տեղեկացնում էր Պետրոգրադի քննարկումներին մասնակցած հասարակական գործիչ բժիշկ Հակոբ Ջավրիյանը: Սակայն դիվանագիտական փաստաթղթերն իրականում վկայում են, որ ռուսական արտգործնախարարությունը խուսափեց իր իսկ ներկայացրած ծրագրի վերաբերյալ լուրջ երաշխիքներ տալուց և եվրոպական կառավարությունների առջե. այն բացահայտորեն պաշտպանելուց, որովհետև արդեն անդյակ էր Կիլիկիայի Մերսին նավահանգստի ու նրա շրջակա տարածքների նկատմամբ Ֆրանսիայի Հավակնություններին²⁴⁸:

Իր իրական նպատակները նրբորեն քողարկող ռուսական արտգործնախարարության հանձնարարությունից 1915 թ. ապրիլին Փարիզ, իսկ մայիսին այնտեղից Լոնդոն մեկնեցին Հ. Ջավրիյանը և Ա. Ղուկասյանը²⁴⁹: Միաժամանակ, Ամենայն Հայոց կաթողիկոս Գևորգ 5-րդի ապրիլի 10-ի հեռագրով ու ապրիլի 28-ի No 761-րդ Հայրապետական կոնդակով «Անգլիայի ու Ֆրանսիայի կառավարությունների առջև Հայաստանի ինքնավարության ծրագիրը պաշտպանելու» հանձնարարություն ստացավ Պ. Նուբարը²⁵⁰: Նրան Հ. Ջավրիյանը Փարիզում հան-գամանորեն տեղեկացրեց Պետրոգրադի ծրագրի և նրա քննարկումների մասին²⁵¹:

Հայ գործիչների նպատակն էր՝ եվրոպական կառավարություններին ու հանրային կարծիքը տրամադրել հօգուտ Հայ ժողովրդի քաղաքական նպատակների իրականացման, միջազգային հանրությունը «բացատրել, որ թուրքական կա-

²⁴⁷ ՀԱԱ, ֆ. 57, ց. 5, գ. 19, ք. 87: Boghos Nubar's Papers and the Armenian Question, 1915-1918, փաստ. N 8, էջ 20:

²⁴⁸ «Հայաստանի ավտոնոմիան» և Անտանտան, փաստ. N 14; 15, էջ 11; N 16, էջ 12:

²⁴⁹ ՀԱԱ, ֆ. 57, ց. 5, գ. 19, ք. 86:

²⁵⁰ Նույն տեղում, գ. 27, ք. 34-35; գ. 28, ք. 185:

²⁵¹ Նույն տեղում, գ. 19, ք. 86-87: Boghos Nubar's Papers and the Armenian Question, 1915-1918, փաստ. N 67, էջ 109; N 108, էջ 183; N 156, էջ 268-270:

ուսմանը վեց վիլայեթները և Կիլիկիայի Հայ բնակ-
 իչությանը կոտորածով ու զանգվածային աքսորներով բնա-
 ջնջելու նպատակ է հետապնդում»²⁵²: Նրանք տեսակցութուն-
 ներ ունեցան Ֆրանսիայի արտոգործնախարար Դելկասեի, Անգ-
 լիայի արտոգործնախարարուհի Կետրարտուղարի օգնական
 Արթուր Նիքոլսոնի, լորդ Բրայսի, լորդ Լենսթոնի, անգլիական
 ու ֆրանսիական խորհրդարանների բաղձաթիվ անգամների,
 քաղաքական գործիչների, ականավոր լրագրողների հետ²⁵³:
 Այդ հանդիպումները ցույց տվեցին, որ եվրոպական
 կառավարութ-յունների իրական շահերը չէին
 համապատասխանում Հայկա-կան վեց վիլայեթների և
 Կիլիկիայի տարածքում ինքնավար Հայաստանի ստեղծման
 ծրագրին: Հարցն այն է, որ դեռևս փետրվարին Հենց
 Պետրոգրադի կառավարութ-յան կողմից առաջ էր քաշվել
 Կ.Պոլիսն ու սևծովյան նեղուցները Ռուսաս-տանին հանձնելու
 Հարցը: Դրանով սկիզբ էր գրվել օսմանյան «ժառանգութ-յան»
 բաժանման վերաբերյալ անգլո-ֆրանս-ռուսական
 դիվանագիտական գաղտնի գրագրութ-յանն ու բանակ-
 ցութ-յուններին, որոնք էլ Հենց վճռորոշ էին լինելու Արևմտ-
 յան Հայաստանի և Կիլիկիայի ճակատագրի համար: «Ասիա-
 կան Թուրքիայի բաժանման դեպքում Ֆրանսիան կպահանջի
 Սիրիան ու Կիլիկիան մինչև Տավրոս: Նրանք ապացուցում են,
 որ, քանի որ Կոստանդնուպոլիսը Դարդանելի հետ միասին,
 որի քաղաքական ու տնտեսական կարևորութ-յունը վեր է կաս-
 կածից, անցնում է Ռուսաստանին և, Անգլիան արդեն նվաճել
 է Միջագետքը, Ֆրանսիան չի կարող բավարարվել միայն Սի-
 րիայով, քանի որ վերջինս հարուստ երկիր է: Հետևաբար,
 նրանք լրջորեն շահագրգռված են նաև Կիլիկիայով»²⁵⁴, - 1915
 թ. Հունիսի 17-ին Փարիզից կաթողիկոս Գևորգ 5-րդին տեղե-
 կացնում էր Պ. Նուբարը: Սակայն Հայ գործիչների ան-
 Հանգստութ-յանը հակառակ, Պետրոգրադում մտադիր չէին Կի-
 լիկիայի պատճառով սրել Հարաբերութ-յունները Փարիզի հետ:
 Այդ պատճառով էլ ռուսական դիվանագետները խուսափում
 էին Հ. Զավրիյանին ու Պ. Նուբարին որոշակի երաշխիքներ
 տալ ապագա ինքնավար Հայաստանին Կիլիկիան միացնելու

²⁵² ՀԱԱ, ֆ. 57, ց. 5, գ. 19, ք. 44:

²⁵³ Նույն տեղում, ք. 42:

²⁵⁴ Boghos Nubar's Papers and the Armenian Question, 1915-1918, doc. N 67, p. 109.

հարցում: Ուստի հայ գործիչները ստիպված էին կրկին ուղղակի դիմել ֆրանսիական ու անգլիական կառավարող շրջաններին: Մասնավորապես, Ֆրանսիայի արագործնախարար Դելկասին ներկայացրած «Հայկական հարցի մասին» հուշագրում Պ. Նուբարն առաջարկում էր Ֆրանսիայի, Անգլիայի ու Ռուսաստանի վերահսկողության և հովանավորության ներքո ստեղծել ինքնավար Հայաստան կազմված վեց վիլայեթներից և Արևմտյան Կիլիկիայից, որն ունենար ելք գեպի Միջերկրական ծով: Նախատեսվում էր Կիլիկիայի մյուս մասերը հանձնել Ֆրանսիային²⁵⁵: Այդ ծրագրի իրագործման դեպքում մասամբ կլուծվեր հայ ժողովրդի աղգային միասնության ցավոտ խնդիրը, Ռուսաստանն Արևմտյան Հայաստանով ու Կիլիկիայով կստանար իր համար կենսականորեն անհրաժեշտ ելքը դեպի Միջերկրական ծով, իսկ Ֆրանսիան կտիրանար Կիլիկիայի ամենաբարեբեր, անառիկ ու ընդարձակ տարածքներին: Չնայած, որ ներկայացված ծրագիրը փոխդիջումային էր, այնուամենայնիվ, Ֆրանսիան չհամաձայնեց Կիլիկիայի թեկուզ արևմտյան մասը կորցնելու տարբերակին:

Իսկ բրիտանական արտոգործնախարարության պետքարտուղարի օգնական Ա. Նիքոլսոնի հետ հանդիպման ժամանակ Պ. Նուբարը, կիլիկիահայերի ճակատագրով մտահոգ, առաջարկեց Եռյակ համաձայնության դաշնակցային զորքերի մի մասն ավհանել Կիլիկիայում, Մերսինի ու Ալեքսանդրետի նավահանգիստներում, նրանց օգնությամբ զինել Կիլիկիայի հայերին թուրքական կառավարության կողմից իրականացվող տեղահանությունն ու կոտորածները կանխելու նպատակով²⁵⁶: Նա համոզված էր, որ «դաշնակից պետությունների զորքերի ներկայության շնորհիվ, մի կողմից տեղի հայերի կյանքը, պատիվը և ունեցվածքը կարելի էր ապահովել և թուրքերին չեզոքացնել, մյուս կողմից հայկական ապստամբական շարժումով ավելացնել Կիլիկիայի նկատմամբ հայերի քաղաքա-

²⁵⁵ Раздел Азиатской Турции. По секретным документам бывшего Министерства Иностранных Дел. Под редакцией Е.А. Адамова, Москва, 1924, փաստ. № 43, էջ 138: Международные отношения в эпоху империализма. Документы из архивов царского и Временного правительств. Серия 3 (1914-1917), т. VII, ч. 1, М.-Л., 1935, փաստ. № 375, էջ 489:

²⁵⁶ Boghos Nubar's Papers and the Armenian Question, 1915-1918, փաստ. № 90, էջ 142:

կան նպատակների կշիռը»²⁵⁷: Բայց Եռյակ Համաձայնության երկրներն առաջնորդվում էին շահագոյտական նկատառումներով: Թեև նրանք 1915 թ. մայիսի 24-ին Հանդես էին եկել Հայերի ընտանջման թուրքական քաղաքականությունը դատապարտող Հայտարարությամբ և գիտակցում էին, որ Կիլիկիայում ու Արևմտյան Հայաստանում իրենց գործողությունների ուշացումը կարող էր նպաստել Օսմանյան կայսրությունում Հայասպանության ծրագրի իրագործմանն, այնուամենայնիվ, Համաձայնության երկրները չէին վեցին իրենց Համար առաջնային նեղ պետական խնդիրներից: Ա. Նիքոլսոնը Պ. Նուբարին պատասխանեց, որ Կիլիկիայում դաշնակից զորքերի ավհանումն անհնար է. «Մենք արդեն գերծանրաբեռնվել ենք, - ասաց նա,- որքան նոր գործողություն կարող ենք մեզ վրա վերցնել»²⁵⁸: Մինչդեռ Ֆրանսիական ու անգլիական պետական գործիչներն իրենք էին ձգտում օգտագործել Հայկական մարզուժը թուրքական ռազմաճակատի սիրիական հատվածում, Միջագետքում ու Պարսկաստանում: Ահա թե ինչու Հայկական վեց վիլայեթների ու Կիլիկիայի տարածքում ինքնավար Հայաստանի ստեղծման շուրջ Հայ գործիչների հետ տարվող բանակցություններում Ֆրանսիայի ու Անգլիայի արտաքին գործերի նախարարությունների աշխատակիցները, թեև խուսափում էին գործնական խոստումներից, բայց, միաժամանակ, ջանում էին չհիասթափեցնել Պ. Նուբարին ու Հ. Զավրիյանին: Ինչ վերաբերում է ինքնավար Հայաստանի ստեղծմանը, ապա Լոնդոնում այն դիտում էին որպես «Կովկասում բանսարկություններ անող երկրորդ Բուլղարիայի ստեղծում»: Բացի այդ, Ռուսաստանի հետ դիվանագիտական դժվարություններից խուսափելու նպատակով անգլիական դիվանագետները Հայերի հետ բանակցությունները կախման մեջ էին դնում ապագա ինքնավար Հայաստանի սահմաններում Կիլիկիան ընդգրկելու հարցում Ֆրանսիայի դիրքորոշումից²⁵⁹: Ուստի և եվրոպական կառավարությունների Հայ գործիչներին տված խոստումները չէին կարող ու չպետք է անցնեին «ակադեմիական զրույցներից այն կողմ»²⁶⁰:

²⁵⁷ ՀԱԱ, ֆ. 57, ց .5, գ.19, ք. 45:

²⁵⁸ Boghos Nubar's Papers and the Armenian Question, 1915-1918, doc. N 90, p. 142.

²⁵⁹ «Հայաստանի ավտոնոմիան» և Անտանտան, փաստ. N 42, էջ 27:

²⁶⁰ Սույն տեղում, փաստ. N 15, էջ 11; N 19, էջ 14:

Ինքնավար Հայաստանի ստեղծման մեկ ուրիշ տարբերակ էր Թուրքական հովանավորության ներքո հայկական ինքնավարության ծրագիրը, որը 1915 թ. աշնանը Եռյակ համաձայնության երկրների դիվանագիտական քննարկումների առարկա դարձավ Ռուսաստանի արտգործնախարարության նախաձեռնությամբ, Հ. Զավրիյանի միջոցով: Այն ասիական Թուրքիայում սուլթանի ժառանգական իշխանության ներքո Սիրիայի, Պաղեստինի, Միջագետքի, Արաբիայի, Կիլիկիայով հանդերձ Հայաստանի ու Քրգստանի ինքնավար նահանգներով միասնության ստեղծման ընդարձակ ծրագրի բաղկացուցիչ մասն էր: Ծրագրի հիմքում Թուրքիայի ռազմածովային նախարար ու Սիրիայում գործող 4-րդ Թուրքական բանակի հրամանատար Զեմալի հետ հնվերի ու Թալեաթի տարածայնություններն էին, որոնք Ռուսաստանի արտգործնախարարությունում գիտվում էին իբրև միջոց Կ.Պոլսի ու սևծովյան նեղուցների խնդիրը ռուսական պետության շահերին համապատասխան լուծելու համար: Այդ նպատակով Պետրոգրադում պատրաստ էին ընդունել ասիական Թուրքիայի անկախությունն ու անձեռնմխելիությունը երաշխավորելու, նրան Թուրքիայի սուլթանի ժառանգական իշխանությամբ օտուելու վերաբերյալ Զեմալի պայմանները: Բայց Փարիզում ու Լոնդոնում չընդունեցին ռուսների առաջարկած ծրագիրը և մերժեցին Զեմալի հետ նախատեսվող համաձայնագիրը, որովհետև դրանով Ռուսաստանը կստանար Կ.Պոլսն ու նեղուցները, իսկ իրենք՝ ոչինչ «Թուրքական ժառանգությունից»:

Այսպիսով, 1915 թ. դիվանագիտական քննարկման առարկա դարձած Արևմտյան Հայաստանի ու Կիլիկիայի ինքնավարության հարցը սոսկ խաղաքարտ էր Եռյակ համաձայնության պետությունների համար՝ հասնելու իրենց նվաճողական ծրագրերի իրականացմանը: Ավելին, արևմտահայերի տեղահանության ու կոտորածների պայմաններում Արևմտյան Հայաստանի ու Կիլիկիայի ինքնավարության դրույթն անիրագործելի էր, նույնիսկ մեծ տերությունների ցանկության դեպքում: Սակայն, հայերի ինքնավարության խնդիրը պահվում էր քաղաքական շահարկումների օրակարգում, քանի դեռ մեծ տերություններին անհրաժեշտ էր հայկական մարդուժը:

THE QUESTION OF THE AUTONOMY OF WESTERN ARMENIA IN 1915

Summary

After the start of World War I Western Armenia became an arena of the Russian-Turkic military actions.

It resulted in the changes in the Near-Eastern policy of the Great Powers and became a very serious factor influencing the Armenian question.

The involvement of Turkey as an ally of Germany in the War disseminated last hopes of the Entente states about the neutrality of Turkey. Consequently the diplomatic principle of the necessity of preserving territorial integrity of the Ottoman Empire had disappeared.

Moreover, Russia, England and France put forward the problem of the Ottoman "heritage," i.e. partition of the Asian territories of Turkey.

Part of this problem was the question of the future of Western Armenia and Cilicia.

Taking advantage of the military-political situation, the Russian Caucasian army occupied the territory of Western Armenia. Russians aimed at opening the continental way to the Black Sea straits and Constantinople.

Foreign political programs of the Russian Empire coincided with the liberation national aspirations of Armenians.

Thus the decisive and successful military actions in the Caucasian front inspired Armenians with the idea of liberation from the Turkish domination.

The realization of reforms and getting autonomy within the limits of the Ottoman Empire were dreamt by the Armenians during several decades. And they thought that their realization

would be possible with the victory of the Russian Empire and its allies in the War.

The problem of the autonomy of Western Armenia and Cilicia discussed in the diplomatic circles was only a playing card for the Entente states aiming to reach the realization of their own plans of the conquest.

Moreover, the idea of the autonomy of Western Armenia and Cilicia, even in the case of great desire of the Great Powers, was unrealizable in conditions of deportations and massacres of Western Armenians.

Negotiations of the Armenian public and political figures with the representatives of the European governments showed that their real interests had not corresponded to the project of creation of autonomous Western Armenia. They promised to help but in reality they acted according to their interests. Thus, the problem of the autonomy of Western Armenia was kept within the orbit of political speculations.

ՎԱՆԻ ԵԱՀԱՆ ԳԱՊԵՏՈՒԹՅՈՒՆԸ (1915 Թ. ՄԱՅԻՍԻ - 7
ՀՈՒԼԻՍԻ 18) ՀԱՅՈՑ ԵՈՐԱ ԳՈՒՅՆ ՊԵՏԱԿԱՆՈՒԹՅԱՆ
ԵԱԽԱՏԻՊ

Վանի 1915 թ. ապրիլյան հերոսամարտի հաղթանակից հետո, մայիսի 7-16-ը ռուսական Կովկասյան բանակի հրամանատարութեան արձակած հրամաններով ստեղծվեց Վան-Վասպուրականի նահանգապետութիւնը: Նահանգապետ նշանակվեց հերոսամարտի ղեկավարներից մեկը՝ Արամ Մանուկյանը (1879-1919)՝ լիազորվելով կազմել բացառապես հայերից բաղկացած կառավարութիւն²⁶¹:

Հայկական նահանգապետութեան վերաբերյալ ճիշտ պատկերացում կազմելու համար հարկ է նկատի ունենալ, որ ռուսական զորահրամանատարութեան գլխավոր մտահոգութիւնը ոչ թե հայերին ինքնուրույնութիւն շնորհելն էր, այլ նրա միջոցով իր քաղաքականութեան իրականացումը: Մասնավորապես, Կովկասյան բանակի հրամանատար ղեկն. Յուզե-նիչի կողմից Արամ Մանուկյանին նահանգապետ նշանակելու հրամանում, որ նա պետք է «ամբողջովին ենթարկվի զինվորա-կան իշխանութեանը՝ ի դեմս Վանի կայազորի պետի, և որ նրա միջոցով փոխանցվեն զինվորական իշխանութեան բոլոր կարգադրութիւնները»²⁶²: Դա ենթադրում է, որ Հայկական նահանգապետութիւնը, ամենից առաջ նահանգապետ Արամը ստիպված էին լինելու մեծ ջանքեր գործադրել նահանգապե-տութիւնը հայութեան շահերին ծառայեցնելու համար:

Նահանգապետի պաշտոնը ստանձնելու հաջորդ օրը՝ մա-յիսի 8-ին Ա. Մանուկյանը ժողովրդին դիմեց ուղերձով՝ կոչ նելով համախմբվել ձևավորվելիք «կառավարութեան շուրջը, վերակազմակերպելու համար կեանքը քաղաքի և ամբողջ շրջանի մեջ»²⁶³: Արամի կոչին դիպուկ գնահատական է տվել Ա-Դոն գրելով, որ «նա անհատի կոչ չէր, այլ մի ժողովրդի. դա մի հավաքական կոչ էր, որի մէջ խօսում էր հայ ժողովուրդը իր հետ, որի մէջ տասնեակ տարիներ գոյութեան ու մահի կոի-

²⁶¹ ՀԱԱ, ֆ. 242, ց. 1, գ. 39, ք. 4, գ. 19, ք. 44:

²⁶² Լույս տեղում, գ. 19, ք. 44; ֆ. 121, ց. 2, գ. 158, ք. 1:

²⁶³ Լույս տեղում, ք. 4:

յր մյուս, պայքարող յողովուրդը կոչ էր ուղղում իր ըուոր տարրերին՝ դալ Համախմբել ընդհանուր գործի շուրջը և իրականացնել երէկուա երաւիանքները»²⁶⁴:

Մայիսի 7-22-ը ձևավորվեց Հայ գործիչներով Համայրված սիսուական ապարատ իր օրենսդիր և գործադիր ճյուղերով: Ստեղծված կենտրոնական գործադիր մարմիններն էին՝ ոստիկանական տեսչութիւնը, կալվածական-գաղթականական, անտեսական, առևտրական և առողջապահական մարմինները, քաղաքապետական վարչութիւնը, դատարանը, գալաուային վարչութիւնը²⁶⁵: Նրանց աշխատանքները գլխավորում էր Նահանգային վարչութիւնը: Նահանգի օրենսդիր մարմնի գործառութիւնները իրականացնելու Համար ձևավորվեց Վարչական խորհուրդ, որում ընդգրկվեցին գործադիր մարմինների ղեկավարները: Այն մշակելու էր օրինագծեր ենթարկելով նահանգապետի վավերացմանը, որն ուներ վետոյի իրավունք²⁶⁶: Ինչպես Վարչական խորհրդի, այնպես էլ Նահանգային վարչութիւնան նախագահը նահանգապետն էր, որի կողմից ընտրվում էին այդ մարմինների և՛ անդամները և՛ նախագահները:

Վերոհիշյալ մարմինների աշխատանքը վերահսկելու նպատակով ստեղծվեցին ընդհանուր և մասնագետ քննիչների Հաստիքներ:

Կառավարութիւնը ձևավորելիս Արամը դրսևորեց ապակուսակցական մոտեցում՝ նրանում ընդգրկելով բացառապես բանիմաց գործիչների: Այսպես, նպաստից Հանձնաժողովի նախագահ Հ. Կուլօղլյանը, բյուրեի Հանձնաժողովի նախագահ Ա. Թերղիբաշյանը, կրթական տեսչութիւնան նախագահ պրոֆ. Մինասյանը, քաղաքի ոստիկանապետի օգնական, ապա ոստիկանապետ Ղևոնդ Խանջյանը (1930-1936 թթ. ՀԿԿ ԿԿ I քարտուղար Աղասի Խանջյանի Հայրը)²⁶⁷, Նահանգային վարչութիւնան դիվանապետ Ա. Դարբինյանը²⁶⁸, Շահբազ, Բերկրի, Թիմար, Արճակ, Հայոց-Ձոր, Արտամեդ, Չիբուկլի շրջանների ոստիկա-

²⁶⁴ Ա.Ռօ, Մեծ դէպքերը Վասպուրականում 1914-1915 թականներին, Ե., էջ 442:

²⁶⁵ ՀԱԱ, ֆ. 242, ց. 1, գ. 39, թ. 7; Բանբեր Հայաստանի արխիվների, Ե., 1969, N 1, էջ 212:

²⁶⁶ ՀԱԱ, ֆ. 242, ց. 1, գ. 48, թ. 2:

²⁶⁷ Նույն տեղում, գ. 74, թ. 54:

²⁶⁸ Դարբինեան Ա., Հայ ազատագրական շարժման օրերն (Յուշեր 1890էն 1940), Փարիզ, 1947, էջ 331:

նության ընդհանուր դեկավար Ա. Եկարյանը²⁶⁹՝ ռամկավարներ էին, շրջանային ռասարանի նախագահ Աղարեկ Համբարյանը չեզոքներից էր²⁷⁰, ընդհանուր դասախազ Հ. Գալիկյանը Հնչակյան էր²⁷¹ և այլն: Անդամ տարրեր առիթներով Ա. Մանուկյանի և ՀԾԴ քննադատությամբ հանդես եկած ռամկավար ազդեցիկ գործիչ Ա. Թերզիրաշյանը, գրող Գուրգեն Մահարին նշել են, որ նահանգապետ Արամը պաշտոնյաներ նշանակելիս դրսևորել է անաչառ, ապակուսակցական մոտեցում²⁷²: Այնուամենայնիվ Արամի կուսակիցները դաշնակցականներ, կառավարութայան մեջ մեծամասնություն էին: Այդ իրողությունն ինքը՝ Արամը բացատրում էր նրանով, որ «առհասարակ նրանք շատ են և ձեռնհաս ուժերը այնտեղ են»²⁷³: Ընդհանուր առմամբ, 1915 թ. մայիսի 22-ի դրությամբ Վանի նահանգում պաշտոնեություն թիվն անցնում էր 1000-ից, որի գրեթե կեսը կազմում էր ոստիկանությունը:

Նահանգի իշխանություն կենտրոնական մարմինների ձևավորմանը զուգընթաց ձևավորվեց նահանգի վարչական կառուցվածքը, ի դեմս գավառապետությունների: Վասպուրականի տարածքը բաժանվեց 14 դավառ-դավառակների. Ոստան, Շատախ, Մոկս, Բերկրի, Արճակ (այն բաղկացած էր երկու մասից՝ Եզդիխանս և Սարայ), Զանիկ, Ալյուր (վերջին երկուսը Թիմարի շրջանի մասերն էին), Արտամեդ, Հայոց-Ձոր, Շահբազ, Նորգուզ, Խոշաբ, Արճեշ, Ալջավազ: Զևավորվեցին գավառապետությունների կառավարման մարմիններ՝ նահանգապետի կողմից նշանակված դավառապետների գլխավորությամբ: Նրանք իրենց կողքին ունեին մեկական օգնական, թարգմանիչ, ոստիկանապետ անհրաժեշտ թիվով ոստիկանությամբ²⁷⁴: Գավառապետությունների վրա ընկած էր ծանր բեռ և մեծ պատասխանատվություն. նրանք էին անմիջական գործադրողներն ինչպես բնակչությանը հուզող խնդիրների, այնպես էլ նահանգապետարանի կողմից առաջադրվող ծրագրերի: Այդ առումով առանձնահատուկ դեր էր վերապահված գավառային

²⁶⁹ ՀԱԱ, ֆ. 242, ց. 1, գ. 55, ք. 11, գ. 74, ք. 55:

²⁷⁰ Նույն տեղում, գ. 74, ք. 54:

²⁷¹ Նույն տեղում, գ. 39, ք. 6:

²⁷² Թերզիրաշեան Ա., Անդրամիկ, Փարիզ, 1942, էջ 228; Գուրգեն Ասիա-րի, Այրվող այգեստաններ, Ե., էջ 570-571:

²⁷³ ՀԱԱ, ֆ. 242, ց. 1, գ. 39, ք. 40:

²⁷⁴ «Աշխատանք», Վան, 1915, հունիսի 13, N 24 (223):

վարչությանը, որը որպես նահանգի կենտրոնական իշխանութ-
յան մեկ օղակ մշտական ձևով իրականացնում էր հարաբե-
րությունները կենտրոնի և դավառապետությունների միջև:
ուղղորդելով վերջինիս աշխատանքները:

Վան քաղաքը կառավարում էր նահանգապետի կողմից
նշանակված քաղաքապետը:

Նորաստեղծ նահանգապետությունը գտնվում էր բավա-
կան ծանր կացության մեջ: Նահանգը շրջապատված էր
արևմտահայկական 1915 թ. ցեղասպանությանը մասնակից
քրդական ցեղախմբերով, որոնք պատրաստ էին հարձար պահի
ներխուժել նահանգի տարածք և իրագործել նոր ջարդեր: Բացի
այդ, նահանգի տնտեսությունը գտնվում էր ավերված վիճա-
կում, նահանգը լի էր անօթևան և գոյության տարրական մի-
ջոցներից ղուրկ տասնյակ հազարավոր գաղթականներով և
այլն:

Նման պայմաններում նահանգապետությունը ձեռնա-
մուխ եղավ նահանգի անվտանգության ապահովման, քայ-
քայված տնտեսության վերականգնման, գաղթականության
խնամքի, օրինականության և կարգ ու կանոնի ապահովման և
այլ խնդիրների լուծմանը:

Նահանգի անվտանգությունը ենթադրում էր ստեղծել
ինքնապաշտպանական ուժեր ամբողջ նահանգի տարածքում և
կանխել քրդերի վերադարձը իրենց երբեմնի բնակավայրեր,
ինչպես նաև նրանց հարձակումները հայկական բնակավայրե-
րի վրա: Քրդական ներխուժումը կասեցնելու համար գավառ-
ներում և Վան քաղաքում ստեղծվեցին ինքնապաշտպանական
խմբեր, որոնցում ընդգրկվեց շուրջ հազար մարդ: Ընդհուպ
մինչև հուլիսյան դազթը՝ նախ կամավորների հետ, ապա՝ մի-
այն տեղական ուժերով, հաջողվեց չեզոքացնել քրդական
վտանգը: Այդ գործին իր նպաստը բերեց նաև գավառների ոս-
տիկականությունը, որում ընդգրկված էր 400 ոստիկան (40 տաս-
նապետ և 360 ոստիկան, որոնց կեսը հեծյալ, կեսը՝ հետևակ)⁷⁵:

Այլևայլ, բայց հատկապես քբգբբի վերադարձի
առնչությամբ առկա էին լուրջ տարակարծություններ
նահանգապետ Արամի և ռուսական զինվորական հրամանա-
տարության միջև: Այն դեպքում, երբ Արամը ձգտում էր ամեն

⁷⁵ Սահակյան Ռ. Օ., Ոստիկանության ծառայության կազմակերպումը և
գործունեությունը Վանի նահանգապետության շրջանում, Բանբեր Հա-
յաստանի արխիվների, 2003, N 2, էջ 155:

կերպ խափանել քրդերի վերադարձը՝ ոչնչացնելով կամ շահագործելով նրանց կալվածքները, ռուսական կողմը նրանց հանդեպ ցուցաբերում էր կարեկցական մոտեցում: Այսպես, Վանի կայազորի պետ դեմ. Նիկոլաևը հունիսի 22-ի հրամանով ազդարարում էր, որ կովկասյան չորրորդ բանակային կորպուսի հրամանատարը թուլյատրել է ռուսական հպատակությունն ընդունած քրդերի վերադարձը Արճակի, Բաշկալեի, Նորդուզի և այլ շրջաններում գտնվող իրենց բնակավայրեր: Նահանգի հայությունից պահանջվում էր չհարձակվել քրդերի վրա, իսկ նահանգապետը համարվում էր պատասխանատու քրդերի կյանքի և գույքի պահպանության համար²⁷⁶:

Անհանգստացած իր ժողովրդի ճակատագրով Արամը հունիսի 26-ին դիմեց Նիկոլաևին, հունիսի 27-ին կովկասյան բանակի և չորրորդ կորպուսի հրամանատարներին՝ փորձելով կանխել այդ որոշման կենսագործումը: Մատնանշելով 1914 թ. աշնանը և ձմռանը քրդերի ոճրագործությունները նահանգի հայկական բնակավայրերում և թուրքերի հետ համատեղ գործողությունները ռուսական զորքերի դեմ, քրդական հավատարմության դրսևորումը ռուսներին բացատրելով նրանց պարենային ծանր կացությամբ՝ Արամը գանում էր, որ նրանց հարկ է դիտել որպես ռազմագերիների՝ դրանից բխող հետևանքով կամ էլ նրանց մեջ տեսնել սովորական հանցագործների և ի հարկին պատժել²⁷⁷: Նա աշխատում էր հրամանատարությանը համոզել, որ քրդերի վերադարձով կխախտվի անդորրը Վանում այն պարզ պատճառով, որ ջարդված և կողոպտված հազարավոր հայերի հարազատները չէին կարող անտարբեր մնալ իրենց թշնամիների հանդեպ: Նա իրավացիորեն նշում էր, որ թուլյատրել քրդերին վերադառնալ կնշանակի, թե կարելի է անպատիժ կերպով կողոպտել և սպանել հայերին և վերջիններիս թուրքիայում «ռուսական զենքի հաջողության միակ անկեղծ կողմնակիցների» մոտ կառաջացնի ծանր հիասթափություն Ռուսաստանի հանդեպ²⁷⁸: Արամը համարձակորեն նշում էր, որ որոշման գործադրման դեպքում ինքը չի կարող իր վրա պատասխանատվություն վերցնել Վանի շրջանում հանդարտության և օրինակարգի համար և հայտնում էր իր բողոքնկատառումները. 1) չգործադրել հունիսի 22-ի հրամանը,

²⁷⁶ ՀԱՍ, ֆ. 242, ց. 1, գ. 39, ք. 42; ֆ. 503, ց. 1, գ. 62, ք. 6:

²⁷⁷ Նույն տեղում, ֆ. 242, ց. 1, գ. 39, ք. 42-44:

²⁷⁸ Նույն տեղում, ք. 45-46:

2) Հայոց ջարդերի ու թալանի մասնակից Հանձնված քրդերին և նիթարկել պատասխանատվության, 3) զգուշացնել չգրավված տարածքների մահամեղականներին, որ Հայոց նկատմամբ ոճրապործությունների մասնակիցները ենթակա են պատասխանատվության²⁷⁹: Թեև նահանգապետի փաստարկները հիմնավոր էին, իսկ նշված հրամանը հակասում էր 1915 թ. գարնանը Անգլիայի, Ֆրանսիայի և Ռուսաստանի հրապարակած հռչակագրին, որով Հայոց ջարդերի իրականացնողները համարվում էին պատասխանատու, Վանի կայազորի պետը, հասկանալի համարելով Հանդերձ Արամի անհանգստությունը, մերժեց չեղյալ համարել հրամանը, գտնելով, թե իբր դա կնշանակեր արտոնել Հայերին հարձակվել քրդերի վրա և կողոպտել նրանց²⁸⁰: Իրական պատճառն այլ էր. ռուսական հրամանատարությունը, ելնելով պատերազմական իրավիճակից, որոշակիորեն վարում էր քրդերին սիրաշահելու քաղաքականություն:

Նահանգապետությունը հետևողական քայլերով ձեռնամուխ եղավ տնտեսության վերականգնմանը: Այդ ուղղությամբ իրականացված քայլերից կարևորագույնը, թերևս, երկրագործական աշխատանքների վերսկսումն էր, որի շնորհիվ ժողովուրդը կստանար աշխատանք և կհաղթահարվեր սովի վտանգը: Դա թույլ կտար պարենով ապահովել նաև բանակին: «Աշխատանք» թերթի ղեկավար արտահայտությունը հացահատիկը պատերազմի մեջ խաղում էր այնպիսի դեր, ինչպիսին թնդանոթն ու փամփուշտը²⁸¹: Այդ նպատակով կենտրոնացվեցին նահանգում եղած գյուղատնտեսական գործիքները, զրսից ներկրվեցին հազար հատ գերանդիններ և ձրի բաժանվեցին ժողովրդին: Կովկասում պատվիրվեցին 3000 ռուբլու հնձող և կալսող մեքենաներ: Պարենային պրոբլեմը լուծելու, ինչպես նաև թուրք և քուրդ բնակչության վերադարձը կանխելու համար նահանգապետությունը ի դեմս Արամի անհրաժեշտ գտավ մշակել նրանց կողմից լքված արտերը, սակայն հանդիպեց Վանի պարետի ընդդիմությունը: Վերջինս գտնում էր, որ հայ բնակչությունը պետք է օգտվի միայն սեփական հողերից, իսկ քրդական հողերը ինքնակամ գրավողներին սպառնում էր պատժել որպես կողոպտիչների²⁸²: Մեծ ջանքերի շնորհիվ Արա-

²⁷⁹ Լույս տեղում, ք. 45-47:

²⁸⁰ ՀԱԱ, ֆ. 242, ց. 1, գ. 5, ք. 176; ֆ. 503, ց. 1, գ. 62, ք. 8:

²⁸¹ «Աշխատանք» 1915, հունիսի 24, N 27 (226):

²⁸² ՀԱԱ, ֆ. 242, ց. 1, գ. 10, ք. 45:

մը հասավ այն բանին, որ զինվորական իշխանությունը, որը լքված հողերը համարում էր ռուսական ընկերի սեփականությունը, զրանք հանձնի հայերի օգտագործմանը: Գեներալ Նիկոլայևի հուլիսի 27-ի կարգադրությունում արդև հողերը վարձակալություն իրավունքով, միայն բերքը հավաքելու համար տրվում էին հայերին²⁸³:

Ավերված տնտեսության վերականգնմանը միտված կարևոր քայլ էր նահանգից հեռացած թուրքերի ու քրդերի տները, հողամասերի ու այգիների աճուրդը, քանդի մի կողմից նահանգապետության գանձարան էին մտնում դրանց վաճառքից գոյացած գումարները, որոնք ուղղվում էին տնտեսության և այլ կարիքների լուծմանը, մյուս կողմից՝ նոր տնտեսություններ էին կազմվում, որը ևս նշանակում էր հայրենիքի վերաշինության արագացում:

Նահանգապետությունը տեր կանգնեց փախստական ժողովրդին և կատարեց հնարավորինը նրանց ծանր դրությունը մեղմելու հատկապես սովի և համաճարակի ճիւղաններից փրկելու համար: Համաճարակներից օրական մահանում էր 30-40 մարդ: Շուրջ 15-25 հազար զաղթականների տեղավորելով հիմնականում Աղթամարում և Ոստանում, կառավարությունն այլ վայրերից սննդամթերք էր հասցնում նրանց համար:

Քանի որ նահանգապետության միջոցները սուղ էին՝ Արամը օգնության խնդրանքով դիմեց նախ նահանգի ժողովրդին՝ հայցելով նրա աջակցությունը: Գտնելով, որ սովն ու հիվանդությունները կարող են ավելի մեծ ավերածություններ գործել, քան թուրքական բռնությունները, նահանգապետը նշում էր. «Մի՛ մոռնաք որ փոխադարձ օգնութեամբ միայն կրնանք պահել մեր աղգային գոյութիւնը: Եթէ մէկը չ'օգնէ միւսին, մենք կորած ենք. մէկը ամէնքին, ամէնքը մէկին, հոս է մեր փրկութեան խարիսխը»: Նահանգապետը կոչ էր անում ժողովրդին աջակցել գավառապետերին, որոնց ինքը հանձնարարել էր հանգանակություն ծավալել սովյալների օգտին²⁸⁴: 1915 թ. հուլիսի 23-ի գրությունում տեղական միջոցներով հավաքվել էր 10000 փութ ցորեն, որի կեսը, ինչպես նաև 8000-10000 ոչխար, ավելի քան 2000 խոշոր անասուններ արդեն իսկ բաժանվել էր ժողովրդին:

²⁸³ Նույն տեղում, թ. 46:

²⁸⁴ Նույն տեղում, գ. 43, թ. 1, գ. 68, թ. 1:

Եւահանդապեա Արամը և Վանի շրջանային վարչութիւնը գաղթականների, առհասարակ նահանգի բնակչութեան դժվարութիւնները թեթեւացնելու, ինչպես նաև տնտեսութիւնը վերականգնելու մտահոգութեամբ դիմեցին նաև Կովկասի ե. գաղութների հայութեանը խնդրելով փութացնել բժիշկների, դեղորայքի, սննդի և երկրագործական մեքենաների առաքումը²⁸⁵: Առանձին դրութեամբ Արամը խնդրեց նաև Ամենայն Հայոց կաթողիկոս Գևորգ Ե-ի աջակցութիւնը²⁸⁶: Օգնութիւնն անհրաժեշտ էր նկատուած ոչ միայն տվյալ պահի, այլև ձմռան պահուստ կուտակելու համար: Ի պատիվ դրսի հայութեան՝ օգնութիւնը առաքվեց ժամանակին: Բուժարանհիվանդանոց ստեղծվեց Վանում, սննդակայարան՝ Արճեշում, բուժարան՝ Ոստանում և այլն:

Հատուկ ուշադրութիւն դարձվեց ժողովրդի շահերի պաշտպանութեանը ռուս զինվորականութիւնից: Բանն այն է, որ նահանգում հաստատված բանակային միավորումների և բնակչութեան միջև շփումներն անխուսափելի էին, իսկ նման դեպքերում զինվորական իշխանութիւնը փաստելով պատերազմական իրավիճակը, հաճախ դիմում էր պայօրինութիւններին: Գյուղերից ձրի վերցնում էին սննդամթերք, քանդում էին տները՝ փայտերը վառելու նպատակով, վնասում էին արտերն ու այգիները: Նմանօրինակ վարմունքը հուշում էր առաջացնում բնակչութեան շրջանում: Հիմք ընդունելով այդ առթիվ իրեն հասցեագրված մեծաքանակ բողոքները, նահանգապետ Արամը գիմում էր Վանի կայազորի պետին՝ այդօրինակ արարքներին վերջ տալու շեշտադրումով: Նա նշում էր, որ արտերի առանց փոխհատուցման փչացումները կարող են կասեցնել երկրագործական աշխատանքները, ինչը բացասաբար կանդորադառնար նաև բանակի վրա: Առաջարկվում էր քայլեր ձեռնարկել, որպեսզի արտերը չվնասվեին և բնակչութիւնն անարգել զբաղվեր գյուղատնտեսական աշխատանքներով, ինչպես նաև արդարագիտորեն փոխհատուցել յուրաքանչյուրին պատճառված վնասը²⁸⁷: Հայկական կողմին հաջողվեց որոշ չա-

²⁸⁵ «Աշակ», 1915, հուլիսի 9, N 147:

²⁸⁶ Ավետիսյան Ս., Փաստաթղթեր Արամ Մանուկյանի պետական գործունեության մասին, Բանբեր Հայաստանի արխիվների, 1990, N 2, էջ 137-138:

²⁸⁷ ՀԱԱ, ֆ. 242, ց. 1, գ. 10, ք. 92-93:

փոփ մեղմնել ռուս զորականների ապօրինի արարքները, իսկ վնասների փոխհատուցման չհաջողվեց հասնել, թեև Արամի ջանքերով ստեղծվել էր բնակչությանը հասցված վնասների գնահատման և փոխհատուցման հանձնաժողով, իսկ Նիկողան էլ խոստացել էր ըավարարել ըլորը հիմնավոր պահանջները անհրաժեշտ նկատելով, որ բնակչությունը շարունակի դաշտերը մշակել նախկինի պես²⁸⁸:

Հաճախակի էին ռուս զինվորականություն կողմից հայերից զենքի առգրավման դեպքերը: Ընդառաջելով ժողովրդի բողոքներին՝ նահանգապետը 1915 թ. մայիսի 27-ին դիմեց Նիկողանին խնդրելով վերջ տալ հայերից զենքերի բռնագրավմանը, իսկ դրանք վերադարձնել իրենց տերերին կամ նահանգապետությունը դարձյալ իրենց տերերին հանձնելու համար²⁸⁹: Հաջորդ օրը Նիկողանն արգելեց հայերից առգրավել զենքերը, սակայն նմանաբնույթ քայլերը, որոնք բնորոշ էին ոչ միայն Վանին, հետագայում ևս շարունակվեցին: Միայն հուլիսյան գաղթի օրերին, երբ արևմտահայությունը մնացորդները տեղահանվում էին Երկրից, Կովկասյան բանակի գլխավոր հրամանատարն արգելեց ռուս զինվորներին թուրքիայի դրավյալ նահանգների քրիստոնյա բնակչությունից առգրավել զենքը, որը նրան հարկավոր էր ինքնապաշտպանություն համար²⁹⁰:

Զինվորական իշխանություն առջև հարց բարձրացնելուց բացի, Արամը, փորձելով ինչ-որ չափով պաշտպանել հայոց շահերը, զենքի արտոնագրեր էր տալիս դրա կարիքը զգացող բնակիչներին²⁹¹, որը նրանց հնարավորություն էր ընձեռում ապահով շրջել նահանգի հեռավոր շրջաններում և վերահաստատվել ազատագրված, բայց քրդերի ներխուժման վտանգին ենթակա բնակավայրերում:

Նահանգապետությունը որոշակի ուշադրություն դարձրեց նաև հասարակական անդորրի և իրավակարգի ապահովմանը: Արդեն մայիսի 8-ին նահանգապետը հրապարակեց հրահանգ, որով արգելվում էր հրազենի գործադրումը, ոգելից խմիչքների վաճառքը զորքերին, լքված տների ինքնագլուխ

²⁸⁸ Լույս տեղում, գ. 39, թ. 38:

²⁸⁹ Լույս տեղում թ. 93:

²⁹⁰ Լույս տեղում, գ. 50, թ. 297:

²⁹¹ Լույս տեղում, ֆ. 121, ց. 2, գ. 135, թ. 1:

²⁹² Լույս տեղում, ֆ. 242, ց. 1, գ. 2, թ. 8; գ. 16, թ. 2-3 և այլն:

դրադեցումը, թալանը, ապօրինի ծառահատումները և այլն²⁹³։ Այս մոտեցումը կարևոր էր նաև զինագրավումները կանխելու առումով, քանզի դրանք հաճախ պատճառաբանվում էին հայերի կողմից իրականացվող անտեղի կրակոցներով։ Գողությունները և անխիտանական այլ քայլեր կանխելու համար բնակիչներին խստագույնս արգելվեց զինվորներից գնել որևէ ապրանք, իսկ հայ կապալառուներին՝ ապօրինի յուրացնել լքված մահմեդական գյուղերի հացահատիկը և մյուս ապրանքները²⁹⁴։

Պետական մեխանիզմների նոր ձևավորման պայմաններում Արամը հարկադրված էր մեծ ժամանակ հատկացնել ընակչության շահերի պաշտպանությանը։ Այսպես, հուլիսի 6-ի շրջաբերականով նա պաշտոնեությունը արգելում էր առանց ստացական տալու քաղաքացիներից որևէ գումար գանձել, իսկ վերջիններիս իրավունք էր տրվում այդպիսի դեպքերում վճարումներ չկատարել²⁹⁵։ Բազմաթիվ էին Արամի կարգադրությունները նահանգի պաշտոնեությանը, հատկապես գավառապետերին՝ քաղաքացիների հանդեպ կատարված անարդարություններն ուղղելու, ինչպես նաև նրանց կարիքներին լուծում տալու վերաբերյալ²⁹⁶։ Մայիսի 28-ին Արամը Ոստանի գավառապետին կարգադրեց Կիմ գյուղի գյուղացիներին վերադարձնել ոմն Տիգրանի կողմից նրանցից խլված անասունները²⁹⁷։

Նահանգապետություն, անձամբ Արամի հոգաձուլության ներքո էր գտնվում նաև եկեղեցին։ 1915թ. ընթացքում ավերված և կողոպտված եկեղեցիներն ու վանքերն ազատվեցին տուրքերից, ինչը նրանց հնարավորություն կտար ոտքի կանգնել։ Ընդառաջելով Նորաչենի եկեղեցականների մայիսի 20-ի խնդրանքին՝ կարգադրվեց եկեղեցուն հատկացնել նոր գերեզմանատեղի, տնտեսական կարիքները բավարարելու համար հատկացնել 200 ծառ և այլն²⁹⁸։

Տնտեսության վերականգնման, նահանգի տարբեր գավառների միջև արագ և կայուն հաղորդակցություն ապահով-

²⁹³ Նույն տեղում, գ. 43, ք. 1:

²⁹⁴ Նույն տեղում, ք. 12:

²⁹⁵ Նույն տեղում, գ. 43, ք. 9:

²⁹⁶ Նույն տեղում, գ. 1, ք. 29, 36, 48; գ. 62, ք. 29; գ. 26, ք. 3, 4, 6; գ. 18, ք. 37 և այլն:

²⁹⁷ Նույն տեղում, գ. 13, ք. 7:

²⁹⁸ Նույն տեղում, գ. 4, ք. 4:

ման նպատակով աշխատանք ծավալվեց քաղաքի և դավառների ճանապարհների ու կամուրջների, ինչպես նաև Վանա լճի նավատորմի վերանորոգման ուղղությամբ²⁹⁹։ Առանձնակի կարևորություն ունեւր նավատորմը, որովհետև նրա միջոցով ապահովվում էր արագ կապ և բեռնափոխադրություն լճի տարբեր ափերին ընկած շրջանների միջև։

Հետապնդվելիք խնդիրներն իրագործելու նպատակով 1915 թ. մայիսի 1-ից դեկտեմբերի 31-ն ընկած ժամանակահատվածի համար կազմվել էր նահանգապետության բյուջե՝ 178.340 ռուբլի գումարով։ Բյուջեի մուտքերը պիտի գոյանային Վանում և արվարձաններում գործող 1250 առևտրականներից և արհեստավորներից գանձվող եկամտահարկից, տասնորդից, ոչխարի տուրքից, լքված կայվածքների շահագործումից ստացված եկամուտներից և այլն³⁰⁰։ Հին ռեժիմից վերցված այս տուրքերի կիրառումն անխուսափելի էր, որովհետև մեկերկու ամսում հնարավոր չէր արմատապես փոխել հարկային համակարգը։ Նույնը կարելի էր ասել նաև օրենսդրության մասին. ժամանակավորապես կիրառվում էր որոշ փոփոխության ենթարկված օսմանյան օրենսդրությունը։ Ավելացնենք միայն, որ վերջինիս կողքին հաշվի էին առնվում նաև Ազգային սահմանադրության և ազգային սովորույթների պահանջները։

Նկատենք, որ հայկական նահանգապետությունն ունեւր նաև թերություններ։ Այդ մասին ուշագրավ տեղեկություններ է հայտնում Արամի կողմից հուլիսի 1-ին Վան քաղաքի քաղաքապետարանի, ոստիկանության և տնտեսական մարմինների վերահսկիչ նշանակված Իսահակ Տեր-Ղազարյանը³⁰¹։ Մասնավորապես, միևնույն արարքի համար Վանի ոստիկանապետարանը և նրա շրջանապետությունները երբեմն նշանակում էին տարբեր տուգանքներ, հստակ չէին վարում գործավարությունը։ Տնտեսական մարմնի կողմից առկա էին թերացումներ աճուրդների կազմակերպման հարցում, այն է՝ երբեմն աճուրդի առարկան վաճառվում էր արժեքից մի քանի անգամ էժան գնով։ Որոշակի բացթողումներ կային եկամուտների աղբյուրների հաշվառման և նահանգային բյուջեի մուտքերի ավելացման գործում։ Սակայն, էականն այն է, որ հայկական կառավարության, անձամբ նահանգապետ Արամի կողմից ձեռ-

²⁹⁹ Նույն տեղում, գ. 54, ք. 9; գ. 39, ք. 36:

³⁰⁰ Նույն տեղում, գ. 57, ք. 1-8:

³⁰¹ ՀԱԱ, ֆ. 242, գ. 1, գ. 14-ի II մաս, ք. 183, 169-176:

նարկվում էին քայլեր եղած թերությունները շտկելու, նահանգային մարմինների գործունեությունը վերահսկելու և կանոնավորելու ուղղությամբ:

Արամի ղլխավորությամբ ձեռնարկված միջոցառումների շնորհիվ Վանի հայկական նահանգապետությունը օր-օրի ոտքի էր կանգնում. կյանքը Վան-Վասպուրականում զարթոնք էր ապրում: Ապագայի հանդեպ լավագույն հույսերով տոգորված ժողովուրդը վերականգնում էր ավերված օջախները, կառուցում նորերը, մշակում դաշտերն ու այգիները, վերաբացում արհեստանոցներն ու խանութները, վուճերը, շուկան, աշխուժացնում առևտուրն ու կրթական կյանքը: Դրա վառ վկայություններից էր հունիսի 11-ին կայացած Վարժապետանոցի անդրանիկ շրջանավարտների հանդեսը: Հանդեսին ներկա գտնվող Արամը մասնակիցներին կոչ արեց միշտ մնալ բարձունքի վրա, ինչպես եղել էր ապրիլյան օրերին³⁰²: Կազմվում էին օրինագծեր կրթական, քաղաքապետական, բանտային և այլ բնագավառների վերաբերյալ:

Դժբախտաբար, Վանի հայկական նահանգապետությունը երկար կյանք չունեցավ, ընդամենը 70 օր: 1915թ. հուլիսի 11-ին ռուս-թուրքական Կովկասյան ռազմաճակատից ռուսական Կովկասյան բանակի IV կորպուսի զորամասերի նահանջի օրերին վերջինիս հրամանով Վան-Վասպուրականի հայությունը հուլիսի 18-ին բռնեց հարկադիր գաղթի ուղին: Թուրքական յաթաղանից գերագույն ջանքերի շնորհիվ փրկված միակ հայկական նահանգը՝ Վան-Վասպուրականը ևս հայաթափվեց ու վերածվեց մոխրակույտերի:

Այսպիսով, Վանի հայկական նահանգապետությունը կարելի է համարել հայոց նորագույն պետականության նախատիպ, քանզի ազգային գործիչներով համալրված նրա իշխանության մարմինները, նրա վարչական կառուցվածքը, հետապնդած խնդիրները և մոտեցումը նրանց լուծմանը իրենց մեջ պարունակում էին պետականությանը բնորոշ քայլեր: Բացի այդ, նահանգապետության շրջանում ձեռք բերված փորձը նրա ղեկավարի Արամ Մանուկյանի կողմից կարճ ժամանակ անց օգտագործվեց ի նպաստ Հայաստանի առաջին Հանրապետության ստեղծման և ամրապնդման:

³⁰² «Աշխատանք», 1915, հունիսի 13, N 24 (223):

**THE PROVINCIAL GOVERNORSHIP OF VAN (MAY 7 - JULY 18,
1915) ARCHETYPE OF THE ARMENIAN MODERN
STATEHOOD**

Summary

After the Van heroic victory (April, 1915) on May 7-16 was formed the provincial governorship of Van-Vasputakan by order of the Command of the Caucasian army. One of the leaders of the heroic struggle Aram Manukyan (1879-1919) was appointed Governor. He was authorized to form a government consisting only of Armenians.

It is necessary to note that the Russian Command did not care the Armenian's independence. It desired to realize its own policy by means of the Armenians. Particularly, according to the order of the commander of the Caucasian army General Yudenich, Aram Manukyan had to be subject to the military authorities i. e. the commander of the garrison of Van. It meant that Armenian authorities had to apply great efforts to put the province into service of the Armenians' interests.

On May A.Manukyan appealed to the people to unite around the forming government in order to reorganize the life in the city and, generally, in the region. From May 7 till 22 was formed the state apparatus consisting of the Armenian figures.

The executive branch was represented by the police, estate-emigration, economic, trade and public health-care organs, town governorship, court, regional management. Their work was headed by the Provincial administration. The legislative power was headed by the Administrative council formed of the leaders of the executive organs. The latter presented bills for the approval of the Governor who had the right of veto.

The Governor at the same time was the Chairman of the Provincial administration and the Administrative council. He appointed the members and chiefs. There were established general and professional offices to control the work of those organs.

In the process of formation of the government Aram Manukyan's approach was based on the principle of appointments not according to the party belonging but professionalism.

Thus, the Armenian Provincial governance of Van may be considered as an archetype of the Armenian modern statehood because its authorities, formed of the Armenian figures and administrative structure contained certain elements of the statehood. Besides, the experience of the governing soon was used by its leader Aram Manukyan for the benefit of the formation and reinforcement of the first Republic of Armenia.

ՍՈՑԻԱԼ-ՏՆՏԵՍԱԿԱՆ ԻՐԱԴՐՈՒԹՅՈՒՆԸ ՀԱՅԱՍՏԱՆՈՒՄ
1918-1920 ԹԹ. ԵՎ ԱՄԵՐԿՈՄԻ ԱՌԱՋԻՆ ՔԱՅԼԵՐԸ
ՀԱՆՐԱՊԵՏՈՒԹՅԱՆԸ ՕԳՆԵԼՈՒ ՈՒՂՂՈՒԹՅԱՄԲ

1918 թ. մայիսի 28-ին հռչակվեց Հայաստանի անկախությունը, սակայն հենց իրենց անկախությունը հռչակագիրը կազմած ու ստորագրած քաղաքական գործիչների վկայությունները երկրի անկախությունը առաջին մի քանի ամիսներին կարծես թե ավելի շտա Հայտարարագրի բնույթ էր կրում, քան իրական, քանի որ մայիսից մինչև տարեվերջ նորաստեղծ Հանրապետությունը իր սահմանները ճշգրտելու և դրա հետ կապված բազմաթիվ վիճահարույց հարցեր լուծելու համար ստիպված էր տևական բախումների և կռիվների մեջ մտնել հարևան թուրքերի, վրացիների ու ադրբեջանցիների հետ: Ազգամիջյան կռիվներն ու բախումները, քաղաքական ծանր իրավիճակը երկրում ստեղծել էին նույնքան ծանր տնտեսական մի կացություն, որի պատճառով հաճախ անպատասխան էին մնում Հանրապետության կառավարությանը, խնամատարության ու աշխատանքի, պարենավորման նախարարություններին Հայաստանի համարյա բոլոր բնակավայրերից հասցեագրված և օգնություն աղաղակող բազում խնդրագրեր, քանի որ ողջ երկիրն էր Հայտնվել սովի և համաճարակների ճիրաններում, և բոլորին բավարարելն անհնար էր:

Հայաստանից հեռանալիս թուրքերն իրենց հետ տարել և մասամբ ոչնչացրել բոլոր տեսակի անասունները, ավերել մթերքի պահեստներն ու բնակավայրերը, քանդել երկաթգծերն ու կամուրջները, այրել ամեն ինչ՝ նման կաթվածահար վիճակ ստեղծելու համար:

«Դրուժիւնը քանի գնաց ծանրացաւ: Մինչեւ հոկտեմբեր դրեթէ վերջացաւ Հայաստանի սահմաններում գտնուած հացի պաշարը, - գրում է Ս. Վրացյանը: - Դրսից ոչինչ չէր գալիս: Պետական եւ հասարակական ամբարները պարապ էին: Ստեղծւեց սարսափելի կացութիւն: Ոչ միայն գաղթականները, այլ եւ տեղացիներից շատերը մատնւեցին սովամահութեան... Վեց ամսւայ ընթացքում սովից ու հիւանդութիւններից Հայաստանում մեռաւ մօտ 180.000 մարդ: Թիւրքերը գտել էին կոտո-

րածի նոր ձև՝ աւելի իրական եւ աւելի անաղմուկ ... Ժողովուրդը սպառուում էր վառուղ մոմի պես»:³⁰³

Սակայն, ինչպես վերը նշեցինք, նորանկախ Հանրապետութեան ողջ ջանքերն առաջին հերթին ուղղված էին անընդհատ դիմադրավելու հարեանների, բացառութեամբ պարսիկների ստեպ-ստեպ կրկնվող դինված հարձակումներին և կարճատև պատերազմներին, մյուս կողմից էլ երկրի պաշտոնատար այրերից կազմված պատվիրակութիւնները ազգամիջյան հարաբերութիւնները կարգավորելու և սահմանային վեճերը լուծելու նպատակով ստիպված էին լինում հաճախակի և երկարատև բացակայել Հայաստանից, հանգամանք, որը ևս իր բացասական ազդեցութիւնն էր ունենում երկրի ներքին կյանքի կարգավորման վրա:

1918 թ. դեկտեմբերի վերջին և 1919 թ. սկզբին կարճատև խաղաղութեան մի շրջան սկսվեց, որի ընթացքում կառավարութիւնը վերջապես կարողացավ իր ուշադրութիւնը կենտրոնացնել սովի, ջրի, հիվանդութիւնների, գաղթականների անընդհատ հոսքի և տեղաշարժերի պատճառով «հավիղ մոմի նման սպառվող ժողովրդի վրա»:

Դրութիւնն ավելի քան օրհասական էր: Սովի դեմ պայքարելու նպատակով բոլոր շրջաններում և խոշոր բնակավայրերում հիմնվեցին սննդակայաններ, որոնք օրվա մեջ մի անդամ տաք կերակուր, հաց, կամ ալյուր էին տալիս հաշվառման ենթարկված ջրավորներին և գաղթականներին: Սակայն երկրի միջրբի պաշարը աղետալի արագութեամբ սպառվում էր, քանի որ երկաթուղին գրեթե անգործութեան էր մատնված, և դրսից համարյա թե ներմուծում էր կատարվում:

Ժողովրդին սովի ճիրաններից փրկելու գործին խոշորնդոտում էր նաև գաղթականների անկանոն և չկանխատեսված տեղաշարժը տեղից տեղ: Յուրաքանչյուր հաջորդ օր պարզվում էր, որ սննդակայաններից օգտվողների թիվը աճել է, որի հետևանքով սննդակայաններում հաճախ սկիզբ էին առնում ծեծկոտուքն ու թալանը, որոնք երբեմն դառնում էին խիստ վտանգավոր և անկառավարելի:

Ըստ Հայաստանի կառավարութեան տեղեկագրերի՝ Արևմտյան Հայաստանից գաղթածների թիվը 1918 թ. աշնանը

³⁰³ Վրացեան Ա., Հայաստանի Հանրապետութիւն, Թեհրան, 1982, էջ 192:

Հասնում էր 463.000-ի, որից 263.000-ը ապաստանել էր Հայաստանի առաջին Հանրապետության սահմաններում: Զգալի թիվ էին կազմում Կարսից, Շարուրի, Նախիջևանի տարածքներից գաղթականները: Նրանցից գատ Հայաստանում հաշվառվել էին մոտ 40.000 որբեր, որոնցից միայն 15.612 էին տեղավորված որբանոցներում: Փողոցներում անխնամ թափառող որբերի թիվը մոտ երկու անգամ գերազանցում էր պետության հոգածության տակ գտնվողներին: Անապաստան որբերից ամեն օր մի քանի հարյուրը մեռնում էին փողոցներում նույնքան անօգնական և հոգածության կարոտ մեծերի հենց տչքի առաջ:³⁰⁴

Այս ընթացքում հայկական կառավարությունն արդեն պատվիրակություն էր ուղարկել Ամերիկա գլխավորապես հաց ձեռք բերելու համար:

Առաջին համաշխարհային պատերազմից հետո ԱՄՆ-ում ստեղծվել էին մի քանի բարեգործական հաստատություններ, որոնք օգնում էին պատերազմից առավել տուժած երկրներին: 1918 թ. ԱՄՆ-ի Կոնգրեսի որոշմամբ այս բարեգործական հաստատությունները («Սիրիայի և Պաղեստինի նպաստի հանձնախումբ», «Հայ նպաստի հանձնախումբ», «Պարսկական պատերազմի նպաստի հիմնադրում») միավորվեցին՝ ստեղծելով Մերձավոր Արևելքի Ամերիկյան նպաստամատույց կոմիտե (Ամերկոմ), որը շուրջ 15 տարի եռանդուն գործունեություն ծավալեց այդ տարածաշրջանում՝ իր խնամքի տակ առնելով և օգնելով պատերազմից տուժած կարիքավոր բնակչությանը, անապաստան որբերին:

Մերձավոր Արևելքի նպաստամատույց կոմիտեի հայախնամ գործունեությունն այդ ժամանակ հիմնականում տարածվում էր 1915 թ. Մեծ եղեռնից հրաչքով փրկված և օտար երկրներում ապաստանած հայ գաղթականների, ինչպես նաև թուրքիայում մնացած հայերի վրա, որոնց համար Սիրիայում, Հունաստանում, Պոլսում և այլուր բացվել էին սննդակայաններ, հիվանդանոցներ, որբանոցներ, որոնց կանոնավոր կերպով օգնություն էր տրամադրվում, մինչդեռ Հայաստանի հանրա-

³⁰⁴ ՀԱԱ, ֆ.199, ց.1, գ. 22, ք.84:

պիստութեան և Ամերկոմի համագործակցութիւնը 1918 թ. մայիսից մինչև 1919 թ. մայիսը եղակի և ոչ այնքան շոշափելի ընտրութիւն կը կրում և համարյա եղանակ էջը ստեղծում երկրի աղետալի վիճակը կարգավորելու հարցում:

Այսուհետ խնամատարութեան նախարարութեան 1918 թ. դեկտեմբերի 6-ի տեղեկագրում, ուր ներկայացված են Հայաստանի տարածքում գործող 12 սննդակայանների վիճակը, նշված է նաև, որ Նորադավթի, Ղամարլուի և Դավալուի երեք սննդակայանների ապահովումը սիրով հանձն առավ Ամերկոմի նպաստամատուց կոմիտեն:

Մի այլ փաստաթուղթ հավաստում է, որ Ալեքսանդրապոլի «Պոլիգոն» կոչվող թաղամասում կուտակված հայ որբերի խնամքին մասնակցող Ամերկոմի մի քանի աշխատակիցներ կազմակերպել են որբերի աշակերտական միութիւն, որպիսիք արդեն գործում էին Սիրիայում, Հունաստանում և Արևմտյան Հայաստանում Ամերկոմի խնամքի տակ գտնվող որբանոցներում:

1919 թ. ապրիլի 28-ին Փարիզում կնքվեց համաձայնագիր մի կողմից Ամերիկյան օգնութեան վարչութեան ներկայացուցիչ Հերբերդ Հուվերի և մյուս կողմից Փարիզի հայկական պատվիրակութեան և ՀՀ ներկայացուցիչ Ավետիս Ահարոնյանի միջև, որով ամերիկյան կողմը հանձն էր առնում ապրիլ ամսին Հայաստան ուղարկել 5000 տոննա ալյուր, շարունակել այդ կարգի Հայթաթիւնները մայիս, հունիս, հուլիս և հետագա ամիսներին, կանխել սովի հետագա տարածումը հանրապետութեան տարածքում, որի շնորհիվ կկանխվեր նաև «անիշխանութեան տարածումն ու կհաստատվեր կարգուկանոն»:³⁰⁵

Համաձայնագրում նշվում էին նաև մթերքի տեղափոխման ծախսերը հոգալու և մթերքի բաշխման երկկողմ համագործակցութիւնն ու պարտավորութիւնները:

Մայիսի առաջին օրերին կառավարութեան նիստերում անընդմեջ քննարկվել է այս համաձայնագիրը, պարզաբանումներ են մտցվել որոշ դրոյթներում: Պայմանագրով նախատեսվում էր, որ ստացված վարկի սահմաններում ձեռք բերված ալյուրի համար վճարումները կատարվելու էին հենց Նյու Յորքում առանց ուշացումների և միայն դոլարով, որ պարբե-

³⁰⁵ Նույն տեղում, ֆ. 199, ց. 1, գ. 22, ք. 6:

³⁰⁶ Նույն տեղում, ֆ. 200, ց. 1, գ. 46, ք. 1:

³⁰⁷ Նույն տեղում, ք. 96:

րարար Ամերիկայի կառավարութեանը պետք է ներկայացվեն Հայաստանին անհրաժեշտ ալյուրի և սերմացուի տեսակի և քանակի վերաբերյալ պահանջագրեր, որ մթերքի տեղափոխութեանը նպաստելու նպատակով Բաթումում, Թիֆլիսում և Երևանում ամերիկացիների կողմից կնշանակվեն պաշտոնյաներ, որ ամերիկացիների կողմից հսկողութիւն կսահմանվի մթերքի բաշխման և սպառման վրա, Ամերիկան կճանաչվի արտոնյալ և ամենահուսալի պետութիւնը Հայաստանի համար և նրան կթուլյատրվի օգտվել Հայաստանյան վարկից այնպիսի պայմաններով, ինչպիսի պայմաններով օգտվում է Հայաստանը Ամերիկայի վարկից:

Ալյուրի ու պարենի առաջին գնացքների մուտքը Հայաստան հնարավորութիւնն ընձեռեց բոլոր գավառներում բազմապատկել գործող սննդակայանների թիվը, որոնք անվճար տաք կերակուր, հաց ու ալյուր էին մատակարարում բնակչութեան չքավոր խավին և գաղթականութեանը:

Հայաստանի կառավարութիւնը 1919 թ. հունիսի 1-ին ստորագրեց պարտամուրհակ, որով նա պարտավորվում էր հունիսի 30-ին ԱՄՆ-ի գանձապետարան մուծել 5 միլիոն ԱՄՆ դոլար՝ տարեկան 5% դրույքաչափով՝ սկսած մուրհակի ստորագրման օրից: Այս գումարը հանդիսանալու էր ԱՄՆ-ից Հայաստանին տրվելիք օգնութեան կանխավճարը, իսկ հաջորդ մուծումները կատարվելու էին հետագա յուրաքանչյուր տարվա հունիսի 30-ին:

Սակայն արդեն հուլիսի 11-ին Կովկասում Ամերիկոմի գլխավոր ներկայացուցիչ գնդապետ Յարրոն Հայաստանի կառավարութեանը զգուշացնում է, որ եթե վերջինս չկատարի իր պարտավորութիւնը, ապա իր կառավարութիւնը ստիպված կլինի դադարեցնել օգնութիւնը, քանի որ Հայաստանի կառավարութիւնն արդեն խախտել է պայմանագրում նշված ժամկետը:

Մինչ Հայաստանի կառավարութիւնը փորձում էր նախարարութիւններին տրամադրվող գումարների կրճատման և եկած օգնութեան մի մասի վաճառքից ստացված գումարների հաշվին փակել 5 միլիոն դոլարի պարտքը, Ամերիկոմի ներկայացուցիչները խնամատարութեան նախարարութեան աշխա-

³⁰⁸ Նույն տեղում, ֆ. 205, ց.1, գ.732, ք.15-16:

³⁰⁹ Նույն տեղում, ֆ. 200, ց.1, գ. 304, ք.12:

³¹⁰ Նույն տեղում:

տակրիցների հետ հունիս-հուլիս ամիսներին շրջում էին դավառներում, ճշտում կարիքավորների ցուցակները, շինութ-յուններ առանձնացնում պահեստների, սննդակայանների, որ-րանոցների համար, կարգավորում հատկացվող սննդի չափա-րափներ, տեսականին և այլն:

Այն, ինչին ականատես եղան Ամերիկյան կոմիտեի ներ-կայացուցիչները գավառներում, վեր էր ամեն տեսակի սպասե-լիքներից:

Մեկը մյուսի հետևից Թիֆլիս՝ Կովկասում Մերձավոր Արևելքի նպաստամատույցի կենտրոնական գրասենյակ են հասնում նրանց զեկուցագրերը, որոնք արդեն ականատեսների կողմից ստեղծված փաստաթղթեր էին և բոլորովին կասկած չէին հարուցում իրավիճակի ստույգ պատկերը ներկայացնելու հարցում:

1919 թ. հուլիսի 15-ին դաշնակից պետութունների Արևելքում տեղակայված բանակի գլխավոր հրամանատարը Կովկասում գտնվող Ֆրանսիական զորքերի հրամանատարին ուղղած դրուժյամբ տեղեկացնում է, որ գնդապետ Ուիլյամ Հասկելը Փարիզի խաղաղության վեհաժողովի կողմից նշա-նակվել է Հայաստանի մատակարարման գծով գերագույն բարձր կոմիսար, և որ այդ հարցում նրան պարտավոր են բոլոր միջոցներով աջակցել և՛ Անդրկովկասի 3 հանրապետություն-ները, և՛ Հյուսիսային Կովկասի ղեկավարությունը՝ հանձին գեներալ Դենիկինի:³¹¹

1919 թ. օգոստոսի 16-ին Թիֆլիս է ժամանում Հայաս-տանի մատակարարման գծով գերագույն բարձր կոմիսար Հասկելը, որը օգոստոսի 21-ին արդեն երևանում էր: Նրա այցի հիմնական նպատակն էր ծանոթանալ տարածաշրջանի ներքին կյանքին, ապահովել ալյուրի կանոնավոր փոխադրման գործը Բաթումից Հայաստան, և, որ ամենակարևորն էր, ծանոթանալ երևանում, Ալեքսանդրապոլում, Կարսում և Ղարաքիլիսայում տեղակայված սննդակայանների, հիվանդանոցների և որբա-նոցների հոգսերին ու կարիքներին:³¹²

Հայաստանի կառավարության երեքուկես ժամ տևած արտահերթ նիստում վարչապետն ու նախարարները գնդապետ Հասկելին ներկայացրին զորքին, գաղթականներին, չքավորնե-րին ու որբերին սննդով ապահովելու, Բաթումից և Հյուսիսա-

³¹¹ Նույն տեղում, ֆ.200, ց.1, գ. 246, ք.31:

³¹² Նույն տեղում, գ. 362, ք.17:

յին Կովկասից Հայաստան կատարվող փոխադրումների նոր կարգ մշակելու, ԱՄՆ-ի կառավարութան հետ վճարումների ավելի իրատեսական ժամկետի պայմանադիր ստորագրելու և այլ հրատապ հարցերի մասին իրենց նկատառումները:³¹³

Ժամանակի պետական այրերը, համարյա բոլորին անխտիր, հետագայում իրենց հուշերում միշտ երախտագիտութամբ են հիշատակել Հասկելի անունը, որը Հայաստանի մատակարարման գործի իսկական նվիրյալն էր դարձել: Ահա թե ինչ է գրում այդ առիթով վարչապետ Ալեքսանդր Խատիսյանը. «Գնդապետ» Հասկելի դերը հայ ժողովրդին սնունդ մատակարարելու, որբերը խնամելու, արհեստանոցներ բանալու գործին մէջ իրոք հսկայական էր: Իբրեւ պետ ահագին ոչ քաղաքական կազմակերպութեան մը, որուն ցանցը կը տարածուէր ամբողջ Հայաստանի մէջ, եւ որը գեղեցիկ կրպով կըմբռնէր իր գործը եւ անձամբ կը մտնէր անոր բոլոր մանրամասնութեանց մէջ, Հասկելը իր անունը ոսկի տառերով գրած է հայ ժողովրդի Ֆիզիքական գոյութեան պահպանման գործին մէջ:

Ան բաժանած էր Հայաստանը մէկ քանի շրջաններու. ամէն մէկ շրջան ունէր իր պահեստը, ուր կը մտնէին պաշարեղէնը և հագուստը՝ Ալեքսանդրապոլի կենդրոնական պահեստէն»:³¹⁴

1919 թ. սեպտեմբերի 10-ին Մերձավոր Արևելքի նպաստամատույց կոմիտեի Կովկասի տարածաշրջանի կենտրոնական գրասենյակից Հայաստանի վարչապետի ստացած տեղեկադիրը հավաստում էր, որ սեպտեմբերի 10-ի դրությամբ Հայաստանի կառավարութիւնը ստացել է 11 միլիոն 500.000 դոլարի արժողությամբ մթերք:

Ինչ խոսք, այս թիվը ինքնին խոսուն էր և միաժամանակ վկայում էր, որ Ամերկոմի օգնութիւնը կանոնավոր բնույթ էր կրում և իր դրական ազդեցութիւնը թողնում երկրի տնտեսական վիճակի բարելավման վրա:

Ամերկոմի գործունեութիւնը հետագայում ընդգրկելու էր նորաստեղծ հանրապետութեան կյանքի համարյա բոլոր բնագավառները՝ գաղթականների և տեղացի չքավոր բնակչութեան խնամատարութիւն, որբերի հավաքագրում և որբա-

³¹³ Նույն տեղում, թթ. 52-54:

³¹⁴ Խատիսյան Ալ., Հայաստանի Հանրապետութեան ծագումն ու զարգացումը, Պեյուրթ, 1968, էջ 93:

նոցների բացում, հիվանդանոցների, շրջիկ բուժկայանների, արհեստանոցների ստեղծումն, կրթական գործի կազմակերպում, օգնութիւն բանակին և զինվորականներին, հացահատիկի և այլ կուլտուրաների սերմացուի ձեռքբերում, ցանքի կազմակերպում, մշակում և այլն:

Սակայն առաջին մի քանի ամիսների օգնութիւնը ուղղակի մահվան ճիրաններից փրկեց հարյուր հազարավոր մարդկանց և տասնյակ հազարավոր որբերի, փրկեց ժողովուրդին ֆիզիկական բնաջնջման վտանգից:

«Ամերիկեան ալիւրի հասնելով կամաց-կամաց սովը մեղմացավ, - հետագայում դրել է Սիմոն Վրացյանը, - երկիրը սկսեց մտնել բնականոն հունի մէջ, եւ ժողովուրդն ու կառավարութիւնը կարողացան նւիրել երկրի վերաշինութեան ու պետութեան կազմակերպման գործին»:³¹⁵

SUREN AVETISYAN
Institute of History, NAS RA

SOCIAL-ECONOMIC SITUATION IN ARMENIA IN 1918-1920 AND THE FIRST STEPS OF THE AMERICAN COMMITTEE TO HELP THE REPUBLIC

Summary

On May 28, 1918 was declared Independence of the Republic of Armenia. Anyhow, according to the Armenian political figures who wrote and signed the Declaration of Independence, during the first months the independence of the country had rather a declarative than a real character, because from May till the end of 1918 the new formed Republic suffered greatly of many economic, political and demographic hardships. During their invasion the Turkish bands destroyed vital arteries of the country and, after their leaving, it remained devastated.

³¹⁵ Վրացյան Ս., նշվ. աշխ., էջ 242:

The period from the end of December 1918 till 1919 was a peaceful one, thus the Armenian government could concentrate its attention on the problems of famine, cold, diseases and the increasing number of refugees. The Armenian government sent a delegation to the USA, mainly for getting grain.

After World War I several benevolent organizations were founded in the USA which helped the countries that suffered heavy losses. In 1918 the benevolent organizations were united forming the American committee (Amercom) of the Near East. During 15 years this committee took under its guidance and helped as those who in the course of the war suffered losses, as well as the poor layers of the population and especially orphans.

The Amercom helped especially the Armenian refugees who miraculously escaped the Genocide of 1915 and lived in foreign countries.

The committee opened food centres, hospitals and orphanages in different countries and supplied them regularly with food and medicines. Meanwhile, from May 1918 till 1919 the cooperation between the Republic of Armenia and the Amercom was not active for regulation of the catastrophic situation in the country. Later the activities of the Amercom involved almost all spheres of life of the Republic of Armenia. During several months the help of the Amercom saved the lives of hundreds of thousands people thus protecting the people from the peril of physical destruction. "Owing to the American flour – wrote later Simeon Vratsyan, - famine gradually yielded and the country stepped on its natural way and both the people and government devoted themselves to the reconstruction and organization of the state."

ԳԵՂԱՄ ՊԵՏՐՈՍԾԱՆ
ԵՊՀ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՌԱԶՄԱՔԱՂԱՔԱԿԱՆ
ԴՐՈՒԹՅՈՒՆԸ. ՀԱՐԱՔԵՐՈՒԹՅՈՒՆՆԵՐԻ ՎԵՐԱԿԱՆԳՆՈՒՄԸ
ՌՈՒՍԱՍՏԱՆԻ ՀԱՐԱՎԻ ՀԵՏ
(1919 թ. հունիս-գեկտեմբեր)

Միացյալ Հայաստանի անկախության հռչակագիրն ընդունելուց առաջ և հետո սառել էին պաշտոնական հարաբերությունները Կամավորական բանակի գլխավոր հրամանատարության հետ, քանի որ Ա. Դենիկինը չէր ուզում ճանաչել Հայաստանի անկախությունը, որը հակասում էր ռուսական կայսրությունը վերականգնելու նրա ռազմավարությանը: Այդ ժամանակ Հայաստանի Հանրապետությունը ինչ-որ չափով աղատ էր գործում արտաքին քաղաքականության բնագավառում: Սակայն 1919 թ. կեսերին բավական սրվեց նրա միջազգային դրությունը, լուրջ սպառնալիքներ ստեղծվեցին նրա անվտանգության համար, որը պայմանավորված էր Հայաստանի Հանրապետության նկատմամբ Թուրքիայի և Ազրբեջանի նոր ագրեսիվ ձգտումներով, ինչպես նաև հարևան Վրաստանի Թուրքամետ դիրքորոշումով: Հենց որ Անդրկովկասում ստեղծվում էր բարդ իրադրություն, Վրաստանն անմիջապես կողմնորոշվում էր դեպի Թուրքիան՝ ի վնաս Հայաստանի: Այդպես եղավ նաև այս անգամ: Ընկնելով «երկաթե» օղակի մեջ՝ Հայաստանի Հանրապետությունն աջակցություն էր փնտրում դրսում՝ ձգտելով կենտրոնացնել դիվանագիտական ջանքերը՝ վերականգնելու հարաբերությունները Ռուսաստանի հարավի հետ: Այդ առնչությամբ գեներալ Ա. Դենիկինը գրում է, որ աշնանը Հայաստանի Հանրապետության «կողմնորոշումը» կրկին փոխվեց և դրա հետ կապված՝ փոխվեց նաև վերաբերմունքը մեր նկատմամբ:³¹⁶

Հրաժարվելով գեներալ Անդրկովկասն իր ազդեցություն տակ պահելու մարտավարությունից՝ Ռուսաստանի հարավի Կամավորական բանակի գլխավոր հրամանատարությունը և նրան կից «Հատուկ խորհրդակցությունը» հուլիսի 2-ի գաղտնի հրահանգով իրենց առաջնահերթ խնդիրը համարեցին

³¹⁶ Деникин А., Очерки русской смуты. В 3 книгах. Книга 3, т. 4, т. 5, Вооруженные силы Юга России. М., 2003, с. 253.

ամբողջ մարտավարութիւնը ուղղել առևտրա-տնտեսական, ֆինանսական համագործակցութեան ուղին տիրելու Անդրկովկասի տնտեսական լծակներին, ռազմավարական նշանակութիւն ունեցող օբյեկտներին և դրանով քաղաքական կախածութեան մեջ դրել Անդրկովկասի հանրապետութիւնները: Անդրկովկասում ի դեմս Հայաստանի Հանրապետութեան Հենարան ստեղծելու նպատակով «Հատուկ խորհրդակցութիւնը» ձգտում էր վերականգնել պաշտոնական հարաբերութիւնները՝ շահարկելով հանրապետութեան ներքին ու արտաքին ծանր կացութիւնը: Ըստ ռուսական քաղաքական գործիչների, անհրաժեշտ էր գործադրել բոլոր ջանքերը, որպեսզի այդ վերամիավորումը որքան Հնարավոր է խաղաղ և առանց ցնցումների իրականացվի³¹⁷: Փաստորեն երկուստեք թե՛ Հայաստանի Հանրապետութեան կառավարութիւնը և թե՛ Ռուսաստանի հարավի Կամավորական բանակի գլխավոր հրամանատարութիւնը ձգտում էին վերականգնել պաշտոնական շփումները՝ յուրաքանչյուրը ելնելով քաղաքական տարրեր նկատառումներից, տարբեր շարժառիթներից:

1919 թ. Հուլիսին առաջին քայլերը կատարվեցին այդ ուղիով: Հուլիսի 5-ին Օմսկ ուղևորվելու ճանապարհին Գ. Զամոյանը եկատերինողարում հանդիպումներ ունեցավ Ռուսաստանի հարավի Կամավորական բանակի գլխավոր հրամանատարութեան և նրան կից «Հատուկ խորհրդակցութեան» ներկայացուցիչների հետ: Հուլիս 6-ին Հայաստանի Հանրապետութեան վարչապետի և արտաքին գործերի նախարարի պաշտոնակատար Ա. Խատիսյանին ուղղած նամակ-գեղեցում Գ. Զամոյանը տեղեկացնում է. «...Ինձ ընդունեց գլխավոր հրամանատարի օգնական և «Հատուկ խորհրդակցութեան» նախագահ գեներալ Ա. Լուկոմսկին: Ընդունելութիւնը կրում է շատ սիրալիք և նախազգուշական բնույթ:

Գեներալ Ա. Լուկոմսկին ողջունեց Հայաստանի Հանրապետութեան կառավարութեանը ընդգծելով, որ իրեն հայտնի է այն բոլոր ծանր փորձութիւնների մասին, որ ստիպված կրում է մեր կառավարութիւնը: Հիշատակեց մեր նկատմամբ Ադրբեյջանի և Վրաստանի թշնամական հարաբերութիւնների մասին: Հասկացրեցի գեներալ Ա. Լուկոմսկուն, որ Երևանից եկել է մեր կառավարութեան լիազորված անձը՝ պարզելու Կամավորական բանակի և Հայաստանի հարաբերութիւնների որոշ հարցեր:

³¹⁷ ГА РФ, ф. 446, оп. 2, д. 34, л. 97.

Ռոստովից ժամանելուց հետո Մարտիրոս Հարուսթյունյանը կատանձնի իր պատասխանատու և ծանր առաքելությունը»³¹⁵։
Ի. Զամոյանը նամակը ավարտում է, նշելով, որ ժամանակն է Ռուսաստանի հարավի Կամպոբոական բանակի գլխավոր հրամանատարուսթյան և նրան կից «Հատուկ խորհրդակցության» հետ վերականգնել պաշտոնական հարաբերությունները»³¹⁹։

1919 թ. հուլիս-օգոստոսին Հայաստանի Հանրապետության ռազմաքաղաքական գրությունը ավելի բարդացավ։ Ազրբեջանի բացահայտ զավթողական նկրտումների առիթով հուլիսի 18-ին արտաքին գործերի նախարարին ուղղած գաղտնի նամակ-ղեկույցում Ազրբեջանում Հայաստանի Հանրապետության դիվանագիտական ներկայացուցիչ Տ. Բեկզադյանը տեղեկացնում է, որ Ազրբեջանի իշխանությունները լայն նախապատրաստություն են տեսնում, օգտագործում են հնարավոր բոլոր միջոցները իրենց ազդեցությունը Զանդեզուրի և Նախիջևանի վրա տարածելու համար։ Լարաբաղում, Զանգեզուրում և Նախիջևանում տեղի ունեցող մահմեդական ապստամբությունները սերտ կապ ունեն միմյանց հետ և ընթանում են ազրբեջանական իշխանությունների նախապես մշակված ծրագրով³²⁰։ Թուրք-ազրբեջանական գաղտնի կազմակերպություններն իրենց գործակալների միջոցով աշխատում էին Հայաստանի Հանրապետության տարածքում խորացնել մահմեդականների թշնամանքը՝ նրանց մատակարարելով թե՛ դրամական միջոցներ, թե՛ զենք ու զինամթերք։ Ազրբեջանի իշխանությունները ոչ միայն Հայաստանի Հանրապետության տարածքում, այլ նաև Բաքվում հակահայկական լայն քարոզչություն էին ծավալում՝ հայկական կոտորածի սպառնալիքով։ Ազրբեջանի ղեկավար շրջանների նպատակն էր իրենց գերիշխանությունը հաստատել «մինչև նախկին ռուսական սահմանները և միանալ Տաճկաստանի հետ»³²¹։ Թուրք-ազրբեջանական ղեկավար շրջանները իրենց նպատակին հասնելու համար ծրագրում են Արաքսի հովտով, Օրդուբադի վրայով անցնել Նախիջևան։ Այդ ծրագիրը իրագործելու համար նրանց միակ խոչընդոտը Մեղրին էր՝ շրջակա հայկական գյուղերով։ Ի

³¹⁸ ՀԱԱ, ֆ.Պ-200, ց.1, գ.210, ք.6: Տե՛ս նաև «Բանբեր Դայաստանի արխիվների», 1963, Ե., էջ 196-197:

³¹⁹ ՀԱԱ, ֆ.Պ-200, ց.1, գ.210, ք.8:

³²⁰ Նույն տեղում:

³²¹ Նույն տեղում:

դեպ այն ժամանակից առ այսօր Հայկական այդ հնագույն բնակավայրը թուրք-ազրբեջանական իշխանությունների աչքի փուռն է, մեծ ոսկոր է նրանց կոկորդում, որ չեն կարողանում հանել իրագործելու համար ուղղատեսչ, վայրենաբարո իրավունքները հաղթահարելու համար ազրբեջանական իշխանությունները այն ժամանակ բանակցություններ էին վարում պարսկական մի քանի «աւազակաբարոյ խաների հետ, որպեսզի յարձակումը սկսելու դեպքում նոքա աջակցեն իրենց ղինակցութեամբ, կրակ բանայով Մեղրու վրայ դիմացի պարսկական բարձրութիւններից»³²²: Ազրբեջանի կառավարութիւնը Պարսկաստանի վրայով Նախիջևանի շրջան էր ուղարկել երկու հարյուր հազար փամփուշտ և Սուլթանովի միջոցով երեք միլիոն ռուբլի: Այդ ծրագիրն իրագործելու նպատակով Ազրբեջան էին ուղարկվել նաև 15 թուրքական սպաներ⁻⁻⁻:

Օգոստոսի սկզբին մահմեդականներին հաջողվեց յարված վիճակ ստեղծել նաև Օլթիի, Սուրմալուի, Կարսի շրջաններում: Երկրում ստեղծված ներքին ու արտաքին ծանր դրության մասին գեներալ Ա. Դենիկինը հաղորդում է, որ հուլիս-օգոստոսյան «իրադարձութիւնները Հայկական բանակին դրեցին անօգնական վիճակում: Պահեստային հրացանների բացակայութիւնը և ընդամենը 300 հազար փամփուշտի պաշարը սահմանափակում էին նրա մարտունակութիւնը և իմաստից զրկում գորակալաբը: Այնինչ երկրի մեքողջ հարավը և հարավարևելքը բռնկված էր մահմեդականների ապստամբութեամբ: Այն հարավից տարածվում էր դեպի Երևան, սպառնում էր Կարսին և Ալեքսանդրապոլին, իսկ չեզոք գոտում՝ Սադախուլի մոտ, ձգտում էր փակել երկիր անցնող միակ զարկերակը»⁻⁻⁻:

Փաստորեն թշնամին Հայաստանի Հանրապետութիւնը շրջափակել էր «երկաթե օղակով» մեծ սպառնալիք ստեղծելով մայրաքաղաք Երևանին: Իսկ Հայաստանի Հանրապետութեան այդ շրջանների վերահսկողութիւնը իրականացնող անգլիական զինվորական հրամանատարութիւնը օգոստոսի 15-ին հեռանալու էր Անդրկովկասից: Նկատենք, որ անգլիացիները հայամետ դիրքորոշում չունեին. անհրաժեշտութեան դեպքում

³²² ՀԱԱ, ֆ. 7-200, ց. 1, գ. 50, ք. 12:

³²³ ՀԱԱ, ֆ. 7-200, ց. 1, գ. 50, ք. 13:

³²⁴ Деникин А., Очерки русской смуты: В 3 книгах.- Книга 3 /т. 4, т. 5, Вооруженные силы Юга России, с. 251.

նրանք ավելի շուտ կանցնեն թուրքերի կողմը: Անգլիական զորքերը ներկայացնում էին Համաձայնության երկրները Անդրկովկասում և նրանց խնդիրն էր ապահովել խաղաղությունը երկրամասում: Այս առումով թուրքերի կողմից Հայաստանի Հանրապետությանը սպառնացող վտանգի պայմաններում անգլիական զորքերի ներկայությունը ձեռնտու էր Հայաստանի Հանրապետությանը: Ահա թե ինչու անգլիական զինվորների հեռանալը Անդրկովկասից մեծ անհանգստություն և մտահոգություն պատճառեց Հայաստանի Հանրապետության կառավարությանը: 1919 թ. հուլիսի 28-ին Փարիզից Ա. Ահարոնյանը արտաքին գործերի նախարարին ուղղած նամակ-գեկուլյցում հաղորդում է. «Հասկանում եմ Ձեր անհանգստությունը անգլիական զորքերի կովկասից քաշվելու լուրերի առթիվ, խնդրում եմ հավատալ, որ նույնիսկ խռովքը մեղ էլ պաշարել և շարունակ և յուրաքանչյուր հեռագիրը մեզ նոր և նոր և հաճախակի դիմումների նյութ, են ծառայել»³²⁵: Անգլիական զինվորական առաքելության դուրս բերումը անհանգստություն պատճառեց նաև Ռուսաստանի հարավի զինված ուժերի գլխավոր հրամանատարությանը: Գեներալ Ա. Լուկոմսկին հաղորդում է, որ անգլիական զինվորների ներկայությունը Անդրկովկասում անհրաժեշտություն է: 1919 թ. օգոստոսի սկզբին, երբ տեղեկություններ ստացվեցին անգլիական զինվորների հեռանալու հավանականության մասին, գեներալ Ա. Դենիկինը խնդրեց նրանց չգնալ այդ քայլին, քանզի մտավախություն կար, որ դրանից հետո Անդրկովկասում բուլղակից կարող է տարածվել³²⁶:

Զգտելով կանխել անգլիական զորքերի հեռանալը՝ Հայաստանի Հանրապետության կառավարությունը Փարիզում իր պատվիրակության նախագահ Ա. Ահարոնյանից պահանջեց բանակցություններ վարել բրիտանական կառավարության ներկայացուցիչների հետ՝ հետաձգելու անգլիական զորքերի դուրս բերումը Անդրկովկասից, ինչպես նաև տեղեկացնել վեհաժողովին թուրք-թաթարական զավթիչների կողմից Հայաստանի Հանրապետությունը օղակելու ու նրա համար ծանր կացություն ստեղծելու մասին: 1919 թ. օգոստոսի 6-ին Ա. Խատիսյանին ուղղած նամակ-գեկուլյցում Ա. Ահարոնյանը տեղե-

³²⁵ ՀԱԱ, ֆ.Պ-200, ց.1, գ.290, ք.21, գ.355, մաս I, ք.16:

³²⁶ Лукомский А., Деникин и Антанта. Революция и гражданская война в описаниях белогвардейцев, М., 1991, с.93:

կացնում է. «Գրում եմ Ձեզ Պ. նախարարասյեա, որպեսզի դաշ-
նակիցների վրա շատ մեծ հույսեր չդնեք Ձեր որոշումների և
գործողութիւնների ժամանակ և հաշվի առնեք տեղական ույ-
ժերի և պայմանների փոխհարաբերութիւնը: Դաշնակիցների և
կոնֆերենցիայի այս թուլութիւնը լավ ծանոթ է թուրքերին
և մանավանդ Ազրբեջանին, որի պատվիրակութիւնը այստե-
ղից անկասկած իրագեկ է պահում և՛ թուրք և՛ Ազրբեջանի
կառավարութեանը և անշուշտ այդ տեղի նրանց բոլոր շար-
ժումները դրա արդիւնքն են: ...Մեր ճիգերը անգլիական կա-
ռավարութեան (մոտ.-Դ.Պ.) դատապարտված են ձախողան-
քի»³²⁷: Նամակ-գեկույցը ավարտելով՝ Ա. Ահարոնյանը պե-
լացնում է, որ կառավարութիւնը նկատի ունենա, որ ա) դաշ-
նակիցները և Փարիզի վեհաժողովը երբեմն անգոր են կոնկրետ
քայլեր կատարելու, հատկապես հեռավոր վայրերում, բ)
թուրք-թաթարները վեհաժողովի այդ անգորութեան մասին
լավ գիտեն, գ) Մեծ Բրիտանիան Կովկասում մտադիր չէ իր
մուսուլմանական քաղաքականութիւնից հրաժարվել և միշտ
պետք է պաշտպանի թուրքերին ու թաթարներին³²⁸: Օգոստոսի
Ցին Ա. Ահարոնյանը դարձյալ Ա. Խատիսյանին ուղղած մեկ
այլ նամակ-ղեկույցում տեղեկացնում է. «Երեք օրից ի վեր ծե-
ծում եմ բոլոր դռները, սեղմում եմ բոլոր ձեռքերը, որ կարող է
որևէ օգնութիւն հասցնել մեզ: Դժբախտութիւնն այն է, որ
անմիջական օգնութիւն է հարկավոր և կարող են անել միայն
անգլիացիք: Անգլիայի բանվորական կուսակցութիւնը գրեթե
բռնադատեց կառավարութեանը ետ քաշել իր ձեռքերը Ռու-
սիայից և մենք դրա զոհներն ենք: Ընդամենը երկու շաբաթ
առաջ ընդունեց մեզ, հաղորդեցին, որ անգլիական կառավա-
րութեան հայտարարութեան համաձայն համայնքների պալա-
տում նրանց զորքերը Կովկասից չպիտի քաշվեն, և հանկարծ
այս փոփոխութիւնը, որ մեզ հանկարծակիի բերեց, այնուամե-
նայնիվ միայն նրանք կարող են մեզ օգնել, այս պատճառով
անմիջապես հեռագրեցի Լոնդոն Լյոյդ Ջորջին, մեզ բոլոր բա-
րեկամ անգլիացիներին, համայնքների պալատի անդամներին
և անգլիական բանվոր կուսակցութեան շեֆ Անգամոնին,
խնդրելով թե հնար է, առժամապես անգլիական զորքերը չքա-
շել Կովկասից և վերջ գնել թուրք-թաթարական սպառնալի
վտանգին: Միաժամանակ հեռագրեցի Լյուցեռն, ուր այժմ գու-

³²⁷ ՀԱԱ, ֆ.Պ-200, ց.1, գ.290, ք.33-34:

³²⁸ Տե՛ս ՀԱԱ, ֆ.Պ-200, ց.1, գ.290, ք.34:

մարված է Ինաերնացիոնալը, խնդրելով անգլիական բանվոր-
ների ներկայացուցիչներին Անդերսոնին և Մաքդոնալդին³²⁹,
աղվել իրենց կառավարութայն վրա և թողնել բրիտանական
ղորքերը Կովկասում: Հեռագրեցի Հռոմ նախարարապետ Նիդ-
ախին Ե. Ամերիկա՝ Վիլսոնին: Անցա անգլիական պապիրա-
կություն, տեսակցեցի մեր գործերի բաժինը վարող Վանզիտա-
րի հետ, որ հայտնեց նույնպես թե իրենք իրազեկ են թե այս
րոլորը Արդրբեջանի գործն է և թուրքերի և թե տարաբախտա-
բար իր ճիգերը անգլիական զորքերը պահելու Կովկասում
մնացին ապարդյուն, այլ միայն հաջողվեց հեռագրել անգլիա-
կան բարձր հրամանատարութայնը, որ եթե հնար է, զենք ու
ուզմամթերք տան հայերին: Գեթ այս չնչին օգնությունը
կհասնի ձեզ թե ոչ, չգիտեմ»³³⁰:

Իրականում Հայաստանի Հանրապետութայն կառավա-
րութայն դիմումը Փարիզի վեհաժողովին և պատվիրակութայն
նախագահ Ա. Ահարոնյանի ջանքերը որևէ դրական արդյունք
չտվեցին՝ կասեցնելու անգլիական զորքերի դուրս բերումը
Անդրկովկասից, որովհետև դա նույն վեհաժողովի որոշման
կատարումն էր: Դրա փոխարեն Հայաստանի Հանրապետութ-
յուն ուղարկվեց ամերիկյան զննապետ Ուիլյամ Հասկելը՝ որ-
պես Հայաստանի գերագույն հանձնակատար: Գեներալ Ա. Դե-
նիկինը դուռն է, որ Հայաստանի արյունալի իրադարձություն-
ների ընթացքում հայ ժողովրդին աջակցելուց կտրականապես
հրաժարվելը և հայտարարելը, որ իրենք ուզմական օգնութ-
յուն ցույց չեն տա, այլ «միայն կօգտագործեն իրենց հեղինա-
կությունը», վեջնականապես խաթարեցին հայերի վստահութ-
յունը և համակրանքը անգլիացիների նկատմամբ³³¹:

1919 թ. օգոստոսի 15-ին կառավարութայն հանձնարա-
րությամբ փոխվարչապետ Ա. Սահակյանը Հայաստանի Հան-
րապետութայն պառլամենտի³³² 5-բզ նիստում ներկայացրեց
երկրի ծանր դրությունը և այդ վիճակը շտկելու միջոցառում-
ները: «Մեր դարավոր թշնամի թուրքիան երկրի ներսում և
դրսում նորանոր ուզմաճակատներ է ստեղծում, - ասված է զե-

³²⁹ ԳԱԹ, ԳՂԴ արխիվ, Բոստոն, N 1687-23:

³³⁰ ՀԱԱ, ֆ. 7-200, ց. 1, գ. 355, մաս I, ք. 134-135:

³³¹ Деникин А., Очерки русской смуты: В 3 книгах.- Книга 3 / т. 4, т. 5, Вооруженные силы Юга России, с. 249.

³³² 1919 թ. օգոստոսի 1-ի նորընտիր Հայաստանի Խորհրդի բացման օրը. վերջինս վերանվանվեց Հայաստանի պառլամենտ:

կուցման մեջ: - Մի նոր ռազմաճակատ ստեղծվում է էրզրու-
մից տաճկական զորքերի դեպի Սարիզամիչ շարժվելով: Մի
ուրիշ ռազմաճակատ Սուլումալուի շրջանում, որը մինչև այժմ
տեղական ընդհարումների բնույթ էր կրում, իսկ այժմ լայնա-
տեղյալ ճակատ է ստեղծել Կարակալայի մոտ: Մյուս կողմից էլ
տաճիկ կառավարութան ... ղորքերը քրդական հրոսակախմբե-
րի հետ, թնդանոթներով զինված, դալիս են Արաքսի ուղղութ-
յամբ: Չորրորդ ռազմաճակատը Ղամարլուինն է: Հինգերորդ
դեռ չորոշված ռազմաճակատը Դարալադյազն է: Մենք
հետզհետե շրջապատվում ենք երկաթե օղակով: Թշնամին
ուզում է ներխուժել մեր երկիրը»³³³:

Հանրապետությունում ստեղծված ծանր իրավիճակը պառ-
լամենտում քննարկելիս պատգամավորներն իրենց ելույթնե-
րում նշեցին, որ կառավարութունը օգնության հույսեր չունի
Փարիզի վեհաժողովից, իսկ անգլիական զորքը սկսել է հեռա-
նալ Անդրկովկասից, որն ավելի է սաստկացնում թշնամու կող-
մից Հայաստանի Հանրապետության օղակումը: Պառլամենտը
որոշեց հայտարարել հայրենիքը վտանգի մեջ է և դիմել ոչ
միայն դաշնակից երկրներին, այլ նաև մի խումբ պետություն-
ների պառլամենտներին: Սակայն պառլամենտի այդ հայտա-
րարությունները չունեցան որևէ դրական նշանակություն: Ա-
ռանձին պատգամավորներ առաջարկեցին փոխել Հայաստանի
իշխանությունների քաղաքական կուրսը: Պատգամավոր Թո-
րոսյանը նշեց. «Մի տարի սրանից առաջ ջախջախված Հայաս-
տանը կանգնած էր Տաճկաստանի առաջ, բայց մի հույս ուներ,
թե կռվում է դաշնակիցների համար և այդ հույսով էլ սպա-
սում էր իր փրկության: Նրա հույսերն ի դերև էանցան:
...Անգլիայի ներկայացուցիչները շատ անտարբեր են այս
խնդրում, հետևաբար անհրաժեշտ է հիմնովին փոխել կառա-
վարության ներկա քաղաքականությունը: Կառավարությունը
պետք է շարունակի դիվանագիտական հարաբերությունները
արտաքին աշխարհի հետ: Նա պետք է համաձայնության գա
Հայաստանի հարևանների հետ»³³⁴: Պատգամավոր Խոնդկար-
յանը (սոցիալիստ-հեղափոխական) իր ելույթում նշեց, որ Հա-
յաստանի իշխանությունները հիմնավորապես պետք է փոխեն
իրենց քաղաքականությունը. «Սեփական օրինատացիան մեզ
դեպի կործանում է տանում: Մեր քաղաքական գաղափարները

³³³ «Հայաստանի աշխատավոր», Ե., 20 օգոստոսի, 1919:

³³⁴ Լույս տեղում:

պիտի ուղղենք դեպի հյուսիս և ապավինենք միայն Ռուսաստանին:

...Մինչ այժմ Ամերիկան չկա, իսկ անգլիացիներն էլ չեն ապահովում մեզ, ուստի մեզ մնում է ավելի շուտ առավելություն տալ Ռուսաստանին: Հայաստանը պետք է դաշնակցային կապերով կապվի Ռուսաստանի հետ»³³⁵:

Փաստորեն պառլամենտում զբաղեցրվեց պատգամավորների հիասթափուկությունը Փարիզի վեհաժողովի և Համաձայնութայն երկրների նկատմամբ: Երկրի անվտանգության շահերից ելնելով պառլամենտում առաջարկվեց վերականգնել պաշտոնական հարաբերությունները Ռուսաստանի հարավի հետ և փոխել Հայաստանի իշխանությունների քաղաքական կուրսը:

Ռուսաստանի հարավի Կամավորական բանակի գլխավոր հրամանատարությունը և նրան կից «Հատուկ խորհրդակցությունը» ուշիուշով հետևում էին Հայաստանի Հանրապետությունում ընթացող իրադարձություններին: 1919 թ. օգոստոսի 17-ին Ռուսաստանի հարավի զինված ուժերի գլխավոր հրամանատարությունը շտաբի պետին ուղղած գաղտնի նամակ-զեկույցում գնդապետ Մ. Զինկևիչը տեղեկացնում է, որ մահմեդականները շրջափակել են Հայաստանը համատարած օղակով, և միակ ելքը Բելի Կլյուչն է: Հայկական բանակը երկար դիմադրել էր կարող, քանի որ չունի անհրաժեշտ քանակությամբ զենք, իսկ պահեստներում գրեթե բացակայում է փամփուռտի պաշարը, և հնարավորություն չկա հայկական բանակում նոր զորակոչվածներին զինել ու հանդերձավորել: Պառլամենտը և կառավարությունը գիտակցում են, որ այդ ծանր իրավիճակում Հայաստանին կարող է սատարել Ռուսաստանի հարավը. «Այսպիսով ... հայ քաղաքական գործիչները թեքվում են դեպի Ռուսաստան: Սակայն դեպի Ռուսաստան քաղաքական փոխակերպումը շատ դժվար ու դանդաղ է ընթանում և ինչ ոեալ արդյունք կունենա, դժվար է ասել»³³⁶: Այնուհետև գնդապետը խորհուրդ է տալիս Կամավորական բանակի բարձրագույն հրամանատարությանը, որ «Հայկական հարցը ապագայում Ռուսաստանի համար ունենալու է կարևոր նշանակություն, ինչպես նախկինում էր: Պետք է հայերի հետ հաշվի նստել որպես ամենայոյալ տարրի, ուստի ներկա պահին անհրաժեշտ եմ համարում հայերին ցուցաբերել բարոյական, իսկ ավելի լավ է

³³⁵ «Հայաստանի աշխատավոր», Ե., 20, 21 օգոստոսի, 1919:

³³⁶ ГА РФ, ф. 446, оп. 2, д. 34, л. 79.

նյութական օգնություն: Ընդ որում անհրաժեշտ է գործել չգրգռելով մահամեղականներին, առանձնապես թուրքերին»³³⁷: Նամակ-դեկույցը պարտելով՝ Մ. Զինկեևիչը գանում է, որ անհրաժեշտ է կարճ ժամկետում Հայաստանի Հանրապետությանը տրամադրել մեկ միլիոն փամփուլատ, թուլյատրել Հաց դեմը, վարկ տրամադրել և այլն. դա մեծ լծակ կլինի Կամավորական բանակի և նրան կից «Հատուկ խորհրդակցություն» ձեռքում Հայաստանի իշխանությունների վրա քաղաքական ազդեցություն ունենալու համար³³⁸:

Գեներալ Ա. Դենիկինը տեղեկացնում է, որ ժամանակին կատարվեց գնդապետ Մ. Զինկեևիչի պահանջը և օգոստոսի վերջին, ամենաձանր պահին, մեծ դժվարություններով հաջողվեց Բաթումից ցամաքային ճանապարհով Արդահան, այսպե՛ս այնտեղից երևան ուղարկել երեք միլիոն փամփուլատ³³⁹: Առաջ անցնելով նշենք, որ երկրի այդ ծանր օրերին Կամավորական բանակից ստացված փամփուլատների քանակությունը թեև մեծ էր, բայց շոշափելի օգնություն էր: Ռուսները դրում է. «...Փամփուլատ եւ այլ իրեզններ, որ մեզ հասան ամենադժնդակ պայմաններում. առանց դրան, գուցէ մի տարի առաջ Հայաստանը կործանման ենթարուէր: ... Հայաստանը անմիջականօրեն խիստ օգտուած է միմիայն Ռուսաստանից եկած ռազմամթերքից»³⁴⁰:

Ի դեպ Կամավորական բանակի գլխավոր հրամանատարությունն իր հերթին ամեն կերպ ձգտում էր վերականգնել պաշտոնական հարաբերությունները Հայաստանի Հանրապետության կառավարության հետ: Օգտագործելով ռազմական ու տնտեսական օգնության ձևերը հրամանատարությունը Հայաստանի Հանրապետության վրա քաղաքական ներգործություն էր ունենում՝ շեշտելով հարաբերությունների վերականգնման անհրաժեշտությունը:

1919 թ. օգոստոսի 30-ին «Հատուկ խորհրդակցության» քաղաքական գրասենյակի պետ Դ. Չայկովսկուն ուղղած նամակում գնդապետ Մ. Զինկեևիչը դժգոհում էր, որ գեներալ Պա-

³³⁷ ГА РФ, ф. 446, оп. 2, д. 34, л. 79.

³³⁸ Նույն տեղում:

³³⁹ Деникин А., Очерки русской смуты: В 3 книгах.- Книга 3 / т. 4, т. 5, Вооруженные силы Юга России, с. 253.

³⁴⁰ Ռուբեմ, Հայ յեղափոխականի մը յիշատակները, է հատոր, Թեհրան, 1982, էջ 167-168:

րախոնակին ժամանակին հրահանգ չստացավ փամփուշտների մի մասը Բաթումում պահելու վերաբերյալ: Դա կարող էր հետադադար ծառայել որպես ղսպանակ անհրաժեշտության դեպքում Հայաստանի Հանրապետության կառավարության վրա քաղաքական ճնշումը պահպանելու համար³¹: «Այնուամենայնիվ, - հաղորդում է գնդապետ Մ. Զինկելչը, - ես դեռևս ունեմ բավական ազդեցիկ միջոցներ: Ինչ վերաբերում է ֆինանսականին, ապա ես մոտ ապագայում կներկայացնեմ Հայաստանին հատկացվելիք Ռոստովի պետական բանկի կողմից երաշխավորված փոխառության նախագիծ: Դա մեղ համար շատ օգտակար կլինի: Բացել Հայաստանում ռուսական պետական բանկի մասնաճյուղ, որը կկրի ռուսական դրոշը և մեղ համար կունենա քաղաքական մեծ նշանակություն»³²:

Սակայն, հակառակ ռուսական քաղաքական շրջանների սպասումների, Հայաստանի Հանրապետության իշխանությունները չէին դրսևորում շտապողականություն Ռուսաստանի հարավի հետ հարաբերություններ վերականգնելու խնդրում: Անշուշտ, դա ուներ իր որոշակի պատճառները: Ծիշտ է, պառլամենտի և կառավարության հայտարարությունները չունեցան շոշափելի նշանակություն «երկաթե օղակում» հայտնված Հայաստանին սատարելու համար, բայցեայնպես հանրապետության ղեկավարությունը շարունակում էր հույսեր փայփայել, օգնություն ակնկալել Փարիզի վեհաժողովից, Համաձայնություն և այլ պետություններից: Հույսեր էին կապում նաև վերջերս Հայաստան մեկնած գնդապետ Ու. Հասկելի ու Ամերիկային տրվող Հայաստանի մանդատի հետ:

1919 թ. օգոստոսի 3-ին ֆրանսիական զինվորական հրամանատարությունը հեռագրով տեղեկացրեց Անդրկովկասի անգլիական զինվորական առաքելությանը և Ռուսաստանի հարավի գինված ուժերի գլխավոր հրամանատար գեներալ Ա. Դենիկինին, որ ամսի 13-ին Բաթում է ժամանելու ամերիկյան գնդապետ Ու. Հասկելը: Հեռագրից երևում էր, որ միջազանակցային գլխավոր խորհուրդը որոշել է գնդապետ Ու. Հասկելին Ամերիկայի Միացյալ Նահանգների, Ֆրանսիայի, Մեծ Բրիտանիայի և Իտալիայի կառավարությունների անունից նշանակել գեորգույն հանձնակատար Հայաստանում: Նրան միաժամանակ հանձնարարված էր ձեռնարկել բոլոր միջոցնե-

³¹ ГА РФ, ф.446, оп.2, д.39, л.104.

³² Լույս տեղում:

ըը՝ Հայաստանին անհրաժեշտ օգնութիւն կազմակերպելու համար: Հայաստանում, Վրաստանում և Ադրբեջանում գործող Դաշնակցային կառավարութիւնների և զինվորական հրամանատարութիւնների բոլոր ներկայացուցիչները պարտավոր էին ամեն կարգի աջակցութիւն ցույց տալ Ու. Հասկելին: Հեռագրի վերջում ասվում էր, որ Կիլիկիան չի մտնում այն տարածքների ցուցակի մեջ, որոնց վրա տարածվում է գնդապետ Ու. Հասկելի իշխանութիւնը³⁴³: Օգոստոսի 14-ին Բաթումում Ու. Հասկելին դիմավորեցին Հայաստանի Հանրապետութեան գլխավոր հյուպատոս Գ. Եդիզարյանը և Հայոց ազգային խորհրդի նախագահ Աշոտ Մնդոյանցը: Հյուպատոսը Հայաստանի Հանրապետութեան կառավարութեան անունից բարի գալուստ մաղթելով Ու. Հասկելին՝ «...ցանկութիւն յայտնեց որպէսզի կտրուկ միջոցներ ձեռք առնելին վերջ տալու հայերին և Հայաստանին սպառնող վտանգին»³⁴⁴: Ու. Հասկելը պատասխանեց, որ բոլոր միջոցները կգործադրի խաղաղ ճանապարհով կարգավորելու Հայաստանի ծանր վիճակը և կաջակցի արագացնելու Հայաստանի մանդատը Ամերիկային տալու գործընթացը³⁴⁵: Օգոստոսի 21-ին Երևանում Ու. Հասկելին մեծ շուքով ու հանդիսավորութեամբ դիմավորեցին Հայաստանի Հանրապետութեան կառավարութեան անդամները, պառլամենտականները և երևանցիները: Նա իր առաջին տեսակցութեան ժամանակ վարչապետ և արտաքին գործերի նախարար Ա. Խատիսյանին³⁴⁶ հաղորդեց, որ Փարիզի վեհաժողովի կողմից նրան հանձնարարված է ստանձնել հայ ժողովրդի ներքին ու արտաքին ապահովութիւնը, պարենավորումը, ապահով ներգաղթը և այլն: Այնուհետև հայտնում է, որ երեք օր կմնա Երևանում՝ հանգամանորեն ծանոթանալու երկրի դրութեանը և Հայաստանի Հանրապետութեան կառավարութեան պահանջներին, այնուհետև հավաքած տեղեկութիւնների ու եզրակացութիւնների մասին կհեռագրի Փարիզի վեհաժողովին, և հույս ունի, որ մինչև մանդատի հարցի լուծումը կկարողանա ապահովել Հայաստանի անվտանգութիւնը: Ա. Խատիսյանին տեղեկացրեց նաև, որ տասն օրից Հայաստան է գալու ամերիկյան գեներ-

³⁴³ ГА РФ, ф. 446, оп. 2, д. 39, л. 90.

³⁴⁴ «Նոր աշխատավոր», Թիֆլիս, 21 օգոստոսի, 1919:

³⁴⁵ Նույն տեղում:

³⁴⁶ 1919 թ. օգոստոսի 10-ին Հայաստանի պառլամենտը հաստատեց կառավարության նոր կազմը:

րալ Զեյմա Հարրորդը հանրապետութեան ընդհանուր վիճակը ուսումնասիրելու և պարզելու, թե որքան ամերիկայան զորք է հարկավոր ամբողջ Հայաստանը պաշտպանելու համար և այլն: Հաղորդեց նաև, որ Ամերիկայում քննարկվում է Հայաստանի մանդատի խնդիրը³⁴⁷: Զրույցի ընթացքում Ա. Խատիսյանը հանգամանորեն ներկայացրեց Ու. Հասկելին հանրապետութեան ներքին և արտաքին ծանր վիճակը, փաստարկեց, թե ինչպես թուրք զավթիչները երկու ամիս է տենդագին նախապատրաստվում են նոր աղետներ բերելու Հայաստանի Հանրապետության նեղ սահմաններում կուտակված հայութեան գլխին՝ ոտքի հանելով տեղի մահմեդական տարրերին: Զրույցի վերջում Ա. Խատիսյանը նշեց, որ այդ պատճառով Հայաստանի Հանրապետության կառավարությունը իր հայացքը սեռեւել է դեպի Փարիզի վեհաժողովը և մասնավորապես՝ դեպի Ամերիկան, որի ներկայացուցիչն է գնդապետ Ու. Հասկելը. «...Իբրև Պարիզի կոնֆերանսի Հնգի Խորհրդի առաջյալ եվ որպես Հայաստանի գերագույն կոմիսար այսօր ոտք է դնում Հայաստանի Հանրապետության հողի վրա»³⁴⁸: Հաջորդ օրը՝ օգոստոսի 22-ին, Հայաստանի Հանրապետության պառլամենտի 6-րդ նիստում նախագահի ողբույնի խոսքից հետո ելույթ ունեցավ Ու. Հասկելը: Օգոստոսի 27-ին Թիֆլիսում լույս տեսնող «Նոր աշխատավոր» լրագիրը տեղեկացնում է, որ պառլամենտի անդամները և ժողովուրդը «խանդավառ և երկարատև օվացիա սարքեցին գերագույն կոմիսարին»³⁴⁹: Ու. Հասկելը պառլամենտում մանրամասն խոսեց իր իրավունքների, լիազորությունների և իրականացվող խնդիրների մասին: Հավաստեց նաև, որ կանի ամեն ինչ՝ Հայաստանին օգնելու և նրա անվտանգութեանը ապահովելու համար: Իր ելույթում կարևորեց նաև Հայաստանի Հանրապետությանը անհրաժեշտ զինական օգնությունը. «...Ես խնդրել եմ անգլիական ուժերին, որ ժամանակավորապես անգլիական զինվորները մնան մինչև փոխարինվելը, որպեսզի մանր ազգությունների միջև տեղի ունեցող մանր ընդհարումները հարթվեն: Երբ Պոլսում իմացա նրանց վերադառնալու կարգադրությունը, ես խնդրեցի անգլիական հրամանատարությունը և Կլեմանսոյին, առժամապես դադարեցնել: Այս բոլորին այդ հարցը հավանաբար քննվում է Փարիզում, և

³⁴⁷ ՀԱԱ, ֆ.Պ-200, ց. 2, գ. 37, ք. 1:

³⁴⁸ Նույն տեղում, քթ. 5-6:

³⁴⁹ «Նոր աշխատավոր», Թիֆլիս, 27 օգոստոսի, 1919:

ես մեծ հույս ունեմ, որ իմ խնդիրը կհարգվի, իսկ նրանց հեռանալու դեպքում էլ մեղ է մնում մասածել որեւիչ գորքով փոխարինելու նրանց»³⁵⁰: Ու. Հասկելը նշեց, որ կասկած չկա. Ադրբեջանը խախտել է անգլիական զինվորական հրամանատարութեան որոշած սահմանները: Պառլամենտին հավաստիացրեց, որ կմեկնի Բաքու և վերջ կտա նրանց ռազմական գործողութիւններին, իսկ եթէ նրանք փորձեն չկատարել, ապա կդիմի կտրուկ միջոցների և անձնական պատասխանատվութեան կենթարկի կազմակերպիչներին ու ղեկավարներին³⁵¹:

Հայաստանի Հանրապետութեան իշխանութիւնները համոզվեցին, որ գնդապետ Ու. Հասկելին ռզարկել են լայն իրավասութիւններով, սակայն առանց որեւէ ուժի, որը կարողանար կանգնեցնել թաթարների և թուրքերի ռազմական գործողութիւնները: Ա. Խատիսյանը գրում է. «Անգլիացիների գնալուց յետո մենք դտնուում ենք ամերիկացիների հովանաւորութեան տակ, ըայց այգ հովանաւորութիւնը կրում է միայն պատտնական բնաւորութիւն, որովհետեւ ամերիկացիք զրկւած լինելով զինւորական ոյժից՝ ոչ մի հնարաւորութիւն չունեն ստիպելու թաթարներին և տաճիկներին կատարել իրենց կարդադրութիւնները»³⁵²: Չնայած դրան, Հայաստանի Հանրապետութեան ղեկավար շրջանները մեծ խանդավառութեամբ ընդունեցին Ու. Հասկելին՝ նրա հետ կապելով որոշ հույսեր: Ծանր կացութեան մեջ գտնվողը միշտ էլ կառչում է ամենաչնչին հույսին: Նկատի ունենալով ամերիկյան հանձնակատարին ցույց տրված ջերմ ընդունելութիւնը՝ Կամավորական բանակի ղեկավարութիւնը կատարեց շտապ եզրակացութիւն՝ Հայաստանի Հանրապետութեան ամերիկյան կողմնորոշման մասին:

Գնդապետ Մ. Զինկեիչը օգոստոսի վերջին տեղեկացրեց Ռուսաստանի հարավի «Հատուկ խորհրդակցութեան» քաղաքական գրասենյակի պետ Գ. Չայկովսկուն, որ ժամանակն է զգուշութեամբ առաջ քաշել ռուսական կողմնորոշման հարցը՝ ի հակադրութիւն տիրող ամերիկյան կողմնորոշման, որը խոչընդոտ է Ռուսաստանի հարավին: Մ. Զինկեիչը խորհուրդ է տալիս օգտագործել ամերիկացիների սխալները և Հայաստանի

³⁵⁰ ՀԱԱ, ֆ. 7-200, ց. 2, գ. 37, ք. 7: Տե՛ս նաև «Նոր աշխատավոր», Թիֆլիս, 27 օգոստոսի, 1919:

³⁵¹ Նույն տեղում:

³⁵² ՂԱԹ, ԶՅԴ արխիւ, Բոստոն, N4063:

Հանրապետության ղեկավարությունը ապացուցել, որ Ռուսաստանի Հարավը գործնականում կարող է օգնել նրան նյութապես (հաց, դրամ, փամփուշտ և այլն) և ճնշում գործադրել Հայերի թշնամիների վրա: Որոշ ժամանակ անց գնդապետ Մ. Զինկևիչը տեղեկացնում է, որ Հայաստանի կառավարության հետ Ռուսաստանի Հարավի պաշտոնական շփումների վերականգնման խնդրում որոշակի դեր ունեցան Հանրապետության քաղաքական լայն շրջաններում առաջացած խոր հուսախարությունը, հիասթափությունը ամերիկյան քաղաքականության նկատմամբ: Դրա համար որոշակի առիթ է դարձել Հայաստանի գերազույն հանձնակատար Ու. Հասկելի աննրբանկատությունը, որը միանման ցավակցական ճառեր էր արտասանել Հայաստանի և Ադրբեյջանի օրենսդիր մարմիններում³⁵³: Այդ առթիվ «Նոր աշխատավոր» լրագիրը տեղեկացնում է, որ Ու. Հասկելը Ադրբեյջանում «...հերքեց այն կարծիքը, թե ինքը Հայերի «փաստաբանն» է: Ես (Ու. Հասկելը - Գ.Պ.) բոլորովին մի տեսակ եմ վերաբերվում բոլոր Հանրապետությաններին»³⁵⁴: Լրագիրը այնուհետև հաղորդում է, որ Ու. Հասկելը շատ գոհ է մնացել Ադրբեյջանի կառավարությունից: Նա հերքել է այն տեղեկությունները, որը հրապարակել է Հայաստանի Հանրապետության պառլամենտում: Բնութագրական է Ռոստովում Հայաստանի Հանրապետության գլխավոր հյուպատոս Գրիգոր Չախուշյանի գնահատականը գնդապետ Ու. Հասկելի երկդիմի գործունեությանը. «Հասկելը քաղաքագետ չէր: Նրանից սպասվեց շիտակ խոսք: Եվ նա խոսեց: Խոսեց Բաքվում, վերջապես Երևանում. նրա երեք ճառերը անլուծելի հանելուկներ էին: Կարծես երեք օտար անձեր արտասանած լինեին: Մեկին մեջ նա վրացասեր էր, մյուսին՝ թրքասեր, երրորդին մեջ՝ հայասեր: Մենք ընկճված էինք: Եվ ահա գնդապետ Հասկելը սկսում է հերքել իր ասած ճառերը մեկը մյուսի հետևից՝ Բաքվի ճառը հերքում է Երևանում, Երևանինը՝ Բաքվում, վերջ ի վերջո գնդապետ Հասկելը սիրեց Բաքուն, ուր նրան տալիս էին շարունակ խնջույքներ, երեկույթներ, պարահանդեսներ: Հետզհետե Հասկելը դարձնում է իր երեսը մեզանից, հետզհետե գովում է մուսավաթականներին և չի հավանում միշտ անբավական, միշտ բողոքող, միշտ լալկան հա-

³⁵³ ГА РФ, ф. 446, оп. 2, д. 39, л. 104.

³⁵⁴ «Նոր աշխատավոր», Թիֆլիս, 7 սեպտեմբերի, 1919:

իին»³⁵⁵: Գ. Չալխուռյանը իր դժգոհությունը հայտնելով Անդրկովկասում Համաձայնության երկրների ներկայացուցիչների նկատմամբ՝ հաղորդում է, որ նրանք ապրում էին շեն և հարուստ թիֆլիսում. աղքատ, համեստ Երևանում նստել էին նրանց երկրորդ և երրորդ կարգի կցորդները: Նրանց միշտ տեսնում էին կիրակի և տոն օրերին Երևանի հրապարակում՝ շուկայում, ուր գորգեր էին գնում էժան գներով աղքատ մարդկանցից և արտահանում առանց մաքսի իրենց արտոնված ներկայացուցչական դիրքից օգտվելով³⁵⁶:

Գնդապետ Մ. Զինկևիչը օգոստոսի վերջին գեներալ Դ. Չալխուսկուն տեղեկացնում է, որ Ամերիկյան շարունակում է Անդրկովկասը, այդ թվում նաև Հայաստանը, Ռուսաստանի հարավից մեկուսացնելու Մեծ Բրիտանիայի քաղաքականությունը: Ու. Հասկելը Հայաստանի Հանրապետություն կառավարությունից պահանջել է առանց իր գիտություն հարաբերություններ չհաստատել գեներալ Ա. Դենիկինի հետ. «...Երբ ամերիկացիները տեսնում են, որ Հայաստանը Համակրանքով է վերաբերվում Ռուսաստանին, - գրում է Մ. Զինկևիչը, - Հայերին Համոզում են, որ այլևս Ռուսաստանը մեծ տերություն չի լինի և պետք է նրա օգնության վրա հույս դնել»³⁵⁷: Գնդապետ Ու. Հասկելի առաջին քայլերը ցույց էին տալիս, որ մուտք գործելով Անդրկովկաս՝ Ամերիկյան ձգտում էր կանխել Ռուսաստանի հարավի հաստատվելը երկրամասում: Ամերիկայի այդ ավանդական քաղաքականությունը շարունակվում է առ այսօր:

Թեև Ու. Հասկելը դեմ էր, որ Հայաստանի Հանրապետության կառավարությունը հարաբերությունների մեջ մտնի Կամավորական բանակի գլխավոր հրամանատարության հետ, սակայն խորհուրդ էր տալիս Ա. Խատիսյանին օգտվել Ռուսաստանի հարավի օգնությունից³⁵⁸:

1919 թ. օգոստոսի վերջին Հայաստանի Հանրապետության ռազմաքաղաքական դրությունը էլ ավելի բարդացավ: Սեպտեմբերի 2-ին պառլամենտի 11-րդ նիստում վարչապետ և արտաքին գործերի նախարար Ա. Խատիսյանը հաղորդեց. «Հայրենիքը վտանգի մեջ է, ...անգլիական զինվորները հեռացել

³⁵⁵ ՀԱԱ, ֆ. 4-4033, ց. 6, գ. 293, ք. 43:

³⁵⁶ Նույն տեղում, ք. 41:

³⁵⁷ ГА РФ, ф. 446, оп. 2, д. 39, л. 104.

³⁵⁸ ՀԱԱ, ֆ. 7-276, ց. 1, գ. 101, ք. 90, գ. 183, ք. 39:

են»³⁵⁹: Օդոստոսի 28-ին Փարիզում Հայաստանի, Վրաստանի, Ադրբեյջանի պատվիրակությունների նախագահները դիմել էին 'Իաշնակից պետությունների գերագույն խորհրդի նախագահ Ժ. Կլեմանսոյին նշելով, որ անգլիական զինվորական առաքելության դուրս բերումը կարող է տխուր հետևանքներ ունենալ Անդրկովկասի Հանրապետությունների համար³⁶⁰: Այդ դիմումը չունեցավ որևէ դրական հետևանք: Մինչև սեպտեմբերի սկիզբը Անդրկովկասից հեռացավ անգլիական զինվորական առաքելությունը: Բաթումում կենտրոնացվեց միայն 10 հազար անգլիական զինվոր³⁶¹:

Ու. Հասկելի խոստովանումը՝ հետաձգելու անգլիական զինվորների դուրս բերումը Անդրկովկասից, նույնպես արդյունք չունեցավ, որն անշուշտ Հայաստանի քաղաքական շրջաններում անվստահության մթնոլորտ ստեղծեց նրա նկատմամբ³⁶²: Ժիշտ է, նա ուներ մեծ լիազորություններ, սակայն չունեցավ ուժ, որ կարողանար կանգնեցնել թաթարներին և թուրքերին:

Ռուսաստանի հարավի հետ պաշտոնական հարաբերությունների կարգավորման գործում որոշակի դեր խաղաց նաև Ամերիկայի կողմից հայկական մանդատի ընդունման ձգձգումը, որը Հայաստանի քաղաքական շրջաններում Ամերիկայի նկատմամբ ավելի մեծ հիասթափություն առաջացրեց: Գնեբրալ Ա. Դենիկինը տեղեկացնում է. հայերին կոտորում են ողջ Անդրկովկասում, Անատոլիայում և Կիլիկիայում, իսկ գերագույն Հանձնակատար Ու. Հասկելը իրեն դիմած հայերին պատասխանում է, որ «Հայաստանի մանդատի հարցը դեռևս լուծված չէ»³⁶³:

Այդ ժամանակ գեներալ Զ. Հարբորդի գլխավորությամբ ամերիկյան առաքելությունը ճանապարհորդեց Դիարբեքիր-էրզրում-Մուշ-Կարս-Երևան-Թիֆլիս երթուղիով՝ Հայկական հարցը էթնիկական, տնտեսական, ֆինանսական, ռազմական և այլ առումներով ուսումնասիրելու: Այդ կապակցությամբ Գ. Չախուշյանը գրում է, որ պաշտոնական Ամերիկյան գեներալ Զ. Հարբորդին ուղարկել է Հայաստանը ուսումնասիրելու, հե-

³⁵⁹ «Նոր աշխատավոր», Թիֆլիս, 7 սեպտեմբերի, 1919:

³⁶⁰ «Յառաջ», Ե., 23 հոկտեմբերի, 1919:

³⁶¹ ՉԱԱ, ֆ. Պ-276, ց. 1, գ. 101, ք. 92, գ. 183, ք. 36:

³⁶² ГА РФ, ф. 446, оп. 2, д. 34, л. 79.

³⁶³ ГА РФ, ф. 446, оп. 2, д. 39, л. 104. Деникин А., Очерки русской смуты: В 3 книгах.- Книга 3 / т. 4, т. 5, Вооруженные силы Юга России, с. 251.

տազոտելու, որպեսզի կարելի լիներ որոշել մանդատի հարցը: Այդ հարցը. «...Առաջուց արդեն որոշված էր բացասական կերպով Ամերիկայի կողմից: Զորավարի հանձնարարությունը մի խաղ էր, կեղծիք, միանգամայն անպատվաբեր մեծ պետություն համար: Երեք-չորս շաբաթվա մեջ գորավարը սլաքի պես ծայրից ծայր անցավ ամբողջ Անատոլիան, և մանդատի հարցը ջուրը ընկավ: Այսպես պաշտոնական Ամերիկան միայն վնասեց գործին: Նա գրդոնեց միայն մեր ճաշակը: Տվեց մեզ հույսեր: Ավելի օգտակար էր մեզ համար, եթե ունայն սին հույսերով չտարվեինք և չօրորվեինք»³⁶⁴: Այսքանից հետո Հայաստանի Հանրապետության կառավարության շրջանակներում, բնականաբար, ուժեղացավ Ռուսաստանի հարավի հետ պաշտոնական հարաբերությունները վերականգնելու ձգտումը:

1919 թ. սեպտեմբերի 17-ին Անդրկովկասի դաշնակցային բարձրագույն հրամանատարությունը կից Ռուսաստանի հարավի զինված ուժերի գլխավոր հրամանատարի ներկայացուցիչը Կամավորական բանակի վարչության պետին ուղղած հույժ գաղտնի նամակ-ղեկույցում հաղորդում էր, որ Հայաստանի Հանրապետությունում նկատվում է ռուսական կողմնորոշման ուժեղացում: Հայաստանի Հանրապետության քաղաքական շրջանները անթաքույց բախվում են իրականության հետ, գիտակցում երկրի անվտանգության, անկախության գործընթացի իրականացման դժվարությունը, բարդությունը և հարկադրաբար գիմում են այս կամ այն եվրոսլական հզոր տերության, Ամերիկային՝ ակնկալելով նրանց օգնությունը: Սակայն Հայաստանի Հանրապետության իշխանությունները ակնհայտորեն արտահայտեցին իրենց հիասթափությունը նրանց նկատմամբ և հակվեցին դեպի «...Ամենահավատարիմ հովանավորն ու պաշտպանը»³⁶⁵ (Ռուսաստանը): Եկել է հայերի համակրանքը շահելու պահը: Պետք է այն օգտագործել նրանց հասկացնելու, որ Ռուսաստանը միշտ եղել է հայերի միակ անշահախնդիր պաշտպանը և այդպիսին կլինի նաև ապագայում»³⁶⁶:

1919 թ. օգոստոսին Հայաստանի Հանրապետության կառավարության հանձնարարությամբ Եկատերինոդար մեկնեց հայկական բանակի գլխավոր շտաբի պետ գնդապետ Մ. Զինկեիչը՝ Ռուսաստանի հարավի զինված ուժերի գլխավոր հրա-

³⁶⁴ ՀԱՍ, ֆ. Կ-4033, ց. 6, գ. 293, ք. 43-44:

³⁶⁵ ГАРФ, ф. 446, оп. 2, д. 34, л. 96-98.

³⁶⁶ ՆուՆ տեղում, ք. 96:

մանատարութեան և «Հատուկ խորհրդակցութեան» հետ հարաբերութիւնները կարգավորելու խնդրով³⁶⁷: Ինչպես հայտնի է, դնդապետ Մ. Զինկեիչը ուսական բարձրաստիճան սպա էր, որ դարձել էր Հայաստանի Հանրապետութեան ղինված ուժերի գլխավոր շտաբի պետ: Հանրապետութեան ղեկավար շրջանները գնացել էին այդ ղեկմանագիտական քայլին նրան էին ուղարկել նկատի ունենալով, որ գնդապետն ուներ մեծ փորձ ու հարուստ գիտելիքներ, որոնք կարող էին օգտակար լինել հայկական բանակին: Բացի դրանից այդ քայլով ամրապնդվում էր կապը Ռուսաստանի հարավի ղինված ուժերի գլխավոր հրամանատարութեան հետ: Փաստորեն, Մ. Զինկեիչը հանդես էր գալիս որպես գեներալիստի բանակի ոչ պաշտոնական ներկայացուցիչ Հայաստանի Հանրապետութիւնում:

Նոր պայմաններում, օգտվելով Հայաստանի Հանրապետութիւնում ստեղծված բարենպաստ իրավիճակից, ռուսական կողմը գնդապետին նշանակեց Հանրապետութեան կառավարութեանը կից իր պաշտոնական ներկայացուցիչը: Գեներալ Ա. Դենիկինը տեղակացնում է, որ օգոստոսին Եկատերինոզար ժամանեց հայկական բանակի գլխավոր շտաբի պետ գնդապետ Մ. Զինկեիչը: Նա Երևան վերադարձավ որպես Ռուսաստանի հարավի ղինված ուժերի ներկայացուցիչ³⁶⁸: Վահե Արծրունին դրում է, որ «Կսպասուէր, որ ան գար (Մ. Զինկեիչ - Գ.Պ.) եւ նորէն շարունակէր իր ծառայութիւնը Հայաստանի Հանրապետութեան: Եկաւ, բայց ոչ ակնկալուած նպատակովը: Խորհրդարանի շենքին մէկ սենեակէն ծայր տուաւ խլացուցիչ երգ մը: Խորհրդարանի փոխնախագահ Ս.Տիգրանեան եւ քանի մը ուրիշները աճապարեցին դէպի հոն, ստուգելու համար, թէ ինչ էր պատահած: Հասնելով դրան վրայ՝ շփոթուած տեսան ահագին թուով սպաներ, որոնք ոգեշունչ կերպով կերգէին «Բոժէ, ցարեա խրանի» («Տէր, պահէ Արքան») ցարի երգը: Ի դուր Ս.Տիգրանեանը սաստեց եւ Խորհրդարանի անունով սպառնաց հայ սպաներուն: Ընդհակառակն, քանի ան աւելի լուրջ բնոյթ տուաւ իր սպառնալիքին, սպաներն աւելի ոգեւորուած երգեցին ցարական պաշտօնական երգը: Ինչ էր պատահած: Զինգեիչ այն օրը կսպասուէր Երեւանում: Հայ սպաները գիտէին, որ ան պիտի գար, ան ալ ոչ որպէս իր մասնաւոր ա-

³⁶⁷ РГАСПИ, ф. 71, оп. 35, д. 195, л. 205-206:

³⁶⁸ Деникин А., Очерки русской смуты: В 3 книгах. Книга 3, т. 4, т. 5, Вооруженные силы Юга России, с. 253.

ուաքելութիւնը կատարած, իր ղործին վերադարձող հայկական պաշտօնեայ մը: Մեր կառավարութեանն անկախ, անոնք գիտէին, որ ան կուգար որպէս զօրավար Դէնկեիինի դիւանագիտական ներկայացուցիչը Հայաստանի կառավարութեան մօտ: Հայ կառավարութիւնը անտեղեակ էր այն բանէն, մինչդեռ հայ սպայութիւնը գիտակցօրէն անոր առաքելութիւնը կը տօնէր դեռ ան չժամանած»³⁶⁹:

1919 թ. օգոստոսի 28-ին Ռուսաստանի հարավի Կամավորական բանակի գլխավոր հրամանատարի օգնական և ռազմական վարչութեան պետ գեներալ Ա. Լուկոմսկու ստորադրութեամբ գնդապետ Մ. Զինկեիչին հանձնվել էր N 3703 վկայական, որում ասվում էր, որ նա գործուղվում է Երևան որպէս Հայաստանի Հանրապետութեան կառավարութեանը կից Ռուսաստանի հարավի զինված ուժերի գլխավոր հրամանատարի զինվորական ներկայացուցիչ: Նա լիազօրված է Հայաստանի Հանրապետութեան կառավարութեան հետ բանակցութիւններ վարել բոլոր հարցերով³⁷⁰: Սեպտեմբերի 26-ին Վրաստանում Հայաստանի Հանրապետութեան դիվանագիտական ներկայացուցչութիւնը Նախարարների խորհուրդ հանձնեց գնդապետ Մ. Զինկեիչի վկայականը³⁷¹: Հաջորդ օրը սեպտեմբերի 27-ին, Նախարարների խորհուրդը Հայտնեց իր համաձայնութիւնը³⁷²: Այդ մասին տեղեկացվեց նաև գեներալ Ա. Դենիկինը³⁷³: Հոկտեմբերի սկզբներին գնդապետ Մ. Զինկեիչը իրեն ուղեկցող հինգ սպաների և ենթասպաների հետ վերադարձավ Երևան³⁷⁴: Գեներալ Ա. Դենիկինն իր շնորհակալութիւնը Հայտնեց Հայաստանի Հանրապետութեան իշխանութիւններին Ռուսաստանի հարավի ներկայացուցիչ գնդապետ Մ. Զինկեիչին ընդգծված հանդիսավորութեամբ դիմավորելու համար³⁷⁵:

Ա. Խատիսյանին իր վկայականը հանձնելու ժամանակ Մ. Զինկեիչը Հայտնեց, որ

³⁶⁹ Վահէ Արծրունի, նշված. աշխատ., էջ 370:

³⁷⁰ ՀԱԱ, ֆ. Դ-200, ց. 1, գ. 164, ք. 54; ֆ. 276, ց. 1, գ. 188, ք. 1, 3:

³⁷¹ Նույն տեղում, ք. 53; ֆ. 276, ց. 1, գ. 188, ք. 2:

³⁷² Նույն տեղում, ֆ. Դ-199, ց. 1, գ. 142, ք. 72, գ. 43, ք. 215; ֆ. 200, ց. 1, գ. 22, ք. 227:

³⁷³ ГА РФ, ф. 446, оп. 2, д. 34, л. 96.

³⁷⁴ ՀԱԱ, ֆ. Դ-200, ց. 1, գ. 164, ք. 53; ֆ. 276, ց. 1, գ. 188, ք. 2:

³⁷⁵ Деникин А., Очерки русской смуты: В 3 книгах. Книга 3, т. 4, т. 5, Вооруженные силы Юга России, с. 253.

1. Գեներալ Ա. Դենիկինը հարգանքով է վերաբերվում հայությանը, որը բարյացակամ վերաբերմունք ունի ռուսներին ե. Ռուսաստանի նկատմամբ:
2. Գլխավոր հրամանատարին հայտնի են հայերի ներգրու-մը 1918 թ. Կովկասյան ռազմաճակատից ռուս զինվոր-ների ապահով հայրենիք հեռանալու ժամանակ:
3. Ա. Դենիկինին հայտնի է նաև Հայաստանի Հանրապե-տության ներքին ու արտաքին ծանր իրավիճակը³⁷⁶:

Ռուսաստանի հարավի զինվորական ներկայացուցիչը իր վկայականը հանձնեց այն ժամանակ, երբ Երևանում ընթա-նում էր ՀԾԴ 9-րդ Ընդհանուր ժողովը (27 սեպտեմբեր - 2 նո-յեմբեր): Հանրապետության արտաքին քաղաքական խնդիրնե-րին անդրադառնալիս Ընդհանուր ժողովը որոշեց. «Ա. Հայաս-տանի արտաքին քաղաքականութեան առանցքը պիտի կազմէ միացեալ Հայաստանի անկախութիւնը օտար պետութիւններին ճանաչել տալու եւ ապահովելու մտահոգութիւնը: Գ. Դաշնա-կից պետութիւններու հանդէպ պէտք է պահել մինչև այժմ եղած բարեկամական հարաբերութիւնը: Դ. Ներկա քաղաքա-կան-տնտեսական-քաղաքակրթական յանդամանքներուն մէջ Ընդհ. ժողովը ցանկալի կհամարէ որ դաշնակից պետութիւննե-րու յատուկ մանդատով ժամանակաւորապէս հոգատարութեան տակ առնուի Հայաստանը»³⁷⁷:

Ռուսաստանի հետ հարաբերությունների հարցը քննարկե-լիս Ընդհանուր ժողովը կարևորեց բարեկամական հարաբե-րությունների պահպանումը Ռուսաստանի հետ: 1919 թ. հոկ-տեմբերին Մ. Ջինկելիչը Անդրկովկասում գլխավոր հրամանա-տարի ներկայացուցչին ուղղած զեկուցագրում տեղեկացնում է, որ երկու ամիս առաջ Հայ հեղափոխական դաշնակցությու-նը գրեթե միաբան էր Ամերիկայի հովանավորությունը ընդու-նելուն, իսկ այժմ հիասթափված է, դա մեծ հեռանկարներ է խոստանում Ռուսաստանին³⁷⁸: Ժողովը որոշեց. «Ե. Լիակատար բարեացակամ վերաբերում ունենալով հանդերձ դեպի ռուս ժո-ղովուրդն ու Ռուսաստանի քաղաքական վերածնությունը, մեր

³⁷⁶ ԳԱՐՓ, փ. 446, օտ. 2, Ժ. 39, յ. 95-96.

³⁷⁷ Բաղվածքներ ՀԾԴ. 9-րդ Ընդհանուր ժողովի որոշումներից, Ե., 1920, էջ 5-6; Տե՛ս նաև Հակոբյան Ա., ՀԾԴ Ընդհանուր ժողովը, Ե., 1994, էջ 30-32:

³⁷⁸ ԳԱՐՓ, փ. 446, օտ. 2, Ժ. 39, յ. 95.

դիւանագիտութիւնը պետք է դիմադրէ Ռուսաստանում գոյութիւն ունեցող կառավարութիւններու փորձերուն տարածելու Ռուսական իշխանութիւնը նախկին Ռուսահայաստանի վրա, և առպէստով անհնարին դարձնելու Հայաստանի ամբողջացման դործը»³⁷⁹ (ընդգծումը մերն է, - Գ.Պ.):

Ռուսաստանի հարավի հետ պաշտոնական հարաբերությունների վերականգնումը նոր թափ հաղորդեց Հայ գաղթականության, Կամավորական բանակում ծառայող Հայ զինվորների Հայրենադարձության կազմակերպմանը, հայկական բանակին զենքի, զինամթերքի մատակարարմանը, ինչպես նաև առևտրատնտեսական հարաբերությունների հաստատմանը:

Կամավորական բանակի և նրան կից «Հատուկ խորհրդակցության» հետ պաշտոնական հարաբերությունները վերականգնելուց հետո Հայաստանի Հանրապետության կառավարությունը դարձյալ վարեց նրա նկատմամբ խիստ զգուշավոր քաղաքականութիւն. փորձում էր դիվանագիտական հնարքներով խուսափել Կամավորական բանակի հետ քաղաքական առճակատումներից և վերջինիս օգնությամբ ապահովել երկրի անվտանգութիւնը: Բանն այն էր, որ Ա. Դենիկինը հավատարիմ իր «Միասնական, անբաժանելի Ռուսաստան» քաղաքական ծրագրին, պայքարում էր վերականգնել նախկին Ռուսական կայսրության տարածքները 1914թ. սահմաններով, իսկ Հայաստանի Հանրապետութիւնը անդրդվելի էր պահպանելու իր անկախութիւնը:

1919 թ. դեկտեմբերի 6-ին Փարիզում ռուսական «Հատուկ քաղաքական խորհրդակցության» և նրա դեսպանական խորհրդի հրավերով տեղի ունեցավ Ա. Ահարոնյանի և Հ. Օհանջանյանի հանդիպումը Դ. Չայկովսկու հետ: Հանդիպման նպատակը դարձյալ «ռուսներին միանալ ցանկացող ազգերի» ժողովներին մասնակցության հարցն էր: Ա. Ահարոնյանը նրան պատասխանեց, որ անկախ Հայաստանը «...թուրանական ծովի մէջ միայն եւ միայն Ռուսաստանն ունի որպէս յենարան: Բայց եւ ստիպուած ենք չմասնակցել «ռուսներին միանալ ցանկացող ազգերի» ժողովներին, քանի որ մենք այսուհետեւ անկարող ենք Ռուսաստանին միանալ այն պարզ պատճառով, որ մենք արդէն իսկ միացած ենք թիւրքաց Հայաստանին եւ այդ հիմքով է որ պաշտպանել ենք ու պաշտպանում ենք մեր

³⁷⁹ Քաղվածքներ Գ.Յ.Ղ. 9-րդ Ընդհանուր ժողովի որոշումներից, էջ 5-6; Տե՛ս նաև Հակոբյան Ա., ԳՅԴ Ընդհանուր ժողովը, էջ 30-32:

դատը Conference-ի առաջ: Գրեթէ ամբողջ մի ասարի մեղ Թիւրքաց Հայաստանին միացած յայտարարելուց յետո, այժմ գալ եւ մենակ մասնակցել այդպիսի ժողովի, գա կը լինէր համազօր վերջին սլահուն մեր հայրենիքի խոշոր մասից, Թիւրքաց Հայաստանից հրաժարելուն, ինչ որ դուք, Պ.Չայկովսկին, մեզնից չէք սլահանջի եւ մենք էլ յանձն առնել չենք կարող: Մենք այսուհետեւ կարող ենք եւ սլետք ենք քաշնակից լինել Ռուսաստանին, րայց ոչ թէ միանալ նրան»³⁰⁷:

Խնդրի շուրջ ռուսական քաղաքական շրջաններում գոյութիւն ունեին տարակարծութիւններ: 1919 թ. դեկտեմբերի 13-ին Փարիզից Ա.Դենիկինին ուղղած նամակում ռուսական ղեսսական խորհրդի անդամ Բ. Սավինկովը գրում է. Կովկասի «...նշանակութիւնը մեզ համար պարզ է, այն առանձնապես մեծ է, քանի դեռ բոլշեակների հետ պայքարի մեջ ենք եւ Կամավորական բանակին անհրաժեշտ է թիկունքն ապահովել: Մենք Կովկասում դեռեւս հավատարիմ բարեկամներ ունենք հանձինս հայերի, որոնցից, սակայն, մենք օգտվել չկարողացանք եւ որոնց մենք աստիճանաբար կորցնում ենք: Հայաստանի հետ (որին աջակցում է Ամերիկան) անհրաժեշտ է բանակցութիւնների մեջ մտնել եւ հասնել համաձայնութիւն, խոստանալով լայն ինքնավարութիւն. Հայաստանի հետ համաձայնութիւնը կհանգեցնի համաձայնութիւն Ադրբեջանի հետ, իսկ Վրաստանը, որը նույն դերն է խաղում, ինչ էստոնիան Հյուսիսում, վերջինիս նման չի կարող մեզ միայնակ դիմագորավել»³⁸¹:

Այսպիսով, գալիս ենք այն համոզման, որ թե՛ Հայաստանի Հանրապետութիւն կառավարութիւնը եւ թե՛ Ռուսաստանի հարավը, ելնելով տարբեր դրդապատճառներից, ձգտում էին վերականգնել պաշտոնական հարաբերութիւնները: Հայաստանի Հանրապետութիւն կառավարութիւնը ելնելով «երկաթե օղակում» հայտնված երկրի անվտանգութիւնից եւ այլ պատճառներից՝ 1919 թ. օգոստոսին վերականգնեց պաշտոնական հարաբերութիւնները Ռուսաստանի հարավի գինված ուժերի գլխավոր հրամանատարութիւն եւ նրան կից «Հատուկ խորհրդակցութիւն» հետ: Դեռ 1919 թ. հունվարին Եկատերինոգորում էր Հայաստանի Հանրապետութիւն դիվանագիական ներ-

³⁸⁰ Սհարոնյան Ա., նշվ. աշխ., էջ 32:

³⁸¹ ГАРФ, ф. 5827, оп. 1, д. 160, л.1-2; St'u Gwal Россия антибольше-
витская из белогвардейских и эмигрантских архивов, М., 1995, с. 353.

կայացուցիչ Հովհաննես Սաղաթելյանը, որը, սակայն, լիազորված չէր քննարկել քաղաքական հարցեր Ռուսաստանի հարավի հետ:

Ռուսաստանի հարավն էլ «Միասնական, անբաժանելի Ռուսաստան» ստեղծելու հեռահար նպատակներից ելնելով ձգտում էր վերականգնել պաշտոնական հարաբերությունները Հայաստանի Հանրապետության հետ իրազործելու Անդրկովկասի վերամիավորումը Ռուսաստանի հարավին: Մ. Ջինկևիչի նշանակումը Ռուսաստանի հարավի գլխավորական ներկայացուցիչ արդեն նշանակում էր նրանց միջև պաշտոնական հարաբերությունների վերականգնում:

GEGHAM PETROSYAN
EREVAN STATE UNIVERSITY

MILITARY-POLITICAL STATE OF THE REPUBLIC OF ARMENIA.
RESTORATION OF RELATIONS WITH THE SOUTH OF RUSSIA
(JUNE-DECEMBER, 1919)

Summary

After accepting the Declaration of the Independence of the United Armenia the official relations with the general command of the Voluntary Army were cooled because A. Denikin did not want to recognize the Independence of Armenia which contradicted his strategy of the restoration of the Russian Empire.

In the middle of 1919 the international state of the Republic of Armenia became aggravated thus serious threats appeared. The Republic of Armenia, appearing within "the iron" ring, had looked for the outside support, trying to centralize its diplomatic efforts to restore relations with the South of Russia.

In that respect General A. Denikin wrote that "in September "the orientation" of the Republic of Armenia again changed and consequently changed its position towards us". On the one hand, A. Denikin wanted to restore the former territories of the Russian

Empire within the boundaries of 1914. on the other hand. the Republic of Armenia wished to preserve its independence.

In January 1919 the diplomatic representative of the Republic of Armenia Hovhannes Saghatelyan arrived in Ekaterinodar but he had not been commissioned to discuss political questions with the head-quarter of the South of Russia.

The government of the Republic of Armenia and the head-quarter of the South of Russia tried to restore their diplomatic relations. General A.Denikin wrote: "It is necessary to start negotiations with Armenia (which is supported by the United States) and achieve an agreement through promising wide autonomy. The agreement with Armenia will result in the agreement with Azerbaijan. As far as it concerns Georgia, which plays the same role as Estonia in the North, will not be able to oppose us alone, like the latter."

In August 1919 the Republic of Armenia restored official relations with the head-quarter of the military forces of the South of Russia (together with "Special counsel"). After the establishment of the official relations between them the government of the Republic of Armenia again carried out cautious policy, trying to escape political confrontation with the Voluntary Army and protect the security of the country by its help.

In its turn, proceeding from the perspective of the creation of "United, indivisible Russia," the South of Russia desired to establish official relations with the Republic of Armenia in order to integrate Transcaucasia with the South of Russia.

ԿԻԼԻԿԻԱՅԻ ՀԱՐՑԸ 1920 Թ. ՍԵՎՐԻ ՊԱՅՄԱՆԱԳՐԻՑ ՀԵՏՈ

1920 թ. օգոստոսի 10-ին Փարիզի Սևր արվարձանում հաշտության պայմանագիր կնքվեց Առաջին համաշխարհային պատերազմում հաղթած Դաշնակից պետությունների և պարտված Օսմանյան կայսրության միջև: Սևրի պայմանագրի համաձայն Հայաստանի և Թուրքիայի վերջնական սահմանագիծը որոշելու էր ԱՄՆ նախագահ Վ. Վիլսոնը և այն անցնելու էր Տրապիզոնի, էրզրումի, Բիթլիսի, Վանի վիլայեթներով³⁸²: Սակայն այդ պայմանագիրը արդեն ուշացած էր, և նրա պայմանները իրականություն դարձնելու հնարավորություն չկար: Ու. Չերչիլը Սևրի պայմանագրի մասին նշում էր. «13 ամիս նախապատրաստվող այդ փաստաթուղթը հնացավ ավելի շուտ, քան պատրաստ էր»³⁸³:

Պայմանագիրը խանդավառություն բերողն էր հայերի կողմից, քանի որ Հայաստանին տրվեցին հետագա զարգացման համար անհրաժեշտ կենսատարածքներ և ծովային ելք: Բայց, միևնույն ժամանակ հայկական ընդարձակ տարածքներ թողնվեցին թուրքերին, այդ թվում՝ Կիլիկիան, ուր վերադարձել և նոր կյանք էին սկսել տասնյակ հազարավոր հայեր հավատարմ Ծրանսիայի խոստումներին:

Հայ ազգային պատվիրակության նախագահ Պ. Նուբար փաշային թույլ չտրվեց ստորագրել Սևրի պայմանագիրը: Ազգային պատվիրակության նախագահը մամուլին տված հայտարարության³⁸⁴ և կաթողիկոսին ուղարկած նամակի³⁸⁵ մեջ պարզաբանեց, որ ինքը հրավիրված է եղել ստորագրելու, սակայն թուրքական պատվիրակության բողոքի հետևանքով վերջին պահին որոշվել է, որ ինքը չստորագրի, քանի որ ներկայացնում էր արևմտահայերին և ոչ թե որևէ կազմակերպված պետության:

³⁸² Հայաստանը միջազգային դիվանագիտության և սովետական արտաքին քաղաքականության փաստաթղթերում (1828-1923), Ձ. Կիրակոսյանի խմբագրությամբ, Ե., 1972, էջ 676-677:

³⁸³ Կերպուսե Բ., Μυροβού κρυσις, Μ.-Λ., 1932, с. 258.

³⁸⁴ «Վերածնունդ», 1920, օգոստոսի 21, թիւ 32-33, էջ 523:

³⁸⁵ ՀԱԱ, ֆ. 57, ց. 5, գ. 224, թ. 2:

Պ. Նուրարը, չստորագրելով պայմանագիրը, ազատութ-
յուն փոստացավ բողոքելու այն հոգևածների դեմ, որոնք էջին
համապատասխանում հայկական շահերին: Արդեն 1920 թ.
օգոստոսի 14-ին Պ. Նուրարը բողոքի նոտա հղեց Խաղաղութ-
յան վեհաժողովի նախագահ Ֆ. Միլերանին՝ Կիլիկիան և Խար-
բերզը թուրքերին թողնելու առթիվ: Նա պահանջեց այդ տա-
րածքները հանձնել Ֆրանսիայի հովանավորութայանը և նշեց,
որ Հայ ազգային պատվիրակությունը չի դադարելու պահան-
ջել այդ տարածքները³⁸⁶:

Պ. Նուրարի բողոքի նոտան անուշադրութայան
մատնվեց: Հետագա դեպքերը ողբերգական զարգացումներ ու-
նեցան մեր ժողովրդի համար: Հզորացած քեմալական թուրքի-
ան որոշեց պատերազմի միջոցով լուծել Հայկական հարցը:
Թուրքերը ձեռք բերեցին նաև հզոր դաշնակից հանձինս հա-
մաշխարհային հեղափոխութայան անիրական հովերով տարված
բոլշևիկյան Ռուսաստանի: 1920 թ. հայ-թուրքական պատե-
րազմում Հայաստանի պարտութունը, փաստորեն, ոչ միայն
նախապայմաններ ստեղծեց Սևրի պայմանագրի հայանպաստ
հոգևածների չիրականացման համար, այլև Հայաստանի տա-
րածքը սահմանափակեց Ալեքսանդրապոլի նվաստացուցիչ
պայմանագրի հաստատած սահմաններով:

Այդ պայմաններում ավելի էր մեծանում Կիլիկիայում
Ֆրանսիայի հովանավորութայան ներքո ինքնավարութուն
ձեռք բերելու և արեմտահայկական բեկորներին այնտեղ հա-
մախմբելու ձգտումը: Այսպիսով, Պ. Նուրարը որոշեց շարու-
նակել Ազգային պատվիրակութայան գործունեութունը և
պաշտպանել Կիլիկիայի հայութայան շահերը:

Իսկ Կիլիկիայում այս ընթացքում տեղի էին ունենում
ողբերգական իրադարձութուններ: Ֆրանսիան պատերազմի
տարիներին, երբ փոքր ժողովուրդների օժանդակութայան կա-
րիքն ուներ, հայերին ինքնավարութուն էր խոստանում, սա-
կայն պատերազմի հաղթական ավարտից հետո փոխեց իր քա-
ղաքականութունը:

Կ. Պոլսի ֆրանսիական «Բոսֆոր» պարբերականի
խմբագիր Միշել Փայարեսը իր "Le Kemalisme Devante les
Allies" գրքում վկայում է, որ պատերազմից հետո Ֆրանսիայի
բարձրաստիճան քաղաքացիական և զինվորական պաշտոնյա-

³⁸⁶ Նույն տեղում, թ. 12: Նաև՝ «Հայրենիք» օրաթերթ, 1920, հոկտեմբեր
6, թիւ 2566:

ները իրեն խորհուրդ էին տալիս պաշտպանել թուրքերին, քանի որ ըստ նրանց «հայերն ու յոյները պիտի դառնան Քրանսացիներու ամէնէն ուժեղ մրցակիցները Մերձաւոր Արևելքի առևտրական հրապարակին վրայ»³⁸⁷ :

Ֆրանսիան նաև դժգոհ էր Կիլիկիան Հայաստանին միացնելու հայերի ձգտումներից և այդ տնտեսական ու քաղաքական դրդապատճառներից ելնելով սկսեց վարել հակահայկական քաղաքականութիւն: Սկզբնական շրջանում, երբ Կիլիկիան գրավվեց ու պահվում էր Հայկական լեզեոնի ուժերով, Ֆրանսիան բարյացակամ էր հայերի հանդեպ, սակայն 1919 թ. աշնանից, երբ Ֆրանսիական զորքերը մտան այդ երկրամաս, սկսվեց Հայկական լեզեոնը ցրելու գործընթացը և թուրքերին սիրաշահելու քաղաքականութիւնը:

Հետաքրքիր է նշել, որ դեռևս 1918 թ. վերջերին, Հալեպում, Հայ Ազգային միութիւնի կազմակերպած երեկույթում անգլիական նշանավոր պետական գործիչ Մ. Սայքսը նախազգուշացրեց. «Եթէ դուք հայերը ձեր սեփական ուժերով Կիլիկիոյ գրաւումը, որպէս կատարուած իրողութիւն, դաշնակիցներուն առջեւ չի դնեք, մի սպասէք, որ անոնք այդ երկիրը ձեզ պիտի թողուն»³⁸⁸: Սակայն մեր ժողովուրդը չհետևեց այդ խորհրդին և սպասեց մինչև վերջնական հիասթափութիւնն ապրելը:

Ինչպես նշում է Հայ կամավորներից մեկը, չնայած Քրանսիացիները խիստ հակողութիւն էին սահմանել Հայկական լեզեոնի վրա և հայերի դեմ անօրինականութիւններ էին թույլ տալիս, սակայն իրենք համակերպվում էին, քանի որ «չհնազանդուելու պարագային ապստամբ պիտի նկատուեինք ու եղած դեզեզիկ խոստումները ի դերեւ ելլալու պատճառ դառնայինք»³⁸⁹:

Հայերի հանդեպ վերաբերմունքն ավելի վատացավ, երբ Սիրիայի և Կիլիկիայի Ֆրանսիական բարձր կոմիսարի պաշտոնում Ժ. Պիկոյին փոխարինեց գեներալ Գուրոն: Արդեն 1919 թ. դեկտեմբերի 17-ի հրամանով Ֆրանսիայի ռազմական նախա-

³⁸⁷ Ամատունի Յ., Մեր յարաբերութիւնները դաշնակիցներուն հետ, «Հայրենիք» ամսագիր, Պոսթըն, 1941, թիւ 7 (223), էջ 101:

³⁸⁸ Նաթանեան Մ., Նիւթեր ժամանակակից պատմութեան համար: Ինչ պատրուակով Կիլիկիան կրկին թուրքերուն տրուեցաւ, «Պայքար», Բոստոն, 1950, էջ 81:

³⁸⁹ Թաթարեան Մ., Կամաւորի մը յուշերը, Անթիլիաս, 1960, էջ 22:

րարր Արեւելքի ֆրանսիական զորքերի հրամանատարին արգելեց Հայկական լեգեոնում երկու նոր գումարտակներ կազմավարելու գործընթացը ե. առաջարկեց թողնել միայն երկու Հայկական գումարտակ, դրա փոխարեն մեծացնել սիրիականը և կաղմել մեկ գումարտակ թուրքերից ու քրդերից³⁹⁰: Հալսպում Հայկական լեգեոնին կամավորագրվելու համար դիմել էին 2.000 երիտասարդներ, որոնցից 750-ը ոտքով Ադանա էին տեղափոխվել, սակայն նրանց չզինվորագրեցին, նույնը եղավ Կ. Պոլսից ուղարկված 600 կամավորների ճակատագիրը³⁹¹:

1920 թ. ապրիլի 22-ին Արեւելքի բանակի ընդհանուր հրամանատարը հեռագրեց Կիլիկիայի շրջանի հրամանատարին՝ երկու Հայկական գումարտակները վերածել մեկի: Իսկ մայիսի 1-ին Արեւելքի ընդհանուր հրամանատարը հրահանգեց սկսել Հայկական լեգեոնի վերջին գումարտակի լուծարումը³⁹²: Զորացրումը հետաձգվեց միայն այն պատճառով, որ Հայկական լեգեոնը գտնվում էր Զիհանում՝ շրջապատված թշնամու կողմից և կտրված Ադանայից: Օգոստոսի 16-ին Կիլիկիայի հրամանատարը Ընդհանուր հրամանատարին լեգեոնի լուծարման վերջնաժամկետ առաջարկեց սեպտեմբերի 1-ը³⁹³:

Այսպիսով, ֆրանսիացիները լուծարեցին Հայկական լեգեոնը ամենավճռական պահին, երբ դրա կարիքը Կիլիկիայի հայրենիքում ամենից շատ էր զգում: Ֆրանսիան անգնե հայրենիքը հանձնեց քեմալական ջարդարանների հոշոտմանը դրժելով իր բոլոր խոստումները:

Դեռևս 1920 թ. հունվարին Պ. Նուբարը հրապարակել էր մի աշխատություն, ուր պարզաբանում էր Կիլիկիայի նախասլատերազմյան բնակչության էթնիկական կազմը: Ցույց էր տալիս, որ Կիլիկիայում մինչև պատերազմը բնակվում էին 407.000 հայեր՝ ընդդեմ 294.762 մահմեդականների, որոնցից միայն 131.000-ն էր թուրք: Իսկ զինադադարից հետո Պ. Նուբարի տվյալներով այնտեղ էին վերադարձել 130.000 հայեր³⁹⁴:

³⁹⁰ Գարամանուկեան Ա., Հայկական լեգեոնը պատմական, իրաւական ու քաղաքական հարցերու լոյսին տակ եւ վաւերագրեր, Պէյրուս, 1974, էջ 85:

³⁹¹ Լազեան Գ., Հայաստանը եւ Հայ Ղաւթը (վաւերագրեր), Գահիրէ, 1946, էջ 193:

³⁹² Գարամանուկեան Ա., նշվ. աշխ., էջ 87:

³⁹³ Նույն տեղում, էջ 88:

³⁹⁴ Nubar Boghos, The Pre-war Population of Cilicia, London, 1920.

Ֆրանսիական իշխանությունները լուրջ քայլերի չգի-
մեցին Կիլիկիայում դուրս բարձրացնող քեմալական ուժերին
դսպելու համար, որոնք հետզհետե այնքան հանդուգն դար-
ձան, որ հարձակումներ էին կատարում ոչ միայն հայերի, այլև
ֆրանսիական զորամասերի վրա:

Ինձայական ուժերը 1920 թ. սկզբին հարձակումներ
սկսեցին Մարաշի վրա, ուր բնակվում էին 20.000 հայեր: Տեղի
3.000-ոց ֆրանսիական կայազորը և 400 հայ լեգեոնականները
արժանի հակահարված տվեցին թուրքերին: Երբ թուրքերը
սպիտակ դրոշով ներկայացան ֆրանսիացիներին և հաշտութ-
յուն խնդրեցին, ֆրանսիական զորքի հրամանատարը նրանց
տեղեկացրեց, որ իրենք հեռանալու են քաղաքից: Անպաշտ-
պան թողնելով հայերին և չտեղեկացնելով, որ քաղաքը հանձ-
նում են թուրքերին, 1920 թ. փետրվարի 12-ի գիշերը ֆրան-
սիական զորքը հեռացավ Մարաշից³⁹⁵, իսկ թուրքական յաթա-
ղանին զոհ գնացին 13.000 հայեր:

1920 թ. ապրիլի 1-ից մինչև 1921 թ. փետրվարի 8-ը քե-
մալականներին հաջող դիմադրություն ցույց տվեց Այնթափը,
որի շնորհիվ տեղի 17.000 հայերը փրկվեցին կոտորածից³⁹⁶:

1920 թ. մարտից մինչև հոկտեմբերի 15-ը Հերոսական
ինքնապաշտպանություն կազմակերպեցին Հաճնի հայերը:
Ֆրանսիացիները օգնություն չուղարկեցին, իսկ հայ կամա-
վորներին թույլ չտվեցին գնալ Հաճն: Ի վերջո, թուրքերը գրա-
վեցին քաղաքը և կոտորեցին 10.000 մարդու, փրկվեցին միայն
մի քանի հարյուր հայեր, որոնք ճեղքեցին պաշարումը և հա-
սան Սիս³⁹⁷:

Սեփական ուժերի վրա հենված՝ Կիլիկիան թուրքերից
փրկելու փորձ էր 1920 թ. օգոստոսի 4-ին Ագանայում քրիս-
տոնյա համայնքների ներկայացուցիչների կողմից երկրամասի
ինքնավարության հռչակումը Ֆրանսիայի հովանու ներքո: Մ.
Տամատյանի գլխավորությամբ կազմվեց կառավարություն,
սակայն քայլն ուշացած էր, և հաջորդ օրը ֆրանսիական իշ-

³⁹⁵ Յուշամատեան Մեծ Եղեռնի 1915-1965, Խմբագիր՝ Գ. Սիարոնեան, Պէյրուօ, 1965, էջ 841:

³⁹⁶ Նույն տեղում, էջ 855-867:

³⁹⁷ Նույն տեղում, էջ 875-887:

խանությունները ցրեցին այն, իսկ կազմակերպիչներին աքսորեցին³⁹⁸:

Նրանսիան դրանից հետո այբլի ուժեղացրեց ճնշումը Հայերի վրա, ցրեց Հայկական լեգեոնի վերջին գումարտակը, Հայկական միլիցիան, ինչպես նաև Հաճնին օգնելու նպատակով կազմավորված կամավորական գունդը, իսկ քաղաքական պաշտոնները Սիրիայի և Կիլիկիայի բարձրագույն կոմիսար գեներալ Գուրոն հանձնեց թուրքերին: Գուրոն դիմեց Ֆրանսիայի արաղործնախարարուհի Սիլվիային, որպեսզի թույլատրեն Կիլիկիան հանձնել թուրքերին, սակայն նրան հրամայեցին դեռևս չդատարկել երկրամասը³⁹⁹:

Այսպիսին էր իրավիճակը, երբ Պ. Նուբարը որոշեց թուրքական գերիշխանության տակ Ֆրանսիայի հովանավորությամբ ինքնավարություն ստեղծել Կիլիկիայում: Այդ նպատակով մտադիր էր Կիլիկիա ուղարկել զորավար Անդրանիկին, որպեսզի վերջինս կազմակերպեր տեղի Հայկական ուժերը, քեմալականներից ազատագրեր Կիլիկիայի տարածքները և տերություններին կանգնեցներ «կատարուած իրողութեան մը» առաջ⁴⁰⁰, որը կդյուրացներ դիվանագիտական աշխատանքները:

1920 թ. հուլիսի 20-ին Պ. Նուբարը Կիլիկիայի Հայ ազգային միությանը ուղարկած հեռագրում տեղեկացրեց, որ Ազգային պատվիրակությունը Կիլիկիա է ուղարկում Անդրանիկին երկրամասում ինքնապաշտպանությունը կազմակերպելու⁴⁰¹: ինչպես նկատում է ակադ. Հ. Սիմոնյանը, Պ. Նուբարը, Անդրանիկը և ընդհանրապես արևմտահայերը երազում էին ունենալ իրենց ազգային պետությունը հանձին ինքնավար Կիլիկիայի Հայաստանի Հանրապետությունը համարելով ուսաստանությունը և դաշնակցության ստեղծագործությունը⁴⁰²:

Ազգային պատվիրակության նիստերում, որոնց մասնակցում էին նաև Անդրանիկն ու Ա. Զոպանյանը, քննարկվել էր հետևյալ ծրագիրը:

³⁹⁸ Ախարոնեան Գ., Մեծ երազի ճամբուն վրայ, Լոս Անճելըս, 1986, էջ 139-140:

³⁹⁹ ՀԱԱ, ֆ. 57, ց. 5, գ. 224, ք. 24:

⁴⁰⁰ Նույն տեղում, ք. 23:

⁴⁰¹ Նույն տեղում, ֆ. 370, ց. 1, գ. 68, ք. 13: Նույն տեղում, ֆ. 430, ց. 1, գ. 624, ք. 1:

⁴⁰² Սիմոնյան Հ., Անդրանիկի ժամանակը, Գիրք Բ, Ե., 1996, էջ 750:

1. Կիլիկիայում բարելավել Հայ-ֆրանսիական լարված Հարաբերութունները և Բեյրութի բարձր կոմիսարի մոտ Համակրանք ստեղծել Հայկական բաղձանքների Հանդեսը:

2. Աշխատել Սևրի պայմանագրով թուրքիային տրվելիք Կիլիկիայի տարածքները չդատարկել և Ֆրանսիայի հովանու ներքո ինքնավարութուն ձեռք բերել:

3. Բարձր կոմիսարին Համոզել, որ Անդրանիկին թուլլատրի, Կիլիկիայում քեմալականների դեմ պայքարելու Համար, կազմակերպել Հայկական զինված ուժեր⁴⁰³:

Այդ որոշումը ընդունվել էր գրող, Հասարակական գործիչ Ջ. Եսայանի Կիլիկիայից ուղարկած ընդարձակ զեկուցագրի հիման վրա⁴⁰⁴: Նա 1920 թ. սկզբին Պ. Նուբարի հրահանգով մեկնել էր Կիլիկիա՝ զբաղվելու Հայ որբերի խնամատարությամբ: Պետք է խոստովանել, որ այդ կին գործիչը ավելի լավ էր պատկերացնում և վերլուծում իրավիճակը Կիլիկիայում, քան այդ ժամանակաշրջանի մյուս ազգային-պետական գործիչները: Անդրանիկի Կիլիկիա մեկնելու թուլլտվութուն ստանալու և ֆրանսիացիների Հետ Հարաբերութունները բարելավելու Համար Պ. Նուբարը Բեյրութ, Գուերոյի մոտ ուղարկեց Ա. Չոպանյանին:

Սեպտեմբերի 20-ին Պ. Նուբարի և Անդրանիկի ստորագրութուններով կոչ հրապարակվեց: Նրանք դիմում էին բոլոր Հայերին, որպեսզի նյութական աջակցութուն ցույց տան Կիլիկիային⁴⁰⁵: Անդրանիկը մեկնեց Ջմյունուխ՝ այնտեղից Կիլիկիա անցնելու մտադրությամբ: Սակայն հոկտեմբերի 14-ին Ա. Չոպանյանը Բեյրութից հեռագրեց ազգային Հերոսին, որ Գուերոն կտրականապես դեմ է Կիլիկիայում Հայկական զորքերի կազմակերպմանը⁴⁰⁶: Անդրանիկը հոկտեմբերի 22-ին ստիպված մեկնեց Եգիպտոս՝ սպասելով Հարմար առիթի Կիլիկիա անցնելու Համար: Նոյեմբերի 18-ին Պ. Նուբարը նամակով տեղեկաց-

⁴⁰³ ՀԱԱ, ֆ. 430, ց. 1, գ. 390, ք. 1:

⁴⁰⁴ ՀՀ ԳԱԹ, Ձ. Եսայանի ֆոնդ, գ. 289, էջ 1-25:

⁴⁰⁵ ՀԱԱ, ֆ. 430, ց. 1, գ. 625, ք. 1-2: Նաև՝ Անդրանիկի և Պողոս Նուբարի նամակագրությունից (1919-1921 թթ.), «Բանբեր Հայաստանի արխիվների», 1990, թիվ 1, էջ 95-96:

⁴⁰⁶ Озаян А., Документы и материалы, «Банбեր Հայաստանի արխիվների», 1991, թիվ 1-2, էջ 369-370:

րեց Անդրանիկին, որ Ֆրանսիան մերժել է Կիլիկիայում ազգային ուժ կազմակերպելու նաև իր ջանքերը⁴⁰⁷ :

Անդրանիկը ստիպված էր վերադառնալ Ֆրանսիա: Սակայն նա թուրքերի դեմ կռվելու մեկ փորձ ևս կատարեց 1921 թ. հունիսին, երբ Պ. Նուբարին դիմեց, որ նա հունական իշխանություններից թուլլտվություն ստանա, որպեսզի ինքը կամավորական գունդ կազմակերպի և մասնակցի հույն-թուրքական պատերազմին: «Իմ մասնակցությունը որքան էլ որ համեստ լինի, - գրում էր Անդրանիկը, - նպաստելով Հունական զորքերի հաջողությանը կամ թուրքերի անհաջողությանը, չի կարող չծառայել մեր երկրի ճակատագրի բարելավմանը»⁴⁰⁸: Սակայն Պ. Նուբարը խորհուրդ չտվեց մասնակցել հույն-թուրքական պատերազմին, քանի որ տերությունները դեմ էին Զմյուռնիան պահելու հունական ձգտումներին⁴⁰⁹:

Կիլիկիայի հարցում Ֆրանսիան իր նենգ քաղաքականությունը շարունակեց նաև Սևրից հետո: Թե՛ Ֆրանսիայի վարչապետ Ժ. Լեյգը, թե՛ ԱԳՆ գլխավոր քարտուղար Ֆ. Իերտլոն շարունակում էին հայերին հավաստիացնել, որ կպաշտպանեն Կիլիկիայի քրիստոնյաներին և զորքերը դուրս էին բերի այնտեղից⁴¹⁰: Այգ հավաստիացումները նոր ուժ էին տալիս կիլիկիահայերին՝ կառչած մնալու այդ երկրամասից, որն ի վերջո մեծ կորուստների պատճառ դարձավ:

1920 թ. դեկտեմբերի 1-ին Պ. Նուբարը «Կիլիկիայի հարցի ներկա վիճակը» վերնագրով հուշագիր ներկայացրեց Ֆրանսիական կառավարութայանը⁴¹¹: Նա հիշեցնում էր, որ երբ Ֆրանսիան Արևելքում զորքերի կարիք ուներ, Ազգային պատվիրակությունը ընդառաջեց նրա խնդրանքին և կազմավորեց Հայկական լեգեոնը, որի դիմաց Ֆրանսիան Կիլիկիային ինքնավարություն էր խոստանում պատերազմից հետո: Պ. Նուբարը առաջարկում էր Կիլիկիայում ստեղծել ինքնավար քրիստոնյա վարչություն՝ Ֆրանսիայի հովանու ներքո և խառը ոստիկանություն՝ Ֆրանսիացի սպաների հրամանատարութայան ներքո: Ըստ նրա, այդ լուծումը չէր հակասի Սևրի դաշնագրին,

⁴⁰⁷ ՀԱԱ, ֆ. 430, ց. 1, գ. 624, ք. 5:

⁴⁰⁸ Նույն տեղում, ֆ. 430, ց. 1, գ. 620, ք. 2-3:

⁴⁰⁹ Նույն տեղում, ք. 4:

⁴¹⁰ Ահարոնյան Ա., Սարդարապատից մինչև Սևր և Լոզան, Ե., 2001, էջ 125-126, 128-129:

⁴¹¹ ՀԱԱ, ֆ. 412, ց. 1, գ. 2206, ք. 1-5:

կապահանգներ ֆրանսիական շահերը երկրամասում, մարդկային և նյութական նոր հատկացումներ չէին պահանջվի Ֆրանսիայից, ինչպես նաև հնարավորություն կտար խաղաղություն պահպանել Սիրիայի հյուսիսում: Նա շեշտում էր, որ միայն Կիլիկիայում ավելի մեծ տնտեսական շահեր կային, քան Ֆրանսիային անցած մերձավորարևելյան մյուս երկրամասերում միասին վերցրած:

Կիլիկիայում ինքնավարություն ստանալու քաղաքականությունը խրախուսում էին նաև անգլիացի որոշ քաղաքագետներ, որոնք անհույս էին համարում Արևմտյան Հայաստանի ազատագրումը և նույնիսկ Ազգային պատվիրակությանը մինչև Սևրի պայմանագիրը խորհուրդ էին տալիս Հայոթի բեկորները համախմբել Կիլիկիայում և ֆրանսիական մանդատի ներքո կազմել «ազգային ըոյն մը»¹¹²:

1921 թ. փետրվարի 17-ին Անգլիայի ԱԳՆ-ում կազմված մի փաստաթղթում նույնպես նախատեսվում էր Հայաստանին հանձնել միայն մինչև 1914 թ. ողու-թուրքական սահմանները, իսկ արևմտահայերին տեղավորել Կիլիկիայում, ուր պետք է ինքնավարություն տրվեր հայերին թուրքիայի գերիշխանության և Ազգերի լիգայի հովանու ներքո¹¹³:

Վերահիշյալ փաստաթղթի հեղինակներից Օսրորնը 1921 թ. փետրվարի 22-ին Ա. Ահարոնյանին խորհուրդ տվեց ձեռք քաշել Արևմտյան Հայաստանից և Կիլիկիայում պետություն հաստատելու փորձ անել: Օսրորնը նշեց, որ այդ հարցում իր հետ համամիտ է նաև Պ. Նուբարը: Սակայն անգլիացու վերջին հայտարարությունը չէր համապատասխանում իրականությանը: Նույն օրը Պ. Նուբարը Ա. Ահարոնյանին հավաստիացրեց, որ ինքը նման անհեթեթություն չի ասել: «Երբեք որևէ հայ աշխարհում չի համարձակվի հրժարվել հայկական վիլայեթներից, ես ևս առավել»¹¹⁴, - նշեց նա:

Փետրվարի 17-ին Պ. Նուբարի ֆարիզի բնակարանում տեղի ունեցավ հայկական երկու պատվիրակությունների համատեղ նիստ, ուր քննարկվեց թե ինչ դիրքորոշում պետք է հանդես բերեն Լոնդոնի կոնֆերանսում: Այդտեղ որոշվեց Լոնդոնի խորհրդաժողովից պահանջել Սևրի պայմանագրի անփո-

¹¹² ՀԱԱ, ֆ. 282, ց. 1, գ. 54, թ. 2:

¹¹³ Հայաստանը միջազգային դիվանագիտության և սովետական արտաքին քաղաքականության փաստաթղթերում (1828-1923), էջ 696:

¹¹⁴ Ահարոնյան Ա., նշվ. աշխ., էջ 144-145:

փոխ զործադրութիւնը, իսկ Կիլիկիայի Համար ինքնավարութիւն պահանջել թուրքական տիրապետութեան և Ֆրանսիայի հովանու ներքո: Որոշվեց Կիլիկիայի Ֆրանսիային անցած մասի Համար ներքին ինքնավարութիւն խնդրել Ֆրանսիայից և այդ հարցը չբարձրացնել Լոնդոնում, որպեսզի Ֆրանսիացիների դժգոհութիւնը չհարուցեն: Այդ ոգով հուշագիր կազմվեց, որը փոխանցվեց Գերագույն խորհրդին¹⁵:

Փետրվարի 26-ին Պ. Նուբարն ու Ա. Ահարոնյանը ներկայացան Լոնդոնի խորհրդաժողովին¹⁶: Նրանց ընկերակցում էին գեներալ Հ. Բագրատունին ու Ջ. Մայքուլը: Պ. Նուբարը հանդես եկավ արեւմտահայերի, իսկ Ա. Ահարոնյանը՝ արևելահայերի անունից: Հայ պատվիրակները պահանջեցին անփոփոխ պահել Սևրի դաշնագրի Հայաստանին վերաբերող հոդվածները:

Պ. Նուբարը բարձրացրեց Կիլիկիայի հարցը և խնդրեց չլքել այնտեղի 150.000 հայերին: Նշեց, որ հայերը մեծամասնութիւն են կազմում այնտեղ և պաշտոնապես դիմում են Ֆրանսիային, որպեսզի նա չլքի Կիլիկիան, ձեռք բերի վարչական ինքնավարութիւն, իսկ երկրամասի ապահովութեան համար ստեղծի խառը ժանդարմերիա քրիստոնյաներից ու մահմեդականներից: Խոսքի վերջում ավելացրեց. «Անհնար է պատկերացնել, որ մի պատերազմից հետո, որն այսքան շատ ժողովուրդների վերականգնեց իրենց երկրներում, հայերը, ովքեր սոսկալի տառապանքներ են կրել և ովքեր մարտնչել են դաշնակիցների կողքին, այն միակ ժողովուրդն են լինելու, որի համար սեփական երկրում նույնիսկ մեկ անկյուն չի կարող վերապահվել»¹⁷:

Ինչպես ժամանակը ցույց տվեց, «դաշնակիցները» արդեն հայերի կարիքը չունեին և առիթներ էին փնտրում թուրքերի հետ մերձենալու, հայերի արյունով թաթախված նրանց ձեռքը սեղմելու համար:

Մարտի 4-ին Լոնդոնի խորհրդաժողովը որոշեց փոփոխութիւններ մտցնել Սևրի պայմանագրի Հայաստանին վերաբերող մասում: Թուրքիային առաջարկվեց իր արևելյան տարածքների վրա կազմել հայկական «Ազգային տուն», որի սահ-

¹⁵ Նույն տեղում, էջ 145:

¹⁶ Հայաստանը միջազգային դիվանագիտության և սովետական արտաքին քաղաքականության փաստաթղթերում (1828-1923), էջ 697-704:

¹⁷ Նույն տեղում, էջ 700:

մանները որոշելու էր Ազգերի լիզայի կազմած Հանձնա-
ժողովը⁴¹⁸: «Լոնտոնի մէջ Հայերուն տրուելիք «Ազգային
Տուն»ը կու դար քանդելու Սէվրի մէջ տրուած «Միացեալ եւ
անկախ Հայաստան»ի օղակառոյց շէնքը»⁴¹⁹, - գրում է Ա.
Դարբինյանը: Իսկ Գ. Գալոյանը նշում է. «Լոնդոնի դաշնակ-
ցային խորհրդաժողովը ըստ էութեան չեղյալ Հայտարարեց
Սևրի պայմանագիրը, չնայած այն իր պաշտոնական ձևակեր-
պումը գտավ միայն Լոզանի խորհրդաժողովում: Դա այն
վարձն էր, որ տրվում էր քեմալականներին բուլղարական Ռու-
սաստանի դեմ պայքարելու համար, որից տուժեցին նաև հենց
իրենք՝ դաշնակիցները»⁴²⁰:

Այսպիսով, դաշնակիցները Հայերին միացյալ Հայաս-
տանի փոխարեն Լոնդոնում առաջարկեցին Ազգային տուն
կամ օջախ՝ Թուրքիայի «արևելյան վիլայեթներում»: Սակայն
այդ չափազանց համեստ ծրագիրը ևս մնաց թղթի վրա՝ Թուր-
քերի ընդդիմութեան հետևանքով: Թուրքիան, ստանալով թե՛
Ռուսաստանի, թե՛ Անտանտի աջակցութիւնը, բնականաբար
չցանկացավ որևէ փոխդիման գնալ Հայերի հետ:

1921 թ. մարտի 9-ին Ֆրանսիան և Թուրքիան համա-
ձայնագիր կնքեցին, որով Ֆրանսիական զորքերը դուրս էին
բերվելու Կիլիկիայի նույնիսկ այն շրջաններէից, որոնք Սևրի
պայմանագրով մնալու էին Ֆրանսիային: Պ. Նուբարը այդ
առթիւ բողոքեց և աջակցութեան համար դիմեց նաև ԱՄՆ-
ին⁴²¹: Սակայն տերութիւնների խարդավանքների դեմ Հայ
պատվիրակներն անզոր էին: 1921 թ. հոկտեմբերի 20-ին Անկա-
բայում ստորագրված Ֆրանս-թուրքական պայմանագրով Կի-
լիկիան վերջնականապես հանձնվեց Թուրքիային: 1921 թ.
վերջին և 1922 թ. սկզբին Ֆրանսիան զորքերը դուրս բերեց
Կիլիկիայից և տեղի Հայերը ստիպված էին փախչել իրենց
օջախներից, ուր վերադարձել էին այդ տերութեան խոստում-
ներին հավատալով: Այդ ողբերգութեան մասին Լեոն գրում է.
«Արիստիդ Բրիանի մինիստրութիւնը ծախեց Թուրքիայի հա-

⁴¹⁸ Դարբինեան Ա., Հայ ազատագրական շարժման օրերէն, Փարիզ,
1947, էջ 479-480:

⁴¹⁹ Նույն տեղում, էջ 480:

⁴²⁰ Գալոյան Գ., Հայաստանը և մեծ տերութիւնները 1917-1923 թթ., Ե.,
1999, էջ 435:

⁴²¹ ՀԱԱ, ֆ. 430, ց. 1, գ. 1013, ք. 3-4:

յությունն այնպիսի սրիկայությամբ, որպիսին կարելի է գտնել դուրս միմիայն մարդկային ամենաընկած շրջանների մեջ»^{1,2}:

Այսպիսով, Կիլիկիտյում ինքնավարութուն ստանալու ե. սևիական հայրենիքում ապրելու կիլիկիահայերի ձգտումները հանդիպեցին Ֆրանսիայի ընդդիմությանը, որը ոչ միայն չօգնեց հայերին, այլև արգելակեց սևիական ուժերով պաշտպանվելու փորձերը: Կարծում ենք, ցանկության դեպքում Ֆրանսիան կարող էր Կիլիկիան չհանձնել թուրքերին, որը օգտակար կլիներ և իր և հայերի համար, բայց պատմական իրադարձությունները զարգացան այլ ճանապարհով:

SAMVEL POGHOSYAN

Armenian State Pedagogic University

THE QUESTION OF CILICIA AFTER THE CONCLUSION OF THE SEVRES TREATY (1920)

Summary

The Treaty of Sevres had been welcomed with enthusiasm by the Armenians because some territories and a sea exit were promised which were of vital necessity.

Meanwhile extensive Armenian territories including Cilicia (tens of thousands Armenians returned home believing the promises of France) were left to Turks.

On March 4, 1921 at the Conference in London the Allies decided to make changes in the Treaty of Sevres concerning Armenia and offered Turkey to form "the Armenian National home" in "its eastern territories". The borders of "the National home" had to be settled by the League of Nations.

A. Darbinyan noted that "National home" had been coming to destroy the ethereal edifice of "the United and independent Armenia." G. Galoyan wrote: "The London Conference of the

⁴²² Լեոն, Անցյալից, Գուշեր, թղթեր, դատումներ, Թիֆլիս, 1925, էջ 269:

Allies, in fact, annulled the Treaty of Sevres notwithstanding the fact that it was officially formulated at the Conference of Lausanne (July 24, 1923).”

Thus, the Armenians were offered “the National home or hearth” in the “eastern vilayets” of Turkey. i.e. in Western Armenia. Even this project remained only on paper because of the Turkish opposition which was supported by Soviet Russia and the Entente.

According to an agreement (March 9) signed by France and Turkey, the French troops were going to leave even those territories of Cilicia which had been left under French control by the Treaty of Sevres. Poghos Nubar protested and asked not to abandon the fate of 150. 000 Armenians living in Cilicia. He even appealed to the US for support. But the Armenian delegation was helpless to oppose the intrigues of the Great Powers.

On October 20, 1921 Cilicia was finally given to Turkey by the French-Turkic treaty. The French troops left Cilicia (the end of 1921 and the beginning of 1922) and native Armenians had to leave their homes.

The author of the article supposes that France could preserve Cilicia, without ceding it to Turks, and it would be useful both for France and the Armenians but historic events continued in other direction.

ՀԱՅԱՍՏԱՆԸ ԱՆԴՐՖԵԴԵՐԱՑԻԱՅԻ ԵՎ ԽՍՀՄ
ԿԱԶՄԱՎՈՐՄԱՆ ԳՈՐԾԸ ԹԱՑՈՒՄ
1921-1922 ԹՎ ԱԿԱՆՆԵՐԻՆ

Ռուսական նախկին կայսրության տարածքի մեծ մասում 1917-1921 թթ. առաջացած խորհրդային ազգային հանրապետությունների փոխհարաբերությունների հարցը խորհրդային Ռուսաստանի իշխանությունները հատուկ քննարկման առարկա դարձրին 1921 թ. մարտի 8-16-ը Մոսկվայում հրավիրված ՌԿ/ԲԿ 10-րդ համագումարում: Կենտկոմի անունից ՌՍՖՍՀ ազգությունների գործերի ժողովոմ Ի. Ստալինի զեկուցման հիման վրա համագումարի ընդունած «Ազգային հարցում կուսակցության ընթացիկ խնդիրների մասին» բանաձևում արձանագրվեց, որ հակախորհրդային իմպերիալիստական շրջապատում խորհրդային հանրապետությունների մեկուսի անջատ գոյությունն անխոհեմ և աննպատակահարմար է: Նշվում էր, որ հանրապետությունների պաշտպանության, տնտեսության վերականգնման, փոխօգնության, ազգերի համերաշխության, ռազմաքաղաքական սերտ հարաբերություններ հաստատելու ընդհանուր շահերը «Հրամայաբար թելադրում են առանձին խորհրդային հանրապետությունների պետական միավորում»: Միավորման լավագույն ձև համարվեց խորհրդային ֆեդերացիան /դաշնությունը/, որի հիմքում դրվելու էր հանրապետությունների փոխադարձ վստահության և դաշնության մեջ մտնելու կամավորության սկզբունքը:¹²³

Խորհրդային Ռուսաստանի և խորհրդային ազգային մյուս հանրապետությունների փոխհարաբերությունները նախ կառուցվում էին «ռազմաքաղաքական դաշինքի»,⁴²¹ իսկ այ-

¹²³ Десятымь съезд РКП(б). Стенографический отчет, с. 602.

⁴²¹ Իրականացնելով 1919 թ. մարտին տեղի ունեցած ՌԿ/ԲԿ 8-րդ համագումարի ընդունած բանաձևերը, նույն թվականի հունիսի 1-ին Համառուսաստանյան Կենտգործկոմը որոշում ընդունեց «Համաշխարհային իմպերիալիզմի դեմ պայքարելու համար խորհրդային հանրապետությունների՝ Ռուսաստանի, Ուկրաինայի, Լատվիայի, Լիտվայի, Բելոռուսիայի միավորման մասին», պատմության մեջ այն հայտնի է որպես «խորհրդային ազգային հանրապետությունների ռազմաքաղաքական միության մասին դեկրետ» /Տե՛ս Шесть лет национальной политике Советской власти и Наркомнац. 1917-1923 гг., М., 1923, с. 18-19/:

նուհետև՝ Հանրապետութիւնների միջև ստորադրված երկ-
կողմ «զաշնային պայմանագրերի» հիման վրա: Խորհրդային
Ռուսաստանը դաշնային պայմանագրեր ե. տնտեսական հա-
մաձայնագրեր էր կնքել խորհրդային ազգային մի քանի հան-
րապետութիւնների, այդ թվում՝ Խորհրդային Ադրբեջանի /30
սեպտեմբերի, 1920 թ./, Ուկրաինայի /28 դեկտեմբերի, 1920 թ./
և Բելոռուսիայի /16 հունվարի, 1921 թ./ հետ:

Ֆեդերատիվ Հարաբերութիւնների նշված ձևերը,
որոնց հիմքում դրված էր խորհրդային ազգային ինքնավար-
ութիւն սկզբունքը, բոլշևիկյան կուսակցութիւն վերնախավը
դիտում էր որպես անցումային փուլեր՝ համաշխարհային հե-
ղափոխութիւն հաղթանակից հետո «Միջազգային Խորհրդա-
յին Հանրապետութիւն» ստեղծելու ճանապարհին:

Խորհրդային Հանրապետութիւնների միջև ձևավորվող
փոխհարաբերութիւնները կարգավորվում էին «կուսակցական
կարգով»: Հանրապետութիւնների ազգային կոմկուսները
Հանդիսանում էին ՌԿ/բ/Կ բաղկացուցիչ մասեր և երկրային
բյուրոնների միջոցով ենթակա էին կուսակցական վերադաս
մարմնին՝ ՌԿ/բ/Կ Կենտկոմին: Խորհրդային Հայաստանում, և
ընդհանրապես ամբողջ Կովկասում և Անդրկովկասում, ՌԿ/բ/Կ
Կենտկոմի լիազոր ներկայացուցչական մարմինը՝ 1921 թ.
մարտի 21-ին ստեղծված ՌԿ/բ/Կ Կովկասյան բյուրոն էր, որի
փաստացի ղեկավարն էր ՌԿ/բ/Կ Կենտկոմի անգամ Գ. Օրջո-
նիկիձեն: Բյուրոյի իրավասութիւն շրջանակներում էր նաև
անդրկովկասյան Հանրապետութիւնների միջև միջպետական
Հարաբերութիւնների կարգավորման խնդիրները:

Խորհրդային Հանրապետութիւնների փոխհարաբե-
րութիւնների նախանշած ուղին Կովկասի և Անդրկովկասի
Հանրապետութիւնների համար առավել հստակեցվեց Վ. Ի.
Լենինի 1921 թ. ապրիլի 14-ի՝ «Ադրբեջանի, Վրաստանի,
Դաղստանի, Լեռնականների Հանրապետութիւն կոմմունիստ
ընկերներին» ուղղված ծրագրային նամակ-հրահանգում:
Նրանում կարմիր թելով անցնում էր տարածաշրջանի
խորհրդային Հանրապետութիւնների միջև սերտ դաշինք
Հաստատելու գաղափարը:⁴²⁵

ՌԿ/բ/Կ Կենտկոմի Կովկասյան բյուրոյի, Ռուսաստանի
և անդրկովկասյան Հանրապետութիւնների ղեկավար մար-
մինների ակտիվ բանակցութիւնների արդյունքում 1921 թ.

⁴²⁵ Լենին Վ. Ի., ԵԼԺ, հ. 43, էջ 237-240:

ապրիլի 16-ին Թիֆլիսում ստորագրվում է Համաձայնագիր Վրաստանի, Ադրբեջանի և Հայաստանի երկաթուղիների միավորման, Ռուսաստանի երկաթուղային ընդհանուր ցանցի մեջ նրանց ընդգրկելու և զրանից բխող այլ հարցերի մասին:⁴²⁶ Համապատասխան համաձայնադրեր ստորագրեցին նաև Վրաստանի, Ադրբեջանի և Հայաստանի հեղկոմների նախագահներ Մ. Օրախելաշվիլին, Մ. Հոսևեյնովը և Ս. Կասյանը: Համաձայնագրերը վավերացվեցին 1921 թ. օգոստոսի 8-ին Մոսկվայում՝ Գ. Չիչերինի, Մ. Յիսակյայի, Ա. Շիրվանիի և Ս. Տեր-Պաբրիկյանի կողմից ստորագրված համապատասխան արձանագրությամբ:

Շուտով իրականացվեց նաև Անդրկովկասի Հանրապետությունների արտաքին միացյալ առևտրի մարմին ստեղծելու մասին Լենինի ցուցումը: 1921 թ. մայիս-հունիս ամիսներին Ռուսաստանի իշխանությունների միջնորդությամբ Հայաստանի, Վրաստանի և Ադրբեջանի միջև ստորագրվեցին համապատասխան համաձայնագրեր:

1921 թ. հուլիսի 2-3-ին տեղի ունեցած ՌԿ/ԲԿ Կենտկոմի Կովկասյան բյուրոյի միացյալ պլենումը քննարկեց ինչպես անդրկովկասյան հանրապետությունների, այնպես էլ նրանց և Ռուսաստանի փոխհարաբերություններին առնչվող մի շարք հարցեր: Ընդունված բանաձևում թեև հատուկ շեշտվում էր անդրկովկասյան հանրապետությունների իրական անկախությունը պահպանելու անհրաժեշտությունը, սակայն միաժամանակ պահանջվում էր խստորեն պահպանել այդ երկրների կոմկոսների Կենտկոմների և ՌԿ/ԲԿ Կենտկոմի միջև գոյություն ունեցող հարաբերությունները, հրամայական էր համարվում անդրկովկասյան հանրապետությունների և Ռուսաստանի միջև ռազմական, առևտրա-տնտեսական և ֆինանսական պայմանագրերի կնքումը:

Անդրկովկասի խորհրդային հանրապետությունների դաշնություն հիմնելու գաղափարը քարոզվում էր ոչ միայն կուսակցական հրահանգներով, այլև հանրապետական և անդրկովկասյան կուսակցական, կոմերիտական, արհմիութենական և այլ խորհրդակցություններում ու ժողովներում: Այսպես՝ Հայկոմկոսի Երևանի կազմակերպություն և արհեստակցական միությունների միացյալ հանդիսավոր նիս-

⁴²⁶ История Советской Конфедерации в документах /1917-1956/, Москва, 1957, с. 283-284.

տում /1921 թ. մայիսի 9-ին/ Ալ. Մյասնիկյանը Հայտարարեց. «Այսօր մենք դեռ ամբողջ Անդրկովկասը չենք կարող կառավարել իբրև մի ամբողջություն: Բայց Հենց որ մենք ոտքի վրա կանգնենք, կհիմնենք Կովկասյան Ֆեդերացիա»:¹²⁷

Անդրֆեդերացիայի անհրաժեշտության ոգով էր տոգորված նաև Ի. Ստալինի ղեկուցումը Թիֆլիսի կուսակազմակերպության ընդհանուր ժողովում 1921 թ. հունիսի 6-ին:¹²⁸

Օրագրային նշանակություն ունենր Գ. Օրջոնիկիձեի ղեկուցումը 1921 թ. օգոստոսի 12-14-ը Թիֆլիսում հրավիրված Կովկասյան երկրամասային կուսակցական առաջին խորհրդակցությունում: Անդրադառնալով Անդրկովկասում ՌԿ/բ/Կ կենտկոմի Կովկասյան բյուրոյի խնդիրներին, Օրջոնիկիձեն մասնավորապես նշեց, որ զբանցից գլխավորն է նպաստել «կովկասյան խորհրդային հանրապետությունների տնտեսական միավորմանը միմյանց և Խորհրդային Ռուսաստանի հետ, պահպանելով այդ հանրապետությունների անկախությունը»:¹²⁹

Անդրկովկասյան դաշնության ստեղծման գործընթացի արագացմանը նպաստեց 1921 թ. նոյեմբերի 3-ին Բաքվում կայացած ՌԿ/բ/Կ կենտկոմի Կովկասյան բյուրոյի պլենումը, անդրկովկասյան հանրապետությունների կուսակցական ղեկավարության, ինչպես նաև ՌԿ/բ/Կ կենտկոմի քարտուղար Վ. Մոլոտովի մասնակցությամբ: Վերջինիս ներկայությունը պլենումի աշխատանքներին հուշում էր, որ Մոսկվան չափազանց կարևոր նշանակություն էր տալիս Անդրֆեդերացիայի իրականացման խնդրին: Պլենումի ընդունած «Անդրկովկասյան հանրապետությունների ֆեդերացիայի մասին» բանաձևում, որը Գ. Օրջոնիկիձեի հանձնարարությամբ նախապատրաստել էին Ալ. Մյասնիկյանն ու Շ. էլիավան, և համապատասխան որոշումում անհետաձգելի և անհրաժեշտ է համարվում անդրկովկասյան հանրապետությունների միջև ռազմաքաղաքական, ֆինանսատնտեսական և արտաքին քաղաքականության ոլորտների միավորման դաշնային միութենական պայմանագրի ստորագրումը, միասնական վարչատնտեսական և քաղաքական կենտրոնի Միութենական Խորհրդի, ստեղծումը:

¹²⁷ Մյասնիկյան Ա., Ընտիր երկեր, Ե., 1957, էջ 338:

¹²⁸ Ստալին Ի.Վ., Երկեր, հ. 5, Ե., 1948, էջ 98-111:

¹²⁹ Օրջոնիկիձե Գ.Կ., Ընտիր հոդվածներ և ճառեր, Ե., 1950, էջ 61-63:

1921 թ. հոկտեմբերին տեղի ունեցած ՌԿ/բ/Կ Կենտկոմի պլենումը մի խումբ խնդիրների շարքում քննարկեց նաև անդրկովկասյան հանրապետութիւնների և նրանց աղբյուրային բանակների հետադա ճակատագրի հարցը, մշակվեցին միջոցառումների ծրագրեր: Նշված հարցերը քննարկվեցին նաև ՌԿ/բ/Կ Կենտկոմի քաղբյուրոյի նոյեմբերի 17-ի նիստում: Անդրադառնալով Կովկասյան բյուրոյի 1921 թ. նոյեմբերի 3-ի պլենումի Անդրկովկասյան հանրապետութիւնների ֆեդերացիա կազմավորելու մասին որոշմանը և ընդունված համապատասխան բանաձևին, քաղբյուրոն որոշեց նախ պարզաբանումներ պահանջել խնդրի վերաբերյալ /մասնավորապես՝ Անդրկովկասյան ֆեդերացիայի և ՌՍՖՍՀ-ի միջև ձևավորվելիք հարաբերութիւնների բնույթի մասին/, և հետո միայն անդրադառնալ հարցի քննարկմանը:⁴³⁰ Քաղբյուրոյի որոշման մեկ այլ կետով հանձնարարվեց «ՌՍՖՍՀ փոխհարաբերութիւնները Հայաստանի, Վրաստանի և Ազրբեջանի հետ ձևակերպել ռազմական կոնվենցիայի միջոցով»:

Անդրկովկասի հանրապետութիւններում ռազմական գործը կազմակերպելու փաստացի իրավունքը քաղբյուրոն վերապահեց ՌՍՖՍՀ Ռադմահեղափոխական խորհրդին, իսկ Դ. Օրջոնիկիձեին հանձնարարեց կոնվենցիան անցկացնել անձամբ և ամենակարճ ժամանակում: Համագործակցելով Անդրկովկասի հանրապետութիւնների քաղաքական ղեկավարութիւնների և զինվորական հրամանատարութիւնների հետ, Գ. Օրջոնիկիձեին մեծ ջանասիրութիւնով և կարճ ժամանակում իրականացնում է քաղբյուրոյի որոշումը: Անդրկովկասի երեք հանրապետութիւնների ղեկավարներ Ա. Մյասնիկյանը, Բ. Մդիվանի, Ն. Նարիմանովո և Անդրկովկասի խորհրդային հանրապետութիւններում ՌՍՖՍՀ լիազոր ներկայացուցիչ Բ. Լեզրանը 1921 թ. դեկտեմբերի 8-ին Թիֆլիսում ստորագրում են «Համաձայնագիր Անդրկովկասի խորհրդային հանրապետութիւնների կառավարութիւնների և ՌՍՖՍՀ կառավարութիւնների միջև ռազմածովային հարցերի վերաբերյալ»:⁴³¹ ՀՍՍՀ ժողկոմխորհը համաձայնագիրը վավերացրեց 1922 թ. հունվարի 19-ին:⁴³²

⁴³⁰ ՀԱԱ, հավաքածու նո. 1, գ. 3, ք. 129:

⁴³¹ Նոյն տեղում, ք. 163-164:

⁴³² Նոյն տեղում, ք. 113, գ. 5, գ. 5, ք. 1:

Ռաղմակա՛ն դաշինքի մասին պայմանագիրը բաղկացած էր ներածական մասից և 14 հոդվածներից: Համաձայնագրում մասնավորապես արձանագրվում էր, որ Անդրկովկասյան հանրապետութ՛յունների, ինչպես նաև Խորհրդային Ռուսաստանի՝ արտաքին վտանգից համատեղ պաշտպանվելու ռազմավարական շահերը հրամայաբար պահանջում են չորս հանրապետութ՛յունների բոլոր զինված ուժերի և ռազմական միջոցների միավորում մեկ միասնական հրամանատարութ՛յան տակ ի դեմս Առանձին Կովկասյան բանակի Ռազմհեղխորհրդի: Հայաստանի, Վրաստանի և Ադրբեջանի ազգային բանակները, որպես առանձին ինքնուրույն միավորներ, յուրաքանչյուրը 10 հազարից ոչ ավել թվակազմով /խաղաղ ժամանակներում/, մտնում էին Առանձին Կովկասյան բանակի կազմի մեջ: Ազգային բանակները առաջնորդվելու էին ՌՍՖՍՀ Կարմիր բանակի համար սահմանված զինվորական օրենսդրութ՛յամբ և նորմերով, իսկ նրանց բոլոր տեսակի պահանջներն ամբողջութ՛յամբ բավարարվելու էին տվյալ հանրապետութ՛յան կողմից: Հանրապետութ՛յուններում թեև շարունակելու էին գործել ազգային ռազմական ժողկոմատները, սակայն նրանց ինքնուրույնութ՛յունը խիստ նվազելու էր: Ռազմական գործի հետ կապված հիմնական միջոցառումները հանրապետութ՛յունների ռազմգործողկոմատները իրականացնելու էին Առանձին Կովկասյան բանակի Ռաղմհեղխորհրդի հրահանգներով և ՌՍՖՍՀ համապատասխան օրենսդրական նորմատիվներով: Հայաստանի համար առանձնակի նշանակութ՛յուն ուներ համաձայնագրի 3-րդ հոդվածը, ըստ որի՝ «Անդրկովկասի խորհրդային հանրապետութ՛յունների պաշտպանութ՛յունն ամրապնդելու համար նրանց տարածքում տեղակայվում են ՌՍՖՍՀ Կարմիր բանակի զորամասեր»:⁴³³ Համաձայնագիրը քաղաքական ծանրակշիռ քայլ էր ոչ միայն արտաքին քաղաքական, այլև ներխորհրդային տեսանկյունից, այն փաստորեն գրեց Անդրկովկասի խորհրդային հանրապետութ՛յունների և Ռուսաստանի ռազմաքաղաքական սերտ միավորման ամուր հիմքերը:

Կովկասյան բյուրոյի պլենումի 1921 թ. նոյեմբերի 3-ի Անդրկովկասյան հանրապետութ՛յունների ֆեդերացիա կազմավորելու մասին որոշումին, ՌԿ/բ/Կ Կենտկոմի քաղբյուրոն հերթական անգամ անդրադարձավ 1921 թ. նոյեմբերի 29-ին:

⁴³¹ Նույն տեղում:

Միաձայն ընդունված որոշման բանաձևում, որը ներկայացրել էր Վ. Լենինը, սկզբունքորեն միանգամայն ճիշտ և իրականանալի համարելով Կովկասյան բյուրոյի որոշումը, քաղբյուրոն այնուամենայնիվ որոշման անմիջական իրագործումը համարեց վաղաժամ: Անդրկովկասյան հանրապետությունների կոմկուսների ղեկավարությունն առաջարկվեց ֆեդերացիայի հարցը դարձնել համաժողովրդական քննարկման առարկա ե. ֆեդերացիայի օգտին լայն քարոզչություն վարելով՝ խնդիրը լուծել հանրապետությունների խորհուրդների համագումարների միջոցով:⁴³⁴

Անդրֆեդերացիայի անցկացման հարցում քաղբյուրոյի այս վերապահումները բխում էին այն այլակարծությունից և դիմադրությունից, որ ցուցաբերեց Վրաստանի կոմկուսի ղեկավարություն մի մասը հեղկոմի նախագահ Պ. Մդիվանու գլխավորությամբ: Վերջիններս կտրականապես դեմ էին Կովկասյան բյուրոյի նոյեմբերի 3-ի որոշմանը և գտնում էին, որ ֆեդերացիայի կազմավորումը վաղաժամ է, բացակայում են իրական նախադրյալները և այն պարտադրված է Կովկասյան բյուրոյի և անձամբ Գ. Օրջոնիկիձեի կողմից: Պնդելով Անդրկովկասի հանրապետությունների իրական անկախությունը խստորեն պահպանելու անհրաժեշտություն վրա, Մդիվանին և իր կողմնակիցները հանդես էին գալիս հանրապետությունների միջև երկկողմանի պայմանագրային հարաբերություններ հաստատելու առաջարկությամբ: Վրացի «ձախ ֆեդերալիստները» այն կարծիքին էին, որ եթե Ադրբեջանի և առավել ևս Հայաստանի համար ֆեդերացիան ձեռնտու է, ապա Վրաստանի համար ձեռնտու չէ ոչնչով: Մդիվանու խմբի դիրքորոշումը բոլշևիկյան կուսակցության վերնախավի կողմից որակվեց որպես ազգային թիքում, որի դեմ անզիջում պայքար ծավալեց Կովկասյան բյուրոն, Ի. Ստալինի, Գ. Օրջոնիկիձեի, Ինչու չէ, նաև Ալ. Մյասնիկյանի գլխավորությամբ:

Այնուհանդերձ, Վրաստանի կոմկուսի կենտկոմի 1921 թ. նոյեմբերի 14-ի և 25-26-ի պլենումները որոշեցին հավանություն արժանացնել Կովկասյան բյուրոյի 1921 թ. նոյեմ-

⁴³⁴ ՀԱԱ, հավաքածու նո. 1, գ. 3, ք. 157:

բերի 3-ի որոշումները և «պարտադիր ու անհապաղ իրականացնել»:⁴³⁵

Ագրրեջանի կոմկուսի կենտկոմը 1921 թ. դեկտեմբերի 14-ին ողջունեց Կովկասյան բյուրոյի նոյեմբերի 3-ի որոշումը և որոշեց ամենալայն քարոզչութիւն ծավալել Անդրֆեդերացիայի շտապ անցկացման օգտին:⁴³⁶

Ինչ վերաբերում է Հայաստանի դիրքորոշմանը, ապա Անդրֆեդերացիայի կազմավորման հարցում Հայկոմկուսի ղեկավարութիւնն անվերապահորեն պաշտպանում էր Կովկասյան բյուրոյի քաղաքականութիւնը, քանզի համոզված էր, որ ֆեդերացիայի գաղափարը բխում է Հայաստանի և Հայ ժողովրդի շահերից: Հայկոմկուսի կենտկոմը 1921 թ. նոյեմբերի 14-ին միաձայն և անվերապահ հավանութիւն արժանացրեց Անդրֆեդերացիայի մասին Կովկասյան բյուրոյի նոյեմբերի 3-ի որոշումը:⁴³⁷ Լինելով անդրկովկասյան հանրապետութիւններից տնտեսապես նվազ զարգացածը, գտնվելով սոցիալ-տնտեսական աղետալի վիճակում, չունենալով ընդհանուր սահման Ռուսաստանի հետ, Հայաստանն, ի տարբերութիւն Ադրբեջանի և Վրաստանի, որոնց բնական և նյութական պաշարները, աշխարհագրական նպաստավոր գիրքը զգալի առավելութիւններ էին, ընդգրկվելով ֆեդերացիայի մեջ կորցնելու ոչինչ չունեիր: Ընդհակառակը Հայաստանի իշխանութիւնները դրանում էին տեսնում երկիրը և ժողովրդին սոցիալ-տնտեսական ծանր վիճակից դուրս հանելու միակ ճանապարհը:

1922 թ. հունվար-փետրվարին տեղի ունեցած Հայաստանի, Վրաստանի և Ադրբեջանի կոմկուսների ու խորհուրդների համագումարները հակահարված տալով Անդրֆեդերացիայի հակառակորդներին, հաստատեցին Անդրկովկասի հանրապետութիւնների դաշնութիւն կազմելու անհրաժեշտութիւնն ու հրատապութիւնը:

ՀԿ/ԲԿ առաջին համագումարին /26-29 հունվարի, 1922թ./ հաշվետու զեկուլցման մեջ շեշտելով Անդրֆեդերացիա

⁴³⁵ Ст'у Компартия Грузии в резолюциях и решениях съездов, конференций и пленумов ЦК, т. 1, 1920-1931, Тбпիխի, 1976, էջ 22-23:

⁴³⁶ Ст'у Компартия Азербайджана в резолюциях и решениях съездов, конференций и пленумов ЦК, т.1, 1920-1937, Бапու, 1986, էջ 66-67:

⁴³⁷ ՂԱԱ, ֆ. 1, ց. 1, գ. 15, ք. 39:

ստեղծելու հրատապության մասին Ալ. Մյասնիկյանը հայտարարեց. «Ես համոզված եմ, որ ֆեդերացիան կկայանա և այն մեղ վերջնականապես դուրս կբերի տնտեսական քայքայումից»:⁴³⁷ Համագումարի ընդունած բանաձևում արձանագրվեց, որ «ֆեդերացիան լրիվ համապատասխանում է մեր երկրի շահերին»:⁴³⁸

Հայկոմկուսի քաղաքական այս գիծը պաշտպանեց Հայաստանի խորհուրդների առաջին համագումարը /30 հունվարի - 4 փետրվարի, 1922 թ./: Անդրֆեդերացիայի մասին Ա. Մուսվյանի զեկուցման հիման վրա ընդունած բանաձևում նշվեց, որ Անդրֆեդերացիայի գաղափարը հասունացած է և հարկավոր է շուտափույթ գործնական միջոցներ կիրառել այն իրականացնելու համար:⁴³⁹

Անդրֆեդերացիայի օգտին արտահայտվեցին նաև Վրաստանի և Ագրբեջանի կոմկուսների, համապատասխանաբար առաջին /հունվարի 23 - փետրվարի 1, 1922 թ./ և չորրորդ /փետրվարի 2-7, 1922 թ./ համագումարները:

Հանրապետական կոմկուսների համագումարներին հաջորդեց Անդրկովկասի կուսկազմակերպությունների առաջին համագումարը, որը կայացավ 1922 թ. փետրվարի 18-22-ին: Համագումարը հաստատեց Շ. էլիավայի Անդրֆեդերացիայի մասին զեկուցման հիմնադրույթները, հաստատեց նաև Անդրֆեդերացիայի Միութենական պայմանագրի տեքստը և Բարձրագույն տնտեսական խորհրդի մասին Կանոնադրույթ-յունը:⁴⁴⁰ Քննարկված կազմակերպչական խնդիրների շարքում առանձնանում էր Կովկասյան բյուրոն լուծարելու և նրա փոխարեն ՌԿ/ը/Կ Կենտկոմի Անդրկովկասի երկրամասային կոմիտե ստեղծելու մասին համագումարի որոշումը: Վերջինիս կազմը հաստատվեց նույն օրերին Մոսկվայում, կոմիտեի նախագահություն կազմում ընդգրկված էր նաև Ալ. Մյասնիկյանը:⁴⁴¹

⁴³⁸ ՀԱԱ, ֆ. 1, ց. 2, գ. 2, թ. 22-23:

⁴³⁹ Նույն տեղում, գ. 1, թ. 41:

⁴⁴⁰ Տե՛ս ՀԱԽԳ բանվորների, գյուղացիների և կարմիր բանակային-ների խորհուրդների Ա համագումար, Ե., 1922:

⁴⁴¹ Տե՛ս Первый Закавказский съезд коммунистических организаций, Тифлис, 1922:

⁴⁴² ՀԱԱ, ֆ. 1, ց. 2, գ. 10, թ. 9ա:

ՌԿ/ք/Կ Կենտկոմի Անդրկովկասի երկրամասային կոմիտեի 1922 թ. փետրվարի 23-ի պլենումի առաջին իսկ նիստում որոշվեց անհապաղ կյանքի կոչել Անդրֆեդերացիան և այդ նպատակով հրավիրել անդրկովկասյան հանրապետութ-յունների Կենտգործկոմների ներկայացուցիչների լիազոր կոնֆերանս: Կոնֆերանսը իր աշխատանքները սկսեց 1922 թ. մարտի 11-ին Թիֆլիսում: Մարտի 12-ին ընդունվեց Անդրկովկասի հանրապետությունների դաշնային միություն կազմելու մասին Միութենական պայմանագիրը և Բարձրագույն տնտեսական խորհրդի մասին Կանոնադրությունը: Այսպիսով իրականություն դարձավ Անդրկովկասի Սոցիալիստական խորհրդային Հանրապետությունների Ֆեդերատիվ Միության /ԱՍԽՀՖՄ/ հիմնադրումը. խորհրդային Հայաստանը, Ադրբեջանը և Վրաստանը կազմեցին ռազմաքաղաքական և տնտեսական սերտ դաշինք: Կոնֆերանսը թեև հաստատում էր վերջիններիս լիակատար անկախությունը և ինքնուրույնությունը, սակայն իրականում՝ Միութենական պայմանագիրը նախատեսում էր Անդրկովկասի հանրապետությունների ինքնիշխանության զգալի սահմանափակումներ: Մասնավորապես՝ հանրապետություններում վերացվելու էին պետականութ-յունը արտահայտող մի շարք առանցքային ժողկոմատներ, ռազմական և արտաքին գործերի, արտաքին առևտրի, ֆինանսների և այլն: Այդ ոլորտների կառավարումը փոխանցվելու էր Անդրֆեդերացիայի գործադիր մարմնին՝ Միութենական խորհրդին, որի նախագահությունը բաղկացած էր երեք հանրապետությունների ներկայացուցիչներից /Ալ. Մյասնիկյան, Պ. Մդիվանի, Ն. Նարիմանով/:

Միութենական պայմանագրի 13-րդ հոդվածի համաձայն՝ «Հանրապետությունների Միությունը ՌՍՖՍՀ-ի հետ փոխհարաբերությունները կառուցում է միութենական պայմանագրի հիման վրա»:⁴⁵

խորհրդային Ռուսաստանի և Անդրկովկասի հանրապետությունների միջև սերտ փոխհարաբերություններ հաստատելու գործում կարևոր քայլեր կատարվեցին դեռևս 1921 թ. դեկտեմբերի վերջին: Համառուսաստանյան Կենտգործկոմի նախագահ Մ. Կալինինի հրավերով Համառուսաստանյան խորհուրդների 9-րդ Համագումարին հյուրի կարգավիճակով մասնակցող Անդրկովկասի հանրապետությունների ներկայա-

⁴⁵ Советское содружество народов, М., 1977, с. 264-267.

յուրյիջների անունից հայտարարութեան մեջ /26 դեկտեմբերի 1921 թ./ Ալ.Մյասնիկյանը առաջարկեց Համառուսաստանյան Կենտրոնործկոմի կազմում ընդգրկել Հայաստանի, Վրաստանի և Ադրբեջանի ներկայացուցիչներին: Առաջարկութիւնն ընդունվեց Ադրբեջանին և Վրաստանին հատկացվեց 20-ական, Հայաստանին՝ 15 տեղ:⁴⁴⁴

Խորհրդային Ուկրաինայի, Վրաստանի, Հայաստանի և ՌԿ/ԲԿ Կովկասյան բոլորոյի ներկայացուցիչների մասնակցութեամբ դեկտեմբերի 30-ին Մոսկվայում հրավիրված ՌՍՖՍՀ արտոգործողկոմատի կոլեգիայի ընդլայնված խորհրդակցութիւնում քննարկվեցին հանրապետութիւնների ներքին և արտաքին քաղաքականութիւնը նույնացնելուն նվիրված մի շարք հարցեր:⁴⁴⁵ Մշակվում և ընդունվում է «Խորհրդային Ադրբեջանի, Հայաստանի, Բելոռուսիայի, Վրաստանի, ՌՍՖՍՀ-ի և Ուկրաինայի միջև միասնական քաղաքացիութեան մասին պայմանագրի նախագիծ», ըստ որի՝ հանրապետութիւնների քաղաքացիները յուրաքանչյուր խորհրդային հանրապետութիւնում ունենալու էին քաղաքական և քաղաքացիական հավասար իրավունքներ, կրելու էին նույն պարտավորութիւնները:⁴⁴⁶ Խորհրդակցութիւնն անհրաժեշտ համարեց խորհրդային բոլոր հանրապետութիւններում մտցնել անձնագրերի միասնական ձև: Անձնագրերը լրացվելու էին մայրենի և ռուսերեն լեզուներով, վավերական էին լինելու խորհրդային բոլոր հանրապետութիւններում: Խորհրդային յուրաքանչյուր հանրապետութեան քաղաքացուն իրավունք էր վերապահվում քնակութիւն հաստատել ցանկացած հանրապետութիւնում և ազատ տեղաշարժվել մեկ հանրապետութիւնից մյուսը:⁴⁴⁷ Խորհրդակցութեան որոշումները և առաջարկութիւնները արժանացան ՌԿ/ԲԿ Կենտկոմի հավանութեանը և աստիճանաբար կյանքի կոչվեցին: Արդեն 1922 թ. փետրվարից խորհրդային քաղաքացիների տեղաշարժը մեկ հանրապետութիւնից մյուսը ազատ էր և առանց սահմանափակումների: Ինչ վերաբերում է միասնական քա-

⁴⁴⁴ Девятый Всероссийский съезд Советов... Стенографический отчет, Москва, 1922, с. 186.

⁴⁴⁵ ՀԱԱ, ֆ. 114, ց. 1, գ. 98, ք. 14:

⁴⁴⁶ Սույն տեղում, ք. 15:

⁴⁴⁷ Սույն տեղում, ք. 19:

ղաքացիութեան մասին պայմանագրի նախագծին, ապա այն չստորագրվեց:

Զրկելով խորհրդային հանրապետութիւններին, այդ թվում և Հայաստանին, ինքնուրույն արտաքին քաղաքականութիւն վարելու իրավունքից, Խորհրդային Ռուսաստանը միաժամանակ ստանձնում է միջազգային ասպարեզում նրանց ներկայացնելու պարտավորութիւնը: Այսպես, 1922 թ. Հունվարի սկզբին ստանալով Ճենովայի միջազգային կոնֆերանսին մասնակցելու հրավեր, Խորհրդային Ռուսաստանի կառավարութիւնն անհրաժեշտ է համարում ստեղծել խորհրդային բոլոր հանրապետութիւններին միասնական դիվանագիտական ճակատ և դրանով իսկ ամրապնդել խորհրդային դիրքերը կոնֆերանսում: ՌԿ/բ/Կ Կենտկոմի քաղցյուրոյի և Համառուսաստանյան Կենտգործկոմի 1922 թ. Հունվար ամսին ընդունած մի շարք որոշումներով Հաստատվում է խորհրդային միացյալ պատվիրակութեան կազմը և նրա լիազորութիւնները: Պատվիրակութեան 15 անդամների թվում էր նաև ՀՍԽՀ ներկայացուցիչ Ա. Բեկզադյանը:⁴⁴⁸ Խորհրդային հանրապետութիւնների դիվանագիտական դաշինքը ամրապնդվեց 1922 թ. փետրվարի 22-ին Մոսկվայում հրավիրված ՌՍՖՍՀ-ի և խորհրդային ութ հանրապետութիւնների լիազոր ներկայացուցիչների խորհրդակցութեանը, որոշվեց առաջիկա կոնֆերանսին խորհրդային հանրապետութիւնները ներկայացնելու և նրանց շահերը պաշտպանելու իրավունքը հանձնարարել Խորհրդային Ռուսաստանին: Վերջինիս իրավունք է վերապահվում բոլոր հանրապետութիւնների անունից պայմանագրեր և համաձայնագրեր ստորագրել արտասահմանյան պետութիւնների հետ ինչպես կոնֆերանսում, այնպես էլ նրանից դուրս:⁴⁴⁹

Այսպիսով 1921-1922 թթ. Խորհրդային Ռուսաստանը աստիճանաբար ուժեղացնում էր իր քաղաքական ազդեցութիւնը խորհրդային հանրապետութիւններին, այդ թվում և Հայաստանի, թե ներքին և թե արտաքին քաղաքականութեան մեջ: Եթե ներքին քաղաքականութեան հարցերում ազգային հանրապետութիւնները, այնուամենայնիվ, որոշ ինքնուրույնութիւն պահպանում էին, ապա արտաքին քաղաքականութեան հարցերում այն իսպառ վերացվեց:

⁴⁴⁸ ДВП СССР, т. V, Москва, 1961, с. 66-68.

⁴⁴⁹ Նույն տեղում, էջ 110-111:

1922 թ. երկրորդ կեսից Ռուսաստանի բոլշևիկյան կուսակցութիւնը գործնական քայլեր ձեռնարկեց ինչպես խորհրդային Հայաստանի, այնպես էլ Ռուսական նախկին կայսրութեան տարածքի վրա առաջացած խորհրդային բոլոր հանրապետութիւնների հետ ՌՍՖՍՀ միջպետական փոխհարաբերութիւնները իրավաբանորեն կարգավորելու ուղղութիւնով: ՌԿ/ԲԿ Կենտկոմի քաղքուրոյի 1922թ. օգոստոսի 10-ի որոշումով Կենտկոմի կազմբլուրոյին հանձնարարվում է ստեղծել հատուկ հանձնաժողով, խորհրդային անկախ հանրապետութիւնների և ՌՍՖՍՀ փոխհարաբերութիւնների հարցը նախապատրաստելու համար:⁴⁵⁰ Հանրապետութիւնների նմանատիպ խորհրդային պետականութիւնը, միասնական ներքին և արտաքին քաղաքականութիւնը, զինված ուժերը, պատժիչ մարմինները /Չեկա, Հատուկ բաժին, Հատուկ նշանակութեան ջոկատներ/, ազգային բնութագրից գրեթե զուրկ նմանատիպ Սահմանադրութիւնները /որոնք հիմնական գրույթներում փաստորեն կրկնում էին ՌՍՖՍՀ Սահմանադրութիւնը/ և, ամենազլխավորը՝ հանրապետութիւններում իշխանութեան ղեկը ստանձնած ազգային կոմունիստական կուսակցութիւնները, որոնք անշեղորեն ղեկավարվում էին Ռուսաստանի կոմկուսի Կենտկոմի և նրա երկրային կոմիտեաների հրահանգներով և որոշումներով,⁴⁵¹ հուշում էին հանրապետութիւնների միավորման ուղիները:

Օգոստոսի 11-ին ստեղծվում է խորհրդային բոլոր հանրապետութիւնների ներկայացուցիչների մասնակցութեամբ հանձնաժողով (ՀՍԽՀ ներկայացուցիչն էր Ալ. Մյասնիկյանը):⁴⁵² Օգոստոսի վերջին հանձնաժողովի քննարկմանն է ներկայացվում հանձնաժողովի անդամ և փաստացի ղեկավար Ի. Ստալինի մշակած «ՌՍՖՍՀ և անկախ հանրապետութիւնների փոխհարաբերութիւնների մասին բանաձևի նախագիծ»,

⁴⁵⁰ Образование СССР. Сборник документов, М. 1972, с. 293-294.

⁴⁵¹ Օրինակ՝ Հայկոմկուսի Կենտկոմի 1922 թ. հունիսի 6-ի պլենումի կուլչինարարութեան մասին ընդունած բանաձևում հաստատվում էր, որ «Հայաստանի կոմկուսը հանդիսանում է Ռուսաստանի կոմկուսի մի մասը, ջոկատը ... քաղաքականապես և կազմակերպչական հարցերում հաշվետու է նրան ու առաջնորդվում է ՌԿ/ԲԿ համագումարների, կուսակցական բարձրագույն մարմինների ընդունած բանաձևերով» /տես՝ ՀԱԱ, ֆ. 1, ց. 2, գ. 3, ք. 11/:

⁴⁵² Образование СССР, с. 295.

Համաձայն որի՝ խորհրդային Հայաստանը, Ադրբեջանը, Վրաստանը, Բելոռուսիան և Ուկրաինան պետք է պաշտոնապես մտնեին ՌՍՖՍՀ կազմ՝ ավտոնոմ /ինքնավար/ Հանրապետությունների կարգավիճակով:⁴⁵³ Նախագծի Համաձայն, որը ստացավ «ստալինյան ավտոնոմիզացիայի ծրագիր» անվանումը՝ խորհրդային ազգային Հանրապետությունները կորցնելու էին իրենց ինքնիշխանությունը, ինչը, թեկուզև ձևական, դեռ պահպանում էին: Բանաձևի Ե-րդ կետով /այն Համարվում էր խիստ զաղտնի և հրապարակման ենթակա չէր/, եթե ՌԿ/Կ Կենտկոմը Հավանություն տար բանաձևին, ապա այն չէր հրապարակվելու, այլ որպես շրջաբերական հրահանգ փոխանցվելու էր ազգային Կենտկոմներին՝ «խորհրդային կարգով հիշյալ Հանրապետությունների կենտրոնների կամ խորհուրդների Համագումարների միջոցով անցկացնելու Համար՝ մինչև խորհուրդների Համառուսաստանյան Համագումարի հրավիրումը, որտեղ այն պաշտոնապես հայտարարվելու է որպես այդ Հանրապետությունների ցանկություն»:⁴⁵⁴ Բանաձևի նախագիծը թեզիսների տեսքով ուղարկվում է ազգային կոմկուսների Կենտկոմների քննարկմանը, սակայն, ինչպես բխում է բանաձևի Ե-րդ կետից, Ստալինը և իր շրջապատը ակնկալում էին ոչ թե քննարկում, այլ թեզիսների «անցկացում»՝ «խորհրդային կարգով»:

1922 թ. սեպտեմբերի 10-ին ՀԿ/Կ Կենտկոմը որոշում է պաշտպանել ՌՍՖՍՀ-ի հետ Անդրկովկասի Հանրապետությունների քաղաքական և տնտեսական սերտ միավորման դադափարո:⁴⁵⁵

Սեպտեմբերի 8-11-ը տեղի ունեցած ՀԿ/Կ Կենտկոմի պլենումին Անդրֆեդերացիայի քաղաքական և տնտեսական դրություն մասին զեկուցման մեջ Կենտկոմի քարտուղար Սարգիս Լուկաչինը հանդես եկավ Անդրֆեդերացիայի միութենական մարմինների կազմակերպչական թուլության և Անդրֆեդերացիայի շրջանակներում Հանրապետությունների Համագործակցության ու փոխօգնության չնչին ձեռքբերումների մասին սուր քննադատությամբ:⁴⁵⁶ Անդրադառնալով Հարցի

⁴⁵³ ՀԱՍ, ֆ. 1, ց. 2, գ. 177, ք. 62:

⁴⁵⁴ Из истории образования СССР. Известия ЦК КПСС, Москва 1989, N9, с. 193.

⁴⁵⁵ ՀԱՍ, ֆ. 1, ց. 2, գ. 3, ք. 26:

⁴⁵⁶ Լույն տեղում, ք. 33-34:

քաղաքական կողմին, Լուկաշինը նշեց, որ Անդրկովկասյան հանրապետութիւններին պետական ինքնուրույնութիւնը մինչ այժմ ունենալով միայն արտաքին միջազգային քաղաքական նշանակութիւն և «Անդրֆեդերացիայի կես տարվա փորձը հուշեց, որ հարկավոր է վերջ տալ ձեռնարկ ինքնուրույնութիւնը պարծենալուն»: Նշելով, որ Ռուսաստանի հետ միավորվելուց հետո խորհրդային հանրապետութիւններին, այդ թվում և Հայաստանի ինքնիշխանութիւնը զգալիորեն կսահմանափակվի, Լուկաշինը շեշտեց, որ «Միավորման արդյունքում առաջացող քաղաքական միջուկը կփոխհատուցվի տնտեսական մեծ առավելութիւններով»:⁵⁷

Հայաստանի ղեկավարութիւնը պաշտպանում էր ՌՍՖՍՀ-ի հետ պետական միավորման գաղափարը և ինչպես Անդրֆեդերացիայի կազմավորման, այնպես էլ Ռուսաստանի հետ միավորման հարցում առաջին պլան էր դնում տնտեսական շահերը:

Ադրբեջանի կոմկուսի Կենտկոմի պլենումը 1922 թ. սեպտեմբերի 11-ին պաշտպանեց «ստալինյան թեզիսները», իսկ Վրաստանի կոմկուսի Կենտկոմը սեպտեմբերի 15-ի նիստում ձայների մեծամասնութիւնով մերժեց դրանք և պնդեց հանրապետութիւնների իրական անկախութիւնը պահպանելու անհրաժեշտութիւնը օգտին: Բելոռուսիայի կոմկուսի Կենտկոմի պլենումը սեպտեմբերի 16-ին արտահայտեց անկախ հանրապետութիւնների միջև պայմանագրային հարաբերութիւնների պահպանման օգտին, իսկ Ուկրաինայի կոմկուսի Կենտկոմը հարցն ընդհանրապես չքննարկեց:

1922 թ. սեպտեմբերի 22-ին Վ. Լենինին ուղղված նամակում Ստալինը ներկայացնում է իր կողմից մշակված բանաձևի էությունը: Բացելով բոլոր չափերտները Ստալինը հարցերը դնում է կտրուկ. «Ընկ. Լենին... Երկուսից մեկը կամ իսկապես խորհրդային ազգային հանրապետութիւնների - հեղ/անկախութիւն և այդ դեպքում կենտրոնի չմիջամտութիւն, իրենց արտգործոնողկոմատ, իրենց արտաքին առևտուր..., ընդ որում ընդհանուր հարցերը լուծվում են հավասարը հավասարի հետ բանակցութիւնների միջոցով... կամ խորհրդային հանրապետութիւնների իրական միավորում մեկ տնտեսական ամբողջութիւն մեջ՝ ՌՍՖՍՀ Ժողկոմխորհի, ԱՊՍ-ի և Կենտգործկոմի իշխանութիւն պաշտոնական տարածումը անկախ

⁵⁷ Նույն տեղում, ք. 35:

Հանրապետութիւնները ժողովուրդներին, կենսագործկոմների և տնտեսական խորհուրդների վրա: Այսինքն Հանրապետութիւնները շինծու անկախութեան փոխարինումը իրական ներքին ինքնավարութիւնով՝ լեզվի, մշակութի, արդարագատութեան, ներքին գործերի, հողագործութեան և այլ իմաստով»:⁴⁵⁸

Մինչ Լենինը նախապատրաստում էր հարցի վերաբերյալ իր մտտեցումները և պատրաստվում էր առաջարկութիւններ ներկայացնել ՌԿ/Բ/Կ Կենտկոմ, վերջինիս կազմբյուրոյի Հանձնաժողովը աննշան ուղղումներով ու լրացումներով սեպտեմբերի 24-ին ընդունում է «ստալինյան ավտոնոմիզացիայի ծրագիրը»:⁴⁵⁹ Ի տարբերութիւն Բելոռուսիայի, Ուկրաինայի, Ադրբեջանի և Հատկապես Վրաստանի ներկայացուցիչների, որոնք բանաձևի քննարկման ընթացքում պնդում էին այս կամ այն չափով ընդլայնել Հանրապետութիւնների իրավունքները և թույլատրել Հանձնաժողովի որոշումները քննարկել Հանրապետութիւնների կուսակցական կազմակերպութիւններում, Հայաստանի ներկայացուցիչ Ալ. Մյասնիկյանն անվերապահորեն պաշտպանեց ստալինյան բանաձևը:

Սակայն «ստալինյան ավտոնոմիզացիայի ծրագիրը» չի արժանանում Վ. Լենինի հավանութեանը: ՌԿ/Բ/Կ Կենտկոմի քաղբյուրոյի անդամներին սեպտեմբերի 26-ին հղած նամակում շեշտելով հարցի չափազանց կարևորութիւնը և քննադատելով Ստալինի կողմից դրսևորած շտապողականութիւնը, Լենինը առաջարկում է խորհրդային Հանրապետութիւնների միավորումը անցկացնել սկզբունքորեն այլ հիմքի վրա՝ ՌՍՖՍՀ կազմ մտնելու փոխարեն, նրանց և Ռուսաստանը միավորել նոր պետականութեան «Եվրոպայի և Ասիայի խորհրդային Հանրապետութիւնների միութեան» մեջ և խստորեն պահպանել Հանրապետութիւնների իրավահավասարութիւնն ու անկախութիւնը, միութեանից դուրս գալու իրավունքը:⁴⁶⁰

Ստալինը ստիպված է լինում ընդունել Լենինի առաջարկութիւնները, արմատապես վերամշակել բանաձևը և իր, Գ. Օրջոնիկիձեի, Ալ. Մյասնիկյանի և Վ. Մոլոտովի ստորագրութեամբ սեպտեմբերի վերջին Կենտկոմի հաստատմանը

⁴⁵⁸ Նույն տեղում, էջ 198-199:

⁴⁵⁹ ՅԱԱ, ֆ. 1, ց. 2, գ. 177, ք. 69-72:

⁴⁶⁰ Լենին, ԵԼԺ, հ. 45, էջ 252-254:

ներկայացնել սկզբունքորեն նոր նախագիծ: Հեղինակները թաքցնում էին, որ այն արմատապես վերամշակվել է Լենինի նկատողությունների և առաջարկությունների հիմնա վրա:

1922 թ. հոկտեմբերի 6-ին ՌԿ/բ/Կ Կենտկոմի պլենումը աննշան ուղղումներով և լրացումներով ընդունում է Հանձնաժողովի 4 անդամների կողմից ներկայացրած բանաձևի նախագիծը որպես Կենտկոմի հրահանդ:⁴⁶¹ Բանաձևում անհրաժեշտ է համարվում Ուկրաինայի, Բելոռուսիայի, Անդրկովկասյան Հանրապետությունների ֆեդերացիայի և ՌՍՖՍՀ-ի միջև «Սոցիալիստական Խորհրդային Հանրապետությունների Միություն» կազմում միավորվելու մասին պայմանագրի ստորագրումը: Պլենումը որոշում է Հանձնարարել Ստալինի նախագահությունը բոլոր Հանրապետությունների ներկայացուցիչների մասնակցությամբ կազմավորված նոր Հանձնաժողովին Կենտկոմի հրահանգի հիման վրա նախապատրաստել ԽՍՀՄ կազմավորման մասին օրենքի նախագիծ՝ այն խորհուրդների համագումարի միջոցով անցկացնելու համար:⁴⁶² Խորհրդային Հանրապետությունների միավորման գործընթացի գաղտնիության քողը թեև բացվում էր և այն իրականացվելու էր Հանրապետությունների բարձրագույն օրենսդիր մարմինների միջոցով, սակայն բոլշևիկյան կուսակցության վերնախավը ակնկալում էր ոչ թե հարցի համաժողովրդական քննարկում և բազմակարծություն, այլ միանշանակ հավանություն և անցկացում «կուսակցական կարգով»:

Եթե «ստալինյան ավտոնոմիզացիայի ծրագրի» համաձայն Խորհրդային Հայաստանը, Վրաստանը և Ադրբեջանը մտնելու էին ՌՍՖՍՀ-ի կազմ որպես առանձին միավորներ, ապա ՌԿ/բ/Կ Կենտկոմի հոկտեմբերի 6-ի ընդունած բանաձևով նրանք միավորվելու էին Ռուսաստանի, Ուկրաինայի և Բելոռուսիայի հետ Անդրֆեդերացիայի միջոցով, որպես միասնական միավոր: 1922 թ. դեկտեմբերի 10-13-ը Բաքվում հրավիր-

⁴⁶¹ Վ. Լենինը հիվանդության սրման պատճառով թեև չէր մասնակցում պլենումի աշխատանքներին, սակայն նույն օրը Լ. Կամենևից ուղղված երկտողում վերստին պնդեց Միության մեջ մտնող համրապետությունների իրավահավասարությունը պահպանելու օգտին: Լենինը հատուկ ընդգծում է, որ «Վեիկոռուսական շովինիզմին հայտարարում եմ ոչ թե կյանքի, այլ մահու կոիվ» /տես՝ Լենին, ԵԼԺ, հ. 45, էջ 255/:

⁴⁶² ՀԱԱ, ֆ. 1, ց. 2, գ. 177, ք. 75:

ված Անդրկովկասի խորհուրդների առաջին համագումարը խորհրդային Հայաստանի, Վրաստանի և Ադրբեջանի Ֆեդերատիվ Միությունը՝ ԱՍՍՀՅՄ-ը, վերափոխեց Անդրկովկասի Սոցիալիստական Ֆեդերատիվ խորհրդային Հանրապետության /ԱՍՅԽՀ/, ընդունեց նրա Սահմանադրությունը և որոշեց միավորվել ՌՍՖՍՀ-ի, Ուկրաինայի և Բելոռուսիայի հետ ԽՍՀՄ-ի կազմում:

ԽՍՀՄ կազմավորման հարցը իր վերջնական լուծումը ստացավ 1922 թ. դեկտեմբերի վերջին: Խորհրդային չորս հանրապետությունների կողմից լիազորված պատվիրակութայունների կոնֆերանսը դեկտեմբերի 29-ին հաստատեց ԽՍՀՄ-ի կազմավորման մասին Հռչակագրի և միութենական պայմանագրի նախագծերը: Դրանք հաջորդ օրը դեկտեմբերի 30-ին, կնքվեցին ՌՍՖՍՀ-ի, ԱՍՅԽՀ-ի, Խորհրդային Ուկրաինայի և Բելոռուսիայի ներկայացուցիչների կողմից և հաստատվեցին ԽՍՀՄ խորհուրդների առաջին համագումարում: ԽՍՀՄ-ի կազմավորման մասին Հռչակագրում արձանագրվեց, որ ԽՍՀՄ-ը բաց է խորհրդային բոլոր հանրապետութայունների համար և նրա կազմավորումը վճռական քայլ է՝ մոտ ապագայում Համաշխարհային Սոցիալիստական Խորհրդային Հանրապետութայուն ստեղծելու ճանապարհին:

Թեև ի տարբերություն «ստալինյան ավտոնոմիզացիայի (ինքնավարության) ծրագրի» ԽՍՀՄ-ի կազմավորումը որակապես առաջընթաց քայլ էր, այնուամենայնիվ նրա ստեղծումը հասունացած չէր: Պատահական չէ, որ ԽՍՀՄ-ի կազմավորման առիթով դեկտեմբերի 31-ին շարադրված «Ազգութայունների կամ «ավտոնոմիզացիայի» հարցի մասին» նամակում Վ. Լենինը մեղադրեց Ստալինին հանրապետութայունների միավորման հարցում դրսևորած շտապողականութայան, հապճեպութայան և վարչարարութայան մեջ, այդ գործընթացի ընթացքում թույլ տված սխալների ամբողջ պատասխանատվութայունը դնելով վերջինիս՝ որպես Կենտկոմի գլխավոր քարտուղարի, վրա: Արտահայտվելով ԽՍՀՄ-ը ամրապնդելու օգտին և շեշտելով, որ նրա կազմում հանրապետութայունների իրավահավասարութայունը պետք է լինի ոչ թե՛ ձևական, այլ իրական, Լենինը հակված էր այն կարծիքին, որ ԽՍՀՄ-ը պետք է թողնել «միայն ռազմական և դիվանագիտական տեսակետից, իսկ մյուս բոլոր տեսակետներից կվերականգնեք /հանրապետութայունների - հեղ./ առանձին ժողկոմատների լիակատար ինքնուրույնութայունը»: Սակայն հիվանդութայան

կարուկ սրման հետևանքով 1923 թ. սկզբից Վ. Լենինն այլևս ի վիճակի չեղավ հետամուտ լինել իր ծրագրերի իրականացմանը: Պետական և կուսակցական գործերից Վ. Լենինի հեռացումը, իսկ այնուհետև և նրա մահը, ի. Ստալինին հնարավորություն տվեցին ԽՍՀՄ քողի տակ աստիճանաբար և հետևողականորեն անցկացնել սեփական «ավտոնոմիզացիայի ծրագիրը»:

Խորհրդային Միությունը, որը բոլշևիկները համարում էին աղդային հարցի լուծման լավագույն ձև, իրականում միաձուլվ կենտրոնացված պետություն էր կոմունիստական կուսակցության վերնախավի դիկտատուրայով, որտեղ վճռականորեն և ամենայն խստությամբ ճնշվում էր այլախոհությունների յուրաքանչյուր դրսևորում: Այնուհանդերձ՝ չանտեսելով խորհրդային հասարակարգում գոյություն ունեցող բացասական երևույթները, կոմունիստական կուսակցության ամենատիրությունը, կազմակերպած բռնությունները, այլախոհության հետապնդումը և այլն, ԽՍՀՄ կազմում խոհրդային հանրապետությունները, այդ թվում Հայաստանը, պահպանելով ազգային պետականությունը, ունեին տարածքային ինքնավարության իրական կարգավիճակ, պաշտպանված էին արտաքին սպառնալիքներից, ստացան տնտեսական զարգացման լայն հնարավորություններ: Ինչ վերաբերում է կրթությանը, գիտությանը և մշակույթին, ապա տվյալ տասնամյակները սահմանմատելի են հայ ժողովրդի պատմության ամբողջ անցած դարերի հետ:

*KAREN KHACHATRYAN
Institute of History, NAS RA*

ARMENIA IN THE PROCESSES OF THE FORMATION OF THE TRANSCAUCASIAN FEDERATION AND THE USSR IN 1921-1922

Summary

On March 8-16, 1921 at the 10th Congress of the RC(B)P held in Moscow the authorities of Soviet Russia discussed the question of interrelations of the Soviet national republics which

during 1917-1921 were formed on the greater part of the former Russian Empire. The Congress adopted a resolution "About current tasks of the party in the national question" on the basis of the report (on behalf of the Central Committee) of the People's commissar of the nations of RSFSR, J. Stalin.

According to the resolution, the isolated existence of a Soviet republic surrounded by the anti-Soviet imperialistic states was unreasonable and aimless.

It was noted that the defense and common interests of the republics in the process of reconstruction of economy, mutual help, solidarity of nations, close military-political relations "dictated the state union of separate Soviet republics."

The best form of the union had been considered Soviet federation, based on the mutual trust between the republics and the principle of voluntariness.

The relations between Soviet Russia and other Soviet national republics, first of all, were constructed on the basis of "the military-political coalition" and then mutual "federative treaties."

The high echelon of the Bolshevik party considered federative relations based on the principle of the Soviet national autonomy as a transitional stage in the direction of formation of "the International Soviet Republic" after the victory of the world revolution.

The Soviet Union, which the Bolsheviks considered as the best form of the resolution of the national question, in reality, was a centralized state with the dictatorship of the high echelon of the Communist party where any expression of dissent was resolutely and severely punished.

Therefore, not neglecting the fact of negative phenomena existing in the Soviet society (totalitarianism of the Communist party, organized mass repressions, the persecution of dissidents and etc.), the Soviet republics, including Armenia, preserving their national states, had a real status of the territorial self-governance and were defended from external threats, receiving extensive opportunities of the economic development.

As far as it concerned the spheres of education, sciences and culture those decades were outstanding in the history of the Armenian people.

ԽՈՐՀՐԴԱՅԻՆ ՀԱՅԱՍՏԱՆՈՒՄ ԱՐԴՅՈՒՆԱԲԵՐԱԿԱՆ
ԿԱԴՐԵՐԻ ՊԱՏՐԱՍՏՄԱՆ ՊԱՏՄՈՒԹՅՈՒՆԻՑ
(1920-1930-ական թվականներ)

Խորհրդային իշխանության տարիներին Հայաստանում տեխնիկական բարձր գիտելիքներով զինված բանվորական կադրերի պատրաստման հարցը դառնում է շատ կարևոր ու անհետաձգելի: Այդ ուղղությամբ բավականաչափ աշխատանքներ էին կատարվել: Հանրապետությունում բացվել էին տեխնիկական ուսումնական նոր հաստատություններ, տեխնիկոմներ ու բանվորական ֆակուլտետներ: Որակյալ բանվորական ուժի, մասնագիտական կադրերի պատրաստման գործը հանձնարարված էր լուսավորության ժողովրդական կոմիսարիատին: Հաշվի առնելով ժողովրդական տնտեսության զարգացման հեռանկարները և այդ գործում արտադրական-տեխնիկական կադրերի պատրաստման խիստ կարևորությունը, Հանրապետության ղեկավարությունը խնդիր է դնում օգտագործել բոլոր հնարավորությունները: 1921 թ. նոյեմբերին Երևանում բացվում է ինդուստրիալ տեխնիկոմը, որն ուներ էլեկտրամեխանիկական և շինարարական բաժիններ: 1922-1923 ուսումնական տարում տեխնիկոմին միացվեցին Երևանի թիվ 2 միջնակարգ դպրոցի երկրորդ և երրորդ խմբերը՝ 83 աշակերտներով: Այդ ուստարվա վերջում տեխնիկոմում արդեն ուսանում էին 141 սովորողներ՝ 1921 թ. - ի 48-ի դիմաց⁴⁶³:

1922 թ. սկզբներին ինդուստրիալ տեխնիկոմ է բացվում նաև Ալեքսանդրապոլ քաղաքում (այժմ՝ Դյումրի), որն ուներ ատաղձագործական, շինարարական և մեքենայական բաժիններ, ուր մասնագիտանում էին 176 սովորողներ: Այս տեխնիկոմները Հանրապետության արդյունաբերությանը տալիս էին միջին որակավորման մասնագետներ: Տեխնիկոմներում ուսման տևողությունը 4 տարի էր: 1924-25 ուսումնական տարում Երևանի ինդուստրիալ տեխնիկոմը թողարկեց 30 շրջա-

⁴⁶³ Հայաստանի Սոցիալիստական Խորհրդային Հանրապետության Ժողովրդական կոմիսարիատների 1920-1922 թթ. հաշվետվությունը, Ե., 1923, էջ 127:

նավարտ, որոնք աշխատանքի անցան քաղաքի արդյունաբերական ձեռնարկություններում:

1928-1929 ուստարում Հանրապետություն արդյունաբերական թիքումով տեխնիկումներում սովորում էին 310 պատանիներ ու աղջիկներ, իսկ առաջին Հնգամյա պլանով (1928-1932 թթ.) պահանջվում էր այդ տեխնիկումների շրջանավարտների թիվը Հասցնել 2800-ի: Սակայն Հնգամյակի վերջում՝ 1932 թ. պատրաստվել էր ընդամենը 1756 մասնագետ, որը կաղմում էր նախատեսված պլանի 62,7%⁴⁶⁴:

Հետզհետե ավելանում էր արդյունաբերական կադրեր պատրաստող տեխնիկումների թիվը: Այսպես, 1928-1929 ուստարում եղած 13 տեխնիկումների փոխարեն 1932-1933 ուստարում գործում էր 65 տեխնիկում, իսկ սովորողների թիվը 1852-ից Հասել էր 7555-ի⁴⁶⁵: Այդ տեխնիկումների մեծ մասը գյուղատնտեսական թիքում ուներ, իսկ 7-ը արդյունաբերական-չինարաբական էր: Դրանք Հիմնականում տեղաբաշխված էին Հանրապետության արդյունաբերական կենտրոններում՝ Երևանում, Լենինականում, Ղաբաքիլիսայում (այժմ՝ Վանաձոր), Ալավերդում, Կապանում և Արթիկում:

Սակայն արտադրական-տեխնիկական կադրերի եղած քանակը չէր բավարարում գործող ձեռնարկություններին: Վերադաս մարմինների Հանձնարարությամբ կադրերի պատրաստումը տեղերում պետք է պլանավորվեր ժողովրդական տնտեսության պահանջներին խիստ Համապատասխան և բարձրացվեր նրանց մասնագիտական մակարդակը: Ուսուցումը պետք է տարվեր տեսության և պրակտիկայի միասնությամբ: Արդյունաբերության, շինարարության, կապի և տրանսպորտի մեծ թվով մասնագետներ պատրաստեցին Հայաստանի 12 տեխնիկումները երկրորդ Հնգամյակի տարիներին (1933-1937 թթ.): Այսպես, եթե մինչև առաջին Հնգամյակը և առաջին Հնգամյակի տարիներին պատրաստվել էր այդ մասնագիտությունների գծով 637, ապա երկրորդ Հնգամյակում՝ 1031 մասնագետ⁴⁶⁶:

Թեև բացվել էին նոր տեխնիկումներ, սակայն ղեռնա մասնագետ կադրերը չէին բավարարում օրավուր աճող պահանջները:

⁴⁶⁴ ՀԱԱ, ֆ. 48, ց.3, գ. 284, ք. 61-62:

⁴⁶⁵ Социалистическое строительство Армянской ССР (1920-1940 гг.), Е., 1940, с. 113:

⁴⁶⁶ Նույն տեղում, էջ 115:

Տեխնիկումներին կից բացվում են նոր բաժիններ: Այսպես, Երեանի շինարարական տեխնիկումին առընթեր ստեղծվում է Հիդրոտեխնիկական բաժին: Տեխնիկումները համալրվում էին նոր մասնագիտություններով: Կային էլեկտրամեքենաշինական, քիմիական, շինարարական, լեռնային, լեռնային-բանվորական, թեթև արդյունաբերական, ճանապարհային, Հիդրոտեխնիկական, Հիդրոմեխիորատիվ և այլ տեխնիկումներ, որոնք դրված էին համապատասխան ժողովրդական կոմիսարիատների տնօրինության ներքո և նախատեսվում էր նրանց միավորել ըստ ճյուղային հատկանիշի:

Արդյունաբերական կադրերի պատրաստման գործում մեծ ավանդ ունեն նաև Հայաստանի բանվորական ֆակուլտետները (բանֆակ): Առաջին բանֆակն ստեղծվել էր 1923 թ. փետրվարին Երևանում, համալսարանին առընթեր: Երկրորդ բանֆակը կազմակերպվեց Ալեքսանդրապոլում նույն թվականի սեպտեմբերին, իսկ երրորդ բանֆակը՝ Երևանում 1924 թ.: Եթե Երևանի բանֆակն արդեն երկրորդ կուրսից ուներ հասարակագիտական և տեխնիկական թեքում, ապա Լենինականի բանֆակը միայն տեխնիկական: 1924-1925 ուստարում Երևանի բանֆակում ուսանում էին արդեն 370 սովորողներ, իսկ Լենինականում՝ 365:

Առաջին հնգամյակի տարիներին խնդիր էր դրվում ոչ միայն մասնագետ կադրերի պատրաստումը, այլև նրանց որակի բարձրացումը: Խիստ անհրաժեշտ էր պատրաստել մասնագիտական, տեխնիկական ու տնտեսագիտական գիտելիքներով զինված ու լսյն հասարակական-քաղաքական մտահորիզոն ունեցող կադրեր: Տեխնիկական մասնագիտության բոլոր հաստատությունները տրվում են համապատասխան ժողկոմատներին: Ուսուցման հիմքում դրվում է ժողովրդական տնտեսության ճյուղային մասնագետների պատրաստումը: Ստեղծվում են ճյուղային բանֆակներ: Վերացվում է ուսուցման լաբորատոր բրիգադային մեթոդը և կիրառվում են ուսումնական հաստատությունների մասնագիտություններին համապատասխան մեթոդներ:

Բանֆակների մասին Հայկական ԽՍՀ Ժողկոմխորհրդի ընդունած կանոնադրության մեջ ասվում էր, որ դրանց նպատակն է բանվորական և գյուղացիական խավերին լայնորեն ընդգրկել բարձրագույն դպրոց, աշխատավորներից բուհերի

Համար ուսանողական կադրեր պատրաստել⁶⁷: Բանֆակներում ուսման տևողութունը 3 տարի էր: Շրջանավարտներն ստանում էին միջնակարգ կրթութուն: 1925-1926 ուստարում Երևանի բանֆակը տվեց առաջին շրջանավարտները՝ թվով 28 հոգի, որոնցից 23-ը ընդունվեց Համալսարան, իսկ 1928-1929 ուստարում բանֆակի 48 շրջանավարտներից Համալսարան ընդունվեցին 32-ը:

1928 թ. սկսում է փոխվել բանֆակների բնույթը: Այլևս դրանք ոչ միայն բանվոր և գյուղացի երիտասարդներին նախապատրաստում էին բարձրագույն ուսումնական Հաստատություններ ընդունելու համար, այլ նաև ժողովրդական տնտեսության տարբեր բնագավառների համար պատրաստել կուսակցական, խորհրդային, տնտեսական ու մշակութային աշխատողներ:

Հայաստանի կոմկուսի Կենտկոմի 1930 թ. որոշմամբ բանֆակները վերակառուցվեցին, համապատասխան մասնագիտությունների թեքում ունեցան: Օրինակ, Երևանի բանֆակի երեկոյան բաժնին տրվեց ինգուստրիալ-տեխնիկական, ցերեկայինին՝ գյուղատնտեսական, իսկ ազրբեջանական բաժնին՝ Հասարակագիտական թեքում: Լենինականի բանֆակում կազմակերպվեցին ինգուստրիալ-տեխնիկական և գյուղատնտեսական բաժիններ: Ինգուստրիալ-տեխնիկական բաժիններ բացվեցին նաև Ալավերդու և Կապանի բանֆակներում⁶⁸: 1932-1933 ուստարում Հանրապետության 11 բանֆակներում ուսանում էր 2644 սովորող⁶⁹:

Հայաստանի կոմկուսի Կենտկոմի 1936 թ. ապրիլի 1-ի որոշմամբ բանֆակները վերացվում են, որովհետև միջնակարգ դպրոցներն ու տեխնիկումները լիովին ապահովում են բուհերին: Նախ փակվեցին գյուղատնտեսական բանֆակները, ապա վերացվեց Ալավերդու ինգուստրիալ բանֆակը: Հետագայում լուծարվեցին նաև Երևանի ինգուստրիալ և Լենինականի տեքստիլ բանֆակները⁷⁰:

⁴⁶⁷ «Ժողովրդական լուսավորություն», 1929, թիվ 2, էջ 20-24:

⁴⁶⁸ ՀԱԱ, ֆ.113, ց.3, գ. 1068, թ. 146:

⁴⁶⁹ Социалистическое строительство Армянской ССР (1920-1940 гг.), с. 113.

⁴⁷⁰ Հայրապետյան Ս. Պ., Սոցիալիզմի կառուցումը և կադրերի պատրաստումը Հայաստանում, Ե., 1974, էջ 114:

Բանվորական կադրեր էին պատրաստում նաև դպրոց-արհեստանոցները: 1921 թ. մարտից Երևանում բացվեց կոչկակարական դպրոց-արհեստանոցը, որտեղ 1922-1923 ուստարում սովորում էին 91 պատանիներ ու աղջիկներ: 1923 թ. Երևանում սկսում է գործել նաև կարուձևի առաջին դպրոց-արհեստանոցը՝ 117 աշակերտով: Համանման դպրոց-արհեստանոցներ են բացվում Լենինականում, Նոր Բայաղետում (այժմ Գավառ), Իլիլջանում և Վաղարշապատում (այժմ էջմիածին): 1925 թ. այդպիսի դպրոց-արհեստանոցների թիվը հանրապետությունում հասնում է 24-ի, որտեղ սովորում էին հազարավոր պատանիներ ու աղջիկներ: Երևանի դպրոց-արհեստանոցը պատրաստում էր խառատներ, փականագործներ, թիթեղագործներ: Աշակերտները սովորում էին դարբնություն, որմնադրություն, հյուանություն և այլ մասնագիտություններ:

Որակյալ բանվորական կադրեր էր պատրաստում նաև Լենինականի տեքստիլ կոմբինատի ուսումնացուցադրական դպրոցը, որտեղ 1925 թ. սովորում էին 120 աշակերտներ, որոնք հմտանում էին մանածագործություն մեջ⁴⁷¹:

Հանրապետությունում կազմակերպվում են նաև բանվորական կրթության կոմբինատներ: Այդպիսի կոմբինատներ են կազմակերպվում Երևանի ձեթ-օճառի, գարեջրի, պահածոյի, ծխախոտի գործարաններում, հացառում, «Արարատ» տրեստում, Հայյուղարգում, Լենինականի տեքստիլ և փայտամշակման գործարաններում, Քանաքեռէէկի, Արտաշատի ջրանցքի շինարարություններում, Հայտնարկոոպի գրեթե բոլոր ձեռնարկություններում, Անի պեմզայում, Արթիկ տուֆում, Ալավերդու և Կապանի պղնձահանքերում, Իավլուում և Կիրովականի քիմիական գործարանում⁴⁷²:

Բանվորական կադրեր էին պատրաստում նաև պրոֆտեխնիկական դպրոցները: 1925 թ. Հայաստանում գործում էին այդպիսի 5 դպրոցներ, որտեղ սովորում էին 220 պատանիներ ու աղջիկներ: 1928-1932 թթ. պրոֆտեխնիկական դպրոցների թիվն ավելացավ և հասավ 31-ի⁴⁷³:

Բանվորական կադրերի պատրաստման դարբնոց էին հանրապետության ֆաբրիկա-գործարանային ուսուցման

⁴⁷¹ Կարապետյան Գ. Ս., Սովետական Հայաստանի բանվոր դասակարգի ձևավորումը և զարգացումը (1920-1940), Ե., 1980, էջ 55:

⁴⁷² ՀԱԱ, ֆ.119, ց.1, գ. 1233:

⁴⁷³ Խորհրդային Հայաստանի 15 տարին թվերով, Ե., 1935, էջ 204:

դպրոցները (Ֆարգործուս) և դրանց Հավասարեցված դպրոցները: 1924 թ. կազմակերպվեց Լենինականի տեքստիլ կոմբինատի Ֆարգործուսի առաջին դպրոցը, որը ռուս մասնագետների օգնությամբ սկսեց պատրաստել ազգային տեխնիկական կադրեր, Հանրապետության թեթև արդյունաբերության ձեռնարկությունների Համար¹⁷⁴: 1927 թ. դրանք թվով 5-ն էին, որոնք բացվեցին Ալավերգու և Կապանի լեռնահանքային կոմբինատներին առընթեր և Լենինականի երկաթուղային Հանգույցում: Այդ Ֆարգործուսներում սովորում էին 260 աշակերտներ¹⁷⁵: 1928-1929 ուստարում Հայաստանում արդեն գործում էին 21 Ֆարգործուսներ՝ 2168 աշակերտներով¹⁷⁶: Ընդարձակվում են Ալավերգու և Կապանի պղնձաձուլական, Երևանի կաուչուկի կոմբինատներին, Հաստոցաշինական, մեխանիկական, կարի, պահածոյի, փայտամշակման գործարաններին, Արթիկի տուֆին և Քաջարանի լեռնահանքային ձեռնարկություններին առընթեր Ֆարգործուսները: 1932-1933 ուստարում Հայաստանում բանվորական կադրեր էին պատրաստում արդեն 30 Ֆարգործուսներ՝ 3425 աշակերտներով, իսկ 1935-1936 ուստարում Ֆարերիկա-գործաբանային ուսուցման և դրանց Հավասարեցված դպրոցների թիվը Հասավ 32-ի, որոնք ժողովրդական տնտեսությանը տվեցին 1000-ից ավելի որակյալ աշխատողներ¹⁷⁷:

Սակայն պետք է նշել, որ Ֆարգործուսի Համակարգը բանվորական ուժի Հավաքագրման, պատրաստման և բաշխման արդեն Հնացած եղանակով չէր կարող բուռն աճող արտադրությանն ապահովել բանվորական որակյալ կադրերով: Այսպես, 1933-1940 թթ. արդյունաբերությանը, շինարարությանը, տրանսպորտին և տնտեսության այլ ճյուղերին դրանք տվեցին ընդամենը 5 Հազար բանվորներ¹⁷⁸, որը կազմում է այդ տարիներին բանվոր դասակարգի քանակական աճի 8%¹⁷⁹:

¹⁷⁴ Միքայելյան Ս., Սովետական Հայաստանի պրոֆեսիոնալ-տեխնիկական դպրոցը, Ե., 1978, էջ 11:

¹⁷⁵ ՀԱՍ, Ֆ.65, ց.2, գ. 813, քք. 190-191:

¹⁷⁶ Социалистическое строительство Армянской ССР (1920-1940 гг.), с. 113.

¹⁷⁷ Հարությունյան Յ. Ս., Հայկական ՍՍՀ բանվոր դասակարգը սոցիալիզմի ամրապնդման և զարգացման ժամանակաշրջանում (քանակը, կազմը), Ե., 1983, էջ 88:

¹⁷⁸ Կարապետյան Հովհ., նշված աշխ., էջ 263:

¹⁷⁹ Հարությունյան Յ. Ս., նշված աշխ., էջ 89:

Մինչև 1929 թ. ֆարգործուսի դպրոցները գտնվում էին լուսավորության ժողովրդական կոմիսարիատի տնօրինութայան ներքո և ուսումնադաստիարակչական ամբողջ աշխատանքը ղեկավարում էին լուսժողկոմատը և նրա տեղական մարմինները: 1929 թ. մարտին անհրաժեշտությունը զգացվեց ֆարգործարանային ուսուցման դպրոցները հանձնել արդյունաբերական ձեռնարկությունների տնօրինութայանը, իսկ լուսժողկոմատի մարմինների վրա ղրվեց ուսումնական գործի կազմակերպումն ու ղեկավարումը: Հաստատվեց նաև ֆարգործուսի դպրոցների կանոնադրությունը, որով սահմանվեցին այդ դպրոցների տարատեսակները: Դրանք հետևյալներն էին. ա) գործարաններին, ֆարգործարաններին և հանքերին առընթեք ֆարգործուսի դպրոցներ; բ) ինքնուրույն ֆարգործարանային (դպրոց-գործարան, դպրոց-ֆարգործարան); գ) շրջանային ֆարգործուսի; դ) ուսուցման և դաստիարակութայան դեռահաս բանվորների տներ՝ անհատական և բրիգադային ուսուցման կարգով⁴⁸⁰:

Կանոնադրությամբ սահմանված էր ֆարգործուսներ ընդունել 14-16 տարեկան պատանիներ ու աղջիկներ:

Արդյունաբերութայան բուռն զարգացումը և արդյունաբերական ձեռնարկությունները նորագույն տեխնիկայով վերագինումը նոր պահանջներ էին առաջադրում ինչպես բանվորներին, այնպես էլ պրոֆեսիոնալ-տեխնիկական կրթութայան ողջ համակարգին: Գնալով հասունանում էր բանվորական կադրերի պատրաստման հրատապությունը: Ուստի անհրաժեշտությունը զգացվեց բանվորական կադրերի պատրաստումը կենտրոնացնել պետական միասնական մի համակարգում, որը պետք է զբաղվեր տարբեր մասնագիտությունների որակյալ բանվորական կադրերի պատրաստման գործով: Այդ նպատակով ԽՍՀՄ Գերագույն խորհրդի նախագահությունը 1940 թ. հոկտեմբերի 2-ին ընդունում է հրամանագիր «ԽՍՀՄ պետական աշխատանքային ռեզերվներ ստեղծելու մասին»: Խնդիր էր դրվում կազմակերպված կարգով քաղաքի և գյուղի երիտասարդությունից ստեղծել անհրաժեշտ ռեզերվներ արդյունաբերութայան համար:

ԽՍՀՄ Գերագույն խորհրդի նախագահությունը անհրաժեշտ էր համարում մետաղագործներ, քիմիագործներ, լեռնագործներ, նավթագործներ, էլեկտրատեխնիկ, բետոնագործներ և

⁴⁸⁰ Միքայելյան Ա., Եզվ. աշխ., էջ 11-12:

այլ ըրող մասնագիտությունների տեր բանվորական կադրեր պատրաստելու նպատակով ստեղծել արհեստագործական ուսումնարաններ՝ երկու տարվա ուսման տևողությամբ: Երկաթուղային տրանսպորտի համար բացվեցին երկամյա երկաթուղային ուսումնարաններ, իսկ զանգվածային մասնագիտությունների գծով որակյալ բանվորական կադրեր պատրաստելու նպատակով ստեղծվեցին Ֆաբգործուսի դպրոցներ՝ վեցամյա ուսման տևողությամբ⁴⁸¹: Սովորողների բոլոր ծախսերը (ուսուցում, սնունդ, հագուստ) կատարվում էր պետութայան միջոցներով:

Շրջանավարտները պարտավոր էին իրենց մասնագիտությամբ արտադրության մեջ աշխատել ոչ պակաս 4 տարի, ստանալով օրենքով սահմանված վարձատրություն:

ԽՍՀՄ Մինիստրների խորհրդին առընթեր ստեղծվեց աշխատանքային ռեզերվների գլխավոր վարչություն, իսկ մյուս թիվերի հանրապետություններում՝ աշխատանքային ռեզերվների վարչություն:

Կուտնտեսությունների ղեկավարները և քաղաքային խորհուրդները պարտավոր էին ամեն տարի 14-15 տարեկան պատանիներ գործուղել արհեստագործական, երկաթուղային ուսումնարաններ և 16-17 տարեկան երիտասարդներ Ֆաբգործուսի դպրոցներ:

Աշխատանքային ռեզերվների ստեղծումով Հայաստանում Ֆաբգործուսի դպրոցների թիվն ավելացավ 5-ով և հասավ 9-ի⁴⁸², իսկ Երևանում, Լենինականում, Կապանում, Ալավերդում ստեղծվեցին նոր արհեստագործական ուսումնարաններ:

ՀամԿ(բ)Կ Կենտկոմի 1935 թ. դեկտեմբերյան պլենումի որոշման համաձայն Հանրապետության արդյունաբերական ձեռնարկություններում ևս բավականաչափ աշխատանք է կատարվում մեթոդական նոր հիմունքներով տեխնիկական մինիմում Հանձնելու ուղղությամբ: Դրանք Հանձնելու համար սահմանված էր երեք աստիճան: Տեխնիկական մինիմումի առաջին աստիճանը Հանձնում էին բոլոր բանվոր-ծառայողները: Երկրորդ աստիճանը վերաբերում էր միայն ստախանովյան բանվորներին, իսկ երրորդ աստիճանը սոցիալիստական աշ-

⁴⁸¹ Նույն տեղում, էջ 16:

⁴⁸² Социалистическое строительство Армянской ССР (1920-1940 гг.), с. 113:

խատանքի վարպետներին և երկարամյա կուրսերում սովորող ստախանովական բանվորներին:

1936 թ. Լենինականի տեքստիլ կոմբինատում տեխմինի-մուժը հանձնում են 289 բանվոր-ծառայողներ, Քանաքեռէէկի շինարարությունում՝ 287, Կիրովականի քիմիական կոմբինատում՝ 281, իսկ Երևանի պահածոների գործարանում՝ 502 բանվործառայողներ⁴⁸³:

1936 թ. Հանրապետութայն 20 արդյունաբերական ձեռնարկություններում կազմակերպվում են ավելի քան 560 տեխմինիմուժի խմբակներ: Լենինականի տեքստիլ կոմբինատում կազմակերպված 80 խմբակներում և դասընթացներում սովորում էին ավելի քան 1100 տեքստիլագործներ, Երևանի սինթետիկ կաուչուկի կոմբինատի շինարարությունում կազմակերպվում է 37 խմբակ, ուր ընդգրկված էին 426 բանվոր-ծառայողներ⁴⁸⁴:

Գնալով տեխմինիմուժների ցանցն ընդլայնվում էր, ավելանում սովորողների թիվը: Կիրովականի քիմիական կոմբինատում 1939 թ. որակավորված 316 բանվորներից 238-ը կամ 69% անցել էր տեխմինիմուժի խմբակներով, իսկ Լենինականի մայիսյան ապստամբութայն անվան մանվածքագործվածքային ֆաբրիկայում՝ 283-ից 179 կամ 63,3%⁴⁸⁵: 1937 թ. միայն Ալավերդու պղնձաձուլական կոմբինատում կազմակերպվել էր 8 տեխմինիմուժի խմբակ, որտեղ սովորում էին 183 բանվորներ:

1936 թ. Հանրապետութայն արդյունաբերական ձեռնարկություններում աշխատող 13902 բանվորից 7121-ը կամ 51,2% ավարտում է առկա կարճատև դասընթացները, իսկ 5515-ը հանձնում տեխնիկական մինիմուժի քննությունները⁴⁸⁶:

Բանվորական կազրերի պատրաստումը և որակավորման բարձրացումը արտադրութայն մեջ կատարում էին նաև արտադրատեխնիկական խմբակներն ու դպրոցները: Գրանք Հանդես եկան 1930-ական թթ. երկրորդ կեսին: Այդ խմբակներում ու դպրոցներում ուսուցումը տարվում էր 4 փուլով: Առաջին փուլում բանվորի վերապատրաստումն իրականացվում էր անհատական կամ խմբակային ձևով, մինչև 8 ամիս տևողութամբ: Այնուհետև բանվորները քննություն էին հանձնում և

⁴⁸³ ՀԱԱ, Ֆ.1, ց. 25, գ. 3:

⁴⁸⁴ ՀԱԱ, Ֆ.187, ց.2, գ. 228, թթ. 47-51:

⁴⁸⁵ Հարությունյան Հ.Ա., նշվ. աշխ., էջ 123:

⁴⁸⁶ ՀԱԱ, Ֆ.1, ց.24, գ. 232:

ստանում՝ 3-րդ կամ 4-րդ տարիֆային կարգ: Ուսուցման երկրորդ փուլում՝ 5-6 ամիս տևողությամբ, բանվորներն ստանում էին 5-րդ կամ 6-րդ կարգի որակավորում: Երրորդում՝ 10 ամիս տևողությամբ՝ 6-7 կարգի որակավորում, իսկ չորրորդում՝ կրտսեր անձնակազմի աշխատողներ (բրիգադավարներ և վարպետներ՝ համապատասխանաբար 4 և 15 ամիս տևողությամբ⁴⁸⁷:

Արտադրատեխնիկական խմբակներ ու դպրոցներ Հայաստանում գործում էին գրեթե բոլոր արդյունաբերական ձեռնարկություններում ու արտադրամասերում, ուր բացվել էին 700-ից ավելի այդպիսի խմբակներ ու դպրոցներ: Միայն Երևանի արդյունաբերական ձեռնարկություններում սովորում էին մոտ 7000 երիտասարդ բանվորներ⁴⁸⁸:

1928 թ. վերջերին Խորհրդային Հայաստանի ժողովրդական տնտեսության տարբեր ճյուղերում աշխատում էին ավելի քան 400 տեխնիկական մասնագետներ, որոնք կրթություն էին ստացել նախահեղափոխական Ռուսաստանի բարձրագույն և միջնակարգ տեխնիկական ուսումնական հաստատություններում և արտասահմանում⁴⁸⁹: Սոցիալիզմի կառուցման տարիներին հին մտավորականությունը իրեն լիովին արդարացրեց և խանդավառություններով կատարում էր իր մասնագիտական պարտականությունները:

1929 թ. հանրապետությունում գործում էր 3 բուհ՝ Երևանի պետական համալսարանը, Երևանի պետական կոնսերվատորիան և Անդրկովկասյան անասնաբուժական ինստիտուտը՝ 1366 ուսանողներով:

1929 թ. վերջերին Երևանի պետական համալսարանը վերակառուցվեց: Մի շարք ֆակուլտետների հիմքի վրա ստեղծվեցին նոր, ինքնուրույն ինստիտուտներ՝ ինժեներա-տեխնիկական (չինարարական), առևտրակոոպերատիվ, բժշկական, մանկավարժական, գյուղատնտեսական ինստիտուտները: Դա բխում էր ժողովրդական տնտեսության սոցիալիստական վերակառուցման պահանջներից: Հետագայում, 1933 թ. Երևանի

⁴⁸⁷ Հարությունյան Յ.Ս., նշվ. աշխ., էջ 121:

⁴⁸⁸ Նույն տեղում, էջ 121-122:

⁴⁸⁹ Григорьянц А.К., Формирование и развитие технической интеллигенции в Армении (1920-1965), Е., 1966, с. 116.

պետական համալսարանը վերաբացվեց իր ֆակուլտետներով¹⁹⁰:

Երեանի շինարարական ինստիտուտը ստեղծվեց համալսարանի երկու ֆակուլտետների հիմքի վրա, որը 1933 թ. վերակառուցվեց պոլիտեխնիկական ինստիտուտի երկու ֆակուլտետներով շինարարական և քիմիատեխնոլոգիական¹⁹¹:

Ձեռնարկած միջոցառումները մեծ թափ հաղորդեցին արդյունաբերական կադրերի պատրաստման գործին: Այսպես, օրինակ՝ 1928-1936 թթ. արդյունաբերական և շինարարական մասնադիտուլթյունների գծով հանրապետության բուհերում սովորողների թիվն աճել է 3,5 անգամ, 237 մարդուց հասնելով 829 մարդու¹⁹²: Արտադրական մտավորականությունն արագ կերպով աճեց: Եթե մինչև առաջին հնգամյակը և առաջին հնգամյակում պատրաստվել է ընդամենը 130 ճարտարագետ, ապա 1933-1940 թթ. ճարտարագետների թիվը հասավ 751-ի¹⁹³: Միայն Երևանի պոլիտեխնիկական ինստիտուտը 1933-1940 թթ. պատրաստում է 190 ջրաշինարար-ճարտարագետ, որոնց մեծ մասը աշխատանքի անցավ հանրապետության էլեկտրակայաններում¹⁹⁴:

Հանրապետությունում տեխնիկական կրթության կազմակերպման և բարձրորակ ճարտարագետ տեխնիկական կադրեր պատրաստելու գործում մեծազույն ծառայություն են մատուցել անվանի և վաստակաշատ գիտնականներ Ստեփան Ղամբարյանը, Ալեքսանդր Հակոբյանը, Հովհաննես Նավակատիկյանը, Արշակ Տոնյանը, Լևոն Ռոտինյանը, Ջապետ Խոջանիսթյանը, Տիգրան Զրբաշյանը, Գուրգեն Օգանեսովը, Լևոն Մանուչարյանը, Մարտին Կասյանը, Օգսեն Սապոնջյանը, Թորգոմ Խաչատրյանը և ուրիշներ¹⁹⁵:

Բազմաթիվ Հայ պատանիներ ու աղջիկներ բարձրագույն կրթություն ստացան Մոսկվայի և Կիևի պետական համալսարաններում, Մոսկվայի Բառևանի անվան բարձրագույն տեխ-

¹⁹⁰ ՀԱԱ, ֆ.113, ց.1, գ. 346, ք. 2:

¹⁹¹ Григорьянц А.К., նշվ. աշխ., էջ 162:

¹⁹² Խորհրդային Հայաստանի 15 տարին քվերով, էջ 205:

¹⁹³ Социалистическое строительство Армянской ССР (1920-1940 гг.), с. 114.

¹⁹⁴ Հովակիմյան Ս.Գ., Երևանի Կ. Մարքսի անվան պոլիտեխնիկական ինստիտուտը, Ե., 1977, էջ 37:

¹⁹⁵ Խաչատրյան Գ., Հայաստանի սոցիալիստական ինտելիգենցիայի կազմավորումն ու զարգացումը, Ե., 1968, էջ 83:

նիկական ուսումնարանում, Կիևի պոլիտեխնիկական ինստիտուտում և Ռուսաստանի այլ բուհերում: Միայն Մոսկվայի Լոմոնոսովի անվան պետական համալսարանում 1936-1937 ուստարում սովորել են 76, 1937-1938-ին՝ 64, 1938-1939-ին՝ 62, 1939-1940-ին՝ 64, իսկ 1940-1941-ին՝ 53 հայեր⁴⁹⁶: Բազմաթիվ երիտասարդներ ավարտելով Ռուսաստանի տարբեր բուհեր, վերադառնում էին Անդրկովկաս (նաև Հայաստան) ժողովրդական տնտեսության, մշակույթի, գիտության տարբեր ճյուղերում աշխատելու համար:

1933-1937 թթ. բարձրագույն և միջին որակավորում ունեցող մասնագետների կշիռը հասել էր անց: Հանրապետության արդյունաբերական ձեռնարկությունները գրեթե հագեցան բարձրորակ կադրերով: Այսպես, 1939 թ. արդյունաբերության մեջ զբաղված ճարտարագետ-տեխնիկական աշխատողների թիվը 1937 թ. համեմատությամբ 1033-ից վելացավ 530-ով և կազմեց 1563 կամ անց 51,3 %⁴⁹⁷: Վերը նշված տարիներին արդյունաբերության մեջ կատարվեցին բուռն տեղաշարժեր: Ընդհանուր բնակչության կազմում անց բանվոր դասակարգի թիվը, որը 1940 թ. կազմեց 92,4 հազար, իսկ բանվոր-ծառայողներինը՝ մոտ 156 հազար⁴⁹⁸: Այդ թվականին արդեն Հայաստանի արդյունաբերական արտադրանքի տեսակարար կշիռը ժողովրդական տնտեսության մեջ կազմեց 78 %⁴⁹⁹:

Այսպիսով, նախապատերազմյան տարիներին Հայաստանը դարձավ առաջավոր հանրապետություն: Ստեղծվեցին արդյունաբերական բոլորովին նոր ճյուղեր՝ մեքենաշինական, քիմիական, շինանյութերի, թեթև և սննդի: Հանրապետությունում վերացվեց անգրագիտությունը, ստեղծվեցին բանվոր դասակարգի և մտավորականության որակյալ կադրեր, հիմք դրվեց բարձրագույն կրթությանը: Բանվորական և ճարտարագետ-տեխնիկական այս կադրերն էլ լուծեցին արդյունաբերության ամենաբարդ խնդիրները:

⁴⁹⁶ Հայրապետյան Ս.Պ., Սոցիալիզմի կառուցումը և կադրերի պատրաստումը Հայաստանում, էջ 115:

⁴⁹⁷ Նույն տեղում, էջ 116-117:

⁴⁹⁸ Փաիլևանյան Գ. Ա., Սովետական Հայաստանը Մեծ հոկտեմբերի 60-ամյակին, Ե., 1977, էջ 76:

⁴⁹⁹ Հարությունյան Գ., Հայաստանի Կ(Ր)Կ Կենտկոմի հաշվետվությունը ՀԿ(Ր)Կ 13-րդ համագումարին, Ե., 1940, էջ 16:

**FROM THE HISTORY OF TRAINING OF THE INDUSTRIAL
SPECIALIST IN SOVIET ARMENIA
(the 1920-1930s)**

Summary

During the years of the Soviet power the training of the workers with high technical skills became a very important and urgent issue in Soviet Armenia. Considerable works were carried out in that field. There were opened new institutions of technical education, technical schools and the working faculties. The People's Commissariat of Education was responsible for training qualified labour force and specialists. For this purpose the leadership of the Armenian Soviet Republic put the task of the usage of all means, taking into consideration the perspectives of the development of the National economy and the importance of training of the technical staff.

Thus, during the pre-war years Armenia became a technically progressive republic. There were created new industrial branches (engineering, chemical building materials and etc.). Illiteracy was abolished, qualified staff of the working class and intelligentsia was trained and the bases of the higher education were founded in Soviet Armenia. The most complex problems of the development of industry were in the process of solving by the trained specialists.

**ՀԱՅԵՐԸ ՈՒՐԱԼՈՒՄ, ԱԻԲԻՐՈՒՄ ԵՎ ՀԵՌԱՎՈՐ
ԱՐԵՎԵԼՔՈՒՄ XX դ. 20-ԱԿԱՆ ԹՎԱԿԱՆՆԵՐԻՆ**

XX դարի 20-ական թթ. նախորդած շրջանը Հայ ժողովրդի Համար ունեցավ ճակատագրական նշանակություն, մեծ մասով պայմանավորեց ազդի գոյապահպանման և զարգացման խնդրի առաջնայնությունը: Առաջին Աշխարհամարտն ու Արևմտյան Հայաստանում Հայության ցեղասպանությունը, ռուսական հեղափոխությունն 1917 թ. և նրան հաջորդած քաղաքացիական պատերազմը Ռուսաստանի տարրեր անկյուններում ծվարած հարյուր հազարավոր Հայ փախստականների Համար մղձավանջային տարիներ դարձան: Ռուսաստանի Հայաչատ գաղթօջախները Համալրվեցին նոր Հայ զանգվածներով, որոնք, աստիճանաբար, ընդլայնեցին իրենց բնակության աշխարհագրությունը: Ռուսական Հյուսիսային Կովկասը, Դոնը, Պովոլժիեն, Ղրիմը, Թուրքեստանը և այլ Հայաչատ Համայնքներն ու նրանց պատմությունն ունեցել են իրենց ուսումնասիրողները, ⁵⁰⁰ հրապարակի վրա են գիտական մեծարժեք աշխատություններ, որտեղ համակողմանիորեն վեր են Հանվել ռուսահայ այդ Համայնքների պատմությունը սկզբնավորումից մինչև 1917 թ.:

Ռուսաստանի մի շարք երկրամասերի Հայ ազգաբնակչության պատմության վերաբերյալ սակավաթիվ են Համակարգված ուսումնասիրությունները, որոնք Հնարավորություն կտային դիտարկելու այդ տարածաշրջանների Հայության թվի աճն ու զարգացումը, նրանց պատմությունն ու տեղաբաշխման շրջանները, այլ գործընթացներ: Ռուսաստանի վերոհիշյալ տարածաշրջաններից են Ուրալը, Սիբիրն ու Հեռավոր Արևելքը, ուր թիև փոքրաթիվ, բայց գոյություն ունեցող Հայ ազգաբնակչության թի ցարական, թի խորհրդային շրջանի

⁵⁰⁰ Բարխուդարյան Վ. Բ., Նոր Նախիջևանի հայ գաղութի պատմություն (1779-1861 թթ.), Ե., 1967; Բարխուդարյան Վ. Բ., Նոր Նախիջևանի հայկական գաղութի պատմություն (1861-1917 թթ.), Ե., 1985; Միքայելյան Վ. Ա., Ղրիմի հայկական գաղութի պատմություն (1861-1917 թթ.), Ե., 1970; Միքայելյան Վ. Ա., Ղրիմահայոց պատմություն, Ե., 1989 և այլք:

պատմութեան վերաբերյալ բացակայում են դիտական ուսումնասիրութիւններն ու հրատարակումները:

Նախ, պետք է նշել, որ Սիրիոյի, Հեռավոր Արևելքի ոչ միայն Հայ բնակչութիւնն էր փոքրաթիւ, այլ այս տարածաշրջանները շատ նոսր էին բնակեցված: Այստեղ ժողովրդագրական մեծ շարժ սկսվեց միայն Խորհրդային տարիներին՝ գիտատեխնիկական առաջընթացի, հարուստ բնական ռեսուրսների հայտնաբերման ու շահագործման շնորհիւ: Հենց այդ տարիներին էլ ստվարանում են այս տարածաշրջանների Հայ ազգաբնակչութիւնը, իսկ մինչ այդ Հայերն այնտեղ հայտնվում էին ամենատարբեր պատճառներով: Առաջին Հերթին դա Հայերի առևտրական կապերն էին Ուրալի, Սիբիրի և Հեռավոր Արևելքի հետ. «Յակոտիայի հետ Հայ առևտրականների կապերը սկիզբ են առել XVII դ. 80-90-ական թթ.: Այդ կապերն ավելի են ամրապնդվել Արևելյան Հայաստանը Ռուսաստանին միացնելուց հետո (1828 թ.)»⁵⁰¹: Հետագայում Հայերի հաստատմանը Յակոտիայում, Սիբիրի և Հեռավոր Արևելքի շրջաններում, նպաստում է հատկապես ոսկու արդյունագործութիւնը: Ուրալի երկրամասում նույնպես, տեղի հայութեան մի մասը զբաղված էր առևտրով, կային Հայեր, որոնք զբաղված էին լեռնահանքային արդյունագործութեան մեջ: Հայ ազգաբնակչութեան հայտնվելն ու հաստատվելը Սիբիրում և Հեռավոր Արևելքում կապված էր նաև այն իրողութեան հետ, որ վերջիններս նախ ցարական իշխանութեան օրոք, ապա նաև Խորհրդային տարիներին դատապարտվում և իրենց պատիժը կրում էին Սիբիրի և Հեռավոր Արևելքի ազատագրված այրերում: Այն շարունակվել է նաև 1930-ական թթ. . «Օմսկի մարզում Հայերը բնակչութիւն են հաստատել 1930-ական թթ. երկրորդ կեսին որպես աքսորյալներ: Նրանցից շատերը հարմարվել են տեղի պայմաններին ու մնացել այնտեղ»⁵⁰² Դեռևս XX դ. սկզբին Յակոտիայում ևս աքսորյալ Հայեր կային. «1901-1916 թթ. Յակոտիայի աքսորավայրերում կային երկու տասնյակ Հայեր, որոնց մի մասը հեղափոխական գործիչներ էին»⁵⁰³:

⁵⁰¹ Հայ Սփյուռք, Համրագիտարան, Ե., 2003, էջ 468:

⁵⁰² Նույն տեղում, էջ 482:

⁵⁰³ Նույն տեղում, էջ 468:

Այսուհանդերձ, 1917 թ. Փետրվարյան հեղափոխությունից հետո, ուսական ժամանակավոր կառավարությունն արգելել է աքսորի դատապարտելը, կալանավոր հայերի մեծ մասը վերադարձել է հայրենիք, բայց հետագայում բոլշևիկները շարունակեցին կիրառել աքսորի դատապարտման նախադեպը: Արդեն XX գ. կեսերին նկատվում է նոր «աշխատանքային միգրացիայի» միտում, որն ուղղված էր վերոհիշյալ տարածաշրջաններ արդյունքում բազմահազար հայ մարդիկ հայտնվում էին Ուրալի, Սիբիրի, Հեռավոր Արևելքի շինհրապտրակներում. «Նովոսիբիրսկի մարզում, ինչպես նաև Արևմտյան Սիբիրի մի շարք շրջաններում, հայերի ներկայությունը կարելի է որպես երկարաժամկետ բնութագրել միայն XX գ. կեսից, թեև, ըստ էության, այդ ժամանակ էլ հայ տղամարդկանց մեծ մասը գալիս էր Նովոսիբիրսկ ժամանակավոր շինարարական աշխատանքների»:⁵⁰⁴

Ուրալի, Սիբիրի և Հեռավոր Արևելքի հայ ազգաբնակչության թվաքանակի, տեղաբաշխման, զբաղվածության և զարգացման դինամիկան հնարավոր է դառնում դիտարկել XX գ. 20-ական թթ. Խորհրդային Ռուսաստանում և ԽՍՀՄ-ում անցկացված թվով երեք մարզահամարների արդյունքների ամփոփումով: Այսպես, 1920 թ. օգոստոսի 28-ին անցկացվում է Համառուսաստանյան ժողովրդագրական մարզահամար, որի արդյունքները հրապարակվել են սվեյլի ուշ: Այս մարզահամարի անցկացման հիմնական նպատակն էր ոչ միայն վերահանել ՌևՖՍՀ ազգաբնակչության ընդհանուր թիվը, այլև նրա էթնիկ կազմը: 1923 թ. Ազգությունների ժողկոմատի խնդիրն էր հանդիսանում ՌևՖՍՀ ազգային փոքրամասնությունների նկատմամբ մշակել նոր գործելաոճ, որը պետք է ընդգրկեր նահանգային և գավառային ազգային վարչություններն ու սեկցիաները, ուստիև ՌևՖՍՀ 48 նահանգային գործկոմներից պահանջվեց ներկայացնել 1920 թ. մարզահամարի վիճակագրական արդյունքները: Ազգությունների ժողկոմատին դժվարություններ է հաջողվում ստանալ մարզահամարի արդյունքներն ընդհամենը 44 նահանգներից, որոնք էլ մշակումից և ստուգելուց հետո հրապարակվել են.«...չեն ստացվել և ընդգրկվել հրապարակության մեջ տվյալներ Տոմսկի, Նիժեգորոգի, Կուրսկի, Մուրմանսկի նահանգներից և նախկին Հեռա-

⁵⁰⁴ Սույն տեղում, էջ 478:

վոր Արևելքի Հանրապետությունից (Ժ.Թ.Հ.)»⁵⁰⁵ Փաստորեն, ազգությունների ժողովմատի օրգան «Ժիզն նացիոնալնոստեյ» ամսագրում չեն ընդգրկված Հեռավոր Արևելքի վիճակագրական տվյալներն ու Սիբիրի Տոմսկ նահանգին վերաբերող մարդահամարի արդյունքները:

Այս ամենով Հանդերձ, պետք է նկատել, որ 1920 թ. մարդահամարը վեր է Հանել Ուրալի և Սիբիրի Հայ ազգաբնակչության վերաբերյալ պաշտոնական տվյալներ, որոնք այս երկրամասերի Հայության թվաքանակի, տեղաբաշխման Հարցերի մասին էին, լինելով խիստ կարևոր, քանի որ, Հանդիսանում էին 1920-ական թթ. անցկացված առաջին մարդահամարի արդյունքներ: Այս մարդահամարի արդյունքներով, Հայ ազգաբնակչություն է առկա Ուրալի և Սիբիրի թվով 8 նահանգներում՝ Եկատերինբուրգի, Պերմի, Օմսկի, Չելյաբինսկի, Ալթայի/ առանց Կարակորում գավառի/, Ենիսեյի, Իրկուտսկի և Տյումենի նահանգներում: Հստ մարդահամարի արդյունքների, բոլոր այս 8 նահանգներում միասին բնակվում էին 595 Հայազգի քաղաքացիներ, որոնցից գյուղաբնակ էր ընդհամենը 78 մարդ կամ նրանց ընդհանուր թվի 13%-ը: Վերը թվարկված 8 նահանգներից Հայ ազգաբնակչությունը գլխավորապես կենտրոնացած էր Իրկուտսկի նահանգում. «Իրկուտսկի նահանգում բնակվում էին 375 Հայեր, 326-ը՝ քաղաքաբնակ, 49-ը՝ գյուղաբնակ»⁵⁰⁶: Իրկուտսկ նահանգի Հայությունը կազմում էր վերոհիշյալ 8 նահանգների ամբողջ Հայ բնակչության 63%-ը, իսկ նրա գյուղական բնակչությունը, գրեթե, նույն տոկոսն էր կազմում Ուրալի և Սիբիրի գյուղաբնակ Հայության Հաշվով /62,8%-ը/: Հայ ազգաբնակչության իր թվաքանակով երկրորդն Օմսկի նահանգն էր, ուր բնակվում էին 71 Հայեր, երրորդը՝ Ենիսեյի նահանգը՝ 66 Հայ բնակիչներով: Եկատերինբուրգ և Չելյաբինսկ նահանգներում բնակվում էին Հավասար թվով Հայեր՝ յուրաքանչյուրում՝ 22-ական մարդ, Ալթայի նահանգում՝ 14, Պերմում՝ 21 Հայ քաղաքացիներ: Հայ ազգաբնակչության թվաքանակով ամենափոքրը Տյումենի նահանգն էր, ուր բնակվում էին ընդհամենը 4 Հայ: 1920 թ. օգոստոսի 28-ի մարդահամարի արդյունքներով ՌԽՖՍՀ Հայ ազգաբնակչության թիվը կազմում էր 137.119 մարդ, իսկ վերը թվարկված Ուրալի և Սիբիրի Հայաբնակ 8 նահանգների Հայության տոկո-

⁵⁰⁵ Жизнь национальностей, книга I (VI), М., 1924, с. 129.

⁵⁰⁶ Երևան տեղում, էջ 135:

սային կշիռը ՌԽՖՍՀ ամբողջ հայ ազգաբնակչության հաշվով կազմում էր 0,43%: Ուրալի և Սիբիրի հայաբնակ նահանգների փոքրաթիվ հայ ազգաբնակչության թվարկումն ըստ նահանգների անհրաժեշտ է և խիստ հետաքրքրական, քանի որ այն արտացոլում էր '20-ական թթ. առաջին, մեկնարկային մարդահամարի արդյունքները, որն առաջինը լինելով հանդերձ, տեղեկատվական և փորձի առումով լուրջ հիմք հանդիսացավ հաջորդ մարդահամարների ժամանակ:

ԽՍՀՄ Կենտրոնական Վիճակագրական Վարչությունը հաջորդ մարդահամարն անցկացրեց 1923 թ. մարտի 15-ին, որն ընդգրկում էր քաղաքային և քաղաքատիպ ավանների բնակչությանը: 1923 թ. քաղաքային մարդահամարի արդյունքների 4-րդ մասի հրատարակումը ԽՍՀՄ ԿՎՎ ժողովրդագրական բաժանմունքի կողմից, հնարավորություն է ընձեռում ուսումնասիրել ԽՍՀՄ քաղաքային բնակչության թիվը, էթնիկ կազմը, սեռը, զբաղվածությունը /ինքնագործ, ոչ ինքնագործ/: ՌԽՖՍՀ կազմում գտնվող Ուրալի, Սիբիրի և Հեռավոր Արևելքի մարզերն /այսուհետ մարզեր/ ամբողջությամբ ընդգրկված էին 1923 թ. քաղաքային մարդահամարի գործընթացում: 1923 թ. մարդահամարի արդյունքներն, որոնք վերաբերում էին հայ ազգաբնակչությանը, ամփոփված էին Ուրալի երկրամասում՝ ՌԽՖՍՀ եվրոպական մասի Սվերդլովսկ /Եկատերինբուրգ/, Չելյաբինսկ, Պերմ մարզերով, Սիբիրի երկրամասում՝ Ալթայ, Ենիսեյ, Իրկուտսկ, Նովոսիբիրսկ, Օմսկ, Տոմսկ, Տյումեն մարզերով, Հեռավոր Արևելքի երկրամասում՝ Ամուր, Անգրբայկալ, Պրիմորիե մարզերով և Բուրյատա-Մոնղոլական ԻԽՍՀ-ով:

Այս երկրամասերի հայ ազգաբնակչության թիվը որոշ մարզերի կտրվածքով լուրջ փոփոխություններ չի կրել, թեև առկա է նաև տարբերություն 1920 թ. մարդահամարի արդյունքների համեմատ:

Հայերն Ուրալում, Սիբիրում, Հեռավոր Արևելքում, ըստ 1923 թ. քաղաքային մարդահամարի

ՈւՐԱԼ	ամ բողջը	այդ թվում ինքնա գործ	արա կան	այդ ինքնագործ	իդա կան	այդ թվում ինքնա գործ
	47	38	37	34	10	4
1. Զեյարինսկի մարզ	10	7	9	7	1	-
2. Ավերդյովսկ	32	26	24	23	8	3
3. Պերմ	5	5	4	4	1	1
ՍԻԲԻՐ	364	182	243	163	121	19
1. Ալթայ	6	4	4	3	2	1
2. Ենիսեյ	25	17	18	14	7	3
3. Իրկուտսկ	235	104	154	97	81	7
4. Նովոսիբիրսկ	14	7	9	6	5	1
5. Օմսկ	62	36	44	37	18	5
6. Տոմսկ	17	11	10	9	7	2
7. Տյումեն	5	3	4	3	1	-
ՀԵՒԱՎՈՐ ԱՐԵՎԵԼՔ	374	211	258	198	116	13
1. Ամուր	48	23	32	23	16	-
2. Անդրրայկալ	73	48	54	45	19	3
3. Պրիմորիե	214	123	148	115	66	8
4. Բուրյատա- Մոնղոլական ԻԽՍՀ	39	17	24	15	15	2
Ընդհանուրը	785	431	538	395	247	36

Ինչպես նախորդ մարդահամարի արդյունքներով, այնպես էլ 1923 թ. քաղաքային մարդահամարով, ամենամեծ թվով Հայ բնակչություն ունեւր Իրկուտսկի մարզը. «Իրկուտսկի մարզում բնակվում էին 235 Հայեր՝ 154 արական սեռի, 81-ը

իզական»:⁵⁰⁷ Պարզորոշ երևում է, որ Իրկուտսկի մարզի Հայ բնակչության թիվը նվազել է 1920 թ. մարդահամարի արդյունքների համեմատ՝ 326 մարդուց հասնելով 235-ի: Հայ ազգաբնակչության թվաքանակի նվազում է առկա նաև Ննիսեյ, Օմսկ, Ալթայ և այլ մարզերի կտրվածքով, ինչը թերևս, բացատրվում է այն հանգամանքով, որ 1920 թ. մարդահամարի ժամանակ որոշակի թերացումներ են եղել, իսկ քաղաքային մարդահամարով թվական տվյալները ճշգրտվել են: Հայ ազգաբնակչության թիվը նոր մարդահամարով, նվազել է, կամ ավելի ստույգ՝ ճշգրտվել նաև Ուրալի Հայության շրջանում: Այսպես, նկատելի է Հայերի թվաքանակի նվազում Պերմի և Չելյաբինսկի մարզերում, փոքր աճ՝ Սվերդլովսկի մարզում:

Առաջին անգամ Հայ ազգաբնակչության թվաքանակի վերաբերյալ արդյունքեր կան Հեռավոր Արևելքի մարզերից, որոնք իրենց Հայ բնակչության թվով փոքր-ինչ գերազանցում են Սիբիրի Հայությանը: Հեռավոր Արևելքի քաղաքային Հայ բնակչության 57,2%-ը կենտրոնացած էր Պրիմորիեում, իսկ Սիբիրի Հայության 64,5%-ը՝ Իրկուտսկի մարզում: Իրկուտսկի և Պրիմորիեի քաղաքաբնակ Հայությունը միասին կազմում էին Ուրալի, Սիբիրի և Հեռավոր Արևելքի քաղաքաբնակ ողջ Հայության ավելի քան 57%-ը:

Ուրալում, Սիբիրում և Հեռավոր Արևելքում միասին բնակվում էին 785 քաղաքաբնակ Հայեր, որը կազմում էր ՌեսՍՖՀ ամբողջ քաղաքային Հայ բնակչության (125794 մարդ) 0,62%-ը: Այս երեք տարածաշրջանների Հայության 68,5%-ը արական սեռի, 31,5%-ը իգական սեռի ներկայացուցիչներ էին: Սեռերի միջև էական թվային տարբերություններ իր պատճառներն ու հանգամանքները, որի մասին խոսվել է ավելի վաղ:

1923 թ. մարդահամարի ժամանակ առաջին անգամ տվյալներ կան Ուրալի, Սիբիրի և Հեռավոր Արևելքի Հայ բնակչության ինքնագործ և ոչ ինքնագործ խմբերի թվաքանակի վերաբերյալ, ինչը բավարար չափով ցույց է տալիս բնակչության զբաղվածության աստիճանը: Ինքնագործ բնակչության այն խումբն էր ներկայացնում, որն ուներ գոյատևման միջոցներ, աղբյուր (աշխատավարձ, եկամուտ): Ինք-

⁵⁰⁷ Итого Всесоюзной городской переписи 1923 г., часть IV, М., 1927, с. 44-45.

նադործ ընակչության խմբին էին դասվում պետական և հասարակական հիմնարկների խնամքի ներքո գտնվողները, այդ թվում դինձառայողները: Ոչ ինքնագործ խմբին էր դասվում ընակչության այն հատվածը, որոնք չունենալով ապրուստի սեփական միջոցներ, նյութապես գտնվում էին ուրիշների խնամքի ներքո: Մինչև 10 տարեկան երեխաները ևս մտնում էին ոչ ինքնագործ խմբի մեջ, թեև բացառիկ դեպքերում ունեին սեփական աշխատանք: Ինքնագործ խմբի մեջ էին մտնում, նաև այն անձինք, ովքեր վարձով ծառայություն էին մատուցում կամ բնակարան, տարածք և գույք էին տրամադրում:

Ուրալի, Սիբիրի և Հեռավոր Արևելքի ողջ հայության 54,9 %-ն ինքնագործ խմբին էր դասվում իր խնամքի ներքո պահելով բնակչության մյուս հատվածին: Պետք է նկատել, որ հայ ազգաբնակչության արական հատվածի շրջանում զբաղվածության ցուցանիշը բավականին բարձր էր ընդհանուր տոկոսից և կազմում է 73,4%: Սեփական եկամուտի աղբյուր ունեցողների տոկոսային հարաբերությունը հայության իգական սեռի շրջանում հասնում էր 14,5%-ի, որը ցածր ցուցանիշ էր:

Այսպիսով, դիտարկելով բնակչության ինքնագործ խմբի տոկոսային կշիռն, ակնհայտ է դառնում զբաղվածության մակարդակը, խնամքի կարոտ և կերակրվողի կարգավիճակ ունեցող հայության այդ հատվածի իրական թվային պատկերը:

Սիբիրի հայության շրջանում բնակչության ինքնագործ խմբի տոկոսային կշիռը կազմում էր 50%, իսկ Հեռավոր Արևելքում՝ 56,4%: Հեռավոր Արևելքի Պրիմորիեի մարզի հայության շրջանում ինքնագործ բնակչության կշիռն ավելի բարձր էր հասնելով 57,4%-ի, իսկ Իրկուտսկի մարզի հայության ինքնագործ խմբի տոկոսային կշիռը ցածր էր ամբողջ Սիբիրի երկարամասի հայության նույն ցուցանիշից և կազմում էր 44,2%:

Ուրալի, Սիբիրի և Հեռավոր Արևելքի ամբողջ հայ ազգաբնակչության զբաղվածության մակարդակը բավականին բարձր էր, իսկ, եթե, նկատի ենք առնում հանգամանքը, որ հայ ընտանիքի կերակրող ձեռքը հանդիսանում է տղամարդը, ապա առավել քան բարձր էր աշխատանք ունեցողների տոկոսային կշիռը հայության շրջանում:

Ուրալի, Սիբիրի և Հեռավոր Արևելքի Հայ ազգաբնակչության վերաբերյալ առավել համակողմանի վիճակագրական տվյալներ է վեր հանված 1926 թ. դեկտեմբերի 17-ի համամիութենական մարդահամարի արդյունքում: Համամիութենական մարդահամարի հարցումները վեր են հանել ոչ միայն բնակչության թվաքանակը, նրա էթնիկ կազմն ու սեռը, այլ նաև լեզվական պատկանելիությունը, գրագիտության մակարդակը՝ ընդ որում նաև ազգային լեզվով: 1926 թ. մարդահամարի երկրորդ կարևորագույն առանձնահատկությունը կայանում էր նրանում, որ այն համընդհանուր էր, անցկացվել էր թե՛ քաղաքային, թե՛ գյուղական վայրերում, ինչը հնարավորություն է ընձեռում առաջին անգամ ամփոփ արդյունքներ ունենալ Ուրալի, Սիբիրի և Հեռավոր Արևելքի գյուղական Հայ ազգաբնակչության վերաբերյալ: 1926 թ. համընդհանուր մարդահամարով, որը վերջինն էր '20-ական թթ., վերջնականապես ճշգրտվել է Ուրալի Սիբիրի և Հեռավոր Արևելքի Հայության իրական թվաքանակը, տեղաբաշխումը և այլն: Այս մարդահամարի ընթացքում ՌԽՖՍՀ վերոհիշյալ 3 երկրամասերի կազմում ընդգրկված վարչատարածքային միավորների նոր վերախմբավորում է կատարվել՝ արդյունքում Բուրյատա-Մոնղոլական ԻՄՍՀ-ն Հեռավոր Արևելք երկրամասից դուրս է հանված և հանդես է գալիս Սիբիրի երկրամասի կազմում, իսկ վերջինիս մաս կազմող Տյումենի մարզն ընդգրկվել է Ուրալի կազմում: Այս երկրամասերի կազմում գտնվող վարչատարածքային միավորները վերանվանվել են օկրուգներ, այդ թվում՝ ստեղծվել են նորերը: Հեռավոր Արևելքի երկրամասի օկրուգների հետ միասին հանդես է գալիս Յակուտիայի ԻՄՍՀ-ն դիտվելով այս տարածաշրջանի մաս: Վարչատարածքային միավորների մի երկրամասից մյուսի կազմ տեղափոխելու արդյունքում ինչպես նաև Հայության թվի վերջնական ճշգրտմամբ, զգալի տարբերություններ են առաջացել այս կամ այն երկրամասում Հայ ազգաբնակչության ընդհանուր թվաքանակի միջև, որն ստացել է հետևյալ պատկերը.

Հայերն Ուրալի մարզում, Սիբիրի և Հեռավոր Արևելքի երկրամասերում, ըստ 1926 թ. դեկտեմբերի 17-ի մարդահամարի

1. ՈՒՐԱԼՆ ⁵⁰⁸	ամբողջը	ար.	իգ.	մայրենի լեզու		գրագետ	գրագետ ազգ. լեզվ.
				հայ.	ռուս.		
				121	91		

որից՝

Սվերդլովսկի օկրուգ	22	18	4	18	4	19	11
2. Սիբիր ⁵⁰⁹	575	415	160	384	181	429	200

որից՝

Իրկուտսկի օկրուգ	215	141	74	148	65	142	60
3. Հեռավոր Արևելք ⁵¹⁰	256	181	75	163	87	179	84

որից՝

Վլադիվոստոկի օկրուգ	116	77	39	66	45	84	36
Բուրյատա- Մոնղոլական ԻԽՍՀ	29	18	11	15	14	17	8
Յակուտիայի ԻԽՍՀ	4	4	-	3	1	3	1
Ամբողջը միասին	985	709	276	657	308	726	341

⁵⁰⁸ Всесоюзная перепись населения 1926 г., Т. IV, Вятский район, Уральская область, Башкирская АССР, М., 1928, с. 104.

⁵⁰⁹ Всесоюзная перепись населения 1926 г., Т. VI, Сибирский край. Бурято-Монгольская АССР, М., 1928, с. 12.

⁵¹⁰ Всесоюзная перепись населения 1926 г., Т. VII, Дальне-Восточный край. Якутская АССР, М., 1928, с. 8.

1926 թ. Համամիութենական մարդահամարի ժամանակ գրանցված արդյունքներով Ուրալի մարզի մեջ մտնող 16 օկրուգներից միայն մեկում՝ Կոմի-Պերմյակական օկրուգում, առկա է է Հայ ազգաբնակչություն, մնացած բոլոր օկրուգներում Հայ ազգաբնակչության թիվը կազմում էր մեկ-երկու տասնյակ մարդ: Հայ բնակչության թվաքանակով ամենամեծը Սվերդլովսկի օկրուգն էր, իսկ մյուս օկրուգներն, ուր բնակվում էին հայեր հետևյալներն էին՝ Վերխնեկամսկ, Ջլատուուստ, Իրբիտ, Իշիմ, Կունգուրսկ, Կուրգան, Պերմ, Սարապուլ, Տագիլ, Տորոսկ, Տրոիցկ, Տյումեն, Չելյաբինսկ, Շադրինսկ:

Ուրալի մարզի Հայության թվի աճը պայմանավորված էր վարչատարածքային նոր ձևավորումներով, թեև այն դեռևս փոքրաթիվ էր: Ուրալի մարզի Հայության 4/5-ը քաղաքներում էր բնակվում, իսկ արական սեռի ներկայացուցիչները կազմում էին 3/4-ը: Հայերենը իր մայրենի լեզուն էր համարում Ուրալի Հայության 3/4-ից ավելին, իսկ մեկ քառորդից պակասի համար դա ուուսերենն էր: Պետք է նկատել, որ մարդահամարի անցկացման ընթացքում, ըստ հարցումների, մայրենի լեզու էր համարվում այն լեզուն, որով հարցվողը սովորաբար խոսում էր կամ տիրապետում էր ավելի լավ: Մանկահասակ երեխաների պարագայում, նրա մայրենի լեզուն էր համարվում երեխայի մոր կողմից նշված լեզուն, իսկ, եթե, հարցի պատասխանը դժվարանում էր, ապա գրանցվում էր երեխայի մոր էթնիկ, ազգային լեզուն:

Ուրալի Հայության 4/5-ը գրագետ էր, իսկ նրանց մոտ կեսը գրագետ էր նաև իր ազգային լեզվով: Ուրալի Հայության շրջանում, ինչպես գրեթե բոլոր տարածաշրջաններում, եղել են հայեր, որոնք դժվարացել են պատասխանել կամ առանձնացնել, թե որն են համարում մայրենի լեզու, բայց վերջիններիս թիվը աննշան է: 1926 թ. մարդահամարի արդյունքներն ամփոփած ԽՍՀՄ ԿՎՎ Հրատարակության VI-րդ Հատորը ներառում է Սիբիրի երկրամասի և Բուրյատա-Մոնղոլական ԻԽՍՀ տվյալները: 1923 թ. քաղաքային մարդահամարի ժամանակ Սիբիր երկրամասը կազմված էր 7 վարչատարածքային միավորներից, իսկ 1926 թ. մարդահամարի ժամանակ երկրամասն ընդգրկում էր 21 վարչական միավոր օկրուգ, որոնցից միայն երեքում առկա է էր Հայ ազգաբնակչություն (Ռուբցովսկի օկրուգ, Օյրաթական ԻՕ, Կրասնոյարսկից առանձնացված Տուուուխանսկ): Սիբիրի Հայության հիմնական մասը դեռևս չա-

րունակում էր հանդիսանալ Իրկուտսկի օկրուգի հայ ազգա-
րնակչությունը, իսկ միայն Իրկուտսկ քաղաքում կենտրոնա-
ցած էր ամբողջ Սիրիերի երկրամասի հայության մոտ 16%-ը (90
հայեր): Պետք է նկատել, որ այս կտրվածքով Օմսկ քաղաքի
հայ բնակչությունը ևս նկատելի մաս էր կազմում սիրիերահա-
յության մեջ, նրա տոկոսային կշիռը հասնում էր մոտ 9%-ի
(50 հայեր): 1923 թ. մարդահամարի ժամանակ, գրանցված
արդյունքների համեմատ Սիրիերի քաղաքաբնակ հայության
թիվը 1926 թ. աճել է 15%-ով(55 հայ): Թեև Ուրալի, Սիրիերի և
Հեռավոր Արևելքի հայությունը, ճնշող մեծամասնությամբ,
քաղաքաբնակ էր, բայցեայնպես, Սիրիերի գյուղաբնակ հա-
յության (27,1%) մեծ մասը բնակվում էր Իրկուտսկի օկրու-
գում: Նշված օկրուգներից բացի, Սիրիերի հայությունը տեղա-
բաշխված էր նաև Աչինսկի, Բաբաբինսկի, Բարնաուլի, Բիյսկի,
Կանսկի, Կամենսկի, Կիրենսկի, Կրասնոյարսկի, Կուզնեցկի,
Մինուսինսկի, Նովոսիբիրսկի, Սլավոդորոգի, Տարսկի, Տոմսկի,
Տուլունի և Խակասկի օկրուգներում, ուր հայ ազգաբնակչու-
թյան թիվը նրանցից յուրաքանչյուրում առանձին վերցրած,
հասնում էր մեկից մի քանի տասնյակ մարդու: Սիրիերի երկրա-
մասի հայ ազգաբնակչության 72%-ը արական, 28%-ը իգա-
կան սեռի բնակիչներ էին, որը, գրեթե նույն հարաբերակցու-
թյամբ դիտվում է Ուրալում ու Հեռավոր Արևելքում: Հայերենը
մայրենի լեզու էր հանդիսանում Սիրիերի հայ ազգաբնակչու-
թյան 2/3-ի համար, իսկ 31,4%-ի համար դա ռուսերենն էր:
Մնացյալ 1,7%-ի համար դժվար է եղել առանձնացնել իր մայ-
րենի լեզուն: Անշուշտ, այն հայերը, որոնք իրենց մայրենի լե-
զուն են համարել ռուսերենը, տիրապետել են նաև հայերենին,
ուղղակի նրանց համար ռուսերենը հանդիսացել է առօրյա
չփման լեզու կամ առավել լավ են տիրապետել այն: Սիրիերի
երկրամասի ամբողջ հայության 74,6%-ը գրագետ էր, որոնցից
46,6%-ը գրագետ էր նաև իր ազգային լեզվով: Բուրյատա-
Մոնղոլական ԻԽՍՀ բնակչության թիվը 1926 թ. մարդահամար-
ով նվազել է 1923 թ. գրանցված բնակչության թվի համեմատ
(10 մարդով): Այսպիսով, Սիրիերի և Բուրյատա-Մոնղոլական
ԻԽՍՀ հայ ազգաբնակչությունը միասին, 1926 թ. մարդահա-
մարով կազմում էր 604 մարդ և իր թվով ավելի մեծ էր Ուրալի
և Հեռավոր Արևելքի հայության ընդհանուր թվից: 1926 թ.
մարդահամարի արձանագրած արդյունքների շնորհիվ, վեր

Հանվեց նաև Հեռավոր Արևելքի Հայության թվաքանակը, թե՛ քաղաքային, թե՛ գյուղական բնակչության շրջանում: Նախկին մարդահամարի ժամանակ այս երկրամասն ընդգրկում էր 4 վարչատարածքային միավոր, իսկ 1926 թ. այն բաղկացած էր 9 օկրուգից, ինչպես նաև Յակուտիայի ԻՆՍՂ-ից, որն ավելի շուտ դիտվում էր Հեռավոր Արևելքի մաս, քան ինչպես նախկինում էր՝ Սիբիրի:

1923 թ. քաղաքային մարդահամարի ժամանակ Հեռավոր Արևելքի Հայության թիվն 374 մարդ էր, իսկ 1926 թ. մարդահամարով և նոր վարչատարածքային սահմաններում, արձանագրվել է նրանց իրական թվակազմը, որը, Յակուտիայի ԻՆՍՂ Հայ բնակչության Հետ միասին, կազմում էր 260 մարդ: Հեռավոր Արևելքի Հայության 82,4%-ը քաղաքաբնակ էր, իսկ երկրամասի Հայության 29,2%-ը բնակվում էր Վլադիվոստոկ քաղաքում (75 մարդ): Վլադիվոստոկի օկրուգում էր կենտրոնացած ամբողջ Հեռավոր Արևելքի Հայ բնակչության 45,3%-ը, իսկ Զիտայի օկրուգում՝ մոտ 20%-ը: Հեռավոր Արևելքի երկրամասում արական սեռի Հայ բնակչության տոկոսային կշիռը կազմում էր 70,7%: Այս երկրամասի Հայության 63,6%-ի Համար մայրենի լեզու էր հանդիսանում Հայերենը, իսկ 33,9%-ի Համար՝ ռուսերենը: Հայ ազգաբնակչության շրջանում բավականին բարձր էր գրագիտության ընդհանուր մակարդակը, որը կազմում էր 69,9%-ը, իսկ գրագետ Հայերի 46,9%-ը գրագետ էր նաև իր ազգային լեզվով: Հեռավոր Արևելքի վերը թվարկած օկրուգներից բացի, Հայաբնակ էին նաև Հետևյալները՝ Ամուրի (34 Հայ), Ջեյսկի (3 Հայ), Կամչատկայի (2 Հայ), Նիկոլաևսկի (12 Հայ), Սախալինի (10 Հայ), Խաբարովսկի (26 Հայ) և Սրետենսկի (2 Հայ) օկրուգները: Ինչ վերաբերում է Յակուտիայի ԻՆՍՂ-ին, ապա 1926 թ. այնտեղ բնակվում էին 4 Հայեր, թեև 1923 թ. ոչ մի Հայ բնակիչ արձանագրված չկար:

Այսպիսով, 1926 թ. դեկտեմբերի 17-ի Համամիութենական մարդահամարն, որն անցկացվեց քաղաքային բնակավայրերում մեկ շաբաթվա ընթացքում, գյուղական բնակավայրերում երկու շաբաթվա ընթացքում (այսինքն՝ մինչև 1927 թ. հունվարի 1-ը), ամբողջությամբ վեր հանեց Ուրալի, Սիբիրի և Հեռավոր Արևելքի Հայության թիվը, տեղաբաշխումն ու վերը թվարկած մյուս տվյալները 20-ական թթ.:

Ռուսաստանի այս երկրամասերն, որոնք ընգրկում են Հսկայածավալ տերիտորիաներ, հաջորդ տասնամյակների ընթացքում արադ տեմպերով բնակեցվեցին, ստվարացավ նաև հայ ազգաբնակչությունը: Եթե XX դ. 20-ական թթ. Ուրալում, Սիրիում և Հեռավոր Արևելքում միասին վերցրած բնակչում էին մոտ 1000 հայազգի քաղաքացիներ, ապա հաջորդ տասնամյակներում, և արդեն դարավերջին, հայություն թիվն այս երկրամասերից յուրաքանչյուրի առանձին վարչական միավորներում անցնում էր տասնյակ հազարից:

Այսպես, վերցնելով Յակուտիայի ԻՆՍՂ-ում հայ բնակչության թվաքանակը 1926 թ. որպես օրինակ, պետք է նշել, որ խիստ նոր բնակեցված այս տարածքը հայաբնակ էր դեռևս XIX դ. «Յակուտիայի տարածքում 1897 թ. բնակվում էին 19 հայեր»:⁵¹¹ Արդեն XX դ. առաջին քառորդում, 1926 թ. մարդահամարով, նկատվում է Յակուտիայի հայ ազգաբնակչության թվի նվազում, որի պատճառներից էր ասիմիլյացիոն գործընթացը, որը նկատելի էր նաև մյուս էթնիկ խմբերի մոտ: Ինչպես նկատելի է մարդահամարի արդունքներից, Յակուտիայի փոքրաթիվ հայերը ոչ միայն տիրապետում էին իրենց ազգային լեզվին, այլ նաև հավատարիմ էին իրենց եկեղեցական հավատքին: Յակուտիայի այն ժողովուրդները, որոնք հնդկավրուպական լեզուներով էին խոսում ուղղափառ քրիստոնյաներ էին. «...բացի հայերից, որոնք հանդիսանում էին իրենց հայ լուսավորչական եկեղեցու հետևորդներ»:⁵¹² Հետաքրքրական էր փաստը, որ 1897 թ. մարդահամարի ժամանակ Յակուտիայում, այլ եկեղեցական դավանանք ունեցող հայեր էին հայտնի՝ 3 հայ կաթոլիկներ, որոնք հետևում էին հռոմեական կաթոլիկ եկեղեցուն:

Յակուտիայի (ինչպես նաև Սիրիո և Հեռավոր Արևելքի) հայ ազգաբնակչության պատմության երկրորդ շրջանն ընգրկում է հաջորդ տասնամյակները, երբ հայերն այստեղ հայտնվում էին կա՛մ որպես կալանավոր, կա՛մ որպես մասնագետ՝ տարածաշրջանում հետզհետե ուժեղացող «աշխատանքային միգրացիայի» հետ կապված. «Յակուտիայում այլ էթնիկ խմբերի կազմավորման կարևոր հիմք էր հանգիստանում ԽՍՀՄ

⁵¹¹ Игнатъева В. Б., Национальный состав населения Якутии, Якутск, 1994, с.19.

⁵¹² Նույն տեղում, էջ 27:

չատ ժողովուրդների պարտադրված վերաբնակեցումը, այսպես կոչված «պետական հանձնարարություններ»։ Հյուսիսային շրջանների հսկայական տարածքներ 30-ական թթ. հանձնվեցին ԽՍՀՄ ՆԳժԿ-ին և վերածվեցին յուրօրինակ համակենտրոնացման ճամբարների և Դալստրոյի բանտերի»։⁵¹³ Յակուտիայի ազգաբնակչության մեջ էթնիկ լուրջ փոփոխություններ կատարվեցին Հայրենական Մեծ Պատերազմի տարիներին այստեղ տարագրված ժողովուրդների շնորհիվ. «ԽՍՀՄ ՆԳժԿ-ի գործողություններով Յակուտիայի հատուկ բնակավայրեր տեղափոխվեցին չեչենները, ինգուչները, կարաչայցիները, բալկարները Չեչենա-Ինգուչական ԻՍՍՀ-ից և Կարաչայա-Չեքեզական ԻՄ-ից (1944 թ.), Ղրիմի թաթարները, հույները, բուլղարներն ու հայերը, որոնք արտաքսվել էին Ղրիմից (1944 թ.) և այլն»։⁵¹⁴

Եթե, 1926 թ. Յակուտիայում կար 4 հայ, 1959 թ.՝ 295 հայ, ապա 1989 թ. նրանց թիվը 1138 մարդ էր։ Ներկայումս, մոտ հաշվարկներով, Յակուտիայում բնակվում է 8000 հայ, իսկ համայնքը շարունակում է ավելի ու ավելի մեծ դերակատարություն ստանձնել, ստեղծվել է Յակուտիայի հայկական մշակութային ֆոնդ, և «Ռուսաստանի հայերի միության» տարածքային կազմակերպություն։

Ուրալի, Սիբիրի և Հեռավոր Արևելքի երկրամասերի հայ ազգաբնակչության վերաբերյալ տվյալների և նյութի բացակայությունը անհրաժեշտ է դարձնում գիտական ուսումնասիրություններն այդ թեմաներով, ուստի և փորձ է արվել.

- Վեր հանել այս տարածաշրջանների հայ ազգաբնակչության թվակազմը, նրանց տեղաբաշխումը, լեզվական պատկանելիությունը, գրագիտության մակարդակն ու զբաղվածության աստիճանը 20-ական թթ.։
- Շեշտել այն իրողությունը, որ դեռևս նախախորհրդային շրջանից այս երկրամասերը հայաբնակ էին, չունեին ազգային-կրթական, հոգևոր օջախներ քանի որ համայնքները փոքրաթիվ էին, բայց հայերի շարժը այս տարածա-

⁵¹³ Նույն տեղում, էջ 42:

⁵¹⁴ Նույն տեղում, էջ 43:

չրջաններ կատարվել է դեռևս ցարական Ռուսաստանի օրոք:

- Ուրալի, Սիրիի և Հեռավոր Արևելքի փոքրաթիվ հայ ազգաբնակչության և համայնքների վերաբերյալ հայ պատմագիտության մեջ քիչ են ուսումնասիրված և հրատարակված աշխատությունները, գիտական հոդվածները.
- Ներկայումս, Ուրալի, Սիրիի և Հեռավոր Արևելքի երկրամասերի հայ ազգաբնակչության թիվը նրանցից յուրաքանչյուրում անցնում է մի քանի տասնյակ հազարից, ստեղծվում են ազդային-հայրենակցական միություններ, կրթական-հոգևոր օջախներ, ուստիև կարևորվում են այս տարածա-չրջանների հայության անցյալի և ներկայի մասին ուսումնասիրություններն ու գիտական հրատարակումները:

Ահա այս խնդիրներն էին ու նրանց արդիականությունը, որով կարևորվում է վերոհիշյալ երկրամասերի հայ ազգաբնակչության վերաբերյալ ուսումնասիրության անհրաժեշտությունը:

HOVHANNES ALEKSANYAN
Institute of History, NAS RA

ARMENIANS IN URAL, SIBERIA AND FAR EAST IN THE 20^s OF THE 20th CENTURY

Summary

Although the problems of the history of the Armenian communities in Russia (the Tzarist and the Soviet periods) have been studied from different aspects in the Armenian historiography, it is necessary to continue researches, involving the history of the Russian regions (the Urals, Siberia and Far East) where the number of Armenians increased during the Soviet period. Armenians settled in those regions for several reasons:

1. commercial relations of Armenians with the mentioned regions,

2. the imprisonment and exile of some Armenians during the Tzarist and Soviet periods.
3. migration of Armenians to those regions for seasonal work.

The research of the location and the dynamics of the increase of the number of the Armenian population has been done on the basis of the data of the census of the 1920s (August 28, 1920, March 15, 1923, December 17, 1926) both in Soviet Russia and generally in the USSR.

ԱՐՑԱԽԱՀԱՅԵՐԻ ՄԱՍՆԱԿՑՈՒԹՅՈՒՆԸ ԿՈՒՐՍԿԻ
ՃԱԿԱՏԱՄԱՐՏՈՒՄ
/1943 թ. հուլիսի 5- օգոստոսի 23/

Հայրենական մեծ պատերազմի երկրորդ շրջանի կարևոր իրադարձությունը դա Կուրսկի ճակատամարտն էր: Չնայած Ստալինգրադի ճակատամարտում գերմանաֆաշիստական զորքերի ջախջախիչ պարտությունը Հիտլերը էջը ցանկանում անձնատուր լինել և, օգտվելով Եվրոպայում երկրորդ ճակատի բացակայությունից մտադրվեց Օրյոլ-Կուրսկ-Բելգորոգ շրջանում իրականացնել հսկայածավալ հարձակողական գործողություն, հույս ունենալով վրեժ լուծել Ստալինգրադի համար և վերադարձնել կորցրած ռազմավարական նախաձեռնությունը: Հայրենական մեծ պատերազմի ամենախոշոր ու վճռական նշանակություն ունեցող Կուրսկի ճակատամարտը սկսվեց 1943 թ. հուլիսի 5-ին և ավարտվեց օգոստոսի 23-ին: Այն ընթացավ երկու փուլով՝ պաշտպանողական (5-11 հուլիսի) և հարձակողական (12 հուլիսի - 23 օգոստոսի): Երկու կողմերից ճակատամարտին մասնակցեց ավելի քան 4 միլիոն մարդ⁵¹⁵: Մարտական գործողություններն իրականացնում էին Կենտրոնական, Վորոնեժյան, Բրյանսկի և Տափաստանային ռազմաճակատների զորքերը, որոնց դիմակայում էին գերմանական «Հյուսիս» և «Հարավ» բանակային զորախմբերը: Կուրսկի ճակատամարտի կարևոր իրադարձություններից էին հուլիսի 12-ին Պրոխորովկայի մոտ տեղի ունեցած տանկային հանդիպակաց ամենախոշոր ճակատամարտը, որին երկու կողմից մասնակցում էր 1200 տանկ և ինքնագնաց հրանոթ (միայն այդ օրը հակառակորդը կորցրեց շուրջ 400 տանկ), օգոստոսի 5-ին Բելգորոգ և Օրյոլ, օգոստոսի 23-ին՝ Խարկով քաղաքների ազատագրումը: Կուրսկի ճակատամարտում ոչ միայն ամբողջովին ջախջախվեց հակառակորդի 30 ընտիր դիվիզիաներից (այդ թվում 8 տանկային) բաղկացած զորախումբը, այլև ընդմիջտ թաղվեց գեբելսյան ստահոգ քարոզչության ստեղծած այն սին առասպելը, թե խորհրդային զորքերն ընդունակ են

⁵¹⁵ Великая Отечественная Война, кн. 2, Перелом, М., 1998, с. 283.

Հաղթել միայն ձմեռային պայմաններում: Կուրսկի աղեղում կրած պարտություն հետևանքով լիովին կործանվեց գերմանաֆաշիստական զորքերի Հարձակողական ռազմավարությունը, գերմանական ռանակը ստիպված էր ամբողջ ճակատով մեկ անցնել պաշտպանություն: Ռազմավարական նախաձեռնությունն ամբողջովին իր ձեռքը վերցնելով, խորհրդային հրամանատարությունը նպաստավոր պայմաններ ստացավ զարգացնելու Հարձակումը տարբեր ճակատներում՝ ազատագրելու Ջախափյան Ուկրաինան և դուրս գալ Դնեպրի ձախ ալի⁵¹⁶:

Կուրսկի ճակատամարտում տարած Հաղթանակի գործում ռուսների, ուկրինացիների, բելոռուսների և ԽՍՀՄ մյուս ժողովուրդների ներկայացուցիչների հետ միասին, Կարմիր բանակի տարբեր զորատեսակների կազմում իրենց արժանի ավանդը ներդրեցին նաև մի քանի հազար Հայորդիներ, որոնց մեջ զգալի թիվ էին կազմում արցախահայերը: Հրե աղեղում ծավալված արյունահեղ մարտերում ցուցաբերած խիզախության և կատարած սխրանքների համար, նրանցից շատերն արժանացան կառավարական պարգևների, իսկ մարտերում առավել աչքի ընկած մեկ արցախահայի շնորհվեց Խորհրդային Միության Հերոսի կոչում: Այգ Հերոսը Բրյանսկի ճակատամարտի 11-րդ գվարդիական բանակի 11-րդ գվարդիական հրաձգային գնդի 9-րդ վաշտի դասակի հրամանատար, գվարդիայի լեյտենանտ Վլադիմիր Աբրահամի Իոնոսյանն էր (Ստեփանակերտի շրջանի Ռե գյուղից): Իոնոսյանը Հերոսի կոչման արժանացավ 1943 թ. հուլիսի 12-13-ը Օրյոլի մարզի Ուլյանովոյի շրջանի Տրոստյանսկ և Բելիյ Վերի գյուղերի մոտ տեղի ունեցած մարտերում ցուցաբերած խիզախության համար: Սակայն նրան բախտ չվիճակվեց իմանալու Հայրենիքի բարձր կոչման արժանանալու մասին, քանի որ 1943 թ. օգոստոսի 3-ին նա զոհվեց Բրյանսկի մարզի Կարաչև քաղաքի մատույցներում տեղի ունեցած մարտերում: Իսկ գվարդիայի լեյտենանտ Վ. Իոնոսյանին Հերոսի կոչում շնորհվեց ԽՍՀՄ Գերագույն խորհրդի նախագահությունից 1943 թ. օգոստոսի 27-ի հրամանագրով⁵¹⁷: Հերոս արցախցու կատարած սխրագործությունների մասին իր հուշերում մի շարք էջեր է հատկացրել 11-րդ գվարդիական բանակի հրամանատար Հովհաննես Բաղրամյանը. «Տրոստյանկա գյուղի մոտերքը, - գրում է նա, - Իոնոսյանը հինգ մարտիկներով, հրե-

⁵¹⁶ Նույն տեղում, էջ 285:

⁵¹⁷ Книга о Героях, Е., 1985, сс. 30-31.

տանային կրակի պաշապանությամբ թափանցեց թշնամու խրամատը: Կարճատև գոտեմարտում մար-տիկները ոչնչացրին Հիսուն Ֆաշիստի, գերի վեցրին տասնութ հոգու: Հաջորդ օրն էլ այդ դասակը մարտնչեց նույնպիսի խիզախությամբ ու հմտությամբ: Երբ Բելի Վերիս գյուղի համար մղվող մարտում հետևակը ստիպված եղավ պառկել հակառակորդի կրակի տակ, Իոնոսյանը յոթ ռազմիկներով անցավ Հիտլերականների թիկունքը և անակնկալ կերպով հարձակվեց նրանց վրա: Ֆաշիստները որոշեցին, որ շրջապատված են, և խուճապահար սկսեցին այս ու այն կողմ նետվել: Օգտվելով դրանից, այդ խումբը ոչնչացրեց տասնյոթ Ֆաշիստի և գրավեց հաստոցավոր գնդացի: Հետագայում Վլադիմիր Իոնոսյանն իր դասակով գործեց թշնամու զորքերի դասավորութայան մեջ՝ շփոթություն առաջացրեց նրանց բանակում, դարաններ սարքեց նրանց նահանջի ճանապարհին: Ոչնչացնելով մի քանի կրակակետեր, նա հեշտացրեց մեր զորամասերի կողմից Ուլյանովո շրջանային կենտրոնի ազատագրման գործը... նրա մարտական սխրանքների մասին դիվիզիայի թերթի համար փայլուն ակնարկ դրեց Իլյա էրենբուրգը... Շատ ցավալի, որ խիզախ սպան հերոսի կոչման շնորհելու բերկրանքը չճաշարկեց. նա զոհվեց Կարաչևի համար մղված մարտերում, որտեղ էլ մենք նրան թացեղինք գետի գեղատեսիլ ափին: Քաղաքի բնակիչները հերոսի շիրիմին պսակ դրին, որի ժապավենի վրա գրված էր. «Մենք քեզ հավերժ կհիշենք մեր ազատարար...»⁵¹⁸:

Հովհաննես Բաղրամյանը Կուրսկի ճակատամարտի օրերին հանդիսանում էր 11-րդ գվարդիական բանակի հրամանատարը: Նրա բանակը գործել է Օրյոլի ուղղությամբ և հուլիսի 12-ից մինչև օգոստոսի 18-ը հարձակողական մարտերով առաջ անցել ավելի քան 200 կմ, թշնամուց ազատագրել շուրջ 5000 քառ. կմ տարածք՝ 700 բնակավայրերով հանդերձ, որոնց թվում Ուլյանովո, Ջնամենսկոյե, Իլյինսկոյե շրջանային կենտրոնները, Կարաչև քաղաքը. և այլն: Այդ ընթացքում գվարդիականները ոչնչացրել են հակառակորդի 71400 զինվոր ու սպա, վերցրել 2651 գերի, գրավել 119 ինքնաթիռ, 914 տանկ, 918 հրանոթ, 741 ականանետ, 3104 գնդացի, 1540 ավտոմեքենա, մեծ քանակությամբ զինամթերք, պարենի, հագուստի և

⁵¹⁸ Բաղրամյան Ի., Այսպես մենք հասանք հաղթանակի, Ե., 1979, էջ 264, 295:

վառելանյութի պահեստներ⁵¹⁹: Այդ ամենը զգալի չափով նպաստեց Կուրսկի ճակատամարտի հաղթական ավարտին, ցույց տվեց գեներալ-լեյտենանտ Բաղրամյանի վարպետությունը հարձակողական գործողության ընթացքում: Հայրենիքը բարձր գնահատեց Կուրսկի ճակատամարտում 11-րդ գվարդիական բանակի գործողությունների ղեկավարման գործում Հ. Բաղրամյանի օպերատիվ-ուզմավարական դիտելիքներն ու հմտությունները և 1943 թ. օգոստոսի 27-ին նրան շնորհեց դեներալ-գնդապետի կոչում, ինչպես նաև պարգևատրեց Սուվորովի 1-ին աստիճանի, այն ժամանակվա բարձրագույն զորավարական շքանշանով⁵²⁰:

Կուրսկի ճակատամարտի օրերին 2-րդ և 5-րդ օդային բանակների գործողությունները Բելգորոդ-Նարկով ուղղությամբ կորդիինացնելու համար, Սուվորովի 1-ին աստիճանի շքանշաններով պարգևատրվեց նաև Կարմիր բանակի ռազմաօդային ուժերի հրամանատարի տեղակալ և շտաբի պետ, ավիացիայի գեներալ-լեյտենանտ (հետագայում՝ մարշալ) Սերգեյ Ալեքսանդրի Նուդյակովը (Արմենակ Արտեմի իմանփերյանցը, Հադրուլի շրջանի Մեծ Թաղլար գյուղից): Մինչ այդ նա եղել էր Արևմտյան ռազմաճակատի ռազմաօդային ուժերի, ապա 1-ին օդային բանակի հրամանատար, 1943 թ. մայիսին առաջ քաշվել Կարմիր բանակի ռազմաօդային ուժերի հրամանատարի տեղակալի և ռազմաօդային ուժերի շտաբի պետի պաշտոնում: Կուրսկի ճակատամարտում Գերագույն գլխավոր հրամանատարությունից զորակայանի հանձնարարությունները հմտորեն կատարելու համար արցախցի զորահրամանատարը Սուվորովի 1-ին աստիճանի շքանշանով պարգևատրվելուց բացի արժանացավ ավիացիայի գեներալ-գնդապետի, իսկ 1944-ին՝ ավիացիայի մարշալի կոչման:

Օրյոլից հարավ՝ Մալոարխանգելսկ քաղաքի շրջանում ճակատամարտի առաջին օրը հակառակորդի տանկային ուժերի առաջին հարվածն իր վրա վերցրեց Բրյանսկի ռազմաճակատի 13-րդ բանակի 74-րդ հրաձգային դիվիզիան, որի հրամանատարն էր գեներալ-մայոր Անդրանիկ Ղազարյանը (Շուշիից): Հուլիսի 5-ի առավոտյան թշնամու ավիացիայի և հրետանում

⁵¹⁹ ՈՂ ՊՆԿԱ, ֆ. 11-րդ գվարդիական բանակի, ց. 5916, գ. 180, ք. 116:

⁵²⁰ Маршал Баграмян, Сб. док. и матер., Е., 1997, с. 54.

Հուժկու հարվածներին հետո ղեկիզիայի պաշտպանած տեղամասի վրա նևտվեցին Ֆաշիստական տանկերը, որոնց մեջ զգալի տեղ էին վրափում «Վաղրերն» ու «Ճերգրինանդ» ինքնագնաց հրանոթները: Նրանց հետևից առաջ էին շարժվում հետեակի մեքենայացված ուժերը: Թշնամուն թվում էր, թե այդ տեղամասում այլևս դիմադրության չի հանդիպի, քանի որ գերմանական ավիացիան ու ծանր հրետանին ռմբակոծել էին այդ տեղամասի յուրաքանչյուր քառակուսի կիլոմետրը: Սակայն նա չարաչար սխալվում էր: Հենց որ Ֆաշիստական տանկերը մոտեցան ղեկիզիայի պաշտպանության առաջին գծին, նրանց վրա հրետանային հուժկու կրակ բացվեց: Սկսեցին ծխալ առաջին մեքենաները, նրանց հետևից եկող հետևակի վրա ականանետայի, գնդացրային և հրետանային կրակի հեղեղ թափվեց: Գրոհի անցած հակառակորդի շարքերն իրար խառնվեցին: Սակայն թշնամին համառորեն առաջ էր շարժվում: Դիվիզիայի գնդերից մեկը, որն իր վրա էր վերցրել հակառակորդի գլխավոր հարվածը, ծանր կորուստներ կրեց: Շարքից դուրս եկավ հրամանատարական կազմի մեծ մասը: Մի պահ թվում էր, թե այդ տեղամասում թշմանի ուր որ է կճեղքի ղեկիզիայի պաշտպանությունը: Գնահատելով ստեղծված իրավիճակը՝ գեներալ Ղազարյանը շտաբային սպաների հետ հայտնվեց գնդի առաջավոր դիրքերում, արագորեն վերականգնեց զորամասի ստորաբաժանումների ղեկավարությունը և անձամբ վարեց մարտը: Ծնորհիվ ղեկիզիայի հրամանատարի քաջության ու վճռականության գունդը ետ մղեց թշնամու գրոհը և պահպանեց դիրքերը: Հինգ օր շարունակ թշնամին կրկնում էր հակադրոհները, բայց հաջողության չէր հասնում: Միայն ճակատամարտի առաջին մարտերում գեներալ Ղազարյանի ղեկիզիան ոչնչացրեց հակառակորդի ավելի քան 30 տանկ, մարտական այլ տեխնիկա, հազարից ավելի զինվոր ու սպա: Դիվիզիայի գործողությունները հմտորեն ղեկավարելու ու ցուցաբերած անձնական խիզախության համար գեներալ-մայոր Ա. Ղազարյանը պարգևատրվեց Կարմիր դրոշի և Սուվորովի 2-րդ աստիճանի շքանշաններով⁵²¹:

Կուրսկի ճակատամարտին ակտիվորեն մասնակցեց նաև Վորոնեժի ռազմաճակատի 1-ին տանկային բանակի 3-րդ մեքենայացված կորպուսի 3-րդ մեքենայացված բրիգադի հրամանատար, գնդապետ Համազասպ Բարաջանյանը: Նրա բրի-

⁵²¹ Казарян А., Война, люди, судьбы, кн. 1, Е., 1975, с. 178.

դադը ճակատամարտի սկզբից դիքեր էր դրավել Օթոյան քաղաքի շրջանում՝ Կուրսկ-Բելգորոդ ավտոմայրուղու մի Հատվածում: Հուլիսի 5-ին, ճակատամարտի առաջին օրը, այդ ուղղութիւնով Հարձակվում էին Հակառակորդին «Ադուլֆ Հիտլեր», «Մեռած գլուխ», «Ռայխ» տանկային և մեքենայացված «Մեծ Գերմանիա» էսէսական ամենարնտիր դիվիզիաները, որոնք ամբողջապես զինված էին «Վազը» և «Հովազ» նոր տիպի տանկերով, «Տերզինանդ» հզոր ինքնագնաց հրանոթներով: Բարաջանյանի բրիգադը աջակցում էր Ե-րդ գվարդիական բանակի զորամասերին, որոնց թվում 51-րդ գվարդիական հրաձգային դիվիզիային: Մինչև Հուլիսի 11-ը տևած կատաղի մարտերում ի վերջո Հաջողվեց կանգնեցնել Հակառակորդի Հարձակումը: Բաբաջանյանի տանկիստները աչքի ընկան նաև Կուրսկի ճակատամարտի երկրորդ շրջանում՝ Հատկապես Բոգոդուխով-Վալկի ուղղութիւնով տեղի ունեցած մարտերում: Օգոստոսի 7-ին 1-ին տանկային բանակի զորքերն ազատագրեցին Խարկովի մարզի Բոգոդուխով քաղաքը: Կուրսկի ճակատամարտում Հակառակորդի տանկային զորամիավորումների հարվածները կասեցնելու, ապա հարձակողական մարտերում ձեռք բերած Հաջողութունների համար գնդապետ Համագասպ Բաբաջանյանը պարգևատրվեց Կարմիր դրոշի և Կարմիր աստղի շքանշաններով, իսկ նրա 3-րդ մեքենայացված բրիգադը վերակազմավորվեց 20-րդ գվարդիական մեքենայացված բրիգադի⁵²:

Կուրսկի ճակատամարտում իր խիզախութիւնով աչքի ընկած արցախահայ տանկիստներից էր 18-րդ տանկային կորպուսի 181-րդ տանկային բրիգադի 1-ին տանկային գումարտակի հրամանատար, մայոր Եփրեմ Գրիգորի Ղարիբյանը (Մարտունու շրջանի Գիշի գյուղից), որը մինչ այդ մասնակցել էր Ստալինգրադյան ճակատամարտին և պարգևատրվել Կարմիր դրոշի շքանշանով: Միայն Պրոխորովկա բնակավայրի մոտ Հուլիսի 12-ին տեղի ունեցած տանկային ճակատամարտում, խիզախ տանկիստ-հրամանատարը երկու անգամ հակազդուհի տարավ իր գումարտակը Հակառակորդի հարձակվող տանկերի դեմ և Հանդիպական մարտում կանգնեցրեց նրանց առաջնադասումը: 181-րդ տանկային բրիգադի հրամանատար, փոխգնդապետ Պուզիրյովը մայոր Ղարիբյանի պարգևատրման թերթիկում նշել է. «1-ին տանկային գումարտակի հրամանա-

⁵² ՈՂ ՊՆԿԱ, ֆ. 33, ց. 682524, գ. 494, ք. 308:

տար, մայոր Ե. Գ. Ղարիբջանը 1943 թ. հուլիսի 12-ին երկու անգամ թշնամու դեմ գրոհի տարավ իր գումարտակը: Մարտի ժամանակ նա գործում էր վճռական և արիաբար: Անձամբ ոչնչացրեց հակառակորդի 2 տանկ, հակատանկային 2 հրանոթ, մեկ դասակից ավել զինվոր ու սպա: Մարտի թեժ պահին վիրավորվելով, մայոր Ղարիբջանը չթողեց մարտադաշտը, այլ շարունակեց նստորեն ու խիզախորեն ղեկավարել գումարտակի գործողությունները մինչև գրոհի ավարտը: Ցուցաբերած քաջուկից և տոկունությունից համար արժանի է պարգևատրման՝ Կարմիր դրոշի շքանշանով»⁵²³: 5-րդ գվարդիական տանկային բանակի հրամանատար, տանկային զորքերի գեներալ-լեյտենանտ Պ. Ռոտմիստրովի 1943 թ. սեպտեմբերի 2-ի թիվ 44 հրամանով մայոր Եփրեմ Ղարիբջանը պարգևատրվեց Կարմիր դրոշի շքանշանով⁵²⁴: Պրոխորովկայից հետո մայոր Ղարիբջանը ակտիվորեն մասնակցեց Կուրսկի ճակատամարտի երկրորդ շրջանի մարտերին՝ Բելգորոդ-Խարկով ուղղությամբ և հերոսաբար ղոհվեց Խարկովի ազատագրման մարտերում՝ հեռու մահու պարգևատրվելով Լենինի շքանշանով⁵²⁵:

Խարկովի մարզի ազատագրման մարտերում հերոսաբար ղոհվեց նաև 18-րդ տանկային կորպուսի 110-րդ տանկային բրիգադի 1-ին տանկային գումարտակի հրամանատար, մայոր Ռուբեն Զաքարի Ղարիբջանը (նույնպես Մարտունու շրջանի Գիշի գյուղից): Մարտական մի շարք շքանշանների ու մեդալների ասպետ տանկիստը թաղվել է Խարկովի մարզի Շելեստյովսկ գյուղի եղբայրական գերեզմանոցում: Ռ. Ղարիբջանը Կարմիր բանակի շարքերում էր ծառայում 1935 թ., 1938-ին ավարտել էր տանկային, իսկ 1939-ին՝ կրտսեր լեյտենանտների ուսումնարանները: Հայրենական մեծ պատերազմին մասնակցել էր 1941 թ. հունիսի 22-ից, մարտնչել Հարավարևմտյան, Արևմտյան, Հյուսիս-արևմտյան և Վորոնեժի ռազմաճակատներում, եղել վաշտի հրամանատար, գումարտակի շտաբի պետ, ապա տանկային գումարտակի հրամանատար: Նա այն հայ զինվորներից էր, որին բախտ էր վիճակվել մասնակցելու 1941

⁵²³ Նույն տեղում, ց. 682526, գ. 1459, ք. 305:

⁵²⁴ Նույն տեղում:

⁵²⁵ Նույն տեղում, ց. 686043, գ. 22, ք. 341:

թ. նոյեմբերի 7-ին Մոսկվայի Կարմիր Հրապարակում տեղի ունեցած գորահանդեսին⁵²⁶:

Խարկովի աղատագրման մարտերի ակտիվ մասնակիցներից էր 89-րդ գվարդիական հրաձգային դիվիզիայի քաղաքաժնի պետի տեղակալ, գվարդիայի մայոր Վիկտոր Ասլանի Մուրադյանը (Հաղորդակցի շրջանի Կեմրակում գյուղից, հետագայում պատմական գիտությունների դոկտոր, պրոֆեսոր): Դիվիզիայի հրամանատար, գեներալ-մայոր Միխայիլ Սերյոգինի հանձնարարությունամբ նա ՏԱՄՄ-ի ֆոտոթղթակից, կապիտան Դմիտրի Չեռնովի և ավտոմատավոր Ֆիրսովի հետ 1943 թ. օգոստոսի 23-ի առավոտյան Հաղթանակի դրոշմ բարձրացրեց Խարկովի կենտրոնական հրապարակում գտնվող «Երրորդ ինտերնացիոնալ» (այժմ՝ «Խարկով») հյուրանոցի տանիքին⁵²⁷: Այդ պահը հավերժացվում է գինիթղթակից Չեռնովի կողմից, իսկ պատմական լուսանկարն այսօր էլ իր մշտական տեղն է զբաղում Կիեվի «Ուկրաինան Հայրենական մեծ պատերազմում» թանգարանի ցուցանմուշներում:

Հեռահար գործողություն ավիացիայի շարքերում Կուրսկի ճակատամարտին ակտիվ մասնակցություն ունեցավ նաև 17-րդ գվարդիական ռմբակոծիչ ավիադնդի էսկադրիլիայի շտուրման, գվարդիայի կապիտան Կոնստանտին Կապրիելովը (Շուշիից): Նա Հայրենական մեծ պատերազմին մասնակցում էր 1941 թ. հուլիսի 7-ից, իսկ Հեռավոր ավիացիայի մարտական գործողություններին՝ 1943 թ. մարտից: Կուրսկի ճակատամարտի առաջին շրջանում առաջադրանքները հաջողությամբ կատարելու և այդ ընթացքում ցուցաբերած խիզախության համար շտուրման Կապրիելովը 1943 թ. հուլիսի 21-ին պարգևատրվեց Կարմիր դրոշի շքանշանով⁵²⁸:

Նման պարգևի արժանացավ նաև 17-րդ օդային բանակի 262-րդ ավիադիվիզիայի 993-րդ գիշերային ռմբակոծիչ ավիագնդի ավիաօդակի հրամանատար, լեյտենանտ Կոլյա Ներսեսի Մանուչարյանը (Մարտակերտից): Նա աչքի ընկավ Խարկովի ուղղությունամբ տեղի ունեցած մարտերի ընթացքում, երբ օդից

⁵²⁶ Пролог Великой Победы. Военный Парад 7 ноября 1941 года на Красной площади в Москве, М., 2001, с. 156.

⁵²⁷ Школа мужества. Ветераны вспоминают дни боевые, Е., 1971, с. 257.

⁵²⁸ ՌԴ ՊՆԿԱ, ֆ. 33, ց. 690306, գ. 2594, ք. 100:

անգնահատելի օղնությունն էր ցույց տալիս ցամաքային զորքերի զործողություններին⁵²⁹:

Կուրսկի ճակատամարտում ցուցաբերած խիզախության համար Կարմիր աստղի շքանշանով պարգևատրվեց 69-րդ բանակի 106-րդ գվարդիական առանձին սակրային գումարտակի հրամանատար, գվարդիայի մայոր Մամիկոն Մարտինի Առուսաամյանը (Շամխորի շրջանի Բարսում գյուղից): Միայն հուլիսի 10-ին, նրա գումարտակի տեղագրած ականների վրա պայթեց գերմանական 11 տանկ, և կասեցվեց թշնամու գրոհը⁵³⁰:

Ճակատամարտում կատարած սխարանքների համար Կարմիր աստղի շքանշանով պարգևատրվեց նաև 129-րդ գվարդիական հրաձգային դիվիզիայի 518-րդ հրաձգային գնդի հրաձգային դասակի հրամանատար, լեյտենանտ Արկադի Հայկի Քոչարյանը (պատմական Չարդախլու գյուղից), որի դասակը առաջինների թվում օգոստոսի 5-ին մտավ Օրլով: Օրլովի ազատագրման ժամանակ մարտական առաջադրանքները օրինակելի կատարելու համար «Մարտական ծառայությունների համար» մեդալով պարգևատրվեց նույն դիվիզիայի 664-րդ հրետանային գնդի հրետանային արհեստանոցի պետ, ավադ տեխնիկ-լեյտենանտ Գրիգոր Իսահակի Ավագյանը (Մարտունու շրջանի Խերխան գյուղից): Նման պարգևի արժանացածների թվում էին 636-րդ հրաձգային գնդի տրանսպորտային վաշտի 2-րդ դասակի հրամանատար, գվարդիայի կրտսեր լեյտենանտ Շահեն Մարգարի Գասպարյանը (Մարտակերտի շրջանի Վաղուհաս գյուղից), 94-րդ առանձին բժշկասանիտարական գումարտակի սայլապան, կարմիրբանակային Ծատուր Մեսրոպի Սահակովը (Շուշիի շրջանի Շրլան գյուղից), 401-րդ առանձին հակատանկային կործանիչ գիվիզիոնի ականանետի նշանառու, շարքային Վահան Հովհաննիսյանը (Ստեփանակերտի շրջանի Ուլաբաբ գյուղից) և շատ ուրիշներ⁵³¹:

⁵²⁹ Երևան տեղում, ց. 666044, գ. 650, ք. 54:

⁵³⁰ Երևան տեղում, գ. 656, ք. 246:

⁵³¹ Երևան տեղում 129-րդ գվարդիական հրաձգային դիվիզիայի, ց. 2, գ. 9, ք. 74; գ. 5, ք. 139; գ. 7, ք. 9, 15, 24 և այլն:

**THE PARTICIPATION OF ARMENIANS FROM ARTSAKH IN
THE KURSK BATTLE (JULY 5-AUGUST 23, 1943)**

Summary

The very important event of the second stage of the Great patriotic War was the Kursk battle. Together with Russians, Ukrainians, Byelorussians and the representatives of other peoples of the USSR several thousand Armenians contributed to the victory by fighting in different regiments of the Red Army. There was a considerable number of Armenians from Artsakh who were awarded with high orders of the USSR. Among them were lieutenant Vladimir Ionossyan, general-lieutenant Sergey A. Khudyakov (Artyom Khanperyants), colonel Hamasap Babajanyan (later Marshal), major Eprem Gharibyan, major Ruben Darbinyan, major Victor Muradyan, captain Constantine Kaprielov, lieutenant Kolya Manucharyan, major Mamikon Arustamyan, lieutenant Arcadi Kocharyan, lieutenant Grigor Avagyan, lieutenant Shahen Gasparyan, soldiers Tsatur Sahakov, Vahan Hovhannisyan and many others.

**ՊԵՏԱՇԻՆԱՐԱՐԱԿԱՆ ԵՎ ՔԱՂԱՔԱԿԱՆ
ԳՈՐԾԸՆԹԱՑՆԵՐԸ ԼՂՀ -ՈՒՄ 1992 Թ.
ՀՈՒՆԻԱ-ՕԳՈՍՏՈՒ ԱՄԻՍՆԵՐԻՆ**

Շուշիի ազատագրումից եւ շրջափակման ճեղքումից հետո թվում էր, թե ԼՂՀ-ում հանդարտվել են ներքաղաքական հակասությունները, սակայն հունիսի 2-6-ը տեղի ունեցած ԼՂՀ առաջին գումարման Գերագույն խորհրդի (ԳԽ) առաջին նստաշրջանը ապացուցեց հակառակը: Նստաշրջանում ԼՂՀ ԳԽ նախագահի ընտրությունների ժամանակ իրենց նորից զգացնել տվեցին ներքին հակասությունները, որոնք ավելի սրվեցին Հայաստանի ղեկավարութայն, ազդեցութայն հետեւանքով: Իրադարձությունների զարգացումը, երկրում ստեղծված իրավիճակը հանգեցրեցին մի շարք արմատական փոփոխությունների ԼՂՀ ներքաղաքական կյանքում:

Շահումյանի եւ Մարտակերտի կորուստը մեծ աղմուկ բարձրացրեց Հայաստանի ներքին կյանքում:

Մինչդեռ Շահումյանի ու Մարտակերտի անկումը կարելի է բացատրել փոխկապակցված, թերեւս իրար լրացնող մի շարք գործոններով: Մինչեւ այսօր փորձեր չեն ձեռնարկվել օրյեկտիվութայն եւ առողջ տրամաբանութայն հիման վրա վերհանել անկման պատճառները: Հաշվի առնելով խնդրի բարդությունն ու խճողվածությունը, ինչպես նաեւ նրա քաղաքական շահարկումները հեղինակները հիմնականում շրջանցել են այն: Սակայն շրջանառութայն մեջ կան տարբեր տեսակետներ, բայց մի բան ակնհայտ է, որ ԼՂՀ եւ ՀՀ ուժային համակարգերը տեղյակ էին աղբբեջանական բանակի խոշոր կուտակումների մասին⁵³²:

Ստեղծված ծանր կացությունից դուրս գալու նպատակով ԼՂՀ ԳԽ նախագահությունը փորձեց համապատասխան ուղիներ որոնել: Հունիսի 16-ի ԼՂՀ ԳԽ նախագահութայն ընդլայնված նիստի ժամանակ հանձնարարվեց ԼՂՀ նախարարների խորհրդին (ՆԽ) ստեղծել Շահումյանի եւ Մարտակերտի

⁵³² ԼՂՀ պետարխիվ, Ֆ.254, ց.4, պ.մ.1, կ.1, էջ 94:

չրջանից ադրբեջանական բանակի կողմից բռնադազթված Հայ բնակչության ընդունման, տեղավորման համակարգիչ չտար:

Նկատի ունենալով Ազրբեջանի ազգային բանակի լայնածավալ հարձակման հետեւանքները՝ ԼՂՀ ԳԽ նախագահությունը նպատակահարմար գտավ դիմում հղել Արցախի բուր սպաներին, կադրային զինվորականությանը:

Հունիսի 17-ին ԼՂՀ պաշտպանության խորհուրդը (ՊԽ) հանդես եկավ հայտարարությամբ, որտեղ մասնավորապես ասվեց. «Առաջնորդվելով մարդասիրական սկզբունքներով եւ հարգելով կրոնական զգացմունքները, ինչպես նաեւ բնակչության շրջանում համաճարակի բռնկումը կանխելու նպատակով, ԼՂՀ ՊԽ-ն Ազրբեջանի զինյալ կազմավորումներին առաջարկում է ռազմաճակատի ամբողջ երկայնքով 10 ժամ դադարեցնել ռազմական գործողությունները սկսած հունիսի 17-ի ժամը 10-ից: Այդ ընթացքում ԼՂՀ ինքնապաշտպանական ուժերը (ԻՊՈՒ) հնարավորություն կտան հավաքել ադրբեջանցի զինվորների դիակները, որոնց թիվը ռազմաճակատի միայն մի հատվածում 400-ից ավելի է»: Այդ առաջարկությունը ռազմավարական քայլ էր, որը երեւի նպատակ էր հետապնդում ԻՊՈՒ-ին հնարավորություն տալ օգտվել ստեղծված ժամանակավոր հրադադարից, համախմբել իրենց ուժերը եւ կարողանալ արժանի դիմադրություն ու հակահարված տալ: Սակայն ադրբեջանական կողմը չընդունեց այն: Շարունակվեց լայնածավալ հարձակումը: Ծանր կացությունից դուրս դալը եւ ծառացած օրախնդիր հարցերի լուծումն առանց կարգուկանոնի, ուժերի ու միջոցների համախմբման անհնար էին: Ուստի հունիսի 18-ին տեղի ունեցավ ԼՂՀ ԳԽ եւ ՆԽ համատեղ նիստ: Քննարկվեց հանրապետությունում տիրող ռազմաքաղաքական իրավիճակը: Ազրբեջանի աննախադեպ հարձակման հետեւանքները վերացնելու եւ հանրապետությունում կարգուկանոնը վերականգնելու նպատակով՝ ԼՂՀ ԳԽ նախագահությունը եւ ՆԽ-ն որոշեցին հանրապետության ամբողջ տարածքում հայտարարել արտակարգ դրություն մեկ ամիս ժամկետով: Ընդլայնվեց ՊԽ կազմը՝ նրան տալով ԼՂՀ պետական իշխանության եւ կառավարման մարմինների կարգադիր եւ գործադիր լայն լիազորություններ: ՊԽ կազմի մեջ մտան պաշտպանության կոմիտեի (ՊԿ) նախագահ Ս. Սարգսյանը, ԼՂՀ ներքին գործերի (ՆԳ) նախարար Ա. Իսադուլովը, ԼՂՀ ազգային անվտանգության վարչության (ԱԱՎ) պետ Ա. Խաչատրյանը, ԼՂՀ ԻՆ քարտուղար Վ. Հակոբյանը, ԼՂՀ ԳԽ

արտաքին հարաբերությունների հանձնաժողովի նախագահ Լ. Մելիք-Շահնաղարյանը, հատուկ տնտեսական ծրագրերի վարչությունից պետի տեղակալ Լ. Պետրոսյանը⁵³³: ԼՂՀ «Արտակարգ դրույթյան մասին» օրենքի 20-21 հոդվածների համապատասխան արգելվեց առանց հատուկ թույլտվության ԼՂՀ-ից փոխադրամիջոցների եւ քաղաքացիների մեկնումը: Ըստ ամենայնի, թշնամու ազդեցության դիմազարվելու նպատակով որոշվեց հունիսի 20-ից հանրապետության տարածքում անցկացնել մասնակի զորահավաք՝ 18-40 տարեկան զինապարտների, իսկ սպաները՝ մինչեւ 50 տարեկան, հատուկ պատրաստություն ունեցող կանանց՝ 19-ից մինչեւ 30 տարեկան⁵³⁴: Ընդունվեց որոշում, որով կոչ էր արվում զենք կրելու ընդունակ բոլոր շահումյանցիներին, բոլոր նրանց, ում համար թօանկ էր հայրենիքն ու ազատությունը, պարտիզանական պայքար ծավալել թշնամու կողմից զավթած ամբողջ տարածքում⁵³⁵:

Իսկ խուճապը կանխելու եւ նյութական արժեքները փրկելու նպատակով ԼՂՀ ՊՆ նախագահ Գ. Պետրոսյանը կարգադրեց հունիսի 19-ին Մարտակերտի հիմնարկ-ձեռնարկությունների տնօրեններին եւ ղեկավար կազմին անհապաղ մեկնել Մարտակերտի շրջան եւ ձեռնամուխ լինել իրենց ծառայողական պարտականությունների կատարմանը, իսկ կարգազանցներին խոստացավ պատժել արտակարգ դրույթյանը հատուկ խստագույն օրենքով⁵³⁶:

Հունիսի 21-ի ԼՂՀ ԳՆ նախագահության նիստի ժամանակ քննարկվեց ԼՂՀ Շահումյանի շրջանի եւ Մարտակերտի շրջանի մի հատվածի բռնազավթման հարցը: ԼՂՀ ԳՆ նախագահության որոշմամբ, կատարվածի հանգամանքների ուսումնասիրման գործը դրվեց ԼՂՀ ԳՆ հետեւյալ պետական կառուցվածքի, իրավունքի եւ օրինականության, մանդատային, պարկեշտության, մարդու իրավունքների եւ ազգությունների, պաշտպանության եւ անվտանգության, ազդարարյին հարցերի գյուղական կյանքի հանձնաժողովների վրա: Հանձ-

⁵³³ ԼՂՀ ԱԺ ընթացիկ արխիվ, ԼՂՀ առաջին գումարման ԳՆ նախագահության եւ ՆԽ 1992 թ. հունիսի 18-ի համատեղ նիստի արձանագրություն N 32:

⁵³⁴ ԼՂՀ կառավարության ընթացիկ արխիվ, ԼՂՀ ՆԽ որոշումներ, որոշում N 53 առ 1992 թ. հունիսի 19-ի արձանագրություն N 6:

⁵³⁵ «Երկիր», 20.06.1992:

⁵³⁶ «Արցախ», 20.06.1992:

նարարվեց հանձնաժողովներին իրենց աշխատանքը կատարել պատգամավորների եւ ակտիվի լայն ընդրկումով⁵³⁷:

Տեղի տալով ժողովրդավարական հոծ զանգվածներին միահամուռ պահանջին հունիսի 22-ին Երեւանում կրկին ՀՀ Գիտ արտակարգ նստաշրջան հրավիրվեց, որտեղ պետք է շարունակվեր Արցախի հարցի քննարկումը: Նստաշրջանն արտավոր էր նրանով, որ անցնում էր ԼՂՀ Գիտ նախագահութեան անդամների մասնակցութեամբ: Եղան տարբեր առաջարկութեւոյուններ, եւ նորից լսվեցին փոխադարձ մեղադրական կոչեր նախագահ Լ. Տեր-Պետրոսյանն իր ելույթում մեղադրեց ԼՂ ղեկավարութեանը, իբր այն ինքնագլուխ որոշումներ է կայացնում եւ անտեսում Հայաստանի Հանրապետութեան կառավարութեան տեսակետները: Օրինակ բերվեց հունիսի սկզբին Հռոմում եԱՀԽ Մինսկի խմբի ԼՂ-ին նվիրված խորհրդակցութեանը ԼՂ պատվիրակութեան չուղարկելը: ԼՂՀ Գիտ նախագահի պաշտոնակատար Գ.Պետրոսյանն իր ելույթում մի քանի խոսքով անդրադարձավ ՀՀ նախագահի կշտամբանքին, ապա հեռացավ դահլիճից⁵³⁸:

Հունիսի 27-ին տեղի ունեցավ ԼՂՀ Գիտ արտակարգ նիստ, որտեղ քննարկվեցին մի շարք օրախնդիր հարցեր⁵³⁹: Այդ նիստի ժամանակ ԼՂՀ Գիտ նախագահութեանը աննպատակահարմար գտավ ԼՂՀ պատվիրակութեան մասնակցութեւոյունը 1992 թ. հունիսի 29-ին Հռոմում կայանալիք խորհրդաժողովին: Այդ առնչութեամբ ԼՂՀ Գիտ նախագահութեւոյունը ուղերձ հղեց ԼՂ հակամարտութեան հարցով Մինսկի խորհրդաժողովի նախագահ Մ. Ռաֆայելիին եւ Հռոմում կայանալիք նախապատրաստական հանդիպման մասնակից երկրներին, ուր մասնավորապես նշվեց. «...Մեզ հղած հրավերքում, ինչպես նաեւ ընդունվող փաստաթղթերում ԼՂՀ օրինական ընտրված իշխանութեւոյունների կարգավիճակը իջեցվում է մինչեւ «Հայկական համայնքի ներկայացուցիչներին» կամ նույնիսկ «Ստեփանակերտի ներկայացուցիչներին կարգավիճակի»: Դրանով հանրապետութեան բնակչութեան 90 տոկոսի ընտրած իշխանութեւոյունների ներկայացուցչութեւոյունը հավասարեցվում է ադրբեջանական համայնքի ներկայացուցչութեանը, ինչը միանգամայն անընդունելի է:

⁵³⁷ ԼՂՀ պետարխիվ, Ֆ. 254, ց.1, պ. մ. 3, կ.1, էջ 52:

⁵³⁸ Ուլուբաբյան Բ., Գշվ. աշխ., էջ181:

⁵³⁹ ԼՂՀ պետարխիվ, Ֆ. 254, ց.1, պ.մ.3, կ.1, էջ 54-60:

Մեր կարծիքով, Հոռմի նախնական հանդիպման գործունեության ուղղվածությունը այդ հիմնահարցի լուծման նկատմամբ միակողմանի մոտեցում է ենթադրում հօգուտ Ադրբեջանի, այսինքն՝ ԼՂ-ն պահել ԱՀ կաղմում: Դրա հետեւանքով լրիվ անտեսվում է ժողովրդի ինքնորոշման օրինական իրավունքը, որը արտահայտված է 1991 թ. դեկտեմբերի 10-ի համաժողովրդական հանրաքվեով (Մարդու իրավունքների պաշտպանության միջազգային օր):

Ափսոսանքով պիտի հայտնենք, որ ԼՂՀ ԳԽ նախագահության 6 ժամ տեւած արտակարգ նիստում որոշում կայացվեց ձեռնպահ մնալ Հոռմի խորհրդատողովի նախնական աշխատանքին մասնակցելուց: Այս որոշման վրա ներգործել են ԼՂՀ-ի դեմ Ադրբեջանի ազրեսիայի հերթական ուժեղացումը եւ վերը շարադրված մեր մտահոգությունը»⁵⁴⁰:

Սակայն ներքին եւ արտաքին ճնշումների հետեւանքով Հուլիսի 1-ին ԼՂՀ ԳԽ նախագահությունը ստիպված որոշում ընդունեց մասնակցել ԵԱՀԽ Մինսկի խմբի ԼՂ-ին նվիրված խորհրդակցությանը: Ուստի Հուլիսի 4 - 7-ը Հոռմի նախապատրաստական հանդիպմանը մասնակցելու համար ստեղծվեց պաշտոնական պատվիրակություն հետեւյալ կազմով՝ ԼՂՀ ՆԽ առաջին տեղակալ Բ. Առուշանյան՝ պատվիրակության ղեկավար, Հ. Խաչատրյան, Ռ. Քոչարյան, Հ. Բալայան⁵⁴¹:

Ինչպես եւ ակնկալվում էր, Ղարաբաղի հարցերով ԵԱՀԽ Հոռմի խորհրդատողովը չարդարացրեց որոշ հայ քաղաքական գործիչների հույսերը: Հուլիսի 5-ին հայկական պատվիրակությունը լքեց նիստը, քանի որ ոչ միայն չէր ճանաչվում ԼՂՀ պատվիրակության իրավահավասար կարգավիճակը, այլ նաեւ հրաժարվում էին դատապարտել Ադրբեջանի ազրեսիան եւ Շահումյանի ու Մարտակերտի շրջանի մեծ մասը զավթելու փաստը: Հետագայում ԼՂՀ պատվիրակությունը հեռացավ բանակցությունների սեղանից, երբ հայտնի դարձավ, որ միջնորդ իրավական կազմը սկսել էր խուսափել Ղարաբաղի պատվիրակությանը հատուկ կարգավիճակ տալու խոստումը կատարելուց⁵⁴²:

⁵⁴⁰ ԼՂՀ ԱԺ ընթացիկ արխիվ, ԼՂՀ առաջին գումարման ԳԽ նախագահության 1992 թ. հունիսի 27-ի նիստի արձանագրություն N 34:

⁵⁴¹ «Արցախ», 03.07.1992:

⁵⁴² Աբրահամյան Հ., ճակատագրին ընդառաջ, Ե., 2001, էջ 182:

Հանրապետության տարածքը բռնատեղահանված բնակչության կողմից լքումը կանխելու նպատակով, ինչը կարող էր հանգեցնել համընդհանուր խուճապի, հունիսի 29-ին ԼՂՀ ԳԽ նախագահությունը որոշում կայացրեց արգելել հանրապետության սահմաններից դուրս քաղաքացիների անկախ սեռատարիքային պատկանելության մեկնումը, բացառությամբ հատուկ գործուղվածների⁵⁴³։

Հուլիսի 6-ին Ստեփանակերտ ժամանեց ՀՀ ԳԽ պաշտոնական պատվիրակությունը՝ ԳԽ նախագահի տեղակալ Ա. Սահակյանի գլխավորությամբ։ Պատվիրակության կազմում էին ՀՀ պաշտպանության նախարար Վ. Սարգսյանը, քաղաքական կուսակցության ներկայացուցիչներ։ Հուլիսի 7-ին տեղի ունեցավ ԼՂՀ ԳԽ նախագահության եւ ՀՀ պատգամավորական պատվիրակության համատեղ նիստ։ Քննարկվեցին Արցախում ստեղծված ռազմաքաղաքական ծանր իրավիճակի հետ առնչվող մի շարք հարցեր։ Պատվիրակությունը մասնակցեց նաեւ ԼՂՀ ՆԽ նիստին, ուր քննարկվեցին փախստականների տեղավորման եւ առաջին անհրաժեշտության պարագաների նվազագույն ապահովմանն ուղղված միջոցառումների ծրագիրը⁵⁴⁴։

Հուլիսի 9-ին կայացավ ԼՂՀ ԳԽ եւ ՆԽ համատեղ նիստ, որի ընթացքում որոշում կայացվեց ընդունել ԼՂ Հարցով ԵԱՀԽ Սինսկի խորհրդատուների նախագահ Մ. Ռաֆայելիի առաջարկը՝ 1992 թ. հուլիսի 9-ից 01 ժամից 30 օրով կրակը դադարեցնելու վերաբերյալ⁵⁴⁵։

Թեև Ադրբեյջանի կառավարությունը պաշտոնապես հայտարարել էր, թե ընդունում է Մ. Ռաֆայելիի առաջարկը, սակայն ռազմական գործողություններն ավելի սաստկացան։ Այդ առնչությամբ ԼՂՀ ԳԽ նախագահությունն ու ՆԽ-ն հանգես եկան համատեղ հայտարարությամբ։

Հուլիսի 12-ին տեղի ունեցած ԼՂՀ ԳԽ նախագահության նիստին մասնակցում էր ՀՀ ԳԽ պատվիրակությունը՝ Պ. Քացախյանի գլխավորությամբ։ Նրանք նպատակ էին հետապնդում օգնել տեղական մարմիններին լուծել բոլոր խնդիրները կապված բարեգործական օգնության բախշման, փախստականների տեղավորման, կենցաղային, բուժական եւ այլ

⁵⁴³ ԼՂՀ պետարխիվ, ֆ. 254, ց. 1, պ. մ. 3, կ. 1, էջ 61-63:

⁵⁴⁴ «Արցախ», 09.07.1992:

⁵⁴⁵ ԼՂՀ պետարխիվ, ֆ. 254, ց. 1, պ. մ. 4, կ. 1, էջ 9-10:

սպասարկման հետ⁵⁴⁶։ Օրակարգ մտցվեց ԼՂՀ ԳԽ նախագահի պաշտոնակատար Գ. Պետրոսյանի եւ ԼՂՀ ԳԽ քարտուղար Վ. Հակոբյանի զբաղեցրած պաշտոններից հրաժարականների հարցը։ Սակայն ԼՂՀ ԳԽ նախագահությունը որոշեց մերժել նրանց հրաժարականները⁵⁴⁷։

ԼՂՀ առաջին գումարման ԳԽ նախագահության անդամների եւ այլ քաղաքական գործիչների շրջանակներում կան տեսակետներ, որ ԳԽ նախագահի պաշտոնակատարի ու քարտուղարի հրաժարականի պատճառը քաղաքական ճնշումների հետեւանք էր, եւ այդ քայլի նպատակն էր կանխել հետագա պառակտումը հանրապետության համար ստեղծված այդ դժվար պարագայում։

Վերջին իրադարձությունների կապակցությամբ ԼՂՀ ԳԽ նախագահության հունիսի 18-ի նիստում քննարկվեց ՀՀ-ԼՂՀ փոխհարաբերությունների հարցը։ Հաշվի առնելով ՀՀ իշխանությունների ու ԼՂՀ իշխանությունների փոխհարաբերությունների եւ Արցախյան հիմնահարցի ըմբռնման գործում ՀՀ մոտեցման ճշգրտումը՝ ՀՀ իշխանությունների հետ բանակցություններ սկսելու համար ԼՂՀ ԳԽ նախագահությունը որոշում կայացրեց ուղարկել ԼՂՀ ԳԽ նախագահության պաշտոնական պատվիրակություն հետեւյալ կազմով՝ Գ. Պետրոսյան, Վ. Հակոբյան, Վ. Աղաբալյան, Վ. Ալեքսանյան, Կ. Բաբուրյան, Վ. Ղազարյան, Հ. Խաչատրյան⁵⁴⁸։

Բանակցությունների ընթացքի վերաբերյալ կան իրաբանորոշ կարծիքներ, սակայն, հաշվի առնելով այդ ժամանակաշրջանի որոշ քաղաքական գործիչների վկայությունները եւ ուսումնասիրելով հունիսի 27-ի ԼՂՀ ԳԽ նախագահության դռնփակ նիստի սղագրությունը, որտեղ ներկայացվել էին ՀՀ իշխանությունների հետ բանակցած ԼՂՀ ԳԽ նախագահության պաշտոնական պատվիրակության անգամների կարծիքները, գտնում ենք որ ՀՀ նախագահը կարծես թե ցանկանում էր ձեռքազատվել ԼՂՀ ԳԽ նախագահության «անհնազանդ» անդամներից՝ պահանջելով վերջիններից ստեղծել մի մարմին

⁵⁴⁶ «Ազգ», 23.07.1992:

⁵⁴⁷ ԼՂՀ պետարխիվ, ֆ. 254, ց.1, պ.մ.4,կ.1, էջ 14-16:

⁵⁴⁸ Նույն տեղում, էջ 22-23:

եւ տալ նրան օրենսդիր ու գործադիր մարմինների բոլոր պարտականութիւնները:⁵⁴⁹

Պատահական չէր նաեւ օգոստոսի 11-ին Հանրապետութեան ՆԽ նախագահ Օ. Նսայանի դիմումը ԳԽ նախագահութեանը՝ իր հրաժարականի հարցի քննարկման վերաբերյալ: Նա իր քայլը բացատրում էր իշխանութեան գոյութիւնն ունեցող կառուցների եւ ռազմական իրավիճակի սլահանջների անհամապատասխանութեամբ: Նա առաջարկեց մինչեւ 1992 թ. վերջը Հանրապետութիւնում ռազմական դրութիւն մտցնել, ինչպէս նաև ստեղծել պաշտպանութեան խորհուրդ եւ ԼՂՀ ԳԽ եւ ՆԽ լիազորութիւնները հանձնել այդ մարմնին⁵⁵⁰: Իսկ հաջորդ օրը՝ օգոստոսի 12-ին, նույն հարցով ԼՂՀ ԳԽ նախագահութիւնն դիմեց նախագահի պաշտոնակատար Գ. Պետրոսյանը, սակայն նախագահութիւնը որոշեց մերժել Գ. Պետրոսյանի հրաժարականի դիմումը⁵⁵¹:

Ագրեւջանի կողմից լայնածավալ ագրեսիայի եւ ԼՂՀ մի մասի բռնազավթման կապակցութեամբ ԼՂՀ ԳԽ նախագահութիւնը օգոստոսի 12-ին որոշում ընդունեց ԼՂՀ-ում Հայտարարել ռազմական դրութիւն 6 ամիս ժամկետով: Այդ հրամանագրի համաձայն Հայտարարվեց ԼՂՀ արական սեռի 1947-ից մինչեւ 1974 թթ. ծնված քաղաքացիների զորահավաք: Որոշվեց միջոցներ ձեռնարկել ԼՂՀ սահմաններից դուրս գտնվող զորահավաքի տակ ընկնող ԼՂՀ քաղաքացիներին մեկ շաբաթվա ընթացքում վերադարձնելու համար: ԼՂՀ ԻՊՈՒ շտաբին, ՆԳՆ, ԱԱՎ, պարետութեանը, զինվորական կոմիտարիատին եւ դատախազութեանը հանձնարարվեց ապահովել սույն հրամանագրի կատարումը պատերազմական ժամանակի օրենքներին համապատասխան:

Ընդունված որոշման մասին եւօրյա ժամկետում իրազեկվեց ՄԱԿ-ի գլխավոր քարտուղարն ու ՄԱԿ-ի անվտանգութեան խորհուրդը⁵⁵²:

⁵⁴⁹ ԼՂՀ առաջին գումարման ԳԽ քարտուղար, պատմական գիտությունների թեկնածու հանգուցյալ Վ.Յակոբյանի անձնական արխիվ: ԼՂՀ առաջին գումարման ԳԽ նախագահության 1992 թ. հուլիսի 27-ի դռնփակ նիստի սղագրություն:

⁵⁵⁰ Արրահամյան Յ., նշվ. աշխ., էջ 182:

⁵⁵¹ ԼՂՀ պետարխիվ, Ֆ. 254, ց.1, պ.մ.4,կ.1, էջ 31-34:

⁵⁵² Նույն տեղում, էջ 34:

... հասար «ԼՂՀ ա
մասին» սահմանադր
... համապատասխան, ստ
... (ՊՊԿ):

... նշանակվեց Ռ. Քոչար
... նշանակվեց ԼՂՀ
... Առուշանյանը, ՊՊԿ նա
... ահաբեկչական անդամ, պե
... հարցերի եւ օրինակա
... նախագահ Կ. Բարուր
... ԼՂՀ ԳԽ նախագահ
... նվտանգուծչական հանձն
... ԼՂ ՊԿ նախագահ Ս. Ս
... ուղղվր, ԻՊՈՒ հրաման
:

... եց նիս՝ «ԼՂՀ նախարա
... ատեսպատ ըսլոր պար
... թյան ռեժիմի իրականա
... նախատեսված են «Ռա
... նախագահության 1992
... ԳԽ նախագահության
... փոխանցվեցին ՊՊԿ-ին:
... նախագահի լիազորու
... վում էր 6 ամիս հե
... ունը ներկայացնել ԳԽ-

Այսպիսով, նշված ժամանակաշրջանի քաղաքական գործընթացների ուսումնասիրությունն ու նրանց վերլուծությունը ցույց է տալիս, որ 1992 թ. հունիս-օգոստոսյան ռազմական անհաջողությունները ունեին խորքային:

Այսօր որոշ քաղաքագետներ, մոռացության տալով կամ անտեղյակ լինելով անցյալի քաղաքական գործընթացներին եւ միգուցե ելնելով քաղաքական շահերից, միտումնավոր ձեռով կեղծում են Արցախի ազատագրական պայքարի որոշ դրվագներ⁵⁵: Նշված վիճահարույց հարցերը պետք է լուրջ ուսումնասիրության առարկա դառնա:

TARON HAKOBYAN
STATE UNIVERSITY OF ARTSAKH

THE STATE FORMATION AND POLITICAL PROCESSES IN THE NKR IN JUNE-AUGUST, 1992

Summary

After the liberation of Shushi and the break of the blockade it seemed that the inner political contradictions had been calmed in the NKR; on June 2-6 was summoned the First Session of the Supreme Assembly of the NKR which proved the contrary. In the course of the election of the Chairman inner contradictions again became perceptible which had been deepened under the influence of the attitude of the leadership of the Republic of Armenia. The occupation of the region of Shahumyan and part of the region of Martakert by the enemy forces aggravated the situation.

The further victories of the Armenian liberating forces, along with military-strategic actions were also due to the political developments in the NKR.

The research of political processes of the given period has been done on the basis of the archive documents.

⁵⁵⁴ Ղարաբաղյան ազատագրական պատերազմ. 1988-1994 թթ., (Հանրագիտարան 1 հատորով): Եր., 2004, 864 էջ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՍԵԱԿՑՈՒԹՅՈՒՆԸ
ՍԵՎԾՈՎՅԱՆ ՏՆՏԵՍԱԿԱՆ ՀԱՄԱԳՈՐԾԱԿՑՈՒԹՅԱՆ
ՍՏԵՂԾՄԱՆ ՈՒ ԿԱՅԱՑՄԱՆԸ

(1992 - 2003 թթ.)

ԽՍՀՄ փլուզումից հետո ամբողջ ընդլայնված սևծովյան տարածաշրջանը վերածվեց քաղաքական անկայունության կենտրոնի: Զինված ընդհարումները շղթայական ռեակցիայով տարածվեցին ամբողջ տարածաշրջանով, դրանց գումարվեցին նաև ներպետական բազմաթիվ բախումներ: Հակամարտությունները Բալկաններում, Ղարաբաղում, Մերձդնեստրում, Աբխազիայում, Հարավային Օսիայում և այլն, բավականին դժվարացրեցին տարածաշրջանի պետությունների քաղաքական երկխոսությունը: Այդ իսկ պատճառով 1990-ականների սկզբին խոսել սևծովյան տարածաշրջանում քաղաքական կամ ռազմաքաղաքական լուրջ համագործակցության մասին ավելի քան անհնարին էր և անիրատեսական: Սակայն քաղաքական, ռազմական և այլ խնդիրներից զատ, Սև ծովին ավամերձ պետությունները և դրանց հարակից երկրներն ունեին ապաքաղաքականացված կամ նվազ քաղաքականացված ընդհանուր բազում խնդիրներ, որոնց լուծումն անհնարին էր առանց միջպետական համագործակցության:

1992 թ. Հունիսի 25-ին տասնմեկ պետությունների և կառավարությունների գլուխներն⁵⁵⁵ Ստամբուլում կայացած գագաթնաժողովի ժամանակ ստորագրեցին Սևծովյան տնտեսական համագործակցության հռչակագիրը և Բոսֆորյան Հայտարարությունը՝ ազդարարելով համագործակցության նոր ձևաչափի՝ Սևծովյան տնտեսական համագործակցության ստեղծումը⁵⁵⁶: Ստամբուլյան փաստաթղթերն ուրվագծեցին ՄՄՏ համագործակցության հիմնական սկզբունքները և ուղղությունները՝ որպես տարածաշրջանի պետությունների հա-

⁵⁵⁵ Ալբանիա, Հայաստան, Ադրբեջան, Բուլղարիա, Վրաստան, Հունաստան, Մոլդովա, Ռումինիա, Ռուսաստան, Թուրքիա և Ուկրաինա:

⁵⁵⁶ Корнилович С. Г., Торопыгин А. В., Развитие межгосударственной интеграции в ЕВРАЗЭС, Развитие сотрудничества с ПАЧЭС. Проблемы современной экономики, N 3(11), СПб., 2004, с. 10-12.

մագործակցութեան ձևաչափ ունեցող կառույցի: Ստորագրելով Ստամբուլյան հռչակագիրը՝ կողմերը պայմանավորվեցին խրախուսել համագործակցութիւնը առևտրի և արդյունաբերութիւն, տրանսպորտի, կապի, գիտութեան և տեխնիկայի, բներգետիկայի, գյուղատնտեսութեան, զրոսաշրջութեան և բնապահպանութեան ոլորտներում:

Ստամբուլյան գագաթնաժողովի գաղափարը պատկանում էր Թուրքիային, որը Խորհրդային Միութեան փլուզումից հետո քաջ գիտակցում էր, որ քաղաքական և տնտեսական իրողութիւնները սևծովյան տարածաշրջանում անդառնալիորեն փոփոխվելու են: Անշուշտ, այս նախաձեռնութիւնն առաջ քաշելով՝ Թուրքիան փորձում էր նաև յուրատեսակ հակակշիռ ստեղծել ձևավորվող Եվրոպական միութեանը՝ առաջարկելով ըստ էութեան սևծովյան «ընդհանուր շուկայի» ստեղծման գաղափարը⁵⁵⁷:

Հայաստանը հանդիսացավ ՄՄՏՀ-ի ակտիվ մասնակիցներից մեկը կառույցի ստեղծման առաջին իսկ օրերից: ՀՀ-ի պարագայում ՄՄՏՀ-ն հանդիսացավ ոչ միայն երկրի առջև ծառայած տնտեսական, սոցիալական և այլ խնդիրների լուծման տարածաշրջանային համագործակցութեան մեխանիզմ, այլ նաև վերածվեց չափազանց հարմար Ֆորումի՝ քաղաքական երկխոսութիւն ծավալելու համար: ՄՄՏՀ-ն հիմք ապահովեց, այսպես կոչված, բազմակողմ դիվանագիտութեան շրջանակներում որոշակի բնութիւթի հարաբերութիւններ հաստատելու համար նաև Ազրբեջանի և Թուրքիայի հետ:

Ստամբուլի հռչակագրի ընդունումից հետո ութ ամիս անց՝ 1993 թ. փետրվարի 26-ին կրկին Ստամբուլում ՄՄՏՀ մասնակից ինը պետութիւնների՝ Ալբանիայի, Ազրբեջանի, Հայաստանի, Վրաստանի, Մոլդովայի, Ռումինիայի, Ռուսաստանի, Թուրքիայի և Ուկրաինայի խորհրդարանների նախագահները սևծովյան երկրների միջև բազմակողմ տնտեսական համագործակցութեանը խորհրդարանական աջակցութիւն ցուցաբերելու և տարածաշրջանային կայունութիւնն ապահովելու նպատակով ընդունեցին ՄՄՏՀ խորհրդարանական վեհաժողով հիմ-

⁵⁵⁷ Heinz Kramer, Changing Turkey: Challenges to the Europe and the United States, New York, Brookings Institution, 2000, pp. 93-93.

նկրու մասին հռչակագիրը ազդարարելով Համագործակցութ-
յան խորհրդարանական վեհաժողովի ստեղծման փաստը⁵⁵⁸:

1993 թ. ապրիլի 12-ին Ստամբուլյան հռչակագիրն արժա-
նացավ ՀՀ Գերագույն խորհրդի հավանությանը: ՄԾՏՀ
խորհրդարանական վեհաժողովին ՀՀ անդամակցության մա-
սին որոշման մեջ, մասնավորապես, նշվում էր. «Հավատարիմ
մնայով ՀՀ անկախության մասին հռչակագրի սկզբունքներին,
ՀՀ Գերագույն խորհուրդն որոշում է հավանություն տալ ՀՀ
անդամակցությանը Սևծովյան տնտեսական Համագործակ-
ցության վեհաժողովին»⁵⁵⁹:

Թերևս ՄԾՏՀ ստեղծման առաջին իսկ օրերից Համագոր-
ծակցության բոլոր մասնակիցների համար պարզ դարձավ, որ
Համագործակցության ավելի սերտ մակարդակի և ծրագրերի
ավելի արդյունավետ իրագործման հնարավոր է հասնել միայն
որոշակի ինստիտուցիոնալ կառույցներ ստեղծելու միջոցով:
Գեռևս 1994 թ. մարտի 15-ին ՄԾՏՀ անդամ պետությունները
որոշում կայացրեցին կառուցվածքային փոփոխություն կա-
տարել Համագործակցության շրջանակներում և Ստամբուլում
հիմնել Մշտական քարտուղարություն: Սա առաջին քայլն էր
այդ միջադրային մշտական խորհրդակցությունը միջազգային
կազմակերպության վերածելու ուղղությամբ: 1995 թ. ՄԾՏՀ
քաղաքականության հետևողականության ապահովման նպա-
տակով ներառվեց նաև, այսպես կոչված, «տրոյկայի» ինստի-
տուտը, որը կազմված էր ՄԾՏՀ նախկին, գործող և ապագա
նախագահներից:

1998 թ. աչքի ընկավ Հայաստանի և ՄԾՏՀ-ի միջև համա-
գործակցության սերտ մակարդակով: 1998 թ. ապրիլի 30-ին
Երևանում տեղի ունեցավ ՄԾՏՀ արտաքին գործերի նախա-
րարների տասնմեկերորդ հանդիպումը: Այս հանդիպմանն
առաջին անգամ արտաքին գործերի նախարարի պաշտոնում
մասնակցեց Վ. Օսկանյանը: Իր ելույթում նախարարը մասնա-
վորապես ընդգծեց, որ Հայաստանն ՄԾՏՀ-ն դիտում է «որպես
մեր երկրների սոցիալական և տնտեսական աճի կարևոր
տարր», որը թույլ է տալիս զարգացնել բարիդրացիական հա-
րաբերությունները մեր տարածաշրջանում և ապահովել կա-

⁵⁵⁸ Հունաստանը դարձավ Վեհաժողովի լիիրավ տասներորդ անդամը
1995 թ. հունիսին, իսկ Բուլղարիան անդամակցեց կառույցին միայն
1997 թ. հունիսին:

⁵⁵⁹ Տես ՀՀ Չեռագույն խորհրդի 1993 թ. ապրիլի 13-ի որոշումը:

յունությունն ու անվտանգությունը, ինչպես նաև խթանել մասնակից պետութայունների ինտեգրումը եվրոպական կառույցներին⁵⁶⁰: Երևանյան Հանդիպման ժամանակ տեղի ունեցավ նաև ՄՄՏՀ կանոնադրության նախատորադրումը:

1998 թ. Հունիսի 5-ին Յալթայում կայացած գագաթնաժողովի ժամանակ Հանդիսավոր արարողությանը ՄՄՏՀ մասնակից պետութայունների և կառավարութայունների ղեկավարներն ստորագրեցին ՄՄՏՀ կազմակերպության կանոնադրությունը: ՀՀ անունից կանոնադրությունն ստորագրեց ՀՀ Նախագահ Ռ. Քոչարյանը: Անդամ պետութայունների կողմից վավերացվելուց հետո այն ուժի մեջ մտավ 1999 թ. մայիսի 1-ին:

Միջազգային տարածաշրջանային տնտեսական կազմակերպության վերածվելուց հետո Հստակեցվեցին ՄՄՏՀ կազմակերպության գործունեության հիմնական ոլորտները՝ միջկառավարական (գագաթնաժողովներ և անդամ պետութայունների նախարարների խորհրդի նիստեր), միջխորհրդարանական (խորհրդարանական վեհաժողով), մասնավոր Հատված (ՄՄՏՀ Գործարար խորհուրդ), բանկային գործունեություն և ֆինանսներ (Առևտրի և զարգացման բանկ), գիտակազմակերպական Համագործակցություն (Սևծովյան Հետազոտությունների միջազգային կենտրոն):

Բացի ՄՄՏՀ կազմակերպության կանոնադրությունից, Յալթայում տեղի ունեցած Հանդիպման ժամանակ ընդունվեց նաև ՄՄՏՀ մասնակից պետությունների ու կառավարությունների գլուխների Հռչակագիրը: Հռչակագիրն արձանագրեց, որ «Այսօր ՄՄՏՀ-ն ծառայում է ավելի քան մեկ նպատակի: Այն տնտեսական և սոցիալական առաջընթացն արագացնելու և, հետևաբար, մեր երկրներում ժողովրդավարական Հաստատությունների Համախմբման անվիճելի փոխլրացնող միջոց է: Այն նաև նախապատրաստական հիմք է ՀՀ-ը դարի միացյալ եվրոպային ինտեգրվելու համար»⁵⁶¹: ՀՀ-ն դարձավ Սևծովյան տնտեսական Համագործակցության խարտիան (կանոնադրությունը) վավերացնող առաջին պետություններից մեկը: ՀՀ

⁵⁶⁰ Տե՛ս Statement by Foreign Minister Vartan Oskanian at the 11th Meeting of Foreign Ministers of the Black Sea Economic Cooperation, Yerevan, April 30, 1998. <http://www.armeniaforeignministry.am/> 28.03.2006 թ.:

⁵⁶¹ Տե՛ս Yalta Summit Declaration, Yalta, 5 June 1998.

առաջին դումարման Ազգային ժողովը 1998 թ. դեկտեմբերի 1-ին որոշում կայացրեց վավերացնել ՄԾՏՀ կանոնադրությունը⁵⁶²:

1999 թ. Հունիսի 21-ին, ի կատարումն Ստամբուլյան ՄԾՏՀ կանոնադրության դրույթների, Սալոնիկում վերջնականապես սկսեց իր աշխատանքները ՄԾՏՀ ֆինանսական հենասյունը՝ Առևտրի և զարգացման սեփական բանկը: Առևտրի և զարգացման սեփական բանկի մասին համաձայնագիրը կնքվել էր դեռևս 1994 թ. Հունիսի 30-ին Թբիլիսիում: Սեփական բանկում նախնական կապիտալը բաշխված է հատուկ բաժանված քվոտաներին համապատասխան: Թուրքիան, Հունաստանը և Ռուսաստանն այդ բանկի ամենախոշոր բաժնետերերն են, նրանցից յուրաքանչյուրի բաժինը կազմում է 16,5 տոկոս: ՀՀ բաժնեմասը բանկում կազմում է ընդամենը 1 տոկոս:

1999 թ. սեպտեմբերին Ուկրաինայում Նախագահ Լեոնիդ Կուչմայի նախաձեռնությամբ անցկացվեց Բալթիկ և Սև ծովերի համագործակցության գագաթնաժողովը: Գագաթնաժողովին մասնակցություն ունեցավ նաև ՀՀ նախագահ Ռ. Քոչարյանը, որը, 1999 թ. սեպտեմբերի 11-ին հանդես դալով ելույթով, անդրադարձավ Հայաստանի արտաքին քաղաքականության առաջնայնություններին նշելով, որ Հայաստանի համար եվրախնտեղման գործընթացն այլընտրանք չունի. Հայաստանը ձգտում է իր ուրույն և արժանի տեղն զբաղեցնել եվրոպական կառույցներում: Հավելելով նշվածը՝ ՀՀ նախագահը նաև ընդգծեց, որ «ԱՊՀ և ՄԾՏՀ շրջանակներում մենք կարողացել ենք տարածաշրջանային համագործակցության փորձ կուտակել: Թույլ տվեք նշել, որ այստեղ Յալթայում, կայացած վերջին ՄԾՏՀ գագաթնաժողովի ընթացքում սկսվեցին կոնկրետ ծրագրերի և նախագծերի պատրաստումն ու իրագործումը»⁵⁶³:

1999 թ. նոյեմբերի 17-ին Ստամբուլում կայացավ ՄԾՏՀ անդամ պետությունների և կառավարությունների գլուխների հերթական գագաթնաժողովը, որը, փաստորեն, նախորդեց ԵԱՀԿ ստամբուլյան գագաթնաժողովին: Գագաթնաժողովի մասնակիցներն ընդունեցին Ստամբուլի հռչակագիրը, որում արձանագրեցին արդեն իսկ ձևավորված Կազմակերպության

⁵⁶² ՀՀ Ազգային ժողովի 1998 թ. դեկտեմբերի 1-ի Ն-303-1 որոշումը:

⁵⁶³ St'u President Robert Kocharian's speech at the Baltic and Black Sea Cooperation Summit September 11, 1999, <http://www.armeniaforeignministry.am/> 28.03.2006 թ.:

նվաճումները և դրա առջև ծառայած նորանոր խնդիրները: Հռչակագրում ՄՄՏՀ անդամ պետություններն ընդգծեցին, որ կիսում են այն ընդհանուր մոտեցումը, որ յոթամյա գոյության ընթացքում ՄՄՏՀ-ն մեծապես նպաստել է տարածաշրջանում խաղաղության և կայունության ամրապնդման գործընթացին՝ ելնելով այն պրագմատիկ մոտեցումից, որ տնտեսական համագործակցությունը վստահության ամրապնդման արդյունավետ միջոց է և ծառայում է որպես եվրոպական նոր ճարտարապետության հենասյուն:

2000 թ. օգոստոսի 24-ին ՄՄՏՀ Կենտրոնակայանի մասին համաձայնագիրն ուժի մեջ մտավ: Այն թույլ տվեց անդամ պետություններին հիմնել իրենց մշտական ներկայացուցչությունները, որոնք հավատարմագրված կլինեին ՄՄՏՀ-ին: Արդյունքում ձևավորվեց Մշտական ներկայացուցիչների խորհուրդը, որը պարբերաբար հավաքվում է ծրագրերի հետագա իրագործումն ապահովելու համար:

Ստամբուլում ՄՄՏՀ հավատարմագրված մշտական ներկայացուցչություն ստեղծեց նաև Հայաստանը, սակայն այդ կառույցը հանդիսացավ ավելին, քան սոսկ միջազգային կազմակերպությանն առնթեր ներկայացուցչություն: Հաշվի առնելով Հայաստանի և Թուրքիայի միջև դիվանագիտական հարաբերությունների բացակայությունը՝ մշտական ներկայացուցչությունը կարողացավ որոշակի իմաստով ապահովել Հայաստանի Հանրապետության *de facto* պաշտոնական դիվանագիտական ներկայությունը Թուրքիայի տարածքում⁵⁶⁴:

Հայաստանի Հանրապետության և ՄՄՏՀ միջև համագործակցության զարգացման տեսանկյունից մեծ նվաճում հանդիսացավ 2000 թ. նոյեմբերի 28-30-ին ՄՄՏՀ Խորհրդարանական վեհաժողովի տասնվեցերորդ նստաշրջանի անցկացումը Հայաստանում, որին մասնակցություն ունեցան ՄՄՏՀ բոլոր 11 երկրները ներկայացնող մոտ 100 պատգամավորներ, ներառյալ Թուրքիայի և Ազրբեջանի խորհրդաբանականները: Դիտորդի կարգավիճակով Երևանյան նիստին մասնակցեցին նաև Եգիպտոսի, Իսրայելի, Սլովենիայի պատվիրակները և միջազգային

⁵⁶⁴ Այս մասին ավելի մանրամասն տե՛ս Наша безопасность основана на многих составляющих. Эксклюзивное интервью агентству "АРМИНФО" Рубена Шугаряна, заместителя министра иностранных дел. Мариам Левина, АРМИНФО, 27 января, 2005 г. http://www.arminfo.am/politika_ru-issue34.html 28.03.2006թ.:

կադմակերպությունների ներկայացուցիչները: 2000 թ. նոյեմբերի 29-ին «Նոյյան ապստան» լրատվական գործակալությունը տված հարցազրույցում ՀՀ Ազգային ժողովի նախագահ Արմեն Խաչատրյանն ընդգծեց, որ սա Ազրբեջանի և Թուրքիայի բարձրաստիճան պաշտոնյաների առաջին այցն է Հայաստան վերջին 12 տարիների ընթացքում: Ազրբեջանի պատվիրակության կազմում էին Միլիմեջլիսի փոխխոսնակ Արիֆ Ռահիմ-ղադեն և պատգամավոր Յաշար Ալիևը: Վեհաժողովի աշխատանքներին մասնակցում էին նաև Թուրքիայի 8 պատգամավորներ:

Ընդհանրապես, 2002 թ. հոբելյանական էր ՄԾՏՀ-ի համար, քանի որ լրանում էր Համագործակցության ստեղծման տասնամյակը: Անցյալ տասնամյակի նվաճումները և հաջողություններն ի մի բերելու նպատակով Ստամբուլյան հռչակագրի ընդունման օրը 2002 թ. հունիսի 25-ին, համագործակցության ծննդավայրում անցկացվեց ՄԾՏՀ-ի տասնամյակին նվիրված գագաթնաժողովը: Ստամբուլյան գագաթնաժողովի մասնակիցները տասնամյակի հռչակագրում արձանագրեցին, որ «Անցյալ տասնամյակի ընթացքում ՄԾՏՀ-ն ապացուցեց վստահություն, ըմբռնման և համագործակցության ֆորումի իր արժեքը: Այն խթանեց իր անդամ պետությունների ժողովրդավարության, շուկայական տնտեսության և բաց հասարակության կայացման քաղաքականությունների նշանակալի առաջընթացը դրանով իսկ աջակցելով այսօրվա աշխարհում մեր տարածաշրջանի ավելի լավ դիրքավորմանն ուղղված ջանքերին, որում պետություններն ընթանում են դեպի ավելի մեծ շիտակություն և տնտեսական ինտեգրում»⁵⁶⁵:

2003 թ. ապրիլի 18-ին ՄԾՏՀ նախարարների խորհրդի ութերորդ հանդիպումը տեղի ունեցավ Հայաստանի Հանրապետության մայրաքաղաքում: Հանդիպմանը նախորդեց Բարձրաստիճան պաշտոնյաների կոմիտեի հանդիպումը, որը կայացավ ապրիլի 16-17-ին: Երևանյան հանդիպմանը մասնակցություն ունեցան դիտորդներ Ավստրիայից, Ֆրանսիայից, Գերմանիայից, Իտալիայից և Լեհաստանից, ինչպես նաև մի շարք միջազգային կազմակերպությունների ներկայացուցիչներ: Ի պաշտոնե նիստը նախագահում էր ՀՀ արտաքին գործերի նախարար Վարդան Օսկանյանը: ՄԾՏՀ նախարարների խորհրդի

⁵⁶⁵ St'u Istanbul Decennial Summit Declaration "Looking Beyond Ten Years of Cooperation and Progress Istanbul, 25 June 2002.

Երևանյան հանդիպմանն ուղերձով դիմել էր ՄԱԿ-ի Գլխավոր քարտուղար Քոֆի Անանը, որը հանդիպման ընթացքում նրա անունից ընթերցեց Ժնեում ՄԱԿ-ի դրասենյակի գլխավոր տնօրեն, փոխքարտուղար Սերգեյ Օրլոնիկիձեն: Երևանյան հանդիպման ժամանակ Վ. Օսկանյանը, ամփոփելով ՄՄՏՀ-ում ՀՀ նախագահության անցած վեց ամիսները, մասնակիցների ուշադրությունը հրավիրեց այն հանգամանքին, որ ՄՄՏՀ-ի ծրագրերի զարգացման հիմնադրամի ստեղծումը կարևոր հիմք կարող է հանդիսանալ ընդհանուր տնտեսական նախագծերի և ծրագրերի իրագործման համար:

Աւետյան տնտեսական համագործակցության կազմակերպության նախարարների խորհրդի հաջորդ հանդիպումը տեղի ունեցավ Բաքվում՝ 2003 թ. հոկտեմբերի 31-ին: Հայաստանը հանդիպման ժամանակ ներկայացնում էր ՀՀ արտաքին գործերի փոխնախարար Ռուբեն Շուգարյանը: Ռ. Շուգարյանը, ելույթ ունենալով Բաքվում, նշեց, որ համատեղ ջանքերով անցած վեց ամսվա ընթացքում հնարավոր եղավ հասնել նշանակալի հաջողությունների այնպիսի կենսական նշանակություն ունեցող հարցերի կապակցությամբ, ինչպիսիք են էներգետիկան, տրանսպորտը և զբոսաշրջությունը, դրական առաջընթաց արձանագրվեց նաև առևտրի և տնտեսական զարգացման բնագավառներում: Փոխնախարարն ընդգծեց նաև խորհրդարանական վեհաժողովի աճող դերը տարածաշրջանային համագործակցության զարգացման ոլորտում: Ընդհանուր առմամբ, ՄՄՏՀ-ում նախագահության անցումը Հայաստանից Ադրբեյջանին որոշակի դրական ներդրում ունեցավ երկու պետությունների միջև համագործակցության ձևավորմանը՝ ապահովելով պաշտոնական հարաբերությունների որոշակի մակարդակ նաև Ղարաբաղյան հակամարտության հետ չկապված համագործակցության բնագավառում:

Չմեղանչելով ճշմարտության դեմ, այդուհանդերձ, կցանկանայինք նշել, որ շատ դեպքերում, ցավոք, կազմակերպության գործունեության արդյունավետությունն ու հաջողություններն արտացոլվում են միայն թղթի վրա և իրականում չեն իրագործվում: Պատահական չէ, որ դեռևս 1994 թ. նախագծված Առևտրի և զարգացման սևծովյան բանկի ստեղծումը հնարավոր դարձավ միայն 1999 թ.: Անշուշտ, այս ամենի հիմքում նաև քաղաքական դրդապատճառներն էին: Այդուհանդերձ, համագործակցության ստեղծված ձևաչափը իր ճկունությամբ և առաձգականությամբ, չափազանց կարևոր է

*ՄՄՏՀ անդամ յուրաքանչյուր պետություն համար, ու նրանցից
և ոչ մեկը չի ցանկանում, ելնելով Կազմակերպության գործու-
նեություն ոչ արդյունավետ լինելու հանգամանքից, վերացնել
ձևավորված յուրահատուկ բացառիկ ձևաչափը:*

**KHACHATUR ADUMYAN
YEREVAN STATE UNIVERSITY.**

**CONTRIBUTION OF THE REPUBLIC OF ARMENIA TO THE
CREATION AND STRENGTHENING OF THE BLACK SEA
ECONOMIC COOPERATION
(1992-2003)**

Summary

The paper is an overview of the Black Sea Economic Cooperation formation and strengthening, as well as the role of the Republic of Armenia in the development and transformation of this unique regional structure.

After the collapse of the USSR, the Black Sea region needed a new cooperation format. Despite numerous political problems and military conflicts, all the states of the region were well aware of the existence of issues that could not be resolved without regionwide cooperation. The Black Sea Economic Cooperation initiative was aimed at modifying the situation and creating a novel format of regional cooperation.

Created originally as a regional conference, the BSEC gradually acquired features of an international structure - finally becoming an international regional organization.

The importance of Armenia's membership to the BSEC has been twofold: (i) a vehicle to seek economic cooperation with other countries in the region, and (ii) a multilateral diplomacy framework within which to establish a certain relationship with the Republics of Azerbaijan and Turkey (which, indeed, has partially filled the

gap arising out of the absence of any bilateral diplomacy between Armenia, on the one hand, and either of these states, on the other).

The Republic of Armenia - as an active participant in the BSEC - has always attached and continues to attach great importance to the cooperation in this framework. Such commitment was manifestly expressed during Armenia's chairmanship of the organization.

Even though official and academic circles often rightfully criticize this organization for being passive, none of its participants want to reject this unique format of regional cooperation, which contains enormous potential for development.

**ՈՒՍԱՆՈՂՈՒԹՅԱՆ ԵՎ ԵՐԻՏԱՍԱՐԴ
ՄՏԱՎՈՐԱԿԱՆՈՒԹՅԱՆ ԴԵՐԸ ԳԵՐՄԱՆԻԱՅԻ ԱՐԴԻ ՀԱՅ
ՀԱՄԱՅՆՔԻ ՁԵՎԱՎՈՐՄԱՆ ԳՈՐԾՈՒՄ**

(Ըստ «Գերմանիայի Հայ Ակադեմիականների Միության
Տարեգրքի. 2001-2002»)

Սփյուռքահայ գաղթօջախների կյանքում տարեգրքերի հրատարակումը ինքնակազմակերպման և ինքնապահպանման հրատապ, ինչպես նաև պատմագիտական և մշակութաբանական կարեւոր դեր ու նշանակություն ունեցող իրողություն է⁵⁶⁶։

Օտարության մեջ ազգային ինքնության պահպանման այդ մղումով է, որ գերմանարենակ մեր հայրենակից, Գերմանիայի Բոխում քաղաքի Ռուրի Համալսարանի Պատմության ֆակուլտետի Արևելյան Եվրոպայի Երկրների Նոր և Նորագույն Պատմության ամբիոնի դոկտորանտ Ազատ Օրդուխանյանը հրատարակել է «Գերմանիայի Հայ Ակադեմիականների Միության տարեգիրք. Jahrbuch des Armenisch-Akademischen Vereins – 1860 (2001-2002)» (Երևան, 2002, 260 էջ) հատորը։

Հեղինակը ներածության մեջ նշում է, որ գերմանահայ բազմաշերտ գաղութի պատմությունը տակավին խոր և համակողմանի ուսումնասիրության չի արժանացել, ուստի «...գաղութի անցյալի ու արդի վիճակի ուսումնասիրման գործը նախ և առաջ օրվա հրամայականի պես անհրաժեշտ է տեղի հա-

⁵⁶⁶ Ինչպես՝ Սերոբեան Մ., Ամերիկահայ տարեցոյցը, Պոստոն, 1912-1913; Աճեմեան Լ., Եգիպտահայ տարեցոյցը, Գահիրե, 1913-1917; Ֆրանսահայ տարեգիրքը, Փարիզ, 1926-1928; Յունահայ տարեցոյցը, Աթէնք, 1927-1928; Գարագաշ Յ., Պիոնեան Կ., Պարսկահայ տարեցոյցը, Թեհրան, 1927-1930; Պուլկարահայուն տարեցոյցը, Պլովտիվ, 1935; Եիրիքեան Լ., Դամասկահայ ամենուն տարեգիրքը, Դամասկոս, 1958; Գեղարդ. Սուրիահայ տարեգիրքը, Յալէպ, 1975-մինչև օրս և այլն։

մայնքային, գիտամշակութային ու աղգային-հասարակական կյանքը կազմակերպական նոր որակի բերելու համար»:⁵⁶⁷

Ա. Օրդուխանյանը տարեգրքի հրատարակման նպատակն է համարում նաև «գորաշարժի» ենթարկել և արդյունավետ ու նպատակային գործունեության շուրջ համախմբել գերմանահայ ուսանողությանն ու երիտասարդ մտավորականներին, նրանց ներգրավել գաղութային կառույցների աշխատանքին, ինչպես նաև ապահովել հատկապես վերջին 10-15 տարիների ընթացքում Հայաստանից տեղափոխված և ավանդաբար Գերմանիայում ապրող հայերի համերաշխ գործակցությունը: Տարեգրքում Ա. Օրդուխանյանը պատմագետ-հետազոտողին հատուկ խնամքով ներկայացրել է Գերմանիայի հայ գաղութի ձևավորման ու զարգացման պատմական ուղիագիծը 7 որոշակի շրջափուլերով. 10/11 դդ. – 19 դ. կես, 19 դ. կես – 1915 թ., 1915 – 1939 թթ., 1939 – 1945 թթ., 1945 թ. – 1950-ական թ. սկիզբ, 1950 – ական թ. սկիզբ – 1960-ական թ. կես, 1960-ական թ. կես – 1990-ական թ. վերջ:⁵⁶⁸ Պատմական այս ժամանակագրությունը ներառում է տարբեր զբաղմունքների տեր հայ առաջին պանդուխտ անհատների և ընտանիքների, ապա ուսանողների, տնտեսական ու քաղաքական հետապնդումների ենթարկված տարագիրների, Հայոց ցեղասպանությունից մազապուրծ գաղթականների, Հայաստանի խորհրդայնացման հետևանքով վտարանդվածների, Երկրորդ աշխարհամարտի ռազմագերիների և հայրենազուրկ հայերի, ինչպես նաև Թուրքիայից, Իրանից, Մերձավոր Արևելքի երկրներից, իսկ վերջերս նաև Հայաստանից և նախկին Խորհրդային Միության հանրապետություններից արտագաղթած հայերի հոսքը դեպի Գերմանիա: Ներկայումս ամբողջ Արևմտյան, Հյուսիսային և Հարավային Եվրոպայի երկրների հայ գաղութների շարքում Գերմանիայի հայությունն իր 35.000-40.000 թվաքանակով Ֆրանսիայի հայ գաղութից հետո զբաղեցնում է երկրորդ տեղը:

Գերմանիայի ժամանակակից հայ գաղութը, որպես վերջին տասնամյակների միգրացիոն գործընթացների հետևանքով արդեն իսկ ձևավորված գաղութ, թեպետ կրում է եվրոպական

⁵⁶⁷ Օրդուխանյան Ա., Գերմանիայի Հայ Ակադեմիականների Միության տարեգիրք. Jahrbuch des Armenisch-Akademischen Vereins – 1860 (2001-2002), Ե., 2002, էջ 12:

⁵⁶⁸ Նույն տեղում, էջ 19-20:

Հայ դադուլթների համանման զարգացման ընթացք, «...այնուամենայնիվ իր ձևավորման ուղու տարրեր ելևէջներում արձանագրում է նաև բավականին մեծ տարբերություններ, որոնք, ի շարս այլ առանձնահատուկ զարգացումների, սերտորեն առնչվում են նաև գերմանահայ ուսանողություն կոչվող Հետաքրքիր երևույթի հետ», ընդ որում «Գերմանիայում Հայ ուսանողություն ներկա պատկերը Հար և նման է գերմանահայ գաղութի ընդհանուր պատկերին...», - գրում է Հեղինակը:⁵⁶⁹

Ի տարբերություն ԱՄՆ-ի, Մերձավոր ու Միջին Արևելքի և Սփյուռքի այլ Հայաշատ գաղութների, Գերմանիայի Հայերը, այդ թվում նաև ուսանողները, համախմբված տեղաբաշխում չունեն, այլ տարածված են երկրի տարբեր քաղաքներում ու ավաններում: Հետևաբար դժվար է ոչ միայն նրանց համախմբելն ու միություններ կազմակերպելը, այլ նաև Գերմանիայում ապրող Հայերի և մասնավորապես Հայ ուսանողության թվի վերաբերյալ ճշգրիտ վիճակագրություն ունենալը: Նախնական տվյալներով ներկայումս Գերմանիայի 200-ից ավելի բարձրագույն ուսումնական հաստատություններում սովորում են տարբեր երկրներից ժամանած ավելի քան 750-800 Հայ ուսանող և դոկտորանտ (ասպիրանտ), իսկ նրանց առավելագույն համախմբումը այս կամ այն համալսարանում կազմում է 20-25 անձ:⁷⁰

Թվաքանակի սակավության, ընդարձակ Գերմանիայով մեկ տարածված լինելու, ինչպես նաև Հայ երիտասարդի անհատապաշտական ընկերություն ու լեզվամտածողության ուրույն մշակույթներ ներկայացնելու հանգամանքները օբյեկտիվ և սուբյեկտիվ դժվարություններ են ստեղծում երկրի Հայ մտավորականության համախմբման համար: Հեղինակը Հայ մտավորական երիտասարդության կազմակերպման դժվարություններին է համարում նաև Հայաստանից և նախկին Խորհրդային Միության հանրապետություններից եկած Հայ ուսանողության նվազ հակվածությունը համայնքային կամ ազգային-հասարակական կառույցներ ստեղծելուն, քանի որ ի տարբերություն Սփյուռքի իրենց արևմտահայ տարեկիցների, որոնք տակավին մանկապատանեկան տարիներին արդեն ակումբահամայնքային կյանքի դպրոց են անցել մասնակցելով ազգային, համայնքային, կուսակցական համապատաս-

⁵⁶⁹ Նույն տեղում, էջ 19, 21, 22:

⁵⁷⁰ Նույն տեղում, էջ 22:

խան կառույցների աշխատանքներին, արևելահայ երիտասարդութունը գերազանցապես զուրկ է եղել համայնքային կամ հասարակական կառույցներում աշխատելու փորձառությունից:

Կազմակերպմանը խոչընդոտող հանգամանքներից են նաև գերմանական համալսարանական համակարգի աշխարհագրականորեն ոչ կենտրոնացած լինելը և ուսանող-երիտասարդության հարաշարժ լինելը: Բացի այդ, Գերմանիայում գործող հայկական կազմակերպությունները (բացառությամբ Գերմանահայոց Կենտրոնական Խորհրդի և Քյոլնի Տիկնանց Միության), համայնքային ու եկեղեցական կառույցները, հակառակ նյութական հնարավորությունների առկայության, չունեն ուսանող երիտասարդական շարժմանը նպաստող ծրագրեր: Այս առումով հեղինակն ահազանգում է. «... Գերմանահայությունը համար այսօր օդի պես անհրաժեշտ է հայ ուսանողներին և երիտասարդ մտավորականներին աջակցելը և նրանց դեռևս միակ միավորմանը՝ ՀԱՄ-ին, զարկ տալը, այլապես վաղը... առանց կազմակերպված ներուժի, գաղութը չի ունենա իր գոյատևման ամենակարևոր երաշխիքը հայ համայնքային մտավորականությունը, որը դերմանահայությունում ուծացման դեմ պայքարի առաջին պատենչը պիտի լինի»:⁵⁷¹

Հեղինակը ժամանակագրական վերլուծությամբ ներկայացնում է Գերմանիայում հայ ուսանողության անցած ուղու պատմական ուրվագիծը՝ սկսած XIX դ. կեսից մինչև ներկա ժամանակները, և նշում, որ դեռևս 1860-ական թթ. Գերմանիայում ուսանող հայ երիտասարդների կողմից միավորվելու առաջին փորձերն են կատարվել: Եթե XIX դ. երկրորդ կեսին և XX դ. առաջին քառորդին հայ երիտասարդները նախընտրում էին ուսանել հիմնականում Գերմանիայի Լայպցիգ, Բեռլին, Ենա, Հալլե, Դրեզդեն, Մյունխեն, Մարբուրգ և Հայդելբերգ քաղաքների համալսարաններում, ապա այժմ երկրի գրեթե բոլոր համալսարաններում կան հայ ուսանողների զգալի (Բեռլին, Բոխում, Մյունխեն, Ֆրանկֆուրտ, Քյոլն, Համբուրգ, Լյուբեկ) և հետզհետե ստվարացող (Ախեն, Ֆրայբուրգ, Թրիեր, Հանովեր, Մարբուրգ) համախմբումներ, սակայն այլևս բացա-

⁵⁷¹ Նույն տեղում, էջ 27, 28:

կայում է նախկինի նման մի քանի կրթօջախներում ուսանե-
լուն նախապատվութիւն տալու ավանդույթը:⁵⁷²

Միաժամանակ, եթե XIX դ. երկրորդ կեսին և XX դ.
ոկղրին Գերմանիա ուսանելու էին մեկնում հիմնականում ուու-
սական կայսրութիւնում բնակվող արևելահայերը (Շուշի,
Թիֆլիս, Բաքու, Նոր Նախիջևան, Երևան, Շամախ, Ախալքա-
լաք-Ախալցխա, Արզվին և այլն) և սակավաթիվ էին օսմանյան
կայսրութիւնից ժամանած արևմտահայերը (Կ. Պոլիս, Էրզ-
րում, Վան և այլն), ապա 1920-1950 թթ. դադարին հաջորդած
ժամանակաշրջանում ընդհուպ մինչև մեր օրերը, ակտիվացել
է սփյուռքահայ տարբեր գաղթօջախներից (Պարսկաստան, Սի-
րիա, Լիբանան, Թուրքիա, ԱՄՆ, Ֆրանսիա, Հունաստան, Բուլ-
զարիա, Իրաք և այլն), ինչպես նաև նախկին Խորհրդային Հա-
յաստանից և ԽՍՀՄ տարբեր հանրապետութիւններից հիմ-
նականում դեպի նախկին Գերմանիայի Դեմոկրատական Հան-
րապետութիւն, ապա հատկապես 1990-ական թթ. սկսած, Հա-
յաստանի Հանրապետութիւնից դեպի միացյալ Գերմանիա
ուսանելու մեկնող հայ երիտասարդների հոսքը: Այնպես որ,
այսօր Գերմանիայում ուսանող հայ երիտասարդութիւնն իրե-
նից ներկայացնում է բազմաշերտ հավաքականութիւն, որն,
ըստ Հեղինակի, «...բնորոշվում է, ոչ միայն նրա աշխարհա-
գրական գործոնով, այլ շատ հաճախ նաև զրանով պայմանա-
վորված աշխարհայացքային և լեզվամտածողութիւն, տարբեր
երկրներում ձեռք բերած սոցիալ-քաղաքական կողմնորոշմամբ
և իրենց վրա կրող իրարից լրիվ տարբեր մշակութային ազդե-
ցութիւններով: Այդ հստակ արտահայտված տարբերութիւն-
ները, մի կողմից, հարստացնում են գերմանահայ ուսանողութ-
իւն կոչվող ընդհանուր երևույթը, մյուս կողմից՝ չափազանց
դժվարացնում նրա կազմակերպչական կառույցների ստեղծ-
ման ու համատեղ աշխատանքների գործը»:⁵⁷³

Հեղինակը, ներկայացնելով Գերմանիայում հայ ուսա-
նողութիւնի դիմագրաված ֆինանսատնտեսական և բարոյա-
հոգեբանական դժվարութիւնները, անդրադարձել է նաև
արևելահայ և արևմտահայ լեզվամշակութային փոխըմբռնման
և փոխհարաբերութիւնների հարուցած դժվարութիւններին,
որի արդյունքում հայ ուսանողութիւնը նախընտրում է ընկե-
րային հարաբերութիւններ հաստատել իրեն հարազատ լեզ-

⁵⁷² Նույն տեղում, էջ 30-31:

⁵⁷³ Նույն տեղում, էջ 33:

վամշակութային հայկական ընդհանրությունների հետ: Ընդհանուր առմամբ, «...մյուս ազգերի ուսանողները չափազանց հարևանցիորեն են ներկայանում նրանց առօրյա կյանքում»:⁵⁷⁶

Վերջին 20-25 տարիների ընթացքում հայկական Սփյուռք ունեցող որոշ երկրներից և Հայաստանից դեպի Գերմանիա շարունակվող արտագաղթի արդյունքում իր վերջնական ձևավորման հանգրվանին հասած գերմանահայ գաղութում նկատելի է դարձել գերմանահայ մասնագիտական կառույցների կազմավորումը: Այդպիսիներից է 2001 թ. հունվարի 7-ին Բոխումում վերաբացված Գերմանիայի «Հայ Ակադեմիականների Միություն-1860» գիտաուսումնամշակութային կազմակերպությունը (նախագահ՝ Ա. Օրգուխուսյան), որն այժմ գերմանահայ կազմակերպությունների մեջ ամենաբազմանդամներից ու ամենագործունեյաններից մեկն է:⁵⁷⁷ ՀԱՄ-ը, որպես 1860 թ. Գերմանիայում (Լայպցիգ) գործած և երբեմնի աշխույժ ուսանողական-ակադեմիական կյանք ունեցող (Գերմանիայում են ուսանել Գրիգոր և Անդրեաս Արծրունի եղբայրները, Կոմիտասը, Ավետիք Իսա-Հակյանը, Մանուկ Աբեղյանը, Կարապետ Մելիք-Օհանջանյանը և այլք) համառոտ ավանդույթների շարունակող, նպատակ ունի «...վերակենդանացնել գերմանահայ ուսանողության պատմական հարուստ ավանդույթները և փորձել հնարավորին չափ կազմակերպել Հայ ուսանողության և երիտասարդ մտավորականների ստեղծագործական և հասարակական կյանքը Գերմանիայում»:⁵⁷⁸

ՀԱՄ-ը ունի եռաշերտ կառուցվածք. անդամագրում է կազմակերպության հիմնական առանցքը հանդիսացող Գերմանիայի, ինչպես նաև սփյուռքահայ տարբեր գաղթօջախներից և Հայաստանից ժամանած բարձր դասարանների գերմանահայ աշակերտներին, ուսանողներին, ինչպես նաև երիտասարդ մտավորականներին, որպեսզի համատեղ աշխատանքի ընթացքում հնարավոր լինի ապահով հիմքերի վրա պահել իրարհաջորդ սերունդների գործունեությունը «պահպանելու համար երեկվա և այսօրվա Հայ ուսանողության կապը»:⁵⁷⁷

⁵⁷⁴ Նույն տեղում, էջ 35:

⁵⁷⁵ Նույն տեղում, էջ 41, 42:

⁵⁷⁶ Նույն տեղում, էջ 221, 223:

⁵⁷⁷ Նույն տեղում, էջ 131, 221:

Միությունը ձգտում է ակադեմիական հենքի վրա միա-
փորել դադուլթահայ կյանքի կառույցներից հեռու մնացած
նախկին հայաստանարնակներին, նրանց կարողություններն
ու հնարավորություններն ուղղել գերմանահայ գաղութի հա-
մախմամանը, ընդհանուր զարգացմանն ու հայ-գերմանական
բարեկամական հարաբերությունների պիլի ընդլայնմանն ու
խորացմանը՝ առավել իմաստալից ու բովանդակալից դարձնե-
լու համար նրանց ուսումնառության տարիները Գերմանիա-
յում: Միությունն իր գործունեության կարևորագույն խնդիր-
ներից մեկն է համարում նաև լայնակի կապերի հաստատումը
Գերմանիայի գիտատեսական և մշակութային համակարգի
տարբեր կառույցների հետ՝ դառնալով կապող օղակ Գերմա-
նիայի և Հայաստանի համապատասխան հաստատությունների
միջև:⁵⁷⁸

ՀԱՄ ջանքերով Բոխումում գործում է Հայկական
մեկօրյա դպրոց, ուր դասավանդում են Հայերեն (գրել, կար-
դալ), Հայոց պատմություն, Հայ գրականություն, Հայաստանի
աշխարհադրություն:⁵⁷⁹

Միության մշակած գործունեության ծրագրերի մեջ է
մտնում նաև տարբեր երկրներից Գերմանիայում սովորել ցան-
կացող Հայ երիտասարդներին ուսուցման հետ առնչվող համա-
պատասխան տեղեկատվություն, խորհրդատվություն տրա-
մադրելը, դիմորդների գործերի ընդունելը, Ֆինանսական,
իրավաբանական, բժշկական ապահովագրություն, կեցության,
աշխատանքի տեղավորման և բազմաբնույթ այլ հարցերի կար-
գավորմանն աջակցելը, ինչպես նաև աշխարհի տարբեր կող-
մերից բազմալեզու Հայաշունչ գրականության ձեռքբերումը և
Գերմանիայում տարածումը:

Նորաստեղծ ՀԱՄ-ը Հաջողությամբ իրականացնում է
ուսումնամշակութային միջոցառումների մի ամբողջ շարք. մի-
ությունն արձագանքում է համազգային գրեթե բոլոր ձեռ-
նարկներին, կազմակերպում Սփյուռքի, Հայրենիքի և
օտարազգի մտավորականների ու մշակույթի գործիչների հետ
հանդիպումներ, ձեռնարկում ուղևորություններ դեպի Եվրո-
պայի հայկական համայնքներ, ինչպես նաև հոգում գերմանա-
հայ երեխաների ու պատանիների ամառային ուսում-

⁵⁷⁸ Նույն տեղում, էջ 44, 46:

⁵⁷⁹ Նույն տեղում, էջ 51, 52:

նամշակութային հանգիստը տեղի ամառային ճամբարներում, անց կացնում Ամանորյա ճոխ հանդիսություններ և այլն:

Գերմանիայի Հայ Ակադեմիականների Միության ամենամյա գործունեությունը լուսաբանող տարեգրքից բացի ՀԱՄ-ը սկսել է հրատարակել նաև միության շնորհալի անդամների ստեղծագործությունները ներկայացնող պարբերական մատենաշար:

Ա. Օրղուխանյանի հեղինակությամբ լույս տեսած «Գերմանիայի Հայ Ակադեմիականների Միության տարեգրքը» արժեքավոր ներգրում է հետզհետե հայաշատ դարձող եվրոպական այդ գաղութի, որպես արդի Սփյուռքի մի հատվածի ներհամայնքային կյանքն առարկայորեն լուսաբանելու և պատմական ընդհանուր ուրվագիծը ներկայացնելու, օտար ափերում ազգային ինքնության բացահայտման ու պահպանման ուղղությամբ: Այն ունի նաև պատմագիտական և սկզբնաղբյուրային բացառիկ արժեք ու նշանակություն գերմանահայոց արդի պատմությանն առնչվող փաստավավերագրական նյութեր տրամադրելու առումով: Մնում է հուսալ, որ Գերմանիայի Հայ Ակադեմիականների Միությունը կգործնա և կդառնա համայնքը համախմբելու առաջնորդող և Մայր Հայրենիքի հետ կապերը սերտացնող այն մտավոր ներուժը, որը ձուլման ու օտարացման համայնակուլ միջավայրում իր գործունեությամբ և հրատարակություններով կշարունակի իրականացնել հայապահպան ու ազգանպաստ օրինակելի առաքելություն:

⁵⁸⁰ Նույն տեղում, էջ 56-61:

**THE ROLE OF STUDENTS AND YOUNG INTELLECTUALS IN
THE FORMATION OF THE
MODERN ARMENIAN COMMUNITY OF GERMANY
(According to the "Yearbook of the Union of the Armenian
Academics' of Germany. 2001-2002")**

Summary

In the life of Diaspora communities the publication of yearbooks has self-organizing and self-preserving function, as well as historical and cultural important role and meaning.

The modern Armenian Community of Germany, which has been reorganized as a result of migration processes of the last decades, along with the general similarities with other European Armenian communities, has its own, unique peculiarities, which are closely related with the Armenian student life in Germany. The Armenian students (more than 800 in number) are spread in over 200 higher educational institutions of Germany (Berlin, Bochum, Munich, Frankfurt, Koln, Hamburg, Lübek, as well as Achen, Fraiburg, Trier, Hanover, Marburg, etc.), enclosing approximately from 20 to 25 people per university. Nowadays Armenian youth of Germany present a multilevel entity with geographical (Iran, Syria, Lebanon, Turkey, USA, France, Greece, Bulgaria, Iraq, as well as post-Soviet countries, etc.) and socio-political variety and diverse mentality. Subsequently, the mentioned above multiplicity is both enriching the entire German-Armenian student and intellectual life, at the same time hampering its joint organizational and cooperative activities.

Our compatriot from Germany, young historian Asat Ordoukhanian, driven with the purpose to preserve the national identity in abroad, has published the presented volume: "*Yearbook of the Union of the Armenian Academics' of Germany. Jahrbuch*

des Armenisch-Akademischen Vereins – 1860 (2001-2002)”
(Yerevan, “Zangak-97,” 2002. ISBN 99930-2-529-1, 260 p. + viii).

In this bilingual (in Armenian and German) Yearbook the author presents the general outline of the history and student life of the Armenian Community of Germany, the effective educational, academic, cultural, public, community nation-preserving activities of the recently reopened “Union of the Armenian Academicians’ of Germany-1860,” as well as objectively analyzes the Armenia-Diaspora relations, the assimilation and acculturation processes that are taking place particularly in the Armenian Community of Germany and makes historico-political conclusions.

ԲՈՎԱՆԴԱԿՈՒԹՅՈՒՆ

1. Խաչատրյան Վ.

Հայոց հին պետականության կառուցվածքի հարցը 4

2. Հարությունյան Գ.

Հայոց կաթողիկոսության դավանաբանական կազմակերպման խնդիրները ԺԴ դարի առաջին կեսին 13

3. Մաղալյան Ա.

Վարանդայի Մելիք-Միրզաբեկի մահապատժի պատճառը 30

4. Մալոյան Ա.

Լ.- Ֆ. Ֆերիեր-Սովբեֆի տեղեկությունները Տրապիզոնի մասին (XVIII դ. վերջին քառորդ) 37

5. Ամիրջանյան Հ.

Ռուսական կայսրության քաղականությունը Լոռիում XIX դ. առաջին երեսնամյակին 47

6. Հարությունյան Գ.

1856 թ. «Հաթթը Չյումայունը» և արևմտահայերի Ազգային Սահմանադրությունը 55

7. Ստեփանյան Գ.

Համառոտ ակնարկ Շամախու թեմական դպրոցի պատմությունից (XIX դ. – XX դ. սկիզբ) 67

8. Տոնոյան Գ.

Ռուս-ֆրանսիական դաշինքը և Հայկական հարցը XIX դ. 90-ական թվականներին 75

9. Բոյաջյան Հ.

Պողոս Նուբարի և Ազգային պատրիարքարանի տարածայնություններն Արևմտյան Հայաստանի բարենորոգումների ծրագրի շուրջ (1913 թ.) 84

- 10. Խոսրոնա Ա.**
Ասորիների ցեղասպանությունն Օսմանյան
Թուրքիայում Առաջին համաշխարհային
պատերազմի տարիներին 94
- 11. Հովհաննիսյան Լ.**
Արևմտյան Հայաստանի ինքնավարության
հարցը 1915 թվականին 108
- 12. Ասրյան Ա.**
Վանի նահանգապետությունը (1915 թ.
մայիսի 7-հուլիսի 18) հայոց նորագույն
պետականության նախատիպ 118
- 13. Ավետիսյան Ս.**
Սոցիալ-տնտեսական իրադրությունը
Հայաստանում 1918-1920 թթ. և Ամերկոմի առաջին
քայլերը հանրապետությանը օգնելու ուղղությամբ 132
- 14. Պետրոսյան Գ.**
Հայաստանի Հանրապետության ռազմաքաղաքական
դրությունը, հարաբերությունների վերականգնումը
Ռուսաստանի հարավի հետ (1919թ. հունիս-դեկտեմբեր) 141
- 15. Պողոսյան Ս.**
Կիլիկիայի հարցը 1920 թ. Սևրի
պայմանագրից հետո 166
- 16. Խաչատրյան Կ.**
Հայաստանը Անդրֆեդերացիայի և ԽՍՀՄ
կազմավորման գործընթացում
1921-1922 թվականներին 179
- 17. Վիրաբյան Հ.**
Խորհրդային Հայաստանում արդյունաբերական
կադրերի պատրաստման պատմությունից
(1920-1930-ական թվականներ) 199

18. Ալեքսանյան Յ. Հայերն Ուրալում, Սիբիրում և Հեռավոր Արևելքում XX դ. 20-ական թվականներին	212
19. Գրիգորյան Յ. Արցախահայերի մասնակցությունը Կուրսկի ճակատամարտում /1943 թ. հուլիսի 5 - օգոստոսի 23/	229
20. Հակոբյան Տ. Պետաշինարարական և քաղաքական գործընթացները ԼՂՀ -ում 1992 թ. հունիս-օգոստոս ամիսներին	239
21. Աղումյան Խ. Հայաստանի Հանրապետության մասնակցությունը Անժոպյան տնտեսական համագործակցության ստեղծմանն ու կայացմանը (1992-2003 թթ.)	249
22. Ավագյան Բ. Ուսանողության և երիտասարդ մտավորականության դերը Գերմանիայի արդիի հայ համայնքի ձևավորման գործում (Ըստ «Գերմանիայի Հայ Ակադեմիականների Միության Տարեգրքի. 2001-2002»)	259

CONTENTS

- 1. Khachatryan V.**
The problem of the structure of the ancient
Armenian Statehood 4
- 2. Harutyunyan G.**
The problems of the confessional organization
of the Armenian Catholicate in the first half of
the 14th century 13
- 3. Maghalyan A.**
The cause of the execution of Melik-Mirzabek
of Varanda 30
- 4. Maloyan A.**
The facts about Trebizond by L.F. Ferrieres-Sauveboef
(The last quarter of the 18th century) 37
- 5. Amirjanyan H.**
The policy of the Russian Empire in Lory
in the first three decades of the 19th century 47
- 6. Harutyunyan G.**
"Hatt-i-Humayun" of 1856 and the National
Constitution of Western Armenians 55
- 7. Stepanyan G.**
From the history of the eparchial school of Shamakhi
(the 19th c. – the beginning of the 20th century) 67
- 8. Tonoyan G.**
The Russian - French alliance and the Armenian
question in the 90s of the 19th century 75

- 9. Boyajyan H.**
Disagreements of Poghos Nubar and the National Patriarchate concerning the program of the reforms of Western Armenia (1913) 84
- 10. Khosroeva A.**
The Genocide of the Assyrians in the Ottoman Turkey during the World War I 94
- 11. Hovhannisyan L.**
The Question of the autonomy of Western Armenia in 1915 108
- 12. Asryan A.**
The provincial governorship of Van (May 7-July 18, 1915) – an archetype of the Armenian modern statehood 118
- 13. Avetisyan S.**
Social-economic situation in Armenia in 1918-1920 and the first steps of the American Committee to help the 132
- 14. Petrosyan G.**
Military-political state of the Republic of Armenia. Restoration of relations with the South of Russia (June-December, 1919) 141
- 15. Poghosyan S.**
The question of Cilicia after the conclusion of the Sevres Treaty (1920) 166
- 16. Khachatryan K.**
Armenia in the processes of the formation of the Transcaucasian Federation and the USSR in 1921-1922 179

- 17. Virabyan H.**
From the history of training of the industrial specialist in Soviet Armenia (the 1920-1930s) 199
- 18. Aleksanyan H.**
Armenians in Ural, Siberia and Far East in the 20s of the 20th century 212
- 19. Grigoryan H.**
The participation of Armenians from Artsakh in the Kursk battle (July 5-August 23, 1943) 229
- 20. Hakobyan T.**
The State Formation and political processes in the NKR in June-August, 1992 239
- 21. Adumyan Kh.**
Contribution of the Republic of Armenia to the creation and strengthening of the Black Sea economic cooperation (1992-2003) 249
- 22. Avakian K.**
The role of students and young intellectuals in the formation of the modern Armenian Community of Germany (According to the "Yearbook of the Union of the Armenian Academicians' of Germany. 2001-2002") 259

СОДЕРЖАНИЕ

1. Хачатрян В.
Вопрос структуры Древней армянской
государственности 4
2. Арутюнян Г.
Вопросы конфессиональной организации
армянского католикосата в первой
половине 14-го века 13
3. Магальян А.
Причина казни Мелик-Мирзабека из Варанды 30
4. Малоян А.
Сведения Л.-Ф. Ферриер-Совбефа о
Трапизоне (последняя четверть XVIII века) 37
5. Амирджанян А.
Политика Российской империи в Лори
в первом 30-летии XIX века 47
6. Арутюнян Г.
«Атте Юмаюм» 1856 г. и Национальная
Конституция западных армян 55
7. Степанян Г.
Краткий очерк из истории Шамахской
епархиальной школы (19 - начало 20 вв.) 67
8. Тоноян Г.
Русско-французский союз и Армянский
вопрос в 90-ых гг. XIX века 75
9. Бояджян О.
Разногласия между Погос Нубаром и
Национальным патриаршеством по поводу
Реформ в Западной Армении (1913 г.) 84

- 10. Хосроева А.**
Геноцид ассирийцев в Османской
Турции в годы Первой мировой войны 94
- 11. Оганесян Л.**
Вопрос автономии Западной
Армении в 1915 г. 108
- 12. Асрян А.**
Ванская губерния (7 мая-18 июля 1915 г.)
как прототип новейшей армянской
государственности 118
- 13. Аветисян С.**
Социально-экономическое положение
Армении в 1918-1920 гг. и первые шаги
Амеркома по оказанию помощи
республике 132
- 14. Петросян Г.**
Военно-политическое положение
Республики Армения и возобновление
отношений с югом России
(июнь-декабрь 1919г.) 141
- 15. Погосян С.**
Вопрос Киликии после Севрского
договора 1920 года 166
- 16. Хачатрян К.**
Армения в процессе образования
Закавказья и СССР в 1921-1922 гг. 179

17. **Вирабян Г.**
Из истории подготовки производственных
кадров в Советской Армении
(1920-1930-ые гг.) 199
18. **Алексян Г.**
Армяне на Урале, в Сибири и на
Дальнем Востоке в 20-ых гг. XX века 212
19. **Григорян А.**
Участие арцахских армян в Курском
сражении (5 июля – 23 августа 1943 г.) 229
20. **Акопян Т.**
Госстроительство и политические
процессы в НКР с июня по
август 1992 г. 239
21. **Адумян Х.**
Участие Республики Армения в
образовании и становлении Черноморского
экономического сотрудничества
/1992-2003гг./ 249
22. **Авагян К.**
Роль студенчества и молодой интеллигенции в
формировании современной армянской
общины в Германии 259